

दिशेहारा

श्रीविद्येश्वरस्य मङ्गलमकारः ।

बरेल्ले लाईसेन्सी
कलिकाता ।

श्रावण, १७२८

প্রকাশক
শ্রীবরেন্দ্রনাথ ঘোষ
২০৪ কর্ণওয়ালিস স্ট্রীট,
কলিকাতা।

প্রকাশক কর্তৃক সর্বস্বত্ব সংরক্ষিত।

প্রচার প্রকৌলচন্দ্রে
শান্তি প্রচার প্রেস
নং ছিদায় শ্রীদির লেখ

বিদ্যায়, বিনয়ে, স্নেহে, আন্তরিকতায় যিনি
আনার বন্ধুকুল উজ্জলরত্ন, স্বদেশ ও
স্বধর্মনিষ্ঠ শ্রীযুক্ত তারকনাথ গুপ্ত
সুহৃদরের করকমলে এই
গ্রন্থখানি উপস্থিত
হইল।

২৫শে শ্রাবণ, ১৩২৮
অবিনাশ মিত্রের লেন.
কলিকাতা

}

শ্রীবিজয়রত্ন মজুমদার

নিশেহারা

প্রথম পরিচ্ছেদ

ক'নে দেখা হইয়া গেল :

শুনেছি বাল্যকাল না-কি মানবজীবনে সব চেয়ে মধুর, সব চেয়ে কামনার—আমার ছুভাগাবশতঃ বাল্যকালের কোন মধুরাই আমি দোখতে পাই না। শুলেব বোডিংএ আরও পাঁচনাতটি মেঘেদ সঙ্গেই সেই মধুর বাল্যকালটা অতিবাহিত হয়েছিল তার ভেতর এমন একটা কিছুই আমার নজরে আজ পর্যন্ত পড়ে নাই—বা অন্ততঃ ছাপার কেতাবে লেখা গুলতে পারে। কেউ কাছে বসে শুনতে চায়—বলতে পারি—বিশেষতঃ তার কিছুই নাই। বাল্যকালটা ছেড়ে দিলেও এ খাত্তকাহিনীর কোন ক্ষতি হবে না।

যখন থেকে এ উপন্যাসের সূত্রপাত হ'ল—আমার বয়স তখন খুব ছোট পনেরো। এই সময়টা নারীজীবন একেবারে ফল ফুলে শিকড়ে

পাতায় সমাকীর্ণ হয়ে যায়—আমি কিন্তু তার কোন আভাষ পাই নাই। কোনদিন বসন্তের উতলা বাতাস যে আমার কানের ছল থেকে মাথার চুল পর্য্যন্ত নাড়া দিয়ে যায় নাই, তা নয়—তার ভিতর থেকে চাপা দুঃখ বা আকাঙ্ক্ষা আমার প্রাণে জাগায় নাই—অন্ততঃ সে চেষ্টা বাতাসেরও ছিল না ; সে আশা-আকাঙ্ক্ষাকে মুকুলিত করতে আমার কোন আশ্রয়েরও কোন সন্ধান আমার জানা ছিল না। মাঠের মাঝে একটা গাছ যেন একেবারে আলাদা দাঁড়িয়ে রোদ্র বৃষ্টি ঝড় বাতাসের তলে বেড়েই যাচ্ছিল—ছনিয়ার কারো যোগ তার সঙ্গে আছে বলে মনেই হত না।

আমার অজানা অচেনা কেউ এক বন্ধু আছেন—আমি না দেখলেও জানতে বাকী ছিল না। সে বয়সে ঈশ্বর মানা আমার পক্ষে সহজ না থাকলেও এই আশ্রয়টিকে না মেনে উপায় ছিল না। অথচ, একটি দিনও আমি তাঁকে দেখি নাই—কিন্তু মাসের পর মাস, বছরের পর বছর তিনি যে অক্লান্তভাবে আমার খরচ জোগাইয়া চলিয়াছেন—এ বিশ্বয়ের শেষ আমি যেন কোনদিকেই দেখতে পেতাম না। এ নিয়ে মাথা ঘামাবার আমার দরকার হয় নি, কেননা আমার সহবাসিনীরা আমার বিশ্বয় ভেদ করে দিয়েছিল যে, আমি নিশ্চয়ই কোন বড় লোকের পিতৃ মাতৃহীনা অসহায়া মেয়ে ব্যাঙ্কে আমার জন্ম অগাধ টাকা সঞ্চিত আছে—আরো কত কী !

এ সব বসন্তে তারা পারে—আমার হাত খরচা বলে স্কুলের কেরানী হরদয়াল বাবু যা দিতেন তা অনেক মেয়েরই দুঃপ্রাপ্য ছিল—তাই আমার বন্ধুদের অনুমান মিথ্যা বলে মনেই হ'ত না।

দিশেহারা

আমি বলেছি, বসন্তের ধার আমি ধারতাম না; কোকিলের কুহুধ্বনি শুনে কোন বসন্ত প্রাতেই আমি জেঁগে থাকতে পারি নি—দক্ষিণে বাতাসের আশায় কখনই এধারে ওধারে বেড়াবার সখ্ আমার হয় নি—এতে আমার সুখ ছিল অনন্ত আর দুঃখ ছিল সেই পরিমাণে অত্যন্ত। সুখ অসীম ছিল বলেই একবিন্দু দুঃখ যা আমার ছিল তা এত উগ্র যে আর কী বলব। সারা নীলাকাশে এক শরচ্ছত্রের দাঁপ্ত বিভা যেমন নীলকে সাদা আবরণ পরিখে দেয়—আমার দুঃখের বিন্দুটিও আমাকে কেমন যেন বিভোর করে দিত।

জানি না—কোন্ আত্মীয় আমার শুভাকাঙ্ক্ষা করে' এ ছেন সুখের কারাগার আবিষ্কার করে দিয়েছিলেন, তাঁর কি ইচ্ছা তিনিই বলতে পারেন। পনেরো বছর বয়সে একটা নিবিড় গৃহচ্ছায়ার কল্পনা করে' আমার মন যেন নেশাখোরের মত হ'য়ে যেত। সেটা প্রায়ই হত, আমার বন্ধুদের মধ্যে কেউ যখন রঙীন শাড়ী পরে' জীবন দেবতার পাশে বসে বা দাঁড়িয়ে ছবি তুলে একখণ্ড করে পাঠিয়ে দিতেন বন্ধুকে। তলায় বাঁকা অক্ষরে সহি করে! এমন ছবি আমি বড় কম পাই নি। কারণ অনেকেই আমার আগে সে ছবি তোলাবার সুযোগ পেয়েছিলেন! তাঁরা জানতেন না যে সোনার হাতে গিয়ে ছবিগুলো অশুভ হ'য়ে যেত—বাঁকা সহির দাহিকা শক্তি আপনা হ'তেই উদ্ভূত হ'ত। সত্য গোপন করব না—আমারও অমনি ছবি তোলাবার কি দুর্দম আকাঙ্ক্ষাই না জেঁগে উঠত! কিন্তু তার তলে জলসেক ত হত না—লতাটি অকালে শুকিয়ে বাঁকছিল।

এই সময়ে একদিন সত্যিকার ডাক এল। কে ডাক দিলে, এককাল

দিশেকায়া

পরে কার যোগ নিদ্রা ভাঙ্গল কিছুই জানতে পারলাম না ; শুনা গেল—
আমাকে নিতে গাড়ী আসিব ! শুনেই মনটা কি-যে করে' উঠল—
প্রকাশ করবার শক্তি আজ আর নেই। তবে এইটুকু বলতে পারি,
আহ্লাদে নেচে উঠিনি ! যে ছবি তোলবার বৃথা কল্পনায় এতদিন উন্মাদ
হ'য়েছিলাম, সেদিন যেন তার আভাষ পেয়েই কেন্নুয়ের মত কুণো মন
আমার সঙ্কুচিত হ'য়ে পড়ছিল।

বোডিঙে আমার বিশেষ বন্ধু কেউ এদানী ছিল না। ঘাঁদের সঙ্গে
বন্ধুতা করেছিলাম তারা প্রায়ই এক এক করে' অনিচ্ছায় যমের বাড়ি
যাওয়ার মতই আমাকে ফেলে চলে গেছিল এবং সেখানে যে স্থখে স্বচ্ছন্দে
বাস করছে—তারই নিদর্শন স্বরূপ ছবিগুলো—পোড়া কয়লার মত
আমাকে পাঠিয়ে দিত। “তারা আসে—তারা চলে যায়—ফেলে যাব
মরু মাঝারে”—আমি আর কারো সঙ্গে বন্ধুতার পরিহাস করতাম না।
তা'তে করে' মেয়েরা বন্ত দেমাকে ; মাষ্টাররা বলতেন—নট এট অল
সোসাল—দুটাই আমাকে মেনে নিতে হ'য়েছিল,—তা'তে যেন গরুও
নিশে ছিল একটু।

তবু আমার বিদেয় শোকটা সকলেরই লেগে ছিল। এই বোডিঙে
যে প্রতিষ্ঠা করা গৃহটির মত বহুকাল ধ'রে আমি লোকের আনাগোনাই
দেখে আস্চি—এ অতি ছোট মেয়েটি অবধি জান্ত। কেউ বলে—
একটা ছবি পাঠিয়ে দিও ; কেউ বা দীর্ঘ পত্রের প্রত্যাশা করলে, কেউ বা
মাঝে মাঝে দেখা করার দুরাশা জানাতেও দ্বিধা করলে না।

সেদিন দিব্য একখানা ক্লাণ্ডোলেট গাড়ী—আমাকে নিতে এল।
তকুমা-পরা সহিস কোচম্যান লম্বা সেলাম করলে। আর একখানা

সিদ্দেশহার।

ভাড়াটে খার্ডক্লাশ গাড়ীতে আমার মোট মাটরান্না নিয়ে একটা বেয়ারা হবে বোধ করি—লাগ্যোলেটের পিছু পিছু ছুটে লাগল।

এই অদৃশ্য আত্মীয়ের যে ঐশ্বর্যের অভাব নেই তা ত আগে থেকেই আমার জানা ছিল—তিনি পুরুষ কি মেয়ে জানা না থাকলেও আমার মন বেশ একটু উদ্বেগ প্রকুল হ'য়ে উঠছিল।

গাড়ী অনেক পথ ছুটে যে বাড়ীটার সামনে এসে দাঁড়াল—সে যেন এ গাড়ী বা সোয়ারিটার থামবার নামবার যোগ্যই নয়। বাড়ীটা যেমন ভাঙ্গা, তেমনি বিক্রী! দরজা খোলাই ছিল, সহিদও গাড়ীর দ্বার খুলে দাঁড়িয়ে—আমার কিন্তু নামতে ইচ্ছা হচ্ছিল না। এ আমি কোথায় নামব!

সহিসকে জিজ্ঞাসা করতে যাচ্ছি, এক অপূর্ণ সুন্দরী স্ত্রীলোক মাথায় কাপড় দিয়ে দরজার ফাঁকে মুখ বাড়িয়ে বলেন—নেমে এস!

এমন সম্ভাষণেরও উত্তর দিতে হ'ল—আমি নেমে পড়তেই তিনি আমার হাত ধরে বলেন—আমি তোমার না!

মা!

স্ত্রীলোকটি সহিসের দিকে চেয়ে বলেন—যাও।

গাড়ী সরে গেল। আমার ঠিক পিছনে কলকাতার লোক বহুল রাজপথ। এখানে আর একমিনিট দাঁড়ালে যে শত শত দৃষ্টি এগিয়ে আসবে তা জেনেই আমি ভেতরে পা বাড়িয়ে বললাম—চল!

স্ত্রীলোকটি উপরে এসে বলেন—তুই আমার কথা কখনই শুনি নি—চিন্তে পারিস নে—আমিই তোমার না!

আমার মনে হ'লে—এ যেন পড়া মুখস্থ বলে যাচ্ছে। আমি

দিশেশ্বরী

সামনের একটা ঘরের দিকে চেয়ে দাঁড়িয়ে আছি, স্ত্রীলোকটি আবার বল্লেন—সোনা, আমি তোর মা !

বার বার যে লোকটা ‘মা’ বলে প্রচার করছে—এতটুকু পরিচয় আমার সঙ্গে তার ছিল না কোন দিনের । শ্রদ্ধাও যে হ’য়েছিল তা নয়, কি জানি, বুঝি ভদ্রতা রাখবার জগ্গেই আমার মাথা নত করে’ তাঁর পায়ের ধুলো নিয়ে দাঁড়িয়ে উঠতেই দেখি—কে একটা লোক সামনের ঘর থেকে বেরিয়ে আমার পানে হাঁ করে’ চেয়ে আছে । সে অসভ্য লোকটা যে কোন দিন অপরিচিতা মেয়ের কাছে দাঁড়াতে শিখেছে—তা বলে আমার মনে হ’ল না । অসভ্য মূর্খ যত বড়ই হ’ক না কেন—তার সাহস দেখে আমি আশ্চর্য্য হ’য়ে গেলাম । সেই রকম চাইতে চাইতে সে একেবারে আমার ‘মা’র কাছে এসে দাঁড়াল ।

‘মা’ একগাল হেসে, একটু নড়ে চড়ে বাল্লন—দিব্যেশ, এই আমার মেয়ে !

লোকটা যেমন লম্বা তেমনি চওড়া । বাঙ্গালীর চেহারা তেমন খুব কমই দেখা যায়—আমুন্স মনে হ’ছিল সে বুঝি বঙ্গবাসী পেশোয়ারী ফেশোয়ারী হ’বে—কিন্তু তার কথা শুনে’ বুঝলাম—তা নয়—সে বাঙ্গালীই !

দিব্যেশ আপাদমস্তক দেখতে দেখতে বল্লেন—চমৎকার !

পনেরো বছরের ইংরাজী পড়া মেয়ে, তবুও সেই মুহূর্ত্তে তার মাথা লুইয়ে পড়ল ।

পরশু আস্ব—খ’লে দিব্যেশবাবু একথানা একাক্ষরী মোহর আমার হাতে গুঁজে দিয়ে ঘরের দিকে’ গেলেন । আমার ‘মা’ও তাঁর পিছু পিছু ঘরে ঢুকলেন ।

দিশুগহারা

দুতিন মিনিট পরে আমি তাঁর দেখা পেয়েই তীব্রস্বরে জিজ্ঞাসা
করলাম—কে এ ?

তোর বর—বলে ‘মা’ হাসলেন ।

থার্ডক্লাস গাড়ীটা এসে দাঁড়িয়েছিল, আমি জিনিষপত্র দেখতে নেমে
গেলাম । মনে মনে বুঝলাম—ছবি তোলবার সম্ভাবনা হ’চ্ছে ।

দ্বিতীয় পরিচ্ছেদ

হিতোপদেশ ।

গাড়োয়ান ট্রাক নামিয়ে দিয়ে ভাড়া নিয়ে চলে গেল । আমি 'মা'র দিকে ফিরে বললাম—চাকর নেই ?

ও-মা নেই আবার ! ওরে বামনিয়া—ও-হো, সে যে বাজারে গেছে, জলখাবার আন্তে ।

আমি ট্রাকটা ছ'হাতে তুলে উপরে নিয়ে এলাম । ট্রাকটা যে হালকা ছিল তা নয় তবে আমার শরীরও ছিল যথেষ্ট মজবুত । 'মা' আমার পিছনে পিছনে উঠে এসে বল্লেন—মেয়ের আমার গায়ে জোর আছে ।

আমি তার কোন সাড়া দিলাম না । মেয়ে মানসের বলাধিকা গোরবের কথা বলে বোধ হয় নি বলেই জবাব দিতে পারা গেল না ।

আমার মা বোধ করি ভাবলেন লজ্জা, বল্লেন—হবে না ! কত কষ্টই না করেছি ওর জন্তে ! একটি মেয়েকে দূরে রেখে বৈচে থাকার যে কি কষ্ট তা আর কে বুঝবে ?

কথাগুলি হুঃখের হ'লেও তাঁর মুখে চেয়ে আমি কিছুই দেখতে পেলাম না । আমি ট্রাক খুলে কাপড় জামা বের করছি দেখে আমার

দিশেকারা

মা বলে উঠলেন—ওসব থাক্ মা, তোর জন্তে কাপড় জামা সব এসেছে—
দেখবি আয় ।

এবার আমার সতিাই লজ্জাবোধ হ'তে লাগল । কনে দেখা হয়ে
গেছিল বলেই যেন আমার মনে হ'চ্ছিল রঙ্গীন কাপড় সব এসে
পড়েছে । খালি একবার মুখ তুলে বললাম—সে থাক্ ।—বলে আমি
কাপড় বদলাতে লাগলাম ।

মা বের হয়ে গেলেন । আমি একখানা বড় আয়নার সামনে
শাড়িয়ে নিজের পরিপূর্ণ দেহ-যৌবনের পানে এই প্রথমবার অপলক দৃষ্টি
নিষ্ক্ষেপ করলাম । যা কোনদিন আমার মনে স্থান পায় নি আজ সেই
বসন্ত একেবারে রঙ্গীন হ'য়ে আমার বুকে ও মাথায় হাওয়া চালিয়ে
দিলে ! আমার মনে হ'চ্ছিল আজ যেন আমি কোন্ ডেস্‌ডিমোনার ছবি
দেখছি, নিজের ছবি বলে মনেই হল না । যে দেহকে সম্পূর্ণ করতে
পনেরো বছরের পনেরোটা বসন্ত-জ্যোৎস্না মধু বিলিয়ে গেছে—আজ
যেন তা' সার্থক মনে হ'তে লাগল ।

মা ফিরে এলেন । হাতে তাঁর জহরলাল পান্নালীর ছাপমাঝি
হলদে হুটো বাস্ম,—আমার সামনে সে দুটোকে খুলে বলেন—দেখ দেখি
সোনা কেমন জিনিষ !

যে বেনারসী শাড়ির চাকচিক্য একেবারে প্রায়াক্ককার ঘর খানাকে
শুদ্ধ জল জ্বলিয়ে দিলে তার প্রতি আমার এতটুকু লোভ জন্মাল না ।
আমি এতদিন পরেছি—আধখোলাবুক নাহেব বাড়ীর জ্যাকেট, রেশমী
সাদা শাড়ী, পায়ে মান্টিথের জুতো—তার সঙ্গে এর যে বিভিন্নতা সে
ত কাউকে বুঝিয়ে বলতে হ'বে না । এই শাড়ী ও ভেলভেটের জ্যাকেট

দেখে কিশোরী বধুর লজ্জানত যে মুক্তিটা আমার মানস চক্ষে ফুটে উঠল
তা কোনদিনই আমার কাছে লোভনীয় ছিল না। অথচ বাঙ্গালী
জীবনে সেইটাই যে ছিল স্বাভাবিক, সে আমি নিজের মনেই জানতাম
তবু কেমন একটা অসোয়াস্তি জন্মাতে লাগল।

মানুষের রসনাকে যে অনেক সময়ে মনের সঙ্গে জোর করে মিলিয়ে
কথা বলতে হয় এর আগে আমার তা অজ্ঞাত ছিল—মা বড় আশা
ক'রে দাঁড়িয়ে আছেন, আমাকে বলতে হ'ল—বেশ!

এই মা'র প্রতি ভক্তি বা আকর্ষণ যে আমার কাছে প্রবল হ'য়ে
দাঁড়িয়েছিল তা নয়, তবু তাঁর মুখে তৃপ্তির হাসিটুকু আমার উপভোগ্য
হ'য়ে উঠল।

আমার মুখেও উপভোগের তৃপ্তিটুকু বোধ করি রেখাকারে ফুটে
উঠেছিল, না তাই দেখেই বল্লেন—তিনিই সব দিয়েছেন। বুঝলি
সোনা!

আমাকে না দেখেই?

না, না—উনি যে তোকে দেখেছেন। তোদের স্কুলে কবে প্রাইজ
হ'য়েছিল!

বল কী!—গতবার প্রাইজের দিন অনেক যুবক হাঁ ক'রে
প্ল্যাটফর্মের উপর বসেছিল বটে! সেদিনটা আমার বেশ মনে আছে।
মেয়েরা প্রাইজ আন্তে যাচ্ছিল—আর তাঁরা যেন নলরাজা হ'য়ে
সামনে বসে কারো গলায় মালা পড়ে তারই তর্ক বিচার নিঃশব্দে করে
যাচ্ছিলেন। আমরা সব লজ্জাক্রম মুখে প্রাইজ নিয়ে ফিরে এসে
তাদেরই আলোচনা করেছিলাম। কেউ একেবারে রতিপতি, কেউ
দিশেহারা।

ওসমান পাশা—এমান সেজে শুজে এসেছিলেন। কেউ বা ঘন ঘন চশমা মুচছিলেন, কেউ চোখের তারা দিয়েই গিলে খাচ্ছিলেন—কারু নজরই যে প্রাইজের দিকে ছিল তা নয়, কার বরাত সুপ্রসন্ন হ'য়ে গলায় ফুলের গোড়ে পড়ে—তাই ভাবছিলেন। এ নিয়ে আমাদের হাসাহাসি, গা টেপাটিপির অন্ত ছিল না। কিন্তু এই কিছুক্ষণ আগের দেখা লোকটিকে যেন আমার স্মরণ হ'চ্ছিল না।

আমার মা বলেন—হ্যাঁ হ্যাঁ দিব্যেশবাবু তো'কে দেখেছিলেন, তো'র নামও শুনে এসেছিলেন।

এর ভেতর আশ্চর্য্য হ'বার কিছু নেই, কারণ ঐ ছ'টি দেখবার এবং শোনবার জন্মেই যে সেই সব আলাউদ্দীন খিলিজী চিতোর বের্ডিঙে উদয় হ'য়েছিলেন তা ত আমাদের জান্তে বাকী ছিল না। হ্যাঁ হ্যাঁ মনে পড়েছে—ঐ রকমের একটা লোক বোম্বাই চাদর গায়ে দিয়ে শুঁড়তোলা ৫টি জুতো পায়ে দিয়ে সামনেই হ্যাঁ করে বসেছিল বটে! বসে চেহারটা সন্সার মাথা ছাড়িয়ে উঠেছিল, মনে পড়েছে। আবার মেয়ে স্কুলে গেছেন চটি পায়ে দিয়ে, শুকনো চুল উড়িয়ে, চাদর জড়িয়ে—ঠিকই মনে পড়েছে। রমলা ঠাট্টা করে বলেছিল বটে গোরী দেখেছিঁস ভাই! তখন রবীন্দ্রবাবুর “গোরী” একটু একটু করে সারা বঙ্গে তার প্রভাব বিস্তারি কর্ছিল।

আমার মনে পড়ে গেল যেদিন প্রথম গোরী বিনয়কে ল্যাজে বেঁধে মূর্ত্তিমান বিদ্রোহের মত পরেশবাবুদের ছাদে এসে দাঁড়িয়েছিল, তার অদ্ভুত বেশটা ঠিক এই রকমেরই ছিল—বাড়ার ভাগ তার কপালে চিতাবাঘের ছাপ মারা ছিল, এর তা না থাকলেও এ যেন সকলের সামনে এসে বসেছিল সকলের চোখে পড়বার জন্মেই।

সুচরিতা ললিতার মত এই কাঠ-খোঁটা লোকটার উপরে আমার ভীষণ রাগ হ'য়েছিল ; রমলারও কম হয় নি ! আজ সে কোথায় আমি জানি নে । সে থাকলে হয়ত আজও আমার রাগ হত ; কারণ সেইদিনই সে আমাদের বুঝিয়ে দিয়েছিল এটা একটা দস্তুরমত ভণ্ডামি, নেকামী ইত্যাদি । আজ আর রাগ ততটা হ'ল না—সেই বিদ্রোহ ভাবাপন্ন লোকটা যে এই উঁচু গোড়ালি খটমটে জুতার তলাতেই আছড়ে পড়েছে বুঝে মনটা যেন খণ্ডযুদ্ধ জয়ের আনন্দ বোধ করছিল ।

মা শাড়ীখানি, জ্যাকেট পিস্টি খুলে, আবার ভাঁজ করে পুরছিলেন, অদম্য কৌতূহল আমার বুকের মধ্যে গুমরে উঠছিল ; আমি অবরুদ্ধ-ধাসে' জিজ্ঞাসা করলাম—তারপর উনি সব ঠিক ঠিকানা পেলেন কোথা ?

মা হেসে বলেন—কি জানি বাছা ! স্কুল থেকে কি ব্যাক থেকে তা ঠিক জানি নে তবে অনেকদিন ধরেই আনাগোনা করছেন । লোকটি বেশ ভালো ।

এমনও যে কেউ আনাগোনা করতে পারে—এ যেন আমার ধারণাই হ'চ্ছিল না । আবার মনে হ'চ্ছিল সে লোকটা সব পারে ! মেয়ে স্কুলে প্রাইজ দেখতে যে অমন সবার সামনে এসে বসতে পারে, কটমটিয়ে চাইতে পারে, তার লম্বা-ওড়া গোর দেহের ভেতরে যথেষ্ট শক্তি সঞ্চিত আছে, ভেবেই আমার মন স্বীকার ক'রে নিলে—যে সে সব পারে ।

মা মুহূর্তে বলেন—সোনা, বেশ সাহসী লোক নয় ? তার উপরে পয়সাও চের আছে, খুব বড় লোকের ছেলে—বুঝলি !

দিশাহারা

এ সব বোঝাবার দরকার ছিল না, তাই মার 'কথায় কেমন একটা আঘাত লাগল। বাংলা দেশের সব মেয়েকে পুষ্টি-নির্বাচনের এমন সব প্রশ্ন করা হয় কি না তা আমার জানা ছিল না—তবে সংসারে অল্প সব আত্মীয়ের চেয়ে যে মা'র সঙ্গে একথা চলতে পারে তা আমি অনেক মেয়ের কাছে শুনেছিলাম। তারা সব ছুটির পর ফিরে এসে নানা রকম গল্প করত—তাই থেকেই এ জ্ঞানটুকু অর্জন করতে পেরেছিলাম। তবু লজ্জা ত আমার হাতধরা নয়;—স্বরটা একটু জড়িয়েই গেছিল, আমি বললাম—জানি নে। বলে আমি আবার আশীর দিকে ফিরে জামার বোতাম আঁটতে লেগে গেলাম।

মা আমার বুদ্ধিমতী, বলেন—বেশ লোক। পরশু ত আসবেন, কথাবার্তা কইলেই বুঝতে পারবি।

আমি কথাবার্তা কইব!—কিন্তু একথা গলায় উঠে গলাতেই আটকে গেল। মুখ দিয়ে আমার কথা বেরুল না। এ কি কোর্টশিপ না কি? যদিও ইংরেজী নভেলও আমি ক'খানা পড়ে ফেলেছি। তাতে নায়ক নায়িকার পূর্বরাগ অমুরাগ সব একদিন আমার নয়ন-মনে মাদকতা এনে দিত আজ নিজের জীবনে তাব সূচনা পেয়ে কেমন খুঁত খুঁত করতে লাগল।

বাংলা দেশের শতকরা, সহস্রকরা ক'টা মেয়ে কোর্টশিপ করে' বিবাহ করে, সে ত আমার অজ্ঞাত নেই! ঐ গাড়ী চড়ে, জুতা পরে, 'ফাসান' করে' স্কুল-কালেজ যাওয়াই মার—তারপর একবারেই মায়ুলী প্রথা! সেই পিতামাতা বা আত্মীয়স্বজন নির্বাচিত 'পতি পরম গুরু' 'প্রণাম শতকোটি নিবেদন মিদং', বছরখানেক পরে 'প্রিয়তম'—তারপর

দিশেহারা

আর 'দরকার নেই!' তখন প্রিয়তমও নয়, প্রীগাম নিবেদন-ও নয়, তরলিক্স, মেলিন্সের ফর্দ, আর পিত্রালয়ের ভয় দেখাতেই জব্দ! এই ত!

ঘরের আলো কমে এসেছিল, মা বলতে লাগলেন—সুমতি হ'ক মা তোর। দিব্যেশের হাতে সুখী হ'তে পারবি।

এক একবার মনে হচ্ছিল—মা ও মেয়ের স্বাভাবিক আলোচনা যেন এ নয়। কিন্তু তা' ছাড়া যে আর কিছু হ'তে পারে—তা ত আমি হৃৎস্পন্দেও ভাবতে পারি না—আমি চূপ করেই রইলাম। আমার মা যে সুন্দরী শিরোমণি তা আমি বলেছি, তাঁর মনও যে উদার, শিক্ষিত তা-ও এখন বুঝলাম।

পরন্তু আসবেন—বেশ আদর যত্ন করবি, বুঝলি, যেন অসন্তুষ্ট না হ'ন।

আমি রক্তাক্তমুখে বললাম—সে আমি পারব না, তুমি করো।

আমি ত করবই—তোর আদর যত্ন না পেলে কি তারা.....

তারা? আবার কে?

এবার কি আর একলা আসবে! হু' একজন বন্ধুবান্ধবও আসতে পারে। সে জন্তে কিছু ভাবিস্ নে সোনা। সে আমি সব ঠিক করে দেব। তুই ত লেখা পড়া শিখেছিস, ভদ্রলোকের মান রাখতে তুই পারবি—আমার সে ভয় নেই।

কি বলবার জন্তে যে আমি হাঁ করছিলাম, তা আমিই জানি নে, মা বলেন—নিজের ভাল করবার সুমতি যেন চিরদিন থাকে তোর—তা হ'লেই ওরা পায়ের তলায় দাসখত লিখে পড়ে থাকবে।

বোর্ডিঙে থাকতে—রাস্তার লোকের মুখে 'দাসখত' লিখে দেওয়ার একটা গান আমি শুনেছিলাম—গানটা যত কুৎসিৎ হোক, তার সঙ্গে দিশেহারা

রমণী জাতির হৃদয়ের বুড়ুক্ষা যেন ওতঃপ্রোত মিশেছিল, কিন্তু নিজের গর্ভধারিণী জননী মুখে সে কথা শুনে আমার যেন কাউকেই দাসখতে বন্ধ করার স্পৃহা বা প্রবৃত্তি রইল না। এক মিনিট পরে আমি কুষ্ঠিতস্বরে বললাম—ঠাঁরা.....

মা বাধা দিয়ে বলেন—পাকা দেখতে কি কেউ একলা আসে রে, পাগলী! বন্ধুবান্ধব নিয়েই আসে!

একলা আসে কি-না তা আমি জানতাম না। আমার শুধু মনে হ'চ্ছিল—একলা এলেই ভালো হ'ত!

মা বলেন—দাঁড়া, আমি আলো জ্বলে আনি।

আমি দাঁড়িয়ে দাঁড়িয়ে অন্ধকারেও আশীতে নিজের প্রতিচ্ছবি দেখতে লাগলাম।

আমার মনটা অত্যন্ত কুণো এবং সংসারের কোন অভিজ্ঞতাই তার ছিল না বলেই আমি কামনা করছিলাম—দিবোশ যেন একলাই আসে! দল বেঁধে সমারোহ করে আসবার তার প্রয়োজন কি? সে ত আমাকে দেখেছে, আমাকে পাওয়ার জন্য তার চেষ্টা যত্নের এতটুকুও ক্রটি করে নি—তবে আর কেন কতকগুলো লোক এনে তাদের মাঝখানে দাঁড় করিয়ে দিয়ে আমাকে অপ্ৰস্তুত করা! তখন আমার মূনে পড়ে গেল, সেই সেবার গ্রীষ্মের ছুটির পরে রমলা কলেজে এসে বলেছিল, তার জীবন দেবতা-ও এই রকম পাঁচ সাতজন বন্ধু নিয়ে দেখতে আসার অভিনয়টি কেমেন করেছিলেন! আজও আমার ঠিক মনে আছে, রমনীকে কত আনন্দিতই না দেখেছিলাম। বন্ধুদের মধ্যে কেউ বলেন—একটু হাঁট ত! কেউ চিবুকটা তুলে ধরে বলেন—ভালো করে চেয়ে দেখ! এমনি আরও

দিশেশাহারা

কত কি ! মাগো ! এতও লোক পারে ! দিব্যেশের বকুরাও যদি সেই রকম করে ! রমলা তখন ছোটটি ছিল, আর ভারী নিরীহ ভালমানুষ সে ! আমি কি সহ করতে পারব ? এ প্রশ্ন ষতবারই করলাম, আমারই কণ্ঠ ততবার বলে উঠল - এ আমার পক্ষে অসহ ! কিন্তু পুরুষ যদি আমার সহ-অসহের অভিমান রক্ষা না করে ? তখন আমাকে সেই অগ্নিপরীক্ষায় উত্তীর্ণ হ'তেই হ'বে । নৈলে এই মায়েরও আমার অসন্তোষের সীমা থাকবে না, অপর পুরুষদের মনের মত না হ'লে তাদেরও তুষ্টি হবে না । এই দ্বিধাসঙ্কটে পড়ে বেশীক্ষণ আমাকে থাকতে হয় নি ।

. বরে আলো আসতেই আমি ঘরের এ কোণ থেকে ও কোণ পর্যন্ত সদর্পে অকুণ্ঠিতপদে চলে এলাম ; সঙ্কোচশূন্য চোখের অপলকদৃষ্টিতে চেয়ে ভাবলাম. এই রকম চলি, এই রকম যদি চাই—তারা আর কোন অবকাশই পাবে না বলতে—একবার হাঁট ত । ভালো করে' চেয়ে দেখ ত ! যে সব মেয়েরা এ রকম পারে না, তারাই লজ্জায় জড়িয়ে, সঙ্কোচে এতটুকু হ'য়ে লাঞ্ছিত হ'য়ে থাকে । তা'দের চেয়ে আমার সাহস স্বাধীনতা যে অনেক বেশী, সে ত আমি নিজে জানি ; এবং সেই পুরুষরাও জামুক । তার পর তাদের সাহস থাকে, ককক - যে প্রশ্ন পারে ! আমার মনে হতে লাগল—তারাই স্থির থাকতে পারবে না, —কখনই না !

আমার পনেরো বছরের জীবনের অভিজ্ঞান তখন ছিল না যে এমন পুরুষ জগতে দুর্লভ নয় যে রমণীর শুধু চোখের দৃষ্টি নয়—তার আকুল ক্রন্দন প্রাণের কামনা উপেক্ষা করে গগনচুম্বী হিমাদ্রিশিখরের মত ধীর স্থির থাকতে পারে ।

দ্বিদেশহারা .

তৃতীয় পরিচ্ছেদ

খাঁটি উপন্যাস ।

ঘরটা বেশ সাজানো । খুব বড় বড় ছ'খানা আয়না, ছোটো গ্লাসকেস তার ভেতরে রকম বেরকমের পুতুল, খেলনা ; দেওয়ালে বিলিতি দেশী অনেক ছবি—তার মধ্যে রমণী মূর্তিই বেশী এবং কোন কোনটি স্ক্রুটির পরিচায়ক না হ'লেও ছবির আঁট বেশ প্রফুট ছিল । সেল্ফে একটা ঘড়ি, বন্ধ হ'য়ে আছে, আটটা বেজে ! আমি সেটিকে দম দিয়ে নিজের হাত ঘড়ির সঙ্গে মিলিয়ে চালিয়ে দিলাম । বিছানাটা বেশ পুরু, ক'টা মোটা মোটা বালিশও আছে । দেওয়ালের কোণে ছ'টো সোডার খালি বোতল কাঁৎ হ'য়ে পড়ে আছে,—পা-পোসের উপর কতকগুলো দেশলাইয়ের পোড়া কাঠি, সিগারেটের দগ্ধাবশেষ টুকুরা ।

সিগারেটের অংশ আর দেশলাইয়ের কাঠি দেখে আমার কেমন ঘৃণা হয়েছিল । তখন মনে পড়ল দিব্যোশ বাবু বোধ করি আমার আসবার আগে সেই ঘরে বসেই ধূমপান করেছিলেন ।

মা আমাকে জল খাইয়ে নীচে রাঁধবার জোগাড়ে গেলেন—হ ছোটো চাকর ছোটোছুটি হাঁকাহাঁকি করছে শুনে আমি বুঝতে পেরেছিলাম—মেয়ের জন্তে আজ খুব আয়োজন হ'চ্ছে । আমি আলোটা খুব বাড়িয়ে

দিশেহারা ।

দিয়ে আশীর সামনে দাঁড়িয়ে বিক্ষিপ্ত কেশ ছ'একটি গুস্ত করে একখানা বই নিয়ে বসে গেলাম ।

বইয়ে আমার মন ছিল না । আমার চিত্তমধুপ যেখানে ছুটে ছুটে যাচ্ছিল সে ত বইতেও নয়, বোর্ডিঙেও নয়—সে ঐ আশীটার সামনে ! নিজের সৌন্দর্য্য একজন কাঠ খোঁটা লোককে পিঠমোড়া করে বেঁধে এনেছে—তাকে উপেক্ষা করার সামর্থ্য আমার ছিল না ।

যে মেয়ে বইয়ের পাতায়, বেশভূষায় পনেরো বছরের মধ্যে দশটা বছর কাটিয়ে দিয়েছে সে যে শুধু আশীর সামনে, এই জয়ের চিন্তাতেই সব ভুলে ফেলে ডুবে যাবে নিজের কাছে এ যেন বিসদৃশ ঠেকছিল, তাই বিছানায় শুয়ে বই পড়তে লাগলাম ।

এ সময়ের আমার মনের ভাব লিখতে পারলেও আমি লিখব না । কোন কুমারী মেয়ের পক্ষে সে চিন্তা যে সামাজিক মানুষের বরদাস্ত হবে না—এ আমি ভালো করেই বুঝতে পারছিলাম এবং শুধু যে তাদের বদহজমের ভাবনাতেই আমি নিবৃত্ত হলাম, তা নয়—আমি আমার সমবয়সী মেয়েদের এই শালীনতাটুকু দূর করে দিতে চাই নে । সে দেখানো চলে.উপন্যাসে, আত্মকাহিনাতে তা বিবৃত করা যেমন কুরুচি, তেমনি লজ্জাকর ।

লিখি আর' নাই লিখি—আমার ভেতরে তখন উপন্যাসই রচনা হচ্ছিল, কে করছিল কে জানে ! আমার সলজ্জ চাহনি, বৃহ পদবিক্ষেপ বিকশিত দেহলতা যে কোন্ সুদূর দেশ থেকে একজনকে আমারই কাছে টেনে এনে ফেলেছে—একদিনের বেশী ছ'দিন না দেখেই যে আমার অজানা ব্যুহ পর্য্যন্ত ভেদ করে আমার কাছে এসে দাঁড়িয়েছে—এ উপন্যাস

দিশেহারী

নয় ত কি ! সে যে যথেষ্ট সাহসী এবং পুরুষ মানুষ, তাকে জয় করে আমার যতটা গর্ব হচ্ছিল, ক্ষোভও বড় কম হচ্ছিল না। সেই প্রাইজের দিন আরো অনেক যুবক, সুন্দর, মাঝামাঝি, অপূর্ব সুন্দর—অনেক যুবক ছিল—তাদের মধ্যে পুরুষ যেন একটাও ছিল না—তারা যেন মেয়ে মানুষেরই মত, পুরুষ বেশ পরে এসেছিল—এই ভেবেই কি আমার ক্ষোভ হচ্ছিল, তা আমি জানি নে ! যে কথাটি মনের মধ্যে সঙ্কোপনে আমি অনুভব করছিলাম, তা এই :—তারা যদি সবাই এসে এমনি লুটিয়ে পড়ত, তবেই যেন আমার জয় সম্পূর্ণ বলে আমি মেনে নিতাম।

তারা পুরুষ নয়, একমাত্র যে পুরুষ ছিল, সেই নত মস্তকে আমার কৃপা ভিক্ষা করতে এসেছে—এই ভেবে বইখানা মুখের উপর চাপা দিয়ে আমি শুয়ে পড়লাম।

মা ভেবেছিলেন, আমি ঘুমুছি ! গায়ে ঠেলা দিয়ে বলেন—
খাবি চ' !

খেতে আমার ইচ্ছা করছিল না. নতুন স্থান বলেই হ'ক আর ক্ষিদে না থাকাতাই হ'ক—মা ত ছাড়লেন না। আমার হাত ধরে নীচে নামিয়ে নিয়ে গেলেন। রান্নাঘরে ঢুকে দেখি—একেবারে কী ব্যাপার। একখানা থালা, আর কম করে' পনেরো ঝোলটা বাটী সাজানো। হঠাৎ শুভ্র লুটির থাক্ দেখে আমি বললাম—ও-সব আমি খেতে পারব না।

পারবি, পারবি - বোস্।

পারব না আমি।

মা'ও জোর করে বলেন—তবে কী খাবি ? একটু কষ্ট করে করলাম কি আমার জন্তে ! যা পারিস—বোস্। •

আমিও জোর করে বললাম—দুটো মিষ্টি দাও শুধু।

মা প্রদীপনেত্রে চেপে বলেন—তা'লেই হয়েছে আর কী! নিজেও মরেছ—আমাকেও মরেছ।—বলে তিনি মুখখানা ভার করে রেকাবী থেকে চারটে বড় রসগোল্লা তুলে আমার হাতে দিতে এলেন, আমি বললাম—দুটো।

তিনি রসগোল্লা আবার রেকাবীতে রেখে উলুনের কাছে বসে বলেন—যা খুসী তাই কর. বাছা! আমি জানি নে!

খাওয়ায় ত দূরের কথা, কোন বিষয়েই আমার উপর কেউ এ পর্যন্ত জোর খাটায় নি—কাজেই আমার খাতটা হয়েছিল অল্প রকমের! তাঁর জেদ দেখে আমারও জেদ বেড়ে যাবারই কথা কিন্তু মা'র ব্যথা অভিমান—এসব কেতাবে পড়েছি ত, কাজেই মৃদুস্বরে বললাম—আজ বিকালে বোডিঙে মেয়েরা আমাকে বিদেয় ভোজ খাইয়েছিল কিনা, তাই একটুও ক্ষিধে নেই, নইলে ও-কখানা লুচি আমার কতক্ষণ!

আগে সে কথা বলিস্ নি কেন! এত ছিষ্টি করতাম না।—মা মুখ ফিরিয়ে এই কথা কয়টি বলেন। সঙ্গে সঙ্গেই দাঁড়িয়ে উঠে বলেন—তবে ঐ রাবড়ীটুকু আর মিষ্টি ক'টা খেয়ে ফেল্।

তার ওপর কি কথা চলে! আমি হাত ধুয়ে বসে পড়লাম। মা আমার মুখেব দিকে চেয়ে বলেন—পাঁচ ব্যন্নন করে' খাওয়াবার জন্তে তিনি পঁচিশটে টাকা দিয়েছিলেন।

আমার গলায় রসগোল্লা আটকে গেল. আমি কেসে উঠলাম। বিষম লেগেছে ভেবে মা ঘাট ঘাট করতে করতে আমার মাথায় ফুঁ দিতে লাগলেন।

দিশেহারা

থু' 'থু' করে সবটা ফেলে দিয়ে আমি দাঁড়িয়ে উঠলাম। বললাম—
এ যে দস্তুর মত অপমান করা !

অপমান ! কিসের অপমান ! তিনি তোকে ভালো.....

কথাটা শুনতে প্রবৃত্তিই হ'ল না, বললাম—রেখে দাও ও সব কথা !
টাকা দিয়ে অপমান !—তখনো আমার আঁচলে সেই মোহরটা বাঁধা ছিল,
খুলে সেটাকে ছুঁড়ে ফেলে দিয়ে আমি উপরে উঠে গেলাম।

নীচে থেকে মা একেবারে খণ্ড প্রলয় জুড়ে দিয়েছিলেন, এক একটা
কথা বাজের মত আমার কানে তাল লাগিয়ে দিচ্ছিল। পাঁচ মিনিট
না যেতেই মা নরম হ'য়ে উপরে এলেন ; আমার কাছে বসে বল্লেন—
অপমান নয় মা—এ ভালোবাসা। তিনি যে তোকে কত ভালোবাসেন
—তা যখন আলাপ হ'বে বুঝতে পারবি। যে গাড়ীতে এলি ঐ গাড়ী
তোর নাম করেই এসেছে, পরশু লাভচাঁদের বাড়ী থেকে নতুন প্যাটেনের
সব গহনা আসবে সে সব কি অপমান !

তবু আমার মনের সঙ্কীর্ণতা যুচল না। মা বলছিলেন—চল মা চল,
মুখের রাবড়ীটুকু খেয়ে আসবি চল। নইলে আমিও এতটুকু সামগ্রী
মুখে দিতে পারব না। সারাদিন কিছু খাই নি, তোকে খাইয়ে
তবে একটু জল মুখে দেব বলে উপস করে আছি—তুই না
খেলে.....

আমি উঠে বললাম—চল।—একেই বলে নারীর মন ! পুরুষ জয়
করতে তার কত আগ্রহ, কত আনন্দ, আবার একবিন্দু চোখের জলে
একেবারে স্রোতের খড়টির মত অসহায়, ক্ষুব্ধ !—আমি রাবড়ীটুকু খেয়ে
মাকে বসতে বললাম। সে থালাটি সরিয়ে রেখে, তিনি অন্য একটা থালা

নিয়ে খেতে বসলেন। আমার ঘুম না পেলেও 'ঘুম পেয়েছে' বলে আমি উপরে এসে শুয়ে পড়লাম।

অনেকক্ষণ অবধি ঘুম হ'ল না। কে যেন হৃদয়ের এক প্রান্ত হ'তে অল্প প্রান্ত পর্যন্ত বিদ্যুৎ পুরে দিচ্ছিল! তারই বলে দেহমন একেবারে চন্মনে হ'য়ে উঠেছিল। কখন যে ঘুমিয়ে গেছি জানি নে—কার ঠেলা-ঠেলিতে ঘুম ভেঙ্গে গেল, চোখ চেয়ে দেখি, চাকরটা আমাকে ঠেলেছে! চোখ দিয়ে আমার আগুন ছুটে গেল, সে ছ'পা পেছিয়ে গিয়ে বলে—মাইজীকা ভেদ হ'চ্ছে।

আগুন চেপে আমি দাঁড়িয়ে উঠলাম। পাশের ঘরটায় ঢুকে দেখি মা'র অঙ্গের বসন শিথিল হ'য়ে পড়ে আছে, চোখ দু'টো দৃষ্টিশূন্য বগেই মনে হ'ল—বিছানার পাশে এক ধ্যাবড়া গুকার—আমার পা টলতে লাগল।

চাকরটা মা'র গায়ে হাত দিয়ে ঠেলেছে দেখেই চাপা আগুন বৃষ্টি করে' জ্বলে উঠল। চোপ্‌রও—ষ্টুপিড—বলে আমি বিছানায় এনে দাঁড়ানাম। চাকরটা যেন একটু হেসে সরে দাঁড়াল।

আমি মা'র বসন বিগ্ৰস্ত করে ডাকলাম—মা! মা!

চাকরটা বলে—আর সাড়া দেবে না—হ'য়ে গেছে।

হ'য়ে গেছে!!! না, না—মা, মা, মা!

আর একটা চাকর ডাক্তার সঙ্গে করে এসে দাঁড়াল, ডাক্তার নাড়া দেখে বল্লেন—ফাইভ মিনিটস মোর!

আমি বললাম—বল্লেন কী!

'ইয়েস' বলে তিনি দাঁড়িয়ে উঠলেন।

দ্বিশাহারা

আমি জিজ্ঞাসা করলাম—কি হ'য়েছে ?

পরজন্ ! পরজন্ !—তিনি বেরিয়ে যাচ্ছিলেন, রামধনিয়া মা'র বালিশের নীচে থেকে এক গোছা চাবি বের করে বলে—ছোট সিন্দুকটার টাকা আছে, ৩০টে বের করে দিন ।

আমি দিলাম । ফিরে এসে বসেছি—মা জড়িয়ে জড়িয়ে বলেন—বিশ হাজার টাকার কাগজ !—দিব্যশকে নিস্ ।

হায় মা ! তখনও আমারই চিন্তায় তুমি বিভোর !

মা আবার বলেন—পাবারে বিষ হ'য়েছিল, মা । তুই যে খাস্ নি—এই আমার বরাত জোর !

আমার কিন্তু মনে হচ্ছিল—সেই যে খানাটা সরানো আছে, আমিও ছুটে গিয়ে খানিক খেয়ে আসি ।

দেখতে দেখতে সব ফুরিয়ে গেল । শেষকালে মা যে-কি বলেন, তা আমার মনে নেই । আমি স্পষ্ট তা বুঝতেও পারি নি ! কিন্তু সে জিনিষটা না-কি সব চেয়ে স্পষ্ট, সব চেয়ে স্বচ্ছ—তাই সে'টি বুঝতে পেরেছিলাম যে—মা'র জীবন-দীপ নিবে গেল ।

ঘরের ভেতর তখন আর কেউ ছিল না—এক শব, আর আমি ! 'মা' বলে যে খুব আকর্ষণ আমার ছিল তা নয়—সামান্যকালের পরিচয়ে যতটা জন্মাতে পারে এবং 'মা' নামের ভেতরে যে মোহ ছিল তার গ্রাস থেকে আমি পালাতে পারি নি । অতি বড় স্বার্থপরের কথা হ'লেও বলতে আমি বাধ্য যে আমার নিঃসঙ্গ অসহায় জীবনের দিকে দৃষ্টি পড়তেই মাতৃশোক দুর্বীর হ'য়ে উঠেছিল । তিনি আমার গর্ভধারিণী মা বলে নয়—আমার আশ্রয়-দাত্রী, রক্ষাকর্ত্রী বলে ! কার'পেটে আমি জন্মেছি,

দিশেহারা

তা আমি জানি নে—মা'র পরিচয় আজকের আগে কেউ আমার দেয় নি—কিন্তু ইনিই যে আমার মা, সে আমি বুঝেছিলুম, বিগলিত স্নেহে আমাকে আশ্রয় দেওয়া দেখে !

পৃথিবীতে আমার কেউ নেই, এই ত আমার চিরদিন জ্ঞান ছিল—সে জন্তে কখনো ক্ষোভ জন্মায় নি, কিন্তু একদিনের-এই-আত্মীয়ের-সেরা 'মা' পেয়ে মনে হ'য়েছিল—আমার সব আছে।—এ-যে কতবড় সৌভাগ্য কুবেরের ঐশ্বর্য নিয়ে আমার সামনে দাঁড়িয়েছিল, তা যখন সরে গেল. তখনই তার বিলীন রেখার পানে চেয়ে আতঙ্কে, ভয়ে, ভাবনায় আমি শিউরে উঠলাম।

চিরদিন যে স্বাধীনতার মধ্যে আপনার দর্পে-শৌর্যে বর্দ্ধিত হয়েছে—একদিনের আশ্রয় হারা হ'য়ে সে-যে এমন হ'য়ে পড়বে তা কে জানত।
আমার কাঁদতে ইচ্ছা হচ্ছিল কিন্তু হৃদপিণ্ডটা যেন লাফিয়ে উঠে ঠিক গলার নলা চেপে ধরে ধক্ ধক্ করছিল—আমি কাঁদতেও পারলাম না।

এখানে এসে অবধি নিজের চিন্তাতেই আমি এমন মত্ত বিভোর ছিলাম যে কোথায় এসেছি, কি রক্তান্ত কিছুরই যেন খেয়াল ছিল না, হঠাৎ মার গা থেকে চাকর ছুঁটো এক-এক করে' গহনা গুলো খুলে আমার দিকে এগিয়ে দিয়ে তুলে রাখতে বলে, তখন যেন আমি একেবারে সচেতন হ'য়ে উঠলাম। তবে কি আমি পিতৃহীনা নই? তবে, এখনও এমন একজন আছেন—যিনি আমার রক্ষণাবেক্ষণ, ভরণ পোষণ করতে বাধ্য! কিন্তু কোথায় তিনি? কোথায় তিনি! এ প্রশ্ন নিজেকে করা সহজ, চাকরদের করতে বিধি জন্মতে লাগল।

দিশেহারা

একঘণ্টার মধ্যে শব শ্মশানে চলে গেল—কার নিয়ে গেল, কি দিয়ে দাহ করলে; কিছুই আমি দেখিনি— মুখাঙ্গি করে, গঙ্গাস্নাত হ'য়ে আমি অচেতনের মত গাড়ী করে বাড়ী চলে এলাম।

তখন ভোরের আলোক পৃথিবীকে নূতন জীবন দান করেছিল।

চতুর্থ পরিচ্ছেদ

আপনার জন্ম।

পরদিনটা যে কখন কেমন করে কেটে গেছিল - বন্তে পারি না। রামধনিয়া একরকম জোর করেই আমাকে খানকতক লুচি একটু মিষ্টি খাইয়ে দিলে—তখন সন্ধ্যা হ'য়ে গেছে। আমার ত সন্ধ্যা হয়েইছিল। আকাশের সন্ধ্যা আর দেখব কী! অপজত শাবক বেড়াল যেমন নিজের লাজের সঙ্গেই খেলা জুড়ে দেয়— আমিও সেই অন্ধকার ঘরেই নিজের অদৃষ্টালোচনায় মননিবেশ করে দিলাম। সে বড় সুখের আলোচনা নয়—আমার পঞ্চদশবর্ষব্যাপী জীবনের সহজ সরল ধারাটি চির মঙ্গল পথে চলতে চলতে কখন যে পাহাড়ের সংঘাতে চূর্ণ বিচূর্ণ হ'য়ে গেছে— তারই যেন শেষ হাড় পাজরা কথানা সংগ্রহ করে আবার আমার জুড়ে দিতে ইচ্ছা হ'ছিল।

বেলা ৮টার সময় রামধনিয়াকে গুণাগুণাত্মীদের মদ ও খাবার খরচ দিতে মিন্দুক খুলে আমি দেগেছিলাম—টাকা আমার যথেষ্ট আছে। গুণতে হয় নি, একদৃষ্টিতেই সেটা বুঝতে পেরেছিলাম যে, আবার আমি বোডিঙে ফিরে যেতে পারি! ইচ্ছে করলে পুরোদস্তুর সংসারীও হওয়া হুঃসাধ্য নয়। কোন্ পথটা যে বেছে নেব—সেই হ'ল আমার চিন্তা।

দিশেহারা।

আমার হৃদয়টা হয়ত সৃষ্টিকর্তা পাথর দিয়েই গঠিত ছিলেন, নরম মাটা ছিল না তাঁর হাতের কাছে, নইলে এত বড় মার্ত্তবিষোগ—তাও ভুলে আজই নিজের চিন্তায় মন দিয়ে বসলাম ! মন আমার যে জিনিষেরই হোক, সংসারের শাস্ত শীতল প্রতিচ্ছবিই আমার একান্ত লভ্য বলে মনে হচ্ছিল । কারু বিনা সাহায্যেই বিনা আগ্রাসেই একটা হৃদয় যে আমার জয় করা আছে, সে-যে আমারই জন্ত উদ্বিগ্ন স্নেহে প্রেমে কোন্ সুদূর থেকে আমার পাশেই এসে দাঁড়িয়েছে, হৃদয়-মনের এ কি দুর্বলতা তখনি জান্নাল যে—একেবারে না পেলেই নয় !

সংসারে আর মেয়েরা কি করে, বিবাহের পরদিনই স্বামীকে হৃদয়ে মনে গ্রহণ করতে পারে কি না আমার জানা নেই তার দরকারও নেই—আমি তাকে জয় করেছি—আমি যে তাকেই চাই—এ আমি শপথ করতে নিজের কান দু'টিকে শুনিয়ে দিলাম । উপত্যাসের প্রেম অলৌকিক হোক, কল্পনার ছায়া হোক—কিছুমাত্র যায় আসে না—আমার উপত্যাসের নাহক যে মনপ্রাণ দিয়ে আমাকেই চেয়েছে—তা'কে বিমুখ করবার শক্তি যে আমার একটুও নেই—এ চিন্তাও বোধ করি আমার পক্ষে সুপের ছিল ।

কি-হয় না-হয়—সে যারা মানব-মনস্তত্ত্ব বিশ্লেষণের ভার নিয়ে জগৎকে আলোকিত করে দেবার সঙ্কল্প করেছেন, তাঁরা জানেন—আমি তার সম্পর্কও রাখিনি । একদিন, একটবার যাকে এই-চোখে কাছে দেখছি, একটবার একটি কথা যার এই-কানে শুনেছি—সেই তিনিই যে আমার জীবন অন্ধকারের মধ্যে উজ্জ্বল জ্যোতিষ্কের মত অগ্নান জ্যোতিঃতে আমার হৃদয়ের অন্তস্থল পর্য্যন্ত আলোকিত করে দিয়ে গেছেন—এ স্বীকার করতে ত লজ্জা নেই ।

সন্ধ্যা বেলা রামধনিনীয়া আবার টাকা চাইতে এল—শোকে স্মৃতি যে তারা সমভাবেই মদ খায়—আগে তা আমি জানতাম না। কিন্তু স্মৃতি শোকে আমার নিজের মন দিব্যে মদে মত্ত ছিল বলেই আমি সিন্দুক খুলে একখানা দশটাকার নোট তার সামনে ফেলে দিলাম। সে খানিকটা দাঁড়িয়ে থেকে, জিজ্ঞাসা করলে—বিলিতি ?

তার প্রশ্নের কি জবাব দেব আমি। গানিকক্ষণ হাঁ করে চেয়ে থেকে সে চলে গেল।

রাত্রি প্রভাত হতেই পাঁচ সাতটি স্ত্রীলোক হাঁউ মাউ করতে করতে বাড়ীতে ঢুকে পড়ল। রামধনিনীয়া তাঁদের অভ্যর্থনা করে এনে আমার সামনে ছেড়ে দিতেই তারা সব সম্বরে বলে উঠল—আহা! তবু মেয়েটাকে দেখতে পেয়েছে—কদমের আমার বরাত ভাল ছিল।

কে কদম আমি তা জানি নে, আমার মার যে কি নাম ছিল, তা তিনি আমাকে বলেন নি। এই স্ত্রীলোকগুলিকে দেখে আমার মন যেন একটা বাঁশের পুল দিয়ে নদী পার হওয়ার মত ঢলে উঠেছিল। এমনতর আমি কখনও দোঁখ নি—যদিও দেখার অভিজ্ঞতা আমার অত্যন্তই কম, তবু এদের সীজসজ্জা দেখে আমার এতটুকু শ্রদ্ধাও হ'ল না। কিন্তু এতগুলি বয়সে প্রাচীনা এবং সৌন্দর্যশালিনী রমনীকে অশ্রদ্ধা করবার সাহস আমার ছিল না, আমি বিমর্ষমুখে তাঁদের সামনে দাঁড়িয়ে রইলাম।

তাঁদের মধ্যে একজন ছিলেন যেমন স্কুলাঙ্গী তেমনি রূপবতী। তিনি চাপটালি খেয়ে বসে স্নেহপূর্ণ স্বরে বললেন—তুমি বুঝি বাছা কালই এসেছ ?

দ্বিদেশহারা •

আমি একটা হাঁ বগে চূপ করলাম।

তিনি আমার মুখের দিকে চেয়ে বল্লেন—আমাদের সব খবর দাও
নি কেন? রামধনিয়া ত জান্ত আমাদের

আর একজন বল্লেন—কখন থেকে ভেদ হ'য়েছিল?

আমি তা জানি নে।

আমি বুঝতে পারলাম এতে তাঁরা আশ্চর্য্য কম হ'ন নি। সকলে
মুখ চাওয়া-চাওয়ি করতে লাগলেন। আমি আড়ষ্টভাবে বসে আছি
দেখে রূপবতী রমণীটি বল্লেন—তা এখন কি করবে সোনা? তোমার
নাম ত সোনা?

শেষের প্রশ্নের জবাব দিলাম, প্রথমটার জবাব আমি নিজেই জানি
না—পরকে দেব কি।

তিনি বল্লেন—দেখ বাছা, এ পাড়াটি ভাল নয়। অবিশ্রি নিজের
বাড়ী তোমার এখানে থাকতে পারলেই ভালো হ'ত কিন্তু এ বড়
নছার পাড়া—আর কে-উই নেই। এখানে থাকা চলবে না। আমি
বলি কি—তুমি আমাদের ওখানেই চল। এবাড়ীটা ভাড়া দিলেই
চলবে। আমার ওখানে বরের ত দুঃখ নেই, দুটো ঘর তোমাকে ছেড়ে
দেব, আসবাব পত্র সব এখান থেকেই নিয়ে যাবে—কদমের ত জিনিষের
দুঃখ নেই।

আর একজন বল্লেন—কিসেরই বা দুঃখ ছিল নেতা? এত পয়সা,
বাড়ী গাড়ী—কদমের মত করতে কে পেরেছে—বল দেখি।

নেতা বলতে লাগলেন—আজকের দিনটা থাক বাছা! কাল
আমি এসে সব ব্যবস্থা করে দিয়ে যাব—ভাড়াটেও একটা ডেকে নিয়ে

দিশেহারা

আসব। এটা আবার ভদ্রপাড়া কিনা ভদ্রনোকই ভাড়াটে রাখতে হ'বে।

বিষয় আমার কণ্ঠে উদ্দেশ হ'য়ে উঠেছিল কিন্তু কথা কইবার সুযোগ পেলাম না।

নেতা বলতে লাগলেন—কাল—বুঝলে বাছা! কাল এসে নিয়ে যাব! কিছু ভেব না তুমি! আমার কাছে ঠিক মায়ের আদর পাবে। সুখ ঐশ্ব্য্য সব যোগাড় আমিই করে দেব।

এসব কি বলছেন আপনি?

দু'মিনিট হাঁ করে থেকে নেতা ঝঙ্কার দিয়ে বলে উঠলেন—গোঁসাই বাড়ীর কথকতা বলছি। বলি বাছা, মা কি মরবার আগে কিছুই বলে নি? ও কালীতারা, এ বলে কি লো!

কালীতারা বললেন - কদমের সব তাতেই বাড়াবাড়ি ছিল দেখিস্ নি নেতা, নইলে বড়ো মেয়ে, সাত ছেলের মা, মেয়েকে রেখেছিল আবার বড়িঙে। ওবয়সে আমরা বালাখানা গড়েছিলুম, কি বলিস ভাই ডালিম?

ডালিম তখনই বলে—ঐ ত সময়।

নেতা বললেন—বাছা আমরা তোমার আপনার জন। হিত্ চিন্তেই করছি। এখানে থাকা তোমার চলবে না—মা-মাগী অনেক উজ্জ্বল করে বাড়ীখানা করেছে, নগদও কিছু আছে ত.....বলি সিন্দুকে কি পেলো খুলে?

এ-কেমন আপনার জন—আমি তবু বুঝতে পারলাম না। বললাম—দেখি নি।

দিশেহারা

নেতা বল্লেন—খোলই না বাছা, দেখি ! কদময়ে আমার কি ছিল—তা তুমি জানবে কি বল। জানে বটে এরা ! কি বলিস, ফালী, কেমন কি-না মাতঙ্গ ?

সাজোপাজকে কথা কইতে না দিয়েই আমি বললাম—দেখুন, আমাকে মাপ করুন !

সকলে আমার পানে চেয়ে ‘থ’—বনে গেলেন। মাতঙ্গ থিয়েটারের সুরে ও ভঙ্গীতে বল্লেন—তার মানে.....

আমি এখন সিন্দুক খুলতে পারব না।

একটু গা-টেপা-টিপি করে নেতা বল্লেন—তা-নয় না-ই দেখালে বাছা। তোমার ধনদৌলত দেখে কিছু আমাদের চারটে করে হাত পা বাড়বে না। কিন্তু এখানে তোমার থাকা হ’বে না সে আমি বলে দিচ্ছি। কি বলিস্ লো মাতঙ্গ—

মাতঙ্গ কি বলতে যাচ্ছিলেন—আমি দাঁড়িয়ে উঠে বললাম—আমি এখানেই থাকুব।

নেতাও দাঁড়িয়ে উঠলেন, হাত পা নেড়ে বল্লেন—তুমি থা-ক্-ব বল্লই হ’বে ? থাকা তোমার হ’বে না এখানে। এ তুমি দেখে নিও—আমার নাম নেতা—কলকেশায় আমাকে চেম্বি না—এমন পুরুষ বাছা নেই—বুঝলে বাছা ! ও-সব নবাবা মেজাজ আমাকে দেখিও না। থাকবে থাকবে করছ—এই মুঠোর ভেতর কতগুণা গুণো আছে তার খবর রাখ কি !—বলে হাতটা মুঠো করে আমার সামনে বাড়িয়ে দিলেন।

মাথার আগুণ জ্বলা যে কাকে বলে’ তা এই প্রথম বুঝলাম।

দিশেহারা

বললাম—আমি যাব না—বলে আমি ঘর ছেড়ে বেরিয়ে যাব—নেতা আমার হাত ধরে এমনি একটা বাঁকুনি দিলেন যে আমি সশব্দে মাটিতে বসে পড়লাম।

নেতা কালীতারার জামার পিঠের বোতামটা এঁটে দিয়ে বল্লেন—সেই কালেই বলেছিলুম, কদম, কালেজে দিস্ নে, ফেসিয়ান্ শেখাস নে, পস্তাতে হ'বে। তা শুন্লে কি আমার কথা। অদেটে, অদেটে নৈলে সব কাজই আমার সঙ্গে পরামর্শ করে করত, এইটের বেলাই এমন অবাধি হ'বে কেন? বরাতে ছুঁখু থাকলে ব্রহ্মার বেটা বিষ্ণুও খণ্ডাতে পারে!—বলি হ্যাঁ-দেখ-বাছা, নেকাপণা করু নি। আমি যা বলি:.....

আমি রক্তাক্তগুথে বলে উঠলাম—আপনি কিছু বলবেন না শুধু এই দয়াটি করুন। মরতে হয় সেও ভালো, এইখানেই আমি থাকব, এখান থেকে কোথাও যাব না।

নেতা মুখ চোখ লাল করে বল্লেন—থাক না দেখি, ক'টা ঘাড়ে ক'টা মাথা আছে—একবার দেখে নিই। এত বড় অস্পর্কী নেতার কথার উপর কথা! কেন? কিসের জন্যে? এত দর্প কিসের? কত টাকা পেয়েছ যে আমাকে অগেগরাব্বিয়া! হাত পা কেটে ভানিয়ে দেব জান-না!

তবু আমি জোর করে বলতে যাচ্ছিলাম, কিন্তু গলায় আমার রক্ত এসে জমেছিল, কথা বেরা না।

নেতা বাঁ হাত কোমরে রেখে ডানহাতটো আমার দিয়ে বাড়িয়ে দিয়ে বল্লেন—থাক, তুমি, তোমার দর্প চূর্ণ-চূর্ণ করব—তবে আমি দিশেহারা।

নেতা ! ওঠ মাতঙ্গ,—চ'—একবার ভেঁদাকে খবর দিয়ে যাই ।
বেট সাবিত্রী-কন্তে অরুন্ধতী !.....আমাকে অপমান করা !... ..

আর আমি শুন্তেও পেলাম না, দৃষ্টিও লোপ পেল !

হায় ! এ কি এরা আমাকে শুনিয়ে দিলে ! এ-যে আমার
চারিদিকে আগুণ জ্বলে দিয়ে গেল !

পঞ্চম পরিচ্ছেদ

নেতা 'স্বরাজ' পাইল কি ?

জ্ঞান হ'লে দেখি, রামধনিয়া আমার মাথাটা কোলে তুলে বরফ দিচ্ছে। আমার ইন্দ্রিয় এতই শিথিল হ'য়ে গেছিল যে মাথাটা না নিয়ে নেবারও ইচ্ছে হ'ল না। আজ আমি ভাবতে আশ্চর্য হ'য়ে যাই—কি কবে সে আমি সহ্য করেছিলাম! একটা চাকরে যে আমার মাথাটা কোলে নিয়ে বসেছে—এ অপমান নারবে মেনে নিয়োছিলাম আমি কেমন করে!

যখন হাতে পায়ের শক্তি ফিরে এল, মাথাটা না নিয়ে নিলাম। রামধনিয়া গামছা শুদ্ধ বরফ মাটিতে রেখে বললে—দিদিমণি বল ত ডাক্তার বুলাই।

না—বলে আমি চোখ বুজলাম।

কেন আমার চোখ মুদ্রিত হ'য়েছিল—তা ভাবতে আমার মাথায় আবার আগুণ জ্বলে উঠল। এ কি নিদারুণ বজ্রঘাত!.....তার পর আমার মনে নেই।

সন্ধ্যা হ'তেই রামধনিয়া বললে—বাবুরা এসেছে।

সর্বান্তে যেন কে জল বিছুটি মাখিয়ে দিলে, দূর দূর করে উঠলাম। রামধনিয়া নড়ল না, দাঁড়িয়ে রইল। আবার তাকে সরে যেতে বললাম

দিশেহারা

—সে গেল না, বরং একটু নড়ে' চড়ে একবারে ঘরের মধ্যে এসে দাঁড়াল।
আর তার পেছন থেকে সেই লম্বা চওড়া লোকটি বল্লেন—আজ যাই তবে
—কি বল, সোণা ?

যান -- যান্—এখনি যান্—কোনদিন আর আসবেন-ও না।

দিব্যেশ বল্লেন--কোনদিন আসব না—বলছ কেন, তুমি কি জান
না.....

সব জানি। আপনি যান্, বলে দিচ্ছি—আর আসবেন না।

আমাকে মুখ ফেরাতে দেখে তিনি আর একটু এগিয়ে এলেন ;
আশির গায়ে তাঁর বিস্ময় মুখ ফুটে উঠল।

যাবেন কি না ?—এ গর্জনে দিব্যেশ যে বিচলিত হ'য়েছিলেন,
আশিতে তার ছায়াও পড়ল।

দিব্যেশ স্নানমুখে বল্লেন—যাচ্ছি। কিন্তু একটা কথা বলে দাও,
কেনই বা আসতে বলেছিলে, আর কেনই বা এমন দূর করে দিচ্ছ ?
আজ ত আর আমি বল্ছি নে—আজ তোমার মনঃকষ্ট.....

মনঃকষ্ট আমার কিছু নেই—আপনি যান্—যান্ বল্ছি।

দিব্যেশ বেরিয়ে গেলেন ! আমি যে আছাড় খেয়ে পড়েছি—তার
শব্দেই আবার ফিরে দাঁড়ালেন ! বুঝেই আমি মুখ তুলে বল্লাম—
আবার এসেছেন !

দিব্যেশ শুকস্বরে বল্লেন—তুমি.....

আপনি যাবেন না ?—আমি যেন মাতালের মতই দাঁড়িয়ে উঠলাম—
দিব্যেশ দৌড়ে নেমে গেলেন। নীচে একটা কোলাহল উঠল, তখন
আবার নিভে গেল। আমি কাঁপতে কাঁপতে বসে পড়লাম। সেদিনটির

কথা আজও আমার মনে আছে—আমি সাতার মতই বসুমত'র গর্ভ প্রার্থনা করেছিলাম।

সমস্ত রাত এই চাপা আগুনের ভেতর বাস করে সকালে যখন উঠে দাঁড়িলাম, পা টলছে, মাথা ঘেন-নেই। চাকর ছ'টো ঝি মাগীটার সঙ্গে হাসিতামাসা করছিল—সামনের বাড়ীর একটি বৌ ছাদে কাঁথা শুকুতে দিতে এসেছিল—আমাকে দেখেই সরে গেল।

যে যন্ত্রণা আমাকে সারাক্ষণ খণ্ড খণ্ড করে বিধছিল, আমি যেন আগে তার কারণটি ঠিক বুঝতে পারি নি। সামনের বাড়ীর বৌটির মুখ ফিরিয়ে সরে যাওয়া দেখে আমার মাথা ঘুরে গেল। আবার বিছানায় গিয়ে পড়লাম।

সেই মুহূর্তে আমি বুঝতে পারলাম যে আমার প্রাপা আমি পেতে শুরু করে দিয়েছি। কা'র নিদারুণ নিশ্চয় অভিশাপ আমার পেরে পড়েছিল, আমি জানি নে—তার চেয়ে নিশ্চয় কঠোর কিছুই ছিল না।

চোখ চেয়ে দেখি—ঘণিত ঘবটার ছবিগুলো অবপি যেন করুণ দৃষ্টিতে আমার পানে চেয়ে আছে। ঘরের নগ্ন ছবি, সোডার বোতল, সিগারেটের ভস্মাবশেষ অংশ সব যেন একেবারে জ্বল জ্বল করে উঠেছে।

বিছানা ছেড়ে বারান্দায়, বারান্দা থেকে ছাদে—আগুনের হল্কার মত আমি ছুটে ছুটে বেড়াতে লাগলাম। রামধনিয়া পরে বলেছিল—যে, আর খানিক অমনি দেখলে সে হাঁসপাতালে খবর দিত!

ছাদ থেকে এসে আবার সেই বিছানাতেই শুয়ে পড়লাম!

আমার মনে হয়েছিল তখন, যেন আমি দুঃস্বপ্ন দেখে কেঁদে উঠেছি—স্বপ্নের কান্না, চোখে জল কেউ দেখতে পাচ্ছে না—কিন্তু আমার যে

দিশেহারা

বুক ভেসে যাচ্ছিল তা ত আমি জানি। সবার চেয়ে দুঃখ এই যে সে স্বপ্ন নয় !

যে দিকে চোখ যায় চলে যাই, কি খানিকটা বিষ খেয়ে ফেলি—এ সব চিন্তাও মনের মধ্যে এসেছিল, কিন্তু পাপ ত আমার কম নয়। এই দূর্ণিত অভিশপ্ত নারীজীবন মরণাশ্রয় করতে চাইলে না ! আমার মুকুলিত নারী দেহে যে আশ্রয় ছিল, যার থেকে পরিত্রাণ পাওয়ার জন্যে ব্যাধের সামনে হরিণীর মত আমি ছুটোছুটি করছিলাম, তারই মধ্যে কি-যে সে দেখেছিল সেই জানে, মুক্তির এমন সরল পথটি চোখে দেখতে পেলো না ! আজ আমি জোর করে বলতে পারি—মন আমার এই-যে ভুলটি করেছিল, সারা জীবন চোখের জলে, অনুতাপেও তার খণ্ডন হয় নি। আজ সৃষ্টিকর্তার কাছে করজোড়ে প্রার্থনা করতে ইচ্ছে হয়—নারী সৃষ্টির অপকৃষ্ট সৃষ্টি হচ্ছে নারীর মন ! পুরুষের মন চেনবার চেষ্টা করেছি, বেশীর ভাগই চিন্তে পেরেছি, কিন্তু নিজের মনের কোন কূল কিনারা আমি চোখে দেখতে পাই নি ! রমণী তার স্রষ্টার কাছে সাগ্রহে যেন সব নেয়—রূপ, যৌবন, বর্ণ গন্ধ—সব নেয়, কেবল সেই মনটি নয়। এ ত মন নয়, এ-যে গোথরো সাপ ! এ-যে নিজের বুকে বাস করে ফণা তোলে !—এ মন পাওয়ার জন্তে যেন তারা লালায়িত না হয় !

আমি ত কেতাবে পড়েছি কম্পাসের যখন জন্ম হয় নি, তখনও সমুদ্রে জাহাজ চলত—মন না থাকলেও নারী জাতিটা চলে যেতে পারবে ! আমি ত মরতে চেয়েছিলাম, মরতে পারলে এত বড় পাপের ইতিহাস লেখবার ধৃষ্টতা আমাকে করতে হ'ত না—কিন্তু সর্বনেশে মন আমার মরতে ভয় পেল।

সেঁত মৃত্যু নয়, সেঁ যে নবীন জীবন ধারণ করবার পথ মুক্ত হ'ত ।
আবার ঠিক সন্ধ্যাবেলা রানধনিয়া ভয়ে ভয়ে বললে—দিদি,
সোই বাবু ।

আবার এসেছে ! এত বড় নিল্লজ্জ সে । কেন রানধনিয়া তা'কে
গলা ধরে' বার করে দিলে না—ভাবছি, দিব্যেশ খট মট করে ঘরে ।
ভেতর এসে দাঁড়ালেন ।

বুকে বাঁধা পাকান চাদরটি খুলে কাঁধে ফেলে বললেন—কেমন আছ,
সোনা ?

কোন উত্তর না পেয়ে এক মিনিট পরে আবার বললেন—আমাকে দয়া
কর তুমি ! তোমার জন্তে কষ্ট কি কম করেছি, সোনা ? তুমিই বল..

আমাকে নিরুত্তর দেখে সে গম্ভীরভাবেই বলে যেত লাগল—দেখ,
প্রথম যেদিন তোমাকে দেখেছিলুম, পাবার জন্তে একেবারে লাগাঘিত
হ'য়ে উঠেছিলুম, শব্দর আমাব সহায়—তোমার তিনি নিলিয়ে দিয়ে
ছিলেন ! নইলে.....

বলতে আপনার লজ্জা হয় না । আমি মেয়েমানুষ, আমার যেটুকু
ভদ্রতা জ্ঞান আছে—আপনার তা'ও নেই—বলে ঘরময় যেন ফুলকি
ছড়িয়ে আমি বাগান্দায় এসে দাঁড়ালাম । রানধনিয়া টুক করে সরে
গেল ।

দিব্যেশ বললেন—লজ্জা কিসের ! তোমার মা'র সঙ্গে আমার সব কথা
হ'য়েছিল, তুমি কি তার কিছুই জান না ?

আমি চীৎকার করে বললাম—থাক্ । জানাজানির দরকার নেই ।
যান্—আপনি নীচে । •

দিশেহারা

দিব্যেশ চাদরটা বুকে বাঁধতে বাঁধতে বলেন—আজও যাব ?

যান্—কথা কইবেন না।

দিব্যেশ বোধ করি ভয় পেয়েছিলেন, নেমে গেলেন। সদর দরজা খোলার শব্দ শুনেই আমি রামধনিকাকে ডাক দিলাম। যদি দেখা পায়—বাবুকে ডেকে আনতে আদেশ দিয়ে পাথরের মত দাঁড়িয়ে রইলাম।

দিব্যেশ আসতেই বললাম—আপনি কী চান ?

এ সময়কার তাঁর চোখের অতীব করুণ দৃষ্টিটা আমার জলন্ত চোখেও পড়ল।

দিব্যেশ বলেন—কী চাই আমি! শুনে তুমি হাসবে না?—আমি তোমার ভালোবাসা চাই!

এ কথাটা এমন ভাবে এমন স্পষ্ট উচ্চারণে পৃথিবীর কেউ যে বলতে পারে আমার তা জানা ছিল না। নর নারীর ভালোবাসা যে প্রকাশ হ'য়ে পড়ে—প্রস্ফুটিত কুমুমের গন্ধ বাতাসে ভেসে ওঠার মত। তাঁর জন্তু ত ভাষার দরকার হয় না! সে-যে যুগনাভির মত আপনার গন্ধে বিভোর হয়ে ওঠে—সে ত কাউকে প্রকাশ করে' দিতে হয় না।

দিব্যেশ আবার বলেন - তোমার জন্তে আমি কী না করেছি, সোনা ? আমার এত শ্রম কি বৃথা হ'বে ?

আমি যে সে শ্রমের জন্যে দায়ী নই—একথা বলতে পারলাম না।

দিব্যেশ একটি একটি করে' বলতে লাগলেন—আমার জীবনে সে এক স্মরণীয় দিন যেদিন তোমাকে প্রথম দেখেছিলাম.....

দেখুন, আপনি যা ভাবছেন, তা কখনই হ'তে পারবে না। প্রথম যেদিন আমাদের বাড়ীতে আমি আপনাকে দেখেছিলাম, সেদিন অতি

দিশেহারা

বড় মিথ্যার আবরণে ঢেকে আমার মা আপনার পরিচয় দিয়েছিলেন বলেই—সত্যি কথা বলব—আমার মন আপনাকে চেয়েছিল. তখন আমি জানতাম না—আপনার প্রস্তাবটা এত ঘৃণিত, এতআমি যেন 'তক্ত' বাক্য সংগ্রহ করতে লাগলাম।

দিব্যোশ বল্লেন—ঘৃণিত বল্ছো কেন ?

তা ছাড়া আর কী বলব ! এখানকার পরিচয় আমার এতই কম ছিল যে, এর আগে কোন কথা জোর করে বলবার আমার ছিল না। কিন্তু, মা'র বন্ধুরা এসে আমার নিজের ছবিটা আমার চোখের সামনে এমন করে' এঁকে দিয়ে গেছেন—যে এখন আর কিছুমাত্র অস্পষ্টতা নেই।

দিব্যোশ মৃদুস্বরে বল্লেন—কি এমন জেনেছ.....

যদিও না জানাই ছিল ভাল। কিন্তু, ভিজ্জাসা করি আপনাকে, চি চান আপনি,—আমাকে নিয়ে কি করবেন ?

দিব্যোশ উত্তেজিত স্বরে বল্লেন—কি করব ! কি করতে না পারি আমি ! তোমাকে পেলে.....

পাওয়া পাওয়া করছেন—আমাকে সংসারের সুখ দিতে পারবেন ?

এ ধারণা আমার হ'য়ে গেছিল যে এর চেয়ে অসম্ভব, অপ্রাকৃত আর কিছু নেই।

দিব্যোশ বল্লেন—পারব না ! খুব পারব ! আমরা চিরদিন হ'জনে এখানেই বাস করব।

তা হয় না ! এখানে বাস আমি করব না। দূর দেশে কোথাও
দিশেহারা

যেখানে কেউ আমাদের চিন্বে না, জান্বে না—সেখানেই আমি থাকতে চাই। পারবেন আপনি? সে সাহস আছে আপনার?

কেন থাকবে না—খুব আছে! তুমিই আগাগোড়া সব ভেবে বল দেখি—আমার সাহসের পরিচয় কি তোমরা পাও নি। কোথা থেকে কোথায়.....

কিন্তু এ ত তা নয়—এ-যে সারা জীবন ধরে বুক বেঁধে বইতে হবে—পারবেন?

তুমি আমার হও—আর সব পারব, সব পারব! আর কী বেশী বলব।

কান থেকে বুক পর্যন্ত চিড় চিড় করে উঠল। দু'মিনিট নিঃশব্দে দাঁড়িয়ে থেকে আমি বললাম—এ কি সত্য বলছেন আপনি?

এতক্ষণ এত আঘাতেও যা হয় নি, এবার তা হ'ল;—দিব্যোশ বিবর্ণ-মুখে আর্দ্রস্বরে বল্লেন—আমাকে সন্দেহ কর' না সোনা! আমি তোমাকেই চাই—আর কিছু চাই নে! তোমাকে চেয়েছি পেয়েছি; কেমন করে চেয়েছি তা জানিনে, কেমন করে' পেয়েছি তা'ও জানিনে! এই জানি পেয়েছি! যদি না পেতুম, সারা জীবন হুমত তোমার ধ্যান করেই কাটিয়ে দিতুম, কিন্তু তুমি যে আমার কামনার ধন হ'য়ে আমার সামনে এসে দাঁড়িয়েছ—এখন ত কোন বাধাতেই তোমাকে না পেলে আমার চলবে না, সোনা!

তার কথার ভেতর কি ছিল, জানি নে—কিন্তু একটু একটু করে' আমার হৃদয়ে ঢুকে পুড়িয়ে দিচ্ছিল। সেই যে একটা কি কাঁচ আছে, খুব স্বচ্ছ, শীতল—রোদে ধরে যেখানে আলো পড়ে সব পুড়ে ঝুড়ে যায়

ঠিক সেইরকম । প্রচণ্ড শীতে আগুন যেমন মধুর, তার থেকে দূরে যেতে চায় না কেউ—আমিও সেরে যেতে পারলাম না ।

দিব্যোশ বলতে লাগলেন—এ ত কথার কথা নয়, সোনা ! আমার মনপ্রাণ যে আমি তোমাকেই সঁপেছি—একি ভূমি একটুও বুঝতে পারছ না ! তোমাকে অদেয় যে আমার কিছুই নেই আমার এ কথাটি কি ভূমি অবিশ্বাস করছ ?.....

দেখুন, সে দেওয়া আমি চাই নে । আমি কি চাই তা ত বলেছি আপনাকে ।

আমিও সেইকথাই বলছি । সোনা, আমার হৃদয় মন সব তোমার ! তুলে নাও—এই তোমার পায়ের নীচে সব আমি রাখলাম—বলেই দিব্যোশ আমার হাত ধরে ফেললেন ।

যতক্ষণ তার কথাগুলো বেলাপহুত শব্দে তরঙ্গিত মত আমার হৃদয় কুলে আছাড় বিছেড় খাচ্ছিল—আমি হাত ছাড়াতে পারি নি । তরঙ্গ ফিরে যেতেই বালুকাময় বেলা যেমন চিক্ চিক্ করে ওঠে—আমিও হাত ছাড়িয়ে নিয়ে বললাম—আপনি আজ যান আজ আর আমি কথা কইতে পাচ্ছি নে ।

দিব্যোশ কাতরকণ্ঠে বললেন—আর আমাকে দুঃখ দিও না ।

দুঃখ আপনার নয়, দুঃখ আমার ! আজ যান আপনি । দু’দিন বৈত নয়—আজ যান.....

দু’দিন পরে আস্ব ?

আমি উত্তর দিয়েছিলাম কি না মনে নেই । তিনি চলে যেতেই আমি কেঁদে ফেললাম । কেবলই মনে হ’তে লাগল—এ চাতুরী কেন দিশেষহারা.

করলাম! যে পথ দিয়ে নিরাশপদভরে দিবোশ চলে গেলেন, তার সঙ্গে সঙ্গেই সে পথটাও যেন মহামরুর মত শূন্য হা হা হুয়ে গেল।

আবার ভাবলাম—ছ’দিন বৈত নয়।

ভাবতে ভাবতে চোখের পাতা মুদে এল। ঘুমে নয়. আবেশে। তখন মনে হ’ল—আপনার জন, পরমাখ্যায় নেতা যা বলে গেছে—সে নিশ্চয়ই সত্যি নয়! তা’ হ’লে কি আর দিবোশের এত আগ্রহ থাকত, না সে আস্ত আমাকে তার জীবনসঙ্গিনী করতে। অন্য জাতের নয় অণু স্থানের নয়, এয়ে হিন্দুর, বাংলার, বাঙ্গালীর জীবনের সঙ্গিনী! এর চেয়ে বড় কথা অভিধানে নেই, এর চেয়ে পবিত্রতা দেবতার মন্দিরেও আছে কি না সন্দেহ। এ যে সুখে দুঃখে, জীবনে মরণে, ইহকালে পরকালে পরস্পরকে একাভূত করে রেখে দেয়! সংসারে, বনে, ধর্ম্মে—তাদের যে স্নিগ্ধ অস্তিত্বই থাকে না—এ আর না জানে কে? দিবোশও জানে! নেতার কি অভিসন্ধি ছিল ঠিক বলতে পারি নে, তবে খবরের কাগজে মাঝে মাঝে যে সব ঘটনা দেখতে পেতাম সে সব যে নেতার মত মহিষ-মর্দিনী দানবদলনীর দ্বারাই সম্পন্ন হ’ত—তা’তে আর বিন্দুমাত্র সন্দেহও রইল না আমার মনে! সে নিজেই বলে গেছিল—নেতা না পারে কি?—পরম মিথ্যাবাদিনী হ’লেও নেতা এ’টা যে প্রব সতাই বলেছিল আমি আমি তা স্বীকার করছি! নেতা সব পারে। তার চেহারাটা মনে হ’লে এখনও আমার মাথার কেশ অবধি শিউরে ওঠে! তার হাতের পাতা ছ’টো যেন বাঘের খাবা, তার ঘাড়টা যেন একেবারে সুষঙ্ক!—সব চেয়ে চমৎকার হ’চ্ছে তার গলাটা, আর জজ ম্যাজিস্ট্রেটের মত মেজাজটা! ইংরেজ গবর্নমেন্ট যেন নেতাকে ‘স্বরাজ’ দিয়ে, পাইল

দিশেহারা

তুলে, জাহাজ ভাসিয়ে ভারত মহাসাগরে পাড়ি মেৱেছে। মাতঙ্গ, ডালিম, কালীতারা—এরা সব কাউন্সিলের বড় বড় মেম্বর—তা'দের নিয়ে স্বয়ং নেতা সরজামিনে তদারক করতে এসেছিল, সেই যে এদেশের বর্তমান কৰ্ত্তৃপক্ষ, এবং তার হাতে অগণিত পুলিশ-ফোর্সও মজুত আছে— তা'ও সে আমাকে জানিয়ে গেছিল। তার আজ্ঞার বিরুদ্ধাচরণ করলে যে আমাকে একশ সাতাশ ধারার আইনে পড়ে মারা যেতে হ'বে এবং সমস্ত সম্পত্তি সরকারে বাজেয়াপ্ত হ'বে— আইনের এ সব মাচকোফের জানাতেও সে ভোলে নি।

কিন্তু আমি ত জান্তাম, সত্যিই ইংরেজ ভারত-সাগর পার হয় নি, আপাততঃ সে ইচ্ছা তাদের মনের কোণেও নেই ; কোনদিনই সে তুর্দিন হ'বে কি না—সে বিষয়ে তাদের ও আমার -- উভয়েরই সবিশেষ সন্দেহ আছে, এবং নেতাও রাজ্যাধিকার পায় নি—তা'কে ভয় কী ! সে আমার কি করবে ? দিবোশ যে কোন বাধাই মানবে না, এ আমি নিজের কানেই শুনেছি বলে', অল্পে অল্পে নেতার কথাগুলি মনে করে' আমি একটু হেসে ফেললাম। যত বড় শয়তানই হ'কু সে -- তার ওপর রাগ আর রইল না—বরং একটু দুঃখ হ'ল ! তা'ও হ'ল সে না-কি পরিচয় দিচ্ছেছিল আমার (!) মা কদমের হিতাকাঙ্ক্ষী বন্ধু বলে !

ষষ্ঠ পরিচ্ছেদ

‘স্বরাজ’ পাইয়াছে ।

এমন ঘটনা যে কখনো ঘটতে পারে, ইংরেজ রাজত্বের সুপ্রতিষ্ঠিত শান্তি বিধ্বস্ত করে মাঝে মাঝে এমন অসম্ভবও সম্ভব হয়, ইতিহাস তা না লিখলেও আমার জীবনে আমি তা প্রত্যক্ষ করেছি । অপ্রিয় সত্য বলার অপরাধে ইংরেজ যদি ফাঁসিকাঠেও ঝুলিয়ে দেয়—আমি তা বলতে বাধ্য ।

এত দশটা হ’বে, আমি মড়ার মত নিষ্পন্দ হ’য়ে পড়ে আছি, কটা লোক ঘরে ঢুকে আমার সামনে দাঁড়িয়ে বলে—কি জিনিষপত্র আছে তোমার, নিয়ে নাও, আমাদের সঙ্গে যেতে হ’বে । নাও, ওঠ, শুয়ে থাকলে চলছে না !

নেতাব সকাল বেলায় শাসন ধক করে আমার মনে পড়ে গেল । কোথায়, কেন যেতে হ’বে—বুঝতে দেবী হল না । ভয়ে ভাবনায় আমার সর্বশরীর—কণ্ঠ পর্যন্ত আড়ষ্ট হ’য়ে গেছিল ।

তারা আমার সামনে দাঁড়িয়ে বজ্র গস্তারস্বরে বলে উঠল • ওঠ !

চেয়ে দেখলাম—এক একটা যেন যমদূত ! এমন চেহারা আর কখনো দেখি নি । চারজন লোক, অনাবৃত সুপুষ্ট দেহ, হাতে গলায়

দিশেহার!

কালো কার বাঁধা—লাঠি টাঠি দেখতে পেলাম না। কিন্তু তাতেও আমার সাহস বাড়ল না। আমার একার পক্ষে এদের একটা হাতই যে যথেষ্ট—তাদের প্রতিরোধ করার এতটুকু শক্তিও আমার নেই দেখেও, একবার যেন যাচাই করার উদ্দেশ্যেই বললাম— যদি না যাই ?

এর ভেতর যদি ফদি নেই। যাবে কি না, তাই বল, তারপর আমরা দেখে নিচ্ছি। --বলে লোকটা 'হো হো করে' হেসে উঠল।

তাদের শাক্তর তেজে, অথবা নিজের দৌর্বল্যে—যাতে করে হো'ক, আমি দাঁড়িয়ে উঠে বললাম—আমার বাড়া কি হবে ?

সে ব্যবস্থা নেতা করবে। তোমার টাকা কড়ি কি নেবার আছে নিয়ে নাও।—বলে সে সিন্দুকটা দেখিয়ে দিলে।

আমি বললাম—থাক্। চল কোথায় যেতে হ'বে ?

নেবে না ?

না। চল।

যে লোকটা আমার সঙ্গে কথা ক'ছিল, সে পাংশের একটা লোককে বললে—মোনা, তুই থাক্ এখানে। আমি নেতাকে বলি গে—সে যা বলে তো'কে খবর দেব, বুঝলি। ছ'সিয়ার থাকিস, টাকা কড়ি আছে।

সে লোকটা বসে—আচ্ছা। একটু রসদ চাই যে ওস্তাদ !

ওস্তাদ ট্যাক থেকে কি বের করে' তার হাতে দিয়ে বললে— ছ'সিয়ার।

নাচে আম্তে নাম্তে অনুশোচনায় আমার মন গুম্বরে মরতে লাগল — কেন আজ দিব্যশকে সে বিদায় দিয়েছিল ! সে থাকলে ত এ বিপদ থেকে আমাকে রক্ষা করতে পারত। এত বড় অবিবেচনার ক্ষতি যে দিশেষতারা

কোনদিনই পূরণ হ'তে পারবে না—ভেবে আমার মাথা কুটতে ইচ্ছে হচ্ছিল। দরজার কাছে এসে ওস্তাদ বলে—তোমার চাকর নেবে সঙ্গে ?
না।

গাড়ীতে উঠে বসেই আমার মনে হ'ল—এ সময়ও যদি সে এসে পড়ে ! কিছু হয় ! এদের কবল থেকে উদ্ধার করতে কলকাতার অসাড় রাস্তায় জনমানবও দেখতে পেলাম না যে চেষ্টা করে বলি—ওগো আমাকে ভাকাতো ধরে নিয়ে যাচ্ছে।

দেখিছি ত, গাড়ী করে' রাস্তাঘাটে দিনের বেলায় যেতে কত শত সাদা কালো রং বেরঙের পুলিশ ইংরেজ রাজত্বের স্বর্ণছত্র মাথায় দিয়ে বাস্তা আলো করে দাঁড়িয়ে থাকেন দরকারের সময় তাঁদের দেখা পাওয়া আরাধনা করে' ভগবান পাওয়ার চেয়েও হুঃসাধ্য হয়ে পড়ল ! কোনদিকে কাউকে দেখতে পেলাম না। কতগুলো বড় বড় রাস্তা পার হ'য়ে ত গাড়ী ছুটছিল এবং আমার চোখের তারা ত নড়ে নি—এক মহাপ্রভুরও দর্শন মিলিল না। লোকদেখানে, ভাড়া করা বলব না ত কাঁ বলব—এদের !

ওস্তাদ আর তার চেলারা সব ছাদেই বসেছিল, গাড়ী থামতেই নেমে এসে দরজা খুলে বলে—এস।

গাড়ীর শব্দ শুনে বাড়ীর দরজা খুলে যে এসে দাঁড়াল, গ্যাসের আলোয় তার চেহারা আমার সামনে ধূ ধূ করে আগুন জ্বলে দিলে !

নেতা বলে—গঙ্গা, নামানা হাতটা ধরে.....

গঙ্গা ওস্তাদ হাত বাড়তেই আমি নেমে পড়লাম। নেতা তখন আর কিছু বলে না। উপরে তার ঘরে আসিয়ে বলে - দাঁও সব তুলে রাখি

দিশেহারা

...কিছু ভয় কর' না ..আমার কাছে রাখাও থা, বিশহাত মাটির নীচে
পুঁতে রাখাও তাই। দাও...

আমি বললাম—আনিনি কিছু।

নেতা গালে হাত দিয়ে বলে—সে কি! কার ভরসায় ফেলে এলে
বাছা? টাকা কড়ি গয়না পত্র ত কদমের কম ছিল না। এমন ত
মেয়েও দেখিনি বাছা,—ফেলে এলে কি বলে? ও গঙ্গা, গঙ্গা, গেলি
না কি?

গঙ্গা বলে—মোনাকে আমি বসিয়ে এসেছি, নেতা। আমার খবর
না পেলে নড়বে না সে সেখান থেকে। ওকেও বললাম যে বাছা নিজে
চল, ও আনলে না, তা কা করব বল!

নেতা একবার আড়নয়নে চেয়ে বলে হঁ। আচ্ছ! তুই যা. কাল
সকালে যা হয় ব্যবস্থা করা যাবে।

আমি দরজার পাশে দাঁড়িয়ে দৃপ্তস্বরে বললাম এখানে কেন কেন
আমাকে?

নেতা হেসে উঠলো। আমাকে ঠেনে দিয়ে, সদর দরজাটি বন্ধ ক'রে
দিলে। অন্ধকারেও তার চোখ ছুঁটোর, আর একটা পলতোলা হারের
ত'চারখানা চক্চকে হারের আলো জ্বলে দিয়ে বলে কেন বাছা!
তোমায় ত সকালেই বলে এসেছিলাম যে নেতা যা বলে কাজে তাই
করে!

মনে মনে বললাম—সে ত দেখছি কিন্তু উদ্দেশ্যটা কি তাই জানতে
চাই আমি।

এই সময়ে আর দু'টি স্ত্রীলোক এসে দাঁড়িয়েছিল, অন্ধকারে তাদের
দিশেহারা

দেখতে না পেলেও, আমার এ বিপদের সময়েও যেন একটা জড়তা এসে গেল। একবার ইচ্ছে হল, নেতাকে ঠেলে ফেলে দিয়ে সামনের ঐ আলো জ্বালা ঘরটায় ঢুকে পড়ি যা থাকে অদৃষ্টে তারপর। কিন্তু ইচ্ছে হলেও অনেক সময়ে নিজে যে সে কাজ ঠিক করা চলে না, তার পরিচয় আগেও অনেকবার পেয়ে এসেছি।

নেতা বলে—দেখ বাছা, চোখ রাখিও না। তোমার চোখ রাখানীর কেউ ধার ধারে না। যা বলি মন দিয়ে শুন। কোন হাঙ্গামা টাঙ্গামা কর না, বেশ ভাল মান্দের মত থাক, নেতা রাজার আদরে রাখবার ব্যবস্থা করে দেবে। ধনদৌলুত গাড়ীঘোড়া আলবাট পোষাক যা খুসী, যা চাইবে ঘর ভরে পাবে। যে সব জিনিষের নাম বাপের জন্মেও শোন নি তাই নিজে পাবে।

কেউ যদি ছুঁটো পা দিয়ে নেতায় গলাটা টিপে ধরত, তবে যেন আমি স্নুহ হতাম। আমার প্রবল নিশ্বাসের শব্দেই হোক বা যাতেই হোক একটু চমকে উঠে, নেতা—খচ করে আমার হাতে টান দিয়ে বলে—ঘরে এস।

এক পা নড়ব না আমি !

বটে, নড় কি না—তাও দেখছি আমি !

পাশের একটা স্ত্রীলোক বলে—কেন মাসী জোর জবরদস্তী করছ !

শুনেচ ত, সেদিন সে মোকদ্দমাটা পুতণা মাসীর.....

রেখে দে তোর পুতণা মাসী ! আমি অমন অনেক পুতণা বধ করতে পারি ! নেতায় সঙ্গে চালাকি !

কে শাস্ত চোখে সে অঁধারেও আমার মুখের দিকে চেয়ে বলে—শুধু

দিশেহারা

চালাকির কথা হচ্ছে না নেতামাসী ! ওর যখন এতই.....

নেতা আমার হাতটায় আবার খচ করে টান দিয়ে বলে—অমন চের দেখেছি ত্রাকাপনা.....এস বাছা ঘরে এস ! ওরে অ নীহার ! আলোটা নিয়ে আয়-না বাছা !

আলো আসতেই সর্বপ্রথম আমি চেয়ে দেখলাম, তাকে ! যে আমার পক্ষ নিয়ে ঝগড়া কচ্ছে । কি শান্ত সুন্দর চোখ দু'টি ! কি পরিপূর্ণ গৌর রমণীয় মুখ—সব চেয়ে—কমণীয়তা যেন সারা মুখে কে রঙের মত বুলিয়ে দিয়েছে ।

নেতা বলে—এস.....

পবিত্র-কোমল দৃষ্টিশালিনী বলে—মাসী একটা কথা বলি শোন ।

নেতার কানে কানে কি বলে শুনতে পেলাম না । তার দরকারও হ'ল না ; নেতার গগনভেদী চীৎকারে প্রশ্নোত্তর সব সূম্পষ্ট হ'য়ে গেল ।

নেতা বজ্রগম্বীরস্বরে বলে—তুলে রাখ, তোর নেকাপড়া, চের দেখেছি । এমন কত মা গোসাই আসে ; তার পর মন্দিরের চাঁতারেই পাঠার মাংস রাখতে বসে । বুঝলি, ফুলি ? বলে, কত গেল রসাতল, নেকা-পড়াউলি দেখাবে কতজন ! গলায় দড়ি, গলায় দড়ি !

যে স্ত্রীলোকটি আলো হাতে করে দাঁড়িয়েছিল সে বলে—ঘরে এস না বাপু ! হ্যাঁ ! মাগী যেন কি ?—সেও বেশ একটা ক্রভঙ্গ করে' আনাকেই দেখলে ।

নেতা আমার টানতে টানতে যে ঘরটায় পুরলে সে ঘরটা দেখেই আমার মনে হল এ যেন সেই বাড়ীরই সেই ঘরটা, যে ঘরটায় সিগারেট খেয়ে দিব্যোশ বসেছিল, প্রথম যেদিন দেখা হয় ।

দিশেহারা

সপ্তম পরিচ্ছেদ

দিবোশ মানুষ ।

একদিন গেচে আমার যখন নিজেকে ছাড়া কা'কেও বিশ্বাস করা আমার পক্ষে সহজ ছিল না ; এমন কি ঈশ্বর বিশ্বাস করা ছিল ভারি শক্ত । আমার সে বয়সের মেয়েরা হয়ত এ কথাটা অস্বীকার করবে না এই সাহসেই বলতে পারলাম ।

নেত্যা আমাকে ঘরে ছেড়ে দিয়ে বেরিয়ে যেতেই ভুলটা অতি সহজেই আমার বোধগম্য হ'য়ে গেল । নিজেকে বিশ্বাস করে যে আমাকে ঠকতে হ'য়েছে এ ত হাতে হাতে দেখলাম । দিবোশকে বিশ্বাস না করেই এ পাখীটা ব্যাধের জালে পড়েছে—সে ত আমার নিজের ছাড়া আর কারই ভ্রম নয়—এ জেনেছি বলেই মুম্বুর মত হরিনাম আমার কণ্ঠে গুঞ্জরিয়ে উঠল । যে নাম শুধু মনে করা বলি কেন—যে নাম এবং চেহারার সামনে দিয়ে যেতেও কোনদিন ফিরে চাই নি—আজ মুক্তির আশায় অনন্তোপায় হ'য়ে তাই যেন একমাত্র অবলম্বন ভেবে অঁকড়ে ধরলাম ।

নেত্যা ফিরে এল,—একলা নয়, সপ্তরথীবেষ্টিতা হ'য়ে । তাদের ভেতর একজন যুবাপুরুষও ছিল । সে ঢুকেছিল, সবার পেছনে, কিন্তু

দিশেহারা

তার দৃষ্টিতে ছিল সবার আগে। কোন্ মুনির গণ্ডুষে গঙ্গাপানের মত আমাকে নিঃশেষ করে বলে উঠল—

কোন পগারে ছিল এমন সোনার পদ্মফুল (৩-মানি) !

রাতালের মুখের গালাগাল শোনা চলে, স্তব শুন্তে পারা যায় না, অন্ততঃ আমি পারলাম না। তার ক্ষুধিত গ্রাস থেকে আশ্রয় করা করতে আমি নেতার দীর্ঘ দেহের পার্শ্বে আশ্রয় নিলাম।

এ-যে কৈ মাছ—কড়ায় উঠেও লাফাতে হয়, নেতা আমাকে লুকোতে দেখে বলে—অত.....তে কাজ কি আর বাছা ! ও-হল আমার ভুলাল, পেটের ছেলের মত, ওকে আবার লজ্জা কিসের !

শান্ত-সুন্দর চোখের আধিকারীণীও ছিল, সে একটু মুচকি হেসে বলে—মাসীর যেন ভীমরতি হয়েছে। ও নতুন লোক, জান্বে কেমন করে বাছা যে কোন্টি তোমার পেটের ছেলে, কোন্টি তোমার.....

যুবাপুরুষ বলে—ঠিক বলেছ ফুলী বিবি ! তোমার বাবা জুজ হওয়া উচিত ছিল।—বলে সে নিজের খেয়ালেই হাসতে লাগল।

যা আশা করেছিলাম, ঠিক তাই ! ফুলী বিবি আর উত্তর দিল না। সে থেমে গিয়ে যেন আমাকে বাঁচিয়ে দিলে ! যত কথা বাড়বে, এদের এখানকার স্থিতির পরমাণু যে বাড়বে বৈ কমবে না জেনেই আমি কেবল নীরবতা প্রার্থনা করছিলাম।

নেতা বলে—শুয়ে থাক বাছা কোন ভয় নেই। আমি এই পাশের বরটাতেই থাকব। রাত্রে যখন উঠবে—আমাকে ডেকো, নতুন যায়গা, শুঁচোট মোচট লাগবে। আর...হ্যাঁ হ্যাঁ সে শুড়ে বালি। সদর দরজার চাবি পড়ে গেছে, কিছু ভয় নেই।

দিশেহারা .

হয়ত দরজা খোলা পেনে কলকাতার সহর একবার ভালো করে' পায়ে হেঁটে দেখা নিতাম সে পথও নেতা বন্ধ করেছে, আমি চুপ করে দাঁড়িয়ে রইলাম ।

চল বাপু চল—রাত হ'য়েছে

নেতা হেসে বল্লে—তুই যা-না লা কুসমি ! কে আর তোকে থাকতে বলেছে । বলি, বোতল টোতল এলো ?

লজ্জা করে না মাসি ? সে না.....

এ-সব কথা হেঁয়ালির মত বোধ হতে লাগল । এত লোক রয়েছে কেবলমাত্র তাকে শুতে পাঠাবারই কেন এত আগ্রহ, আর তাতে লজ্জার কারণ যে কি আছে, আমি ত কিছুতেই ভেবে স্থির করতে পারলাম না ।

হুলাল হাসতে হাসতে বল্লে—চল মাসী চল, বিবিকে একটু শুতে দাও ।

হ্যাঁ বাছা চল—বলে নেতা সদলবলে বেরিয়ে গেল । মন যেন ডুহাত বাড়িয়ে তাঁকেই ধরতে যাচ্ছিল, যার কেবলমাত্র স্নিগ্ধ চোখ ছুটি কেবলই আমার পানে চেয়েছিল !

দশমিনিট না যেতেই আবার পদশব্দ শোনা গেল । আমি খাটের বাজু ধরে বসেছিলাম, তাড়াতাড়ি উঠে দরজা বন্ধ করতে যাচ্ছি, ধীর পদে ঘরে ঢুকে সেই চোখ ছুটির মোহ ছড়িয়ে দিয়ে বল্লে—কৈ শোও নি—যুম আসচে না ?

না । আপনি একটু বসবেন ?

কেন বসব না ভাই !—খাটের উপর বসে আমাকে দেখতে দেখতে জিজ্ঞাসা করলে—নেতায় হাতে পড়লে কি করে ?

এর কাছে আমার জীবন যেন আগেই কে বলে দিয়েছে, তাতে গোপনতার লজ্জা বা কুণ্ডা এতটুকু নেই। আমি তা'কে সব বললাম। শুনতে শুনতে সে আমার হাত চেপে উত্তেজিত কর্তে বলে উঠল—পুলিসে খবর দেবে ?

নেত্যা পুলিসকে যে কত কম ভয় করে, তাও তাকে স্মরণ করিয়ে দিলাম।

সে বললে—তা ঠিক ! নেত্যা যে ডাক-সাইটে মাগী। ওকে ভয় না করে পুলিসেও এমন কেউ নেই। পুলিসের সাহেবেরাও ওর কাছে আসে। ও আবার বাড়ীতেই মদ বেচে কি-না.....

তবে ? তবে আমাকে কে রক্ষা করতে পারবে ?

কি জানি ভাই—কে রক্ষা করতে পারবে। বড় শক্ত হাতে পড়েছ।

আচ্ছা ওর কি উদ্দেশ্য—তুমি বলতে পার ?

কুলী একটুখানি ভেবে নিয়ে বললে—কাল নেতার মুখেই শুনবে।

তুমি বলতে পার-না !

কথাটা যে রুঢ় হ'য়ে গেছিল, তা আমি তার মুখ দেখে তবে বুঝতে পারলাম।

সে বললে—বলতে আমি পারি, কিন্তু এখন থেকেই তোমার কষ্ট হ'বে। তার চেয়ে বলি কি!—আজ একটু ঘুমিয়ে নাও...

হা রে ঘুম ! আর হা রে তুই আমার উপদেষ্টা ! মাথায় যার খুসুচির আগুণ জ্বলছে তাকে ঘুমোবার উপদেশ দিতে নারী হ'য়ে তোমার
দিশেহারা

কণ্ঠে বাঁধল না। আমি একমিনিট পরে বললাম—তা হোক, ঘুম আমার চোখে নেই, তুমি বল।

সে ইতঃস্তুত করতে লাগল। মাথাটি নীচু করে দাঁড়িয়ে উঠল, তার পরেই একেবারে দরজার কাছে এসে বলে—পারব না ভাই বলতে, তুমি আমাকে মার্ফ কর।

এতক্ষণ পর্যন্ত এর উপর শ্রদ্ধার আমার অন্ত ছিল না। মহা মরুর মাঝখানে একে যেন আমি একমাত্র পাদপ জ্ঞানে ছায়াশেষণে এর তলায় এসেছিলাম, কাছে এসেই ভুল ভেঙ্গে গেল। পরে শুনেছিলাম সে থিয়েটারের নায়িকা সাজে! সে ঠিক থিয়েটারের মত সুরে ও ভঙ্গীতে ‘মার্ফ কর’ বলে হাত দুটি জোড় করে বেরিয়ে গেল। আমি দ্রুতপদে দরজাটি বন্ধ করে মাটিতে শুয়ে পড়লাম।

একটা বিলিতি গল্পের বয়েতে পড়েছিলাম, এক বন্দী কারাগারের ভিতর বসে রাত্রে কেবল প্রহরীর পদ-ক্ষেপ শুনত! কতবার সে পশ্চিম দিকে চলেছে, কতবার পূবে, কতবার ঘুমে ঢুলে পা টলেচে তার—বন্দী অক্লান্ত পরিশ্রমে তারই হিসেব রেখে যাচ্ছে। আমার মনের অবস্থা ঠিক সেই বন্দীটিরই মত হ’য়ে পড়েছিল। আমি যে বড় একটা কিছু ভাবছিলাম, তা নয়, বরং ভাবতে গেলেই খেঁই হারিয়ে তারি ফাঁকা ফাঁকা মনে হচ্ছিল—ভাববার যেন কিছু নেই—এমনই ভাবটা! আমি কেবল লোকের পায়ে শব্দে গতি নির্ণয় করছিলাম।

নেতা পুণ্য অর্জন করতে পেছিয়ে নেই—ভোরবেলায় গামছায় চাল-কলা বেঁধে গঙ্গান্নানে চলে গেল। আমি ভাবলাম, হে মা গঙ্গা,

তোমার গর্ভে কি হাঙ্গর কুস্তীর নেই? থাকেও যদি তারা কি ডাঙ্গার পুলিশের মতই শক্তিহীন হ'য়ে পড়েছে?

একা নেত্যা নয়, এখানে দেখলাম সবাই নেত্যা। আমাদের বোডিঙের সামনে সাদারঙের একটা বাড়ী ছিল, বড়লোকের বাড়ী, রোজ সকালে আমরা দেখতাম, সে বাড়ীর অনেকগুলি বুড়ী, প্রোঢ়া, যুবতী, কিশোরী গঙ্গান্নান করতে যেত আর এক লনাট করে তেলক ফোটা কেটে একএকটা ঝাঁটন্ বুলবুল হয়ে ফিরে আসত। কেবল ফুলী যে যায় নি তা আমি ঘরে থেকেই জানতে পারলাম। নেত্যা যাবার সময় গজগজ করতে লাগল—ওর আর বেশী দিন নয়, হয়ে এসেছে, বুঝলি নীরি?

‘নীরি’ কি বুঝলে সেহ জানে, আমি যা বুঝলাম, তা এই—সময় যার নিকটবর্তী হ'য়ে আসে, সেই গঙ্গান্নানে উঠে পড়ে লেগে যায়! আমার মনে হ'ল কারু সময় যদি হ'য়ে থাকে সে নেত্যা!

তারা সব চলে গেল। বাড়ীটা যেন আর জাগতেই চায় না—খটখটে রোদ্দ ঘরকে বিভাসিত করে তুলেছে, কিন্তু কোন্‌দিকে কোন সাড়া নেই। যে সময়টা ফিরিওয়ালার ঘনঘন চীৎকারে, ময়লাফেলা গাড়ীর ঝনঝনানিতে, লোকজনের কলরবে সহর একেবারে পঞ্চমে মেতে ওঠে, এখানে দেখলাম, তার কিছুই নেই। এ-বাড়ী যেন রোদ্দের সঙ্গে জাগে না, লোকের কলরব তাদের কানে পৌঁছে না। পরে দেখেছি এ-বাড়ী সন্ধ্যাতেই হাসে। অঙ্গুরীর মত রং ধরে আলো নিয়ে দিক্‌ভ্রাস্ত পথিককে পথ দেখিয়ে দেয়, তাদের কোলাহল সারা সহরের লোকের কানে পুরে দেয়। এ আমি সন্ধ্যাবেলাতেই দেখেছি, বলছি।

ফুলী আমার ঘরে এসে বলে—যুঝিয়ে ছিলে?

দিশেহারা

উত্তর না পেয়ে নিজেই বলে—যুম কি হয়? সে আমি জানি।
কিন্তু নেতা যখন জিজ্ঞাস করবে, বলো যুম হয়েছিল।

মিথ্যা! জীবনে কোনদিন কোনপাণেই তা আমি বলতে পারব না।
ওসব ভাই কেতাবের বুলী! ও রকম মিথ্যে বলতে কোন দোষ
নেই।

ভদ্রলোকের কাছে সব মিথ্যেই সমান।

কুলী হাসলে, ঘণার হাসি নয়—সে আমি বুঝলাম। প্রভাতালোকে
তার হাসিটা মধুর ঠেকল। একটি একটি করে বলে—দেখ, আমরা না-
হয় ছোটলোক মেনেই নিলাম, কিন্তু বল দেখি, ভদ্রলোকের বাড়ীতে
এমন কি কখনও হয় না যে মিথ্যে বলা ছাড়া তখন আর উপায়
থাকে না?

একটু থেমে, আমার হাতের সব কুলিগাছটায় হাত দিয়ে নাড়তে
নাড়তে বলে—আমি একটা বড় লোকের বাড়ীতে মজরোয় যেতাম
বুঝলে.....

ওসব কোন গল্পই আমি শুনতে চাইনে।

বেশ—না হয় নাই বললাম। কিন্তু এট তুমি বুঝতে পারবে যে
নেতার কথার উত্তরে যদি তুমি বিদ্রোহ কর, হেনু করব না, ত্যানু করব
না—কর তাহ'লে দয়া করা চুলোয় যাক, নেতা আরোও ভীষণ হয়ে
পড়বে। দুটি দিন এখানে থাকলেই বুঝবে যে আমার কথা একেবারে
ছবছ ঠিক! তুমি যত নিজের গোঁ ধরবে, নেতা চামুণ্ডা হ'য়ে ধেই ধেই
নাচবে। তুমি যেটি করবে না বলবে, নেতা সেইটেই করাবে।

তা কি কেউ পারে?.....

দেখে নিও পারে কি না। একটুখানি হেসে বলে—পারাতেই নেতার জন্ম।

তার হাসিতে গা জলে গেল, বললাম—তুমি হাসচ ?

মুখখানি কিস্ত কিস্ত করে ফুলী বলে—এষে আমি বরাবার দেখে এসেছি ভাই। নেতার কাণ্ডকারখানা দেখলে যে অবাক হ'য়ে যেতে হয়।

নেতার দল কোলাহল করতে করতে ফিরে এল। সকলের হাতে একটা করে কমণ্ডলু, ললাটে তেলক-ছাপ, মাথার সামনে তৈরবচুড় বাঁধা, পরণে সব চেলি, তসর, গরদ, মটকা !

নেতা ফুলীকে বলে—কিলা, বুলী কাট্ছে ?

ফুলী উত্তর দিলে না, মুচকি হেসে আমার মুখের দিকে চেয়ে বেরিয়ে গেল।

তার ঘরটা ছিল ঠিক দরজার পাশেই। দুপূর্ব বেলা সে আমাকে তার ঘরে নিয়ে গিয়ে বসালে। তার ঘরের সাজসজ্জা যেন সকলের চেয়ে বেশী। আর সে সব সাজ সজ্জায় কেমন একটা শুভ্ররুচি আর শ্রীমণ্ডিত হু'য়ে আছে বলে আমার মনে হ'তে লাগল। কারু ঘরে যা দেখিনি, এর ঘরে তাও দেখলাম, একটা আলমারী ভর্তি বই—সব সোনালীজলে তার নাম লেখা ! এই মেয়েটিকে গোড়া থেকেই আমার ভালো লেগেছিল, সে যে শুধু তার চোখের গুণে, তা নয়—এর রুচির সৌন্দর্য-জ্ঞানের সঙ্গেও যেন আমার মনের ঐকান্তিক যোগ ছিল।

আমাকে বসিয়ে সে নিজে একখানা তোয়ালে দিয়ে আলমারীর, ছবির কাঁচ সব ঝেড়ে মুছে তুলতে লাগল। সে যে খুব সুন্দরী তা নয়—তার দিশেহারা!

চেয়ে এ পোড়া রূপের চাকচিক্য ঢের বেশী, কিন্তু সেই একহারা পাতলা চেহারার ভেতর থেকে সৌজন্মের নিখু জ্যোতিঃ ফুটে উঠে আমার চোখের কালো তারায় তার অসীম সৌন্দর্যের ছাপ পাড়ছিল। একখানা বৃন্দাবনী কাপড় তার পরণে, খুব পাতলা একটা আদ্রির জামা, পিঠে এলোচুল— বনচূষিত আকাশের উপর কালো মেঘের মত জমে উঠেছে যেন! একটা ফোল্ডিং অর্গান মুছতে মুছতে বলে—পার?

উত্তর দিতে হ'ল না, সে আবার বলে - তা আর পারবে না? কালেজে পড়েছ। আচ্ছা ভাই, কালেজে না-কি আমাদের মেয়ে নেয় না?

তা আমি জানি নে।

শুনেছিলাম নেয় না। কিন্তু তা হলে তোমাকেই বা নিয়েছিল কেন?

আমি বলতে যাচ্ছিলাম—আমাকে নেবে না ত নেবে কাকে?— কিন্তু বলা হল না। উত্তর গ্রীবা অশ্বকে কে যেন চাবুক মেরে থামিয়ে দিলে!

সন্ধ্যাবেলা ফুলী একটু আধটু প্রশোধন করে বলে—আটটার সময় আমার গাড়ী আসবে, থিয়েটারে যেতে হ'বে—তুমি যাবে ত বুল, আমি নেতাকে বলে আসি!

আমি বললাম—না।

হঠাৎ বুকটা যেন আমার তড়াক করে লাফিয়ে উঠল। নেতা ও কার সঙ্গে কথা কইছে! কার গলা ও!

ফুলীকে জড়িয়ে ধরে বললাম—ডাকো, ডাকো, তোমার ছুটি পারে পড়ি ওকে নিয়ে এসো।

দিশেহারা

ফুলী হাঁ করে ছ'মিনিট আমার মুখের দিকে চেয়ে বেরিয়ে গেল।
আমি বন্ধ ঘারে কান পেতে বলে উঠলাম—দিব্যোশ, দিব্যোশ, দিব্যোশ !
এ-জগতে রমণীর একমাত্র আরাধনার পুরুষ—দিব্যোশ !
ফুলী হেসে, কটাক্ষ করে বলে—চল, তোমার ঘরে !
মনটি তার কথার স্বরের সঙ্গেই ছুটে গেল, কিন্তু পা একেবারে অসাড়
হিম, নিম্পন্দ !

অষ্টম পরিচ্ছেদ

বিদেশ যাওয়াই স্থির ।

এ পুলক না অবসাদ—সে ত বুঝতে পারলাম না । যার স্বর শুনেই হৃদয় উদ্বেল হ'য়ে উঠেছিল তারি কাছে যেতে কেন যে পায়ের শক্তি লুপ্ত হ'ল,কে আমার চলচ্ছক্তি হরণ করে নিলে—দিশেহারা অসীমের মধ্যে আমি তার কোন সীমাই দেখতে পেলাম না । এ স্থবিরতা বোধ করি একমিনিটেরও বেশী ছিল না, কিন্তু সেই ষাটটি সেকেন্ডই আমার কাছে ষাট মিনিট হ'য়ে গেল ।

ফুলীও তা লক্ষ্য করেছিল, সে বললে—যাবে না ?

যাব বৈ কি । চল !

যে ঘরটা নেতা আমার জন্তে নির্দেশ করে দিয়েছিল, সেই ঘরের সামনে এসে আমি ফুলীকে বললাম—তুমি যাও ।

সে হাসলে । তার সে সুন্দর মুখ-চোখের হাসি এসময়ে আমার এতই বিস্মী লাগল যে আমি থমকে দাঁড়িয়ে গেলাম । কথা বলতে প্রবৃত্তি হ'ল না—ঘরে ঢুকে দণ্ডায়মান দিব্যোশের পায়ের কাছে বসে পড়ে বললাম—আমাকে বাঁচাও !

দিব্যোশ আমার হাত ধরে বললে—সেই জন্তেই এসেছি, সোনা !

আর কথা কইতে পারলাম না । অসীম বিশ্বাসে, তার বুকের উপর মাথা রেখে কেঁদে ফেললাম । সেত কঠিন পুরুষ, তার চোখেও জল যেন

দিশেহারা

টলটল করে উঠল ! সে আমার মুখে হাত দিয়ে কপাল মুছাতে মুছাতে বলে— আমার সঙ্গে যাবে সোনা ? কাশীতে—

কাশী-তে ?

হ্যাঁ—সেখানেই হ'বে ।

আমি নীরবে ভাবতে লাগলাম ।

যেতে পারবে না ?

এ প্রশ্নের উত্তর আমার ঠোঁট দিয়ে বেরুল না । সে-যে আমার পঞ্চদশবর্ষব্যাপী ব্রহ্মচর্যের একমাত্র কাম্যফল, নারী-জীবন-উৎসের শেষ মহাসমুদ্র—মনে এলেও মুখ ত তাকে সেকথা শুনিতে দিতে পারলে না । অশ্রুসজল মুখে তার পানে চেয়ে শুধু বলে উঠল—পারব ।

দিব্যোশ বলে— বেশ, কালই যা ওয়া যাবে ।

তখন আমি উঠে বসেছিলাম । কিসের নিশ্চিত আশায় মনপ্রাণ সংযত করে' উঠে বসলাম, তা'ত আর কাউকে বলে দিতে হ'বে না । যদিও না উঠে কাঁদতেই ইচ্ছা প্রবল হ'য়ে উঠছিল, তা'কে দমন করেই আমি বললাম—এরা যদি না ছাড়ে ?

দিব্যোশ হেসে উঠল, বলে— ছাড়বে না কেন ? তুমি ত জান, ইংরেজী সৈন্য প্রবাদটা, ইচ্ছের অনুকূল পথ চিরদিন মুক্ত—সে পথ কি কেউ বন্ধ করতে পারে ! তোমার ইচ্ছে থাকলেই হ'ল ।

আমার ইচ্ছে যে কত প্রবল, সে কি তা বুঝতে পারলে না ! আমার চোখ্ কি তা'কে সে কথা জানিয়ে দেয় নি !

দিব্যোশ বলে—সেজন্তে ভেবোনা । তার ওষুধ হাতেই আছে ... বলে সে সিন্ধের পাঞ্জাবীটা তুলে ধরে বাজিয়ে দিলে—ঠুং ঠুং ঠুং !

দিশেহারা

বলে—বুঝেছ ?

বুঝলেও হীন প্রস্তাবটা আমি সমর্থন করতে পারলাম না। সে আমাকে শুধু গ্রহণ করছে তা নয়, চিরদিনের জীবন সঙ্গিনী করতে যাচ্ছে, তবু কেন এদের এমন করে রূপো দিয়ে স্তব করে যাবে! কিন্তু নেতৃত্ব কাছ থেকে মুক্তির অন্য উপায় যে নেই, তা কেনন আপনা থেকেই ধারণা হ'য়ে গিয়েছিল।

দিব্যেশ বলে—শুধু তুমি যেতে চাও— এই কথাটি বল।

সে কথার উত্তর না দিয়েই আমি বললাম—আচ্ছা পুলিশ সাহায্য করতে পারে না ?

দিব্যেশ স্নানমুখে উত্তর দিলে—বোধ হয় পারে না।

কেন পারবে না! আমি ইংরেজী খবরের কাগজে কত পড়েছি।

স্নানমুখে হাসি টেনে দিব্যেশ জিজ্ঞাসা করলে—কোথায় পড়লে ?

আমার মাথা নত হ'য়ে গেল। মহাপরাধে যেন ধরা পড়ে গিয়েছি। খবরের কাগজে ছাপা থাকলেও এবং কুমারী মেয়ে গোপনে তা পড়লেও সে কথা যে মুখ ফুটে বলতে পারে না—এই লজ্জায় আমার জিভ আর গলা দুই-ই আড়ষ্ট হ'য়ে গেল।

দিব্যেশ বলে—এসব খবর পড়তে—বুঝি ?

তার মুখ না দেখলেও সে মুখের কল্লিত হাসিটা আমার অন্তঃস্থল স্পর্শ করে উঠল। আমাকে লজ্জিত দেখেও এ প্রশ্ন করতে তার বাঁধল না—এই আশ্চর্য্য! তখনি মনে হ'ল কোন্ কাজটা তার আশ্চর্য্যজনক নয়। মেয়ে স্কুলের প্রাইজ দেখতে যাওয়া থেকে, আজ এই বাড়ীতে আসা পর্য্যন্ত সবটাই যে অসাধারণ!

ধমক দেওয়ার মত স্বরে আমি জিজ্ঞাসা করলাম, তুমি সন্ধান পেলে কি করে ?

দিব্যেশ তখনও হাসছিল। হাসিটা তরল করে বলে - সে ত ভারি সহজ কাজ ! তোমার ও বাড়ীতে গেছলাম।... একটু নরম হ'য়ে বলে—তুমি দু'দিন পরে আসতে বলেছিলে কিন্তু আমি তা পারলাম না। আজই সন্ধ্যাবেলা তোমার নিষেধ বাক্যই যেন আমাকে টেনে বের করে দিলে। আমার এ-যে ভালবাসা সোনা, এ ত আর কিছু নয়, অন্ততঃ নট, পাসান্ !

এক চুমুকে উগ্র মদ খেলে যেমন গলা শিউরে ওঠে, আমিও তার কথা শেষ হ'তেই তারই বুকখানা চেপে ধরে' বললাম— এমন !—এ আমি সন্দেহ করে বলি নি ! সন্দেহ করব তা'কে ? হা আমার অদৃষ্ট ! তা'কে সন্দেহ কি চলে ?

বুকের মধ্যে আমার মুখখানাকে চেপে দিব্যেশ কোমল স্বরে বলে—
ই্যাগো এমন ! একি-তুমি বিশ্বাস করতে পারছ না ?

একটু থেমে আবার বলে—তবে কি তুমি যেতে চাও না ?

চাই-নে ? এ যদি না চাই, পৃথিবীতে চাইবার আমার কি আছে ?

এই বিপুল বিশ্ব ব্রহ্মাণ্ড একদিকে, আর দিব্যেশ একদিকে !

তুলাদণ্ডের কোন্ দিকটা যে ঝুলে পড়েছিল, সে ত আমি স্পষ্টই দেখতে পাচ্ছি, সে-কি তা পাচ্ছে না—ভাবতে লাগলাম।

দিব্যেশ আবার সেই প্রশ্নই করে বসল ! এবার উত্তর না দিয়ে পারা গেল না। 'কি বলেছিলাম, এতবড় নিল্লজা আমি, তবু সে কথা কলমের মুখেও আনতে পারছি না। যে-দেহ-মন তার পায়ের তলায়

দৃষ্টিশাহারা

একান্ত বিশ্বাসভরে ন্যস্ত করে দিলাম, দিব্যেশ সমস্তটাই জড়িয়ে ধরে, সেই মুখখানা একেবারে জ্বলিয়ে পুড়িয়ে থাক করে দিলে! সে ত কঠিন ছিল না—কিন্তু এমন কাজ সে কেন করলে?

সে যেন আমার এই প্রশ্নটা মনের মধ্যে অনুভব করে' বলে—আর ত আমরা ভিন্ন নই সোনামণি। আমার মনপ্রাণ ত তোমাকেই সঁপেছি, বিনিময়ে যে পেয়েছি—এর থেকে তারই মৌমাংসা হ'য়ে গেল।

কি কঠিন নিশ্চয়, কোমল স্নিগ্ধ সে মৌমাংসা! সমস্তাপূরণ করতে গিয়ে সে আবার জটিল করে দিলে! আমি তার হাত ছাড়িয়ে উঠে বললাম—ও-কি-ও!

সে তার উত্তর দিলে না। চূপ করে বসে থেকে একটা চুরুট ধরিয়ে বলে—আমি আসছি বাড়ীউলীর কাছ থেকে,—তুমি বস।

নেত্যা যে অমত করবে না-এ আমি জানতাম! কেন সে আমাকে এমন বন্দী করে এনেছিল, তার কারণ আমি জানি নে; কিন্তু দিব্যেশকে যে-সে কোনমতেই বিমুখ করতে সক্ষম হ'বে না—এও আমার হৃদয় থেকে কে তীব্রস্বরে বলে উঠছিল।

ভবিষ্যৎটাই না-কি সব সময়ে সমভাবে উজ্জ্বল হ'য়ে থাকে মানুষের সামনে—আজকের দিনে আমার ভবিষ্যৎ এত স্পষ্ট, এত স্বচ্ছ হ'য়ে উঠল যে কোনদিন কোন কারণেই যে আমি অবসাদক্লিষ্ট হ'য়েছিলাম তাও যেন বিশ্বাস্তির তলে ডুবে মরে চূকে গেল।

দশ পণেরো মিনিট পরে দিব্যেশ হাসিমুখে ফিরে এল। সে কোন কথা বলবার আগেই নেত্যা বাইরে থেকে জিজ্ঞাসা করলে—বলি বাবা,

খাবার দাবার কিছু করব কি ? আর-যদি-কিছুর দরকার থাকে তাও বল । তোমার মাসীর কাছে না পাবে এমন জিনিষই নেই । তা সে রাত দশটাই বাজুক আর দু'টোই বাজুক ।

এ কথার কি জবাব যে হো'তে পারে আমি অপলক দৃষ্টিতে দিব্যেশের পানে চেয়ে ভাবছি, দিব্যেশ হেসে বলে—কিছু দরকার হ'বে না মাসী !

তার এই সঙ্ঘোধনটা আমার বুকে শেলের মত বাজল । বাইরে নেতার পায়ের শব্দ মিলিয়ে যেতেই, দিব্যেশ বলে—আমি যাই ?

তাকে বিদায় দেওয়াও যে কত কঠিন, আর রাখা যে তার চেয়েও হৃদয়-এর পূর্ক মুহূর্তেও যেন আমি সেটা বুঝতে পারি নি । মন যখন আমার এই ছয়ের মাঝে ছলে ছলে উঠছিল, ঠিক সেই সময়েই দিব্যেশ আবার আমার হাত ধরে বলে—কাল ঠিক হ'য়ে থেক' তুমি । সন্ধ্যার পরেই আমি গাড়ী নিয়ে আসব ।

আমি তার ভীষণ তপ্তহাতটা আরও চেপে বললাম—আজই নিয়ে চল, আমার বাড়ীতে !

দিব্যেশ বলে—কি দরকার আছে তার ?

কি যে দরকার তা আমি বলতে পারলাম না । দিব্যেশের মত লোক কি দরকার জিজ্ঞাসা করে আমাকে বুঝিয়ে দিলে যেন কোন দরকারই তার নেই ; থাকলে সাধিত করতে সে বিন্দুমাত্র অবহেলা করত না । এ বিশ্বাস কেন হ'য়েছিল, কিসে এমন দৃঢ় হ'য়েছিল—তা'ত আর অস্পষ্ট নেই । দিবালোকের মতই আমার প্রাণপ্রিয় যে অস্পষ্ট হ'য়ে গেছে—সে ত আমি জানি !

দিশেহারা

রমণীর অঙ্গ যে কত কোমল—হয়ত খুলে বুলেও অনেক স্বার্থান্বিত পুরুষ তা বুঝবে না ! নারী হৃদয়ের বিশ্লেষণই সম্বাই করেছেন—কিন্তু এ-যে তার চেয়েও কোমল, ক্ষণভঙ্গুর সে কথা কেউ বলেছেন কি না জানি নে—দিব্যেশের আকর্ষণে ছ'মডি খেয়ে পড়ে যেতেই সেটা আমি বুঝতে পারলাম ।

দিব্যেশ চলে গেলেন । নেতা ঘরে ঢুকতেই আমার অবশ দেহে আবার বল ফিরে এল । আমি দাঁড়িয়ে উঠতেই নেতা বলে—খাবি চল মা !

পরিতৃপ্তির স্নেহমাখা স্বর আমার কানে অত্যন্ত বেশুরে বেজে উঠলো ! তার সেই বাজখোঁয়ে গলাকে কোমলে নামাতে দিব্যেশের পকেট খালি হ'য়ে গেছে বুঝতে আমার এক দণ্ডও দেরী হল না । এক বুঝতে না বুঝতে সারা হৃদয়টা একেবারে বেত্রাহত বালকের মত লাফ-লাফি করে উঠলো !

নেতা বলে—কালই চলি বাছা, একদিন 'যে আদর করে' খাওয়াব দাওয়াব তারও সময় হ'ল না । বা-হ'ক, ভালো হ'লেই ভালো । কদমের মেয়ের যে আমি হিতৈষী কদম যেখানে থাক্—দেখতে পাচ্ছে... আরো অনেক হিতৈষণার কথা তার গলায় জমা ছিল, সে তা উদগার করবার আগেই আমি বলে ফেললাম—চল, খেয়ে আসি ।

নেতার বেশ ভূষা শিথিল ছিল না । সকালের গঙ্গামাটির তেলকচাপ আর নেই, এখন তার উপরে সিংগেয় গাঢ় করে সিঁহুর মেলপা, গরদের বদলে দিব্য হাতীপাড় সাড়ী, ভেতর থেকে ফুলকাটা সেমিজের ফুল ফুটে উঠছে । গয়না তার গায়ে বেশী ছিল না—থাকলেও এর চেয়ে সুন্দর

হত না। সে আগে আগে সুপ্রশস্ত দেহলতা (লতা না বৃক্ষ ?) নাড়তে
নাড়তে চল, মুখেরও বিরাম ছিল না, আমার মত সৌভাগ্যবতী দেখে
খুব বেশী মেয়েকে সে দেখে নি—বার বার সেই কথাই প্রচার করতে
লগে গেল।



নবম পরিচ্ছেদ

মিলনের আনন্দে ।

একটা ঝড়ের মত এসে দিব্যশ এখানকার সব সস্ক চুকিয়ে দিয়ে আমাদের নিয়ে উঠল--গাড়ীতে ! ঝড়ে যেমন কাগজখানা উড়ে উড়ে দূব হ'তে দূরান্তরে চলে যায়--আমিও তেমনি এ বাড়ীর দরজায় উঠে এক নিঃশ্বাসে হাওড়ার ষ্টেশনে রেলের গদীমোড়া একটা কামরায় বসলাম ! যখন আমরা বাড়ী ছেড়েছিলাম, সেখানে একেবারে তাণ্ডবলীলা চলছিল । গান, নাচ, হাসি-তামাসা জ্যান্ত হ'য়ে অনেকদূর অবধি আমার পিছু নিয়েছিল । একটি মেয়ে বার বার আমাদের পিচকারী মারতে নিষেধ করছিল--আমার মনে হচ্ছিল সে-যেন গানের ভেতরে দিয়ে সহস্র অবহেলায় পিচকারী ছুঁতেই বলে দিচ্ছিল । হঠাৎ ছ'তিন মিনিট গান বাজনা থেমে গিয়েছিল, বোধ হয় আমাকে বিদায় দিতেই ! তারা গান বন্ধ করলেও উল্লাস ত আমার চোখ থেকে দূর হল না । তাদের সকলকার মিলিত দৃষ্টি আর ঘরে ঘরে বিছাতের আলো লাফিয়ে লাফিয়ে সমভাবেই এসে পড়ল--আমার মুখের ওপর !

দিব্যশ টাকসির চালককে চালাতে হুকুম দিতেই ধকধক করে গাড়ী নড়ে উঠল । শেষবার--একবার আমি আমার পিছনের লোকগুলিকে দেখে নিলাম । কিন্তু সে শান্ত চোখের উজ্জ্বল চাহনি আব

দিশেহারা

আমার চোখে পড়ল না। সে দুপুরবেলা আমার কাছে বিদায় নিয়েছিল, সে দিনটায় ছিল তাদের থিয়েটারের বৈকালিক অভিনয়! ফাগ-মেখে লাল হ'য়ে সে যে-গানটা গাইবে, আমার গলা ধরে সেটা শুনিয়ে দিয়েছিল! এমন আনন্দের দিনে যে আমাকে বিদায় দিতে হ'চ্ছে তার জন্তে সে কেঁদেও ছিল।—সেই দৃশ্যটাই সারা পথ আমাকে ঘেন পিষে ফেলেছিল। যে বাড়ীটার ইটকাঠ পর্যাপ্ত ঘৃণিত জীবনের সাক্ষ্য দিচ্ছে আমার তেজোদীপ্ত মনের খানিকটা অংশ যে সেখানেই বাঁধা পড়বে—সে কে জানত!

ট্যাক্সি ছুটতে বেশী সময় লাগে নি। হাওড়ার পুলের সামনে পাহারাওয়ালার লম্বা হাতের ইঙ্গিতে ট্যাক্সি থেমে গেল! সেখানকার তীব্র আলোক যতদূর এসে পড়েছিল, একেবারে দিনমান করে দিয়েছে—তারই ভেতর দিব্যেশের বিবর্ণ মুখের দিকে চেয়ে যেন আমি আর কূল-কিনারা পেলাম না। সে-যে আমার চোখের ভুল, অথবা রঙিন বৈহ্যতী আলোই তার মুখ এমন ফ্যাকাসে করে দিয়েছে—ঠিক করে নেবার আগেই গাড়ী ছুটে গিয়ে আবার থেমে গেল।

দিব্যেশ ঘুম-ভেঙ্গে-জেগে-উঠে বলে—চল।

আমাদের সঙ্গে কেবল একটা চামড়ার পোটম্যান্টু ছিল, একটা মুটে ডেকে নিয়ে আমরা ছ'নম্বর প্ল্যাটফরমে একটা গাড়ীর ফাষ্ট ক্লাস দরজা খুলে বসে পড়লাম। ঢোকবার সময় তাড়াতাড়িতে কাগজের লেবেলটা পড়বার সময় হয় নি, দিব্যেশ সিগারেট কিনতে নেমে যেতেই আমি বেরিয়ে এসে সেটি পড়লাম—মিঃ এন্স সেন এণ্ড পার্টস!

এ কোন্ গাড়ীতে পুরলে এনে! দিব্যেশের কি আজ মাথা খারাপ
দিশেহারা

হ'য়ে গেল না কি ! কে জানে গাড়ীর কত সময় আছে, সে ফিরে এলে
নেমে অন্য গাড়ীতে ওঠবার সময় হবে কি না—এই সব ভাবছি— দুজন
লোক কার্ডটি পড়ে কামরায় উঠে বসল ! আমি এক কোণে ব'সে
অন্যদিকে চেয়ে রইলাম । তা'দের যে আমি দেখিনি তা নয়—
গাড়ীতে ঢোকবার আগেই দেখে নিয়েছি । বেশ ভদ্রগোছের দু'টি
যুবাপুরুষ !

একজন বেশ মোটা-সোটা, যার মুনিদাবাদী সিক্কের পাড়ওলা চাদর
লুটিয়ে পড়ছিল, সে আমার পানে চেয়ে একটু ইতঃস্তত করে বললে—
দিব্যশ কোথা গেল ?

আমি ত একেবারে আকাশ থেকে পড়লাম ।

সে লোকটি তা বঝেই বললে—আমিই সেন, আর ইনি আমার বন্ধু
রায় ; দিব্যশ আমাদের বন্ধু ! কেন,—আপনি কি আমাদের চিন্তে
পাচ্ছেন না ? একদিন ত দেখেছিলেন । একদিন কেন, বাস্তবিক
ত'দিন দেখেছেন । প্রথম আপনাদের স্কুলে.....

একি ষড়যন্ত্র না-কি ! আমি বললাম—জানি !

মনে পড়েছে, হাঃ হাঃ—বন্ধিম, দেখতে পাচ্ছি দিব্যশকে ?

বন্ধিম বললে—কৈ না !

আমার মনে হচ্ছিল, আর বুঝি ইহজগতে তাকে কেউ দেখতে
পাবে না ।

সেন-ও দরজার বাইরে মুখ রেখে দেখতে লাগলেন । ঢং ঢং করে
ঘণ্টা বেজে উঠল, আমি সোজা দাঁড়িয়ে উঠে বললাম—আমি নেমে যাই !

সেন আমার দিকে চেয়ে স্নিগ্ধস্বরে বললেন—নেমে যাবেন কেন ?

সে প্রশ্ন এবং উত্তর তখনই শেষ হ'য়ে গেল গাড়ী প্ল্যাটফর্ম ছেড়ে চলে গেচে—সে আমি বুঝতে পারলাম—দেবীতে !

আমাকে বসে পড়তে দেখে সেন সশর্চর্যে বল্লেন—কেন ? দিব্যোশ কি কিছুই বলে নি আপনাকে ?

কি বলবে ! এত বড় মুর্থ সে ! আমি নতনেত্রে বসে এই কথাই ভাবতে লাগলাম ।

কামরায় চার চারটে আলো জ্বলছিল, কিন্তু আমি চোখে আর কিছু দেখতে পেলাম না । কোথায় গেল সে ! কেন গেল ? আমাকে ভুলিয়ে এনে, পথের মাঝে ফেলে রেখে দিব্যোশ কোথায় গেল ? ছ'টি হাত জ্বলে ভেসে যেতে লাগল ।

সেন বল্লেন—দেখুন, কি হ'য়েচে আপনার ? দিব্যোশ আস্তে পারলে না বলেই কি আপনি কাঁদছেন ? আপনি ত জলে পড়েন নি... আমি ষতক্ষণ আছি.....

একবার মাত্র চোখ খুলে আমি জিজ্ঞাসা করলাম—কে আপনি ?

সেন খট করে দাঁড়িয়ে উঠে বল্লেন—সে কি ! আপনি কিছুই জানেন না ! তা কেমন করে হ'তে পারে ?

কি কেমন করে হ'তে পারে—সতেজে এই প্রশ্নই করব—ধ-কাস করে ঘেন ধাক্কা খেয়ে গাড়ীটা থেমে পড়ল—সে একটা ষ্টেশন । ছমড়ি খেয়ে পড়ে আবার যখন মাথা তুললাম, দেখি, দিব্যোশ দরজাটি খুলে উঠছে ।

না—না—সে কি পালাতে পারে ? কখনই পারে না ।

কেউ কোন কথা বলবার আগেই সে বিমর্ষ হাসিমুখে বল্লেন—আরে,

দ্বিদেশহারা

তোমাদেরই খুঁজতে আমি বেরিয়ে গেছলাম, ঢুকছি দেখি, গাড়ী ছেড়ে দিয়েছে। লাফ মেরে গার্ডের গাড়ীতেই উঠে পড়লাম। গার্ড সাহেব ত মারে আর কি ! ফাষ্টক্লাস প্যাসেঞ্জার শুনে হাতটা গুটিয়ে পেণ্টালুনের পকেটে পুরে ফেলে।... .. কথাগুলো সে আমাকেই বলছিল, কিন্তু তার দৃষ্টিটা ছিল সেনের মুখে !

সন্দেহ আবার আমার বুকে জমে উঠলো। কিন্তু ভঙ্গন করে নেবার মত মাতঙ্গ আমার হল না ; অথবা একটু পরেই হ'বে—এই রকম ভেবে আমি চুপ করে রইলাম।

সেন-ও আর কিছু বলেন না। দিব্যোশ তাঁদের কাছে বসে বলে—
কেমন-রাজা—হয়েছে ?

তীরের শব্দ লক্ষ্য করেই হরিণী যেমন এদিক-ওদিক চায়, আমিও ভেমনি চেয়ে দেখলাম, বঙ্কিম দার নাম সে মুচকি হেসে মুখটা ফিরিয়ে নিলে।

সেন বলে—তুমি কি বলনি যে আমরা কাশী যাচ্ছি.....

দিব্যোশ বলে—বলেচি বৈ কি ! কি গো বলি-নি, কাশীতেই শুভ-কার্য্যটি হবে ?

তার কথার ভেতর কোন গূঢ় ইঙ্গিত ছিল কি-না সে আমি জানি নে ; থাকলেও সেটুকু আমার কান এড়িয়ে গেছল, আমি মুখটি নীচু করে বসে রইলাম। তারা আর কিছুই বলে না। দিব্যি সব চুপ চাপ সিগারেট ধেতে লাগল।

গাড়ী মাঝে মাঝে থামচে, আবার চলেচে, এমনকি করতে করতে বন্ধ-হানে এসে থামল। সেন বঙ্কিমের বাহুবদ্ধ হ'য়ে নেমে গেলেন, দিব্যোশও

দিশেহারী

নেমে, বাইরে থেকে আমাকে জিজ্ঞাসা করলে—তোমার খাবার এইখানেই দিয়ে যাক—কি বল ?

মৌনই আমার সম্মতির লক্ষণ বুঝে সে চলে গেল—ছতিন মিনিট পরেই খানসামা কাঁচের প্লেটে খাবার সাজিয়ে বেঞ্চের ওপর রেখে নেমে গেল। যা পারলাম খেললাম, অনেক পড়েই রইল।

আধঘণ্টা পরে সেনের দল ফিরে এসে বললেন—শোবার কি রকম কি হ'বে ?

সে ব্যবস্থা করে নিতে দেবী হল না—সেন তাঁর চাকরকে চারটে বিছানা করে দিতে বললেন, আমি বললাম—আমার বিছানার দরকার নেই।

কেন—গাড়ীতে আপনার ঘুম হয় না বুঝি ?

বলতে পারলাম না যে, হয়-কি হয়-না—সে আমার জানা নেই। তবে মাঝে মাঝে তন্দ্রা আসছিল। কিন্তু একগাড়ীতে এত লোকের নাঝখানে শুয়ে যে ঘুম হ'তে পারে না—এ কথাটা আমি না বললেও এদের বোঝা উচিত। সব চেয়ে রাগ হল দিব্যেশের ওপর। তার যদি বন্ধুবান্ধব যুদ্ধে—সে কেন একটা খার্ডক্লাসেও আমাকে রাতটার জ্বলে তুলে দিলে না !

সেন মূর্খ নন, তিনি বললেন - এরকম অবস্থায় আপনার ঘুম না হওয়াই সম্ভব।

আমি বললাম—সে থাক।

আশ্চর্য্য ! সেন সেই রোগা লোকটির মুখের পানে চেয়ে নিম্নস্বরে বললেন—শুয়ে পড় !—আমার বড় দুঃখ হ'ল যে রমণীর মর্যাদা এঁরা দিশেষকার।

রাখতে জানেন না, মিথো জামাজোড়া প'রে বারু সেজে ফাষ্টক্লাসে উঠে পড়েছেন ! তার চেয়েও বড় আশ্চর্য্য এই যে, দিব্যোশ টুক করে উপরের একটা বাক্কে উঠে সটানে গুয়ে পড়ল ।

আর আমি ! নাইরে জ্যোৎস্নাপ্রাবিত প্রান্তুর মধ্যে কি যে খুঁজে বেড়াতে লাগলাম তা আমি জানি নে ।

আকাশ যেন বিগলিত প্রেমে পূর্ণাঙ্গী যুবতীটির মত ধরার বুকে নেমে এসে গাঢ় আলিঙ্গনে বদ্ধ হ'য়ে নিজ্জুম নিস্তক্কে সেই প্রান্তুরের মধ্যে পড়ে রয়েছে ; সেখানে যা দেখতে পেলাম সব যেন প্রেমে গলে ঢলে পড়চে । জ্যোৎস্না ত কতদিনই ওঠে, সে ত চিরদিনই এমনি করে ধরিত্রীকে চুষনে জড়িয়ে ধরে—এর মধ্যে হয়ত নতনত্ব বাস্তবিক কিছু নেই, কিন্তু আমার চোখে এই অত্যন্ত স্বাভাবিক সহজ মিলনের দৃশ্যটি এমনি নূতন, এমনি সৌন্দর্য্যমণ্ডিত বোধ হ'তে লাগল—যা আর কোনদিন আমার মনেও স্থান পায় নি । আকাশ-পাতালের দূরত্ব-ব্যবধান, স্বর্গ-মর্ত্যের তারতম্য কোন বাঁধা বিপত্তি না মেনেই যে ঐ নীলাকাশ নেমে এসেচে, কি অসীম প্রগাঢ় প্রেমই না তা থেকে ক্ষরে পড়তে লাগল । আর তার দিকে চাইতে চাইতে আমার এই ছন্নছাড়া জীবনটা যেন ঐ জ্যোৎস্নায়ু বিধৌত পবিত্র হ'য়ে মিলনাকাঙ্ক্ষায় উন্মুখ হ'য়ে প্রান্তুরে নেমে গিয়ে একটা শিশু-গাছের মত দাঁড়িয়ে আকণ্ঠ সুধা পান করতে লাগল । গাড়ীর ঘড় ঘড় শব্দ আমার কান থেকে বিলুপ্ত হ'য়ে গেল ; ঘরের মধ্যে যে এতগুলো পুরুষ আর একা আমি তা'ও আমার মনের থেকে মুছে গেছিল । আমি যেন সুষুপ্ত ধরণী, জ্যোৎস্নার মত শুভ্র সুন্দর' বেশ পবে দাঁড়িয়ে আছি, দিব্যোশ তার দু'বাহু বিস্তার করে ঐ আকাশের মতই নেমে

দিশেহারা

আস্চে—হৃদয়মন শান্ত-সংযত করে আমি তা'রই অপেক্ষা করতে লাগলাম ।

দিব্যশকে সন্দেহ করেছিলাম বলে' আপনা থেকেই যে মন অতৃপ্ত হ'য়ে উঠেছিল, প্রকৃতির মিলনানন্দে নিজের হৃদয়ের প্রগাঢ় যোগ জানতে পেরেই—সেই অতৃপ্তি মহাসমুদ্রে বুদ্ধদের মত উঠে কোথায় গেল । তখন একেলা থাকবার ইচ্ছাটাও আর রইল না । সেন ও বন্ধিম তারই বন্ধু, যার তরে আমার এ অভিসারিকার বেশ । এবং সে-যে আমার কে, মনের মধ্যে তা অনুভব করে যখন হৃদয় একেবারে কানায় কানায় উপছে উঠল, তখন আমি বাইরের দিকে চেয়ে দেখতে লাগলাম তা'কে—যে আমার চেয়েও সুন্দরী, আর, আমারই অনুরূপ বেশে সজ্জিত হ'য়ে আকাশের পানে চেয়ে অকাতরে আপনাকে বিলিয়ে দিচ্ছে ! বাধা নেই, বিপত্তি নেই, মান-অভিমান-লজ্জা-সঙ্কোচ কিছুই নেই । কেবল তারাই ত'টি সব পূর্ণ করে, সব ব্যোপে রয়েছে । আর কেউ নেই !

দশম পরিচ্ছেদ

আসল ছবি দেখা দিল ।

আমি বসেই ছিলাম । নিজেকে দৃঢ় সংযত স্থির রাখতে পারি—
এ শিক্ষা আমার ছিল । নইলে তিন তিনটে সর্বভুক জীবের মাঝে
নিশ্চিত বিশ্বাসে আমি ছিলাম কি করে ! এ খুব গর্বের কথা না-ও
হ'তে পারে তবে এ'কে অবহেলা করা চলে না । আমার সে অবস্থা
স্মরণ করে আমি বলতে পারি যে সে সময় আমি যেন একাই যাচ্ছি
বলে মনে করে নিয়েছিলাম । অবশ্য দিব্যোশ আছে—এই একটা পাশের
কামরাতেই কোথায় আছে—এই রকমই মনে করতে হচ্ছিল ।

অনেক রাত্রে একবার ফিরে দেখি সুন. আর রোগা ছেলেটি নেই
—গাড়ী কোন একটা স্টেশনে রয়েছে—দাঁড়িয়ে দেখি, দিব্যোশ সুখ-
নিদ্রামগ্ন । তা'কে তুলে দিলাম ।

প্রথমটা যেন সে বড়ই বিরক্ত হ'য়েছিল, তারপর বাকের উপর
আমার হাতটা চেপে বলে—শোও নি?—সে উঠে বসল ।—এরা গেল
কোথায় ?

আমি বললাম—আমি কানী যাব না ।

যাবে না ? কি রকম ? তবে কোথায় যেতে চাও তুমি ?

তা আমি জানি নে । কিন্তু এ কি রকম ব্যবস্থা তোমার যে.....

দাঁড়াও, আগে নামি—বলে সে নেমে পড়ল। আমার বিছানায় বসে বলে—এরা বুঝি নেমে গেছে? এটা কোন্ স্টেশন, দেখেছ?

কিছুই আমি দেখি নি, দেখবার ইচ্ছেও ছিল না আমার। আমি বললাম—এঁরা যে যাচ্ছেন আমাদের সঙ্গে—তা ত কৈ বল নি তুমি?

দিব্যেশ যে উত্তর দিলে, আমার মাথায় আকাশ ভেঙ্গে পড়ল। সে বলে—ওঁরা আমাদের সঙ্গে যাচ্ছেন না, আমরাই যাচ্ছি—ওঁদের সঙ্গে! ঐ যে সেন দেখেছ, উনিই সব!

আমার মাথা ঘুরতে লাগল। আমি তার মুখের দিকে চেয়ে রইলাম, কিন্তু কথা বেরুল না। দিব্যেশ তাড়াতাড়ি দাঁড়িয়ে উঠে বলে—দাঁড়াও এদের দেখি।

আমি—আমি তার হাতটা টেনে বললাম—না, বসো। এর একটা মীমাংসা হয়ে যাক—

দিব্যেশ, যাঁর হাত এ পেগ—ওল্ডম্যান!

প্যাক ইউ—ইয়েস—বলে দিব্যেশ আমার হাত ছাড়িয়ে নেমে গেল। তখনই সেই রোগা লোকটি আমার পাশে এসে দাঁড়িয়ে বলেন—আপনি কিছু খাবেন? সেন জানতে বলেন!

না!

বন্ধিম বসে বলেন—কেন আপনি বিচলিত হচ্ছেন? আমাদের কাছেও আপনার লজ্জা?.....ইত্যাদি।

সে কথা আমার কানে যায় নি। প্রবল বাষ্পোচ্ছ্বাসে যেন আমার ইন্দ্রিয়সমূহ নিস্তেজ করে দিয়েছিল।

সেন এলেন। মুখখানা লাল, চোখ দুটি যেন আনন্দ বিস্ফারিত।

নিশেহারা

এসে রোগা লোকটিকে মরক্কো লেদারের সিগারেট-কেস্টি দিয়ে আমার পানে চেয়ে বলেন—আপনি কিছু খাবেন না? আপনার যে কষ্ট হ'বে? কি-ই বা তখন খেয়েছিলেন আপনি?

হারে আমার অতিথিপরাধ পুরুষ! এ কি আমার খাবার সময়! এ যে সব যায়—নদীর দুকুল ভাঙছে, এতে আমার কুঁড়ে ঘরের যে নিদ্রুতি নেই—অতিবড় পাষণ্ড এ-সময়ে খাবার প্রস্তাব করতে পারে না—এই চিন্তায় আমার মন একেবারে দমে যাচ্ছিল, আমি উত্তর দেব কি!

সেন বোধ হয় ভাবলেন—এ রমণীজনমূলভ লজ্জা! বলেন—
খাবেন না?

বন্ধিম বলেন—অন্ত কিছুই যদি না খান, একটু সুপ.....

দিব্যেশ কৈ? দিব্যেশ!—পাগলের মত দাঁড়িয়ে উঠে আমি চৌৎকার করে দিব্যেশকে ডাকতে লাগলাম। সেন আর বন্ধিম তাঁরাও দিব্যেশকে খুঁজতে এলেন।

চলতি গাড়ীতে যে দিব্যেশ উঠতে পারবে না—এ ত তিনজনেই জানি। তবু যেন আমার পক্ষে এ সময়ে অসম্ভব আশা করাও সম্ভব হ'য়ে পড়েছিল।

গাড়ী অনেকদূর চলে গেলে, আমি বললাম—আপনারা বুঝি তাকে বিদায় করে দিয়েছেন?

সেন বলেন—আমরা? আমরা কেন তাঁকে বিদায় করতে যাব?

কেন—তা আপনিই জানেন—আমি জানি নে! কোথায় পাঠালেন বলুন?

আমি পাঠাই নি! আর কেনই বা পাঠাব?

দিশেহারা

তার সঙ্গে আমার বোঝা পড়া করবার আছে।

সেন একটু ভেবে বলেন—তারি কেয়ারলেস্ সে! তার ওপর পেটে এক ফোঁটা পড়লে আর ত কথাই নেই। :.....কিন্তু কিসের বোঝা পড়া?

কিসের বোঝাপড়া তা একে বলব কি! আমি জানলা দিয়ে মুখ বাড়িয়ে খুঁজতে লাগলাম।

সেন বলেন—এমনও হ'তে পারে যে হাওড়ার মত ক'রে' বসেছে সে! পরের ষ্টেশনে আসবে'খন। দেখতো বন্ধিম, নেক্‌সট ষ্টেপেজ কোথা?

সেই আশাতেই রইলাম। প্রায় পঁচিশ মিনিট পরে গাড়ী থামল, কিন্তু দিবোশ এল না—সেন প্ল্যাটফরমে নেমে গেলেন, ছায়া'র মত বন্ধিমও সরে গেল। যতই দেরী হ'তে লাগল, আমার সন্দেহ হ'তে লাগল—সে আর আসচে না!

সেন ও তাঁর ছায়া ফিরে এলেন, বলেন—কৈ কোথাও ত দেখলাম না! ওকি! আপনি অমন কচ্ছেন কেন? পড়ে যাবেন যে—চলুন, চলুন।

অনেকক্ষণ পরে সেন বলেন—কি হ'য়েছে বলুন ত? হাওড়া ষ্টেশনে গাড়ী ছাড়তে এই কথাটা একবার উঠেই থেমে গেছিল। কিন্তু আর ত চলছে না—সব স্পষ্ট হওয়া উচিত!

আর কি স্পষ্ট হবে? হায়! এ যে গাঢ় অন্ধকারে লাফ দিয়ে পড়েছি, আর কি আলোক এখানে আসতে পারবে!

আমাকে নীরবদেখে সেন বলেন—দেখুন, সত্যি বলতে কি, আপনাকে দেখে আমার কষ্ট হচ্ছে। যদিও তার কোন কারণ আমি খুঁজ

নশেহারা

পাচ্ছি নে। অর্থব্যয়ের আমি সীমা রাখি নি, তবু আমার কেমন মনে হচ্ছে, আপনি সুখী হ'য়ে আসতে পারেন নি।

বিদ্যাতের আলো যেন দিগ্‌দাহ শুরু করে দিয়েছিল, সেনের বিশ্বিত কণ্ঠস্বর সে আশুগকে চেলে নিয়ে আমার গায়ে ছড়িয়ে দিচ্ছিল।

সেন বললেন—কি চান বলুন আপনি ?

হারে ! সারা জীবন ধ'রে কি চাইতেই থাকুব আমি ! আর যা চাইব—কোন দিনই তা পাব না—চূপ করে বসে আমি তাই ভাবতে লাগলাম।

সেন কাতর ভাবে বললেন—যদি না বলেন আপনি, আমি কি আর প্রতিকার করব, বলুন। অবশ্য, এ আমি স্বীকার করছি যে আমাদের আপনি সাক্ষাৎসম্বন্ধে চেনেন না, কিন্তু আমরা ত আপনার অপরিচিত নই। আমাদের কাছে আপনি মন খুলে সব বলতে পারেন। সেনেই

তার মুখের কথা কেড়ে নিয়ে বঙ্কিম বলে উঠলেন—কিন্তু আমরা আছি ত !

তার দিকে চাইতেও পারলাম না। আমি সেনের পানে চেয়েই বললাম—আমি কলকাতা ফিরে যাব। আর কোথাও যাব না আমি।

সেন বিহ্বলের মত বঙ্কিমের দিকে দৃষ্টিক্ষেপ করতে লাগলেন। বঙ্কিম একটু পরে বললেন—কেন বলুন দেখি। এত খরচ পত্র আমাদের করিয়ে.....

কে করিয়েছে খরচ পত্র ?

সেন কথাটাকে চাপা দেওয়ার মত বলে উঠলেন—সে কথা ছেড়েই দিন।

ছাড়ব কেন? কে করেছে খরচ পত্র?

সেন নিয়কণ্ঠে উত্তর দিলেন—যেই হোক, একজন করেছে ত!

সমস্ত খরচ আপনার?—আমি জিজ্ঞাসা করলাম।

সেন উত্তর দিলেন না, দিলেন বক্ষিম। একটু হেসে, উপভোগ করার মত স্বরে বললেন—নইলে কার—আপনি ভাবছেন? দিব্যেশের!

আমি ত তাই জানি! কিন্তু সে জ্ঞান ত প্রকাশ করা গেল না।

সেন আন্তে আন্তে বললেন—তার জন্তে আমি দুঃখিত নই এখনও। আপনাকে চান বলুন। আপনার কোন প্রার্থনাই আমি অপূর্ণ রাখব না।

সে সময় যদি মুক্তির প্রার্থনা করতাম—হয়ত পাওয়া যেত! কিন্তু তখন আমি আগুনে পুড়ে ছাই হয়ে গেছি, স্নায়ু অচেতন—কোন অন্তর্ভূতিই আর নেই।

আমি দৃষ্ট স্বরে বললাম—আমার জন্তেই এত খরচ করেছেন—আপনি?

এবারেও সেনের কাছ থেকে তার জবাব পেলাম না। বক্ষিম বললেন, নইলে আর কার জন্তে বলুন।

আমার জন্তে এত খরচ করলেন আপনি? কেন?—আগুনের ফুলকি মত বললাম—আমি আপনার কে?

সেন বললেন—আমার কেউ নন।.....

কোন কথাই স্পষ্ট বলার এবং শুনে নেওয়ার শক্তি আমার ছিল না।

আমি শুধু একবার এর দিকে, একবার ওর দিকে, আর একবার বাহিরের দিকে চেয়ে বসে রইলাম। চূপ করে :ছিলাম কি না স্বরণ নেই ; এমন অবস্থায় চূপ করে থাকা ছাড়া যে কি হ'তে পারে—তা আমি জানি নে। রেলগাড়ীর ছাদ তখন যেন নেমে নেমে আমার বুকের পরে জমে বসছিল, নিঃশ্বাস বন্ধ হ'বার ভয়েই আমি তাড়াতাড়ি বাহিরে মুখ বাড়িয়ে নিঃশ্বাস নিতে ও ফেলতে লাগলাম।

স্টেশন প্ল্যাটফর্ম—যেদিকটায় ট্রেন থামছে, সেদিকটায় একটু একটু আলো দেখা যাচ্ছিল, আমি যেদিকটায় বসে ছিলাম সেদিকে না ছিল একটা আলো, না ছিল একটা জনমল্লুয়া। আমার পক্ষে এ ছ'টি অভাবই সুখের ও শান্তির হ'য়েছিল। আলো, আলো, আরো আলো করে যারা চেষ্টা করে—তারা মরুক। আমি ত চাইনে। নিঃসঙ্গ নিরালা হয়-ত তা'দেরই ভালো লাগে না, যারা কেবল আলোই চায়, অন্ধকার যাদের কাছে বিস্ত্রী অশোভন বিবেচিত হয়। এ-কথা আমি বলতে পারছি, কেন-না একদিন আমারও সেদিন ছিল। আলোয় চেখে আমি বিভোর হ'য়ে যেতাম। মানুষকে ভালোবেসে, মানুষকে আপনার করে' আমার সুখের শেষ ছিল না। আমার এই স্বপ্ন-পরিসর ক্ষুদ্র হৃদয়ের কুল প্রাবল্য করে, ভালবাসার স্রোত যেন বাণের ডাকে নদীটির মত বিধ্বস্ত করে তুলত। কে দিয়েছিল এত প্রেম, আবার কেই-বা কেড়ে কুড়ে নিয়ে আমাকে এক নিমিষের মধ্যে এমন নিঃস্ব নিঃসঙ্গ করে দিলে, তাই বা কে জানে!

ছেলেবেলায় সহপাঠীদের আমি এমন ভালোবাসতাম। আজ বলতে পারি নেই, অনেক মেয়েই শিশুকালে 'ঘরকন্নার' খেলা করে। আমার

. দিশেহারা

সহবাসিনীদের মুখে শুনেছি তা'দের মা-দিদিমারা-ও ছেলাবেলা সেই খেলা খেলেছেন। আজকালকার অনেক মেয়ে হয়ত সে খেলার নাম করলেই শিউরে উঠবে। তারা ক্যারম খেলে, পিংপং খেলে, পিচ-বোর্ডের অক্ষর জুড়ে (ওয়ার্ডমেকিং) আমোদ পায়, (শুন্ছি না-কি রেস যাওয়াও আরম্ভ হ'য়েচে)—তারা যে আমার কথা শুনে চমকাবে—এ আর আশ্চর্য্য কি—তবুও সেই সব নবা, আলোকোদ্ভাসিত (!) তরুণী কোমলাঙ্গীদের মার্জনা ভিক্ষা করেই বলছি—কলেজের খাতা বহি পেন্সিল কলম নিয়েই আমরা 'ধরকল্পার' খেলা খেলেছিলাম, রমলা ছিল আমার কনে', আমি ছিলাম তার বর ! সে ত একান্তই খেলা-বরের, নিতান্তই ছেলেমানুষী, তবুও কি মাধুর্য্যই না আমাদের মনে প্রাণে নিশেছিল ! রমলা খেলা শেষ করে' সতী সতীই যখন তার কামনার ধন, জীবনের জীবন পেয়ে চলে গেল—আমার দেহ-মন এমন বিশ্বাসে ভরে গেছিল যে কী আর বলব। আহা! তৃপ্তি ছিল না, বিশ্রামে সুখ, নিদ্রায় শান্তি—আমার সব দূর হ'য়ে গেছিল। আবার সেই নাটকেরই পুনরাভিনয় হ'য়ে গেল—আজ আমারই উপর দিয়ে !

আমার সব চিন্তার জাল ছিল হ'য়ে গেল সেনের ডাকে—সেন আমার পিঠের কাছে এসে কোমলকণ্ঠে বলে উঠলেন—হাতের কয়লা পড়বে, ফিরে বসুন।

তার কথার সঙ্গে সঙ্গেই আমার চোখ 'কর্ কর্ করে' উঠলো, আর তখনই তার হুকুল ছাপিয়ে এত জল অকস্মাৎ বেরিয়ে পড়'ল যে আমি মুখ ফিরিয়ে বস্ত্রাঞ্চল ঢাকা দিয়ে উবুড় হ'য়ে পড়লাম।

সেন কোথা থেকে একটা গোলাপজলের শিশি বারবার দেখির

দিশেহারা

বলতে লাগলেন—একটুখানি ঢেলে দিন, এখনি সেরে যাবে। বোধ
করি পাঁচ সাত বার ঐ কথাটিই তিনি বলছিলেন, এবং সেই পুনঃপুনঃ
আহ্বানেই মুখ তুলে চাইতেই, সেন শিশিটা আমার সামনে গদিরপরে
রেখে দিলেন। অন্তর্চিস্পর্শ ভয়ে শুদ্ধাচারী (!) হিন্দু বিধবা যেমন
উদ্ভী মেয়ে পথ চলে, তেমনি হাতটা বাড়িয়ে শিশিটা রেখেই সরে
গেলেন !

একাদশ পরিচ্ছেদ

স্মৃতির পাতা ।

এ পরিচ্ছেদটা লিখতে আমার কল্পনার আশ্রয় নিতে হ'য়েচে । কি হ'য়েছিল না হ'য়েছিল কিছুই আমি মনে করতে পারি নে । ভীষণ জলোচ্ছ্বাস পদ্মপারের একটা গ্রাম যেন একেবারে ধুয়ে মুছে দিচ্ছে গেছে—গ্রামের কোন চিহ্ন না পাওয়া গেলেও, তার যেমন তেমন একটা কল্পনা করে' নেওয়া যায়—পরে আমি এই পরিচ্ছেদের কথা যতদূর সম্ভব গড়ে তোলবার চেষ্টা করেচি । হয়ত কল্পনা সব সময়ে সত্যের রেখাও স্পর্শ করবে না—তবু এ আমার নিজের পুড়ে যাওয়া কি না, ক্ষত বিক্ষত দেহের দিকে চেয়ে যা আমি ভাবতে পারি, তাই বলব ।

আমি শুন্তে পেলাম, সেনা ~~কখনই~~—দেখ বন্ধিম, দিব্যে একটা কিছু গোলমাল করে ফেলেচে ।

বন্ধিম বল্লেন—কি আর গোল করবে, হ্যাঁ ! 'ও সব নেকামি দেখছ না ~~কখনই~~ ।

তবু আমি নড়তে পারলাম না । মুখ গুঁজে পড়ে রইলাম ।

সেনা বল্লেন—না, না—সে কখনই সম্ভব নয় ।

বন্ধিম বল্লেন—নৈলে আর কি হ'তে পারে বল ?

দিশেহারা

তা ঠিক বলতে পারচি নে, কিন্তু রাফেলটা পালান কেন? অ্যাচ্ছা, এক কাজ করলে হয় না? সেই ষ্টেশনে একটা টেলিগ্রাম করে দেব? সে-ষে-কি-হল কিছুই বোঝা যাচ্ছে না।

সে কথা মন্দ নয়। পরের ষ্টেশন থেকে একটা টেলিগ্রাম করে দাও। কাশী আসতে বলে দিয়ো।

কিন্তু একি যাবে কাশীতে? ভোর হ'য়েচে, উঠলেই জিজ্ঞাসা করা যাবে—কি বল?

এরা কি ভেবেচে—আমি নিদ্রিত! আমার উঠে পড়তে ইচ্ছে হ'ল—কিন্তু এখনই তারা কি নির্দারুণ প্রশ্ন করে বসবে—ভেবেই অঙ্গ অবশ হ'য়ে গেল।

সেন বল্লেন—দেখ, নিশ্চয়ই গণ্ডগোল হ'য়েচে কিছু, নৈলে এরকম করবার ওর কারণ নেই। দেখলে ত কি রকম পড়ে গিয়েছিল—আমার ত ভয় হ'য়েছিল বুঝি মুচ্ছা হয়!

বঙ্কিম যে প্রবচনটি মুখস্থ বল্লেন, সে আমারও জানা ছিল কিন্তু সত্যিই ত আমি তত পাপিনী নই, আমার সাড়া দিতে ইচ্ছে হ'ল—কিন্তু তখনও দেহ বল ফিরে আসেনি। পারলাম না।

সেন বল্লেন—পয়সা খরচ করতে আমি কুণ্ঠিত নই। এবং যথেষ্টই খরচ করেচি। মেয়েটির স্কুল ছাড়িয়ে আনা থেকে আজ পর্যন্ত খুব কম হয়ত দেড়হাজার টাকা খরচা হ'য়েচে। তুমি তু সবই জান!

বঙ্কিম যেন দুঃখিত ভাবে বল্লেন—হ্যাঁ অনেক খরচ হ'য়ে গেচে।

তার জন্তে আমি একটুও দুঃখিত নই। টাকা আছে, তাই খরচ

দিশেহারা

হচ্ছে, না থাকলে ত হ'ত না। এখনও সব খরচ করতে আমি প্রস্তুত আছি!.....

সে কি আর আমি জানি নে।

বোধ হয় ততটা জান না। যাক্ সে কথা। আমি বলছি কি, এর অনিচ্ছায় আমি আর কিছুতেই সাহস পাচ্ছি নে।

এ কথায় বঙ্কিম কি ভাবলেন জানি নে, আমার হৃদয়ে যেন বাণ ডেকে গেল। সেন মুহূ কণ্ঠে বল্লেন—সেই জন্তে বলি কি—এ যদি ফিরে যেতে চায়, বোধ করি সেই-ই ভালো।

এত শ্রম, এত অর্থব্যয় সব বিফল হ'বে ?

আমি উৎকর্ণ হ'য়ে রইলাম, সেন কি উত্তর দেন। সেন বল্লেন—
তুমিই ভেবে দেখ.....

সে লোকটির উপরে আমার আদৌ আস্থা হ'ল না—পাছে সে কি বলে বসে, আমি উঠে পড়লাম।

হু'জনেই একটু খতমত খেয়ে গেলেন। অনেকক্ষণ অবধি কেউ কোন কথাই বল্লেন না। আমিও যে তাঁদের কথাবার্তা শুনেছি তা দেখালাম না। সহজ ভাবেই চমকের ছিঁট চেয়ে জিজ্ঞাসা করলাম—
কোন খবর পেলেন না ?

সেন বল্লেন—কৈ না ! আপনি মুহূ হ'য়েছেন ত ? আমাদের বড় ভয় হ'য়েছিল।

সেনকে আত্মীয়জ্ঞান করতেই আমার ইচ্ছা হ'চ্ছিল, সহজস্বরে বললাম—
ভালই আছি।

সেন বল্লেন—যান, মুখ হাত ধুয়ে ফেলুন, পরের ষ্টেশনেই চা আসবে।

দিশোহারা

তাই ত, অনেক বেলা হ'য়ে গেচে যে—বলে আমি স্নানঘরে ঢুকে পড়লাম। তাঁদের যে সব কাজ হ'য়ে গেছে—স্নানঘরে ঢুকে তা আমি বুঝতে পারলাম। হয়ত সত্যিই আমার মূর্ছা হ'য়েছিল, নৈলে যুম ত আমে নি—এ পোড়া চোখে, অথচ কিছু মনে নেই কেন? কখন যে তাঁরা উঠেছেন, মুখ ধুয়ে, স্নান সেরে নিয়েছেন, কিছুই আমি টের পাই নি।

কোন মতে মুখ হাত ধুয়ে যখন আমি বেরিয়ে এলাম, গাড়ী থেমেচে। মস্ত ট্রেতে পাউকটা, ডিম, চা সাজিয়ে এনে খানসামা দাঁড়িয়ে আছে। আমাকে দেখেই সে ট্রে নামিয়ে একটা মস্ত সেলাম করে' বলে—বাঁবরা খানা কামরায়।

সারারাতের অনিদ্রা অবসাদের পর গরম চা-টুকু বেশ লাগল—ডিম দু'টো থেয়ে ফেললাম, টোষ্ট চিবোবার শক্তি ছিল না, খানসামা আবার সেলাম করে ট্রে তুলে নিলে! দু'দুবার সেলাম নিয়ে তা'কে রিক্তহস্তে বিদায় দিতে ইচ্ছে হ'ল না—আমার একটা পোটম্যান্টু ছিল, সেটি খুলে একটা টাকা বের করে তার হাতে দিতেই আবার সেলাম করে' সে বেরিয়ে গেল।

সেন এসে বলেন—১। খেলেন? কৈ কাপড়-চোপড় ছাড়েন নি ত! নি—কাপড় ছেড়ে ফেলুন; আমরা ততক্ষণ পাশের কামরাটাতে আছি—এই বলে তিনি বন্ধিমের হাত ধরে' আবার বেরিয়ে গেলেন।

কাপড় ছাড়ার কোন দরকার ছিল না, কিন্তু তাঁর কথা মেনে নিতে হ'ল—কেন তা আমিই তখন জানতাম না, তা বলব কি!

আর্শীর সামনে দাঁড়িয়ে চলে একটু আধটু সংস্কার করে, পোটম্যান্টু

দিশেহারা

থলে একখানা সাদা কাপড় খুঁজছি—খামে ভরা একখানা চিঠি চোখে পড়ল। হাতের লেখা সম্পূর্ণ অপরিচিত। কে যেন অলক্ষ্য হ'তে আমার ললাট লক্ষ্য করে' টিল ছুঁড়ে মারলে। 'তাড়াতাড়ি খামটা ছিঁড়ে ফেলে প্রথমেই নামটি পড়লাম—হতভাগা দিবোশ !

কি লিখেছে সে চিঠিতে—সে-সব যেন পড়বার প্রবৃত্তি হ'চ্ছিল না। চিঠিখানা হাতে ক'রে শুরু হ'য়ে বসে রইলাম। কিছুক্ষণ পরে অক্ষরগুলো একেবারে লাফিয়ে সারিবদ্ধ হ'য়ে আমার চোখে ফুটে উঠতে লাগল।

—“হাওড়ায় গাড়ী ছাড়লে আর তুমি আমাকে দেখতে পাবে না। কূপের ভেক আলো সহ্য করতে পারবে না—চির অন্ধকারেই তার বাস, সেইখানেই তাকে থাকতে হ'বে।

এ চিঠি যখন তুমি পড়বে, তখন তোমার মনের যে অবস্থা হ'বে, অনেক আগেই তা আমি স্পষ্ট দেখতে পাচ্ছি। কিন্তু যতটা অগ্নায় করেছি বলে তুমি ভাবছ—ততটা অগ্নায় বাস্তবিক কি করেছি আমি? হ্যাঁ, একটা প্রতারণা আমি করেছি, নেটি যদি তুমি মার্জনা করতে পার, বুঝবে যে আমি তোমার ~~হিতৈষী~~। তুমি হয়ত তোমার নিজের অবস্থাটি জান না, যদি জানতে, বুঝতে বিবাহের কথা বলা হত সহজ, কাজে ঠিক তা নয়। এ বড় নিদারুণ, মর্মান্বিত কথার, কিন্তু যাবার সময় তোমাকে তা আমি শুনিয়ে দিতে চাই। কদমের মেয়েকে বিবাহ করতে নেতার বাড়ীর কেউ-কেউ হয়ত পারে, আমি পারি নে। তবে যদি বল, তোমাকে মিথ্যা প্ররোচনা আমি কেন দিয়েছিলাম, তার উত্তর নেই। কারণ আমি আমার দুর্বুদ্ধিব বশে তোমাকে যেখানে এনে ফেলেছি

দিশেহারা

বলেই তোমাকে গৃহ শূন্য করেও আনার দুঃখ হ'চ্ছে না । ইতি,—দোল-
পূর্ণিমা । হতভাগা দিব্যোশ !”

চিঠিখানা হাতে করে বসে আছি, সেন এসে বলেন—হ'য়ে গেছে ।
ও-কি !

সেখানা তাঁর সামনে ছুঁড়ে ফেলে আমি দু'হাতে মুখ ঢেকে
বসে রইলাম ।

অল্পক্ষণ বাদে সেন বলে উঠলেন—স্বাউনগোল !

তাঁর মুখের দিকে চেয়ে আমি আহত অচেতনের মত বলে
উঠলাম—কে ?

এই দিব্যোশটা—বলে' তিনি চিঠিখানা হাতে করেই নেমে গেলেন ।

আবার আমি শুয়ে পড়লাম ।

দ্বাদশ পরিচ্ছেদ

আশ্রয়-হীনা ।

ভাবতে আমার সর্বাক স্ববির হয়ে যায়—যে একদিন, একটা লোক আমায় দেখে মুগ্ধ হ'য়ে আমাকে চাইতে এসেচে শুনে কত-না হর্ষোৎফুল্ল হ'য়ে উঠেছিলাম, আজ আর একজনের মোহের সংবাদ শুনে অঙ্গ শীতল হ'য়ে যায় কেন? প্রথম যেদিন দিব্যশকে দেখেছিলাম, সেদিন থেকে খুব ছোট খাট কথাগুলি পর্য্যন্ত আমার মনের পাতায় স্পষ্ট হ'য়ে আছে—সেদিন ত লজ্জায় অবসন্ন হ'য়ে পড়ি নি; সর্বাক শিউরে উঠেছিল, সে আমার মনে আছে—কিন্তু কৈ এমন ক্রান্তি, এত বিতৃষ্ণায় ত মন ভরে ওঠে নি!

আমার সম্বন্ধে মায়ের কি মত ছিল—তা জানবার সুযোগ হয় নি! আজ মনে হয়, বোডিং থেকে এসেই এত প্রশ্নটা কেন তাঁকে করি নি! তাহ'লে হৃদয় এত দুঃখ ঘটত না এ জীবনে! কিন্তু সে ত আমার ভ্রম নয়। অশ্চর্য্য হ'য়ে গেলেও—নিজের মাকে এত শীঘ্র তীব্র প্রশ্ন করাও যে স্বাভাবিক ছিল না, আজ পর্য্যন্ত তা আমার মনে স্বক্ৰমূল হ'য়ে আছে। তাঁর জীবন আমার কাছে অনেকদিনই সুস্পষ্ট হ'য়ে গেছে—তাঁর জীবনে ঘণা হ'লেও আমার সঙ্গে যে তার পার্থিব কোন সংযোগই

দিশেহারা!

ছিল না, এই জেনেই ত আমি দিব্যশকে এ-জীবনের ঋণতারা করে' ছুটে গেছলাম ! হার্ম ! সে-সব জান্ত, তবু ছেলে ভুলিয়ে কি মিথ্যা দিয়েই না আমাকে আচ্ছন্ন করে দিয়েছিল। আমি যা করেছি, যা বলেছি আজ তাতে বুকভরা ক্ষোভ জন্মালেও আমার লজ্জা নেই, কারণ আমি এর কিছুই জান্তাম না ! সে-যে জেনে শুনেই এমন মন্থন পৰিহাস করে গেছে—এ দুঃখ ত আমার ম'লেও যুচবে না।

আর এক দুঃখ চিরদিন আমার হৃদয়ে কাঁটার মত বিঁধে থাকবে যে, এ আশুগে সে অক্ষত দেহেই ফিরে গেছে। এমন কঠিন বিধাতা নেই যে-তাকে হাতে হাতে এর ফলটা দেখিয়ে দেয় ! আমি ত গেছিই, বার পেছনে নেত্যা, সামনে এই আশুগ—সে কি বাঁচতে পারে ?—আমার শেষ হ'য়ে গেছে, এখন তারটা দেখতে পারলেই যেন আমি বেঁচে যেতাম।

কিন্তু এ চিন্তা অধিককাল স্থায়ী হ'তে পারল না। এ না কি বড় জোর আশুগ, যেখান-বা পায় পুড়িয়ে দিতে চায়, দিব্যশের চিঠিটার প্রত্যেক কথাটিও আমার মুখস্থ ছিল, আমি ভাবলাম, সে কি করেছে ? সে ত 'একটা যন্ত্র মাত্র'—কে তার ইচ্ছা-প্রবৃত্তির চক্রটিতে দম দিয়ে নিজের ইচ্ছামত চালিয়ে নিয়ে খোড়িয়েছে ? দোষ কার ? তার—না এই চালকের।

দোষ ধারই হোক, রাগের রেশ সামনে থাকে পায়, তা' দিকেই ধাবিত হ'য়—দিব্যশকে ঝেড়ে মুছে ফেলে আমি একেবারে দাঁড়িয়ে উঠলাম।

যখন সেন আর তাঁর সঙ্গী ফিরে এলেন, তাঁরা আমার চেয়ে আশ্চর্য্য
• দিশেহারা

হন নি নিশ্চয়, কেননা, আমার সে অবস্থা মনে পড়লে আজও আমি বিশ্বয়ে অভিভূত হ'য়ে যাই। আমি স্থিরভাবে বসে যেন তাঁদের বক্তব্য অপেক্ষা করতে লাগলাম।

সেন জিজ্ঞাসা করলেন—কালী যেতে আপনার কি ইচ্ছে নেই ?

তাঁর বক্তৃতির আকারে ইঙ্গিতে এমন ভাবটা প্রকাশ হ'ল—যেন সেন প্রশ্নটা এরকম ভাবে করে ভাল করেন নি—এটা আমার চোখে পড়তেই দিব্যেশের চিঠির সেই ছত্রটা ভেসে উঠল। মনে যেন বিদ্রোহ করতে চায়, তাকে সংযত করে' আমি বললাম—যাব।

এটুকু আমার চোখ এড়ায় নি যে বাক্য আমার উত্তরে পরম তৃপ্তি পেলেন।

সেন-ও বোধ হয় সে'টি দেখেছিলেন, কারণ একমুহূর্ত তিনি প্রশ্ন দৃষ্টিতে তারই পানে চেয়ে রইলেন। তথাৎ আমার যেন মনে হ'ল—এ-রকম জিনিষ আর কখনও দেখিনি। কিন্তু ক্রমে বিসদৃশ, অস্বাভাবিক দেখছি তা বুঝতে পারি নি—তখনও।

সেন বললেন—কালীতে আমাদের বাড়ী আছে, বুঝলেন। কলকাতা থেকে চাকর বাকর কাল সকালের গাড়ীতেই জিনিষ পত্র নিয়ে রওনা দিয়েছে। আমাদের আগেই তারা পৌঁছে যাবে।

একটু থেমে আবার বললেন—আপনি জানেন বোধ করি, আপনার কলকাতার বাড়ীখানা-ও এখন আমার পোজেনে!—বলতে বলতে তিনি হেসে ফেলেন। বললেন—এ-রকম পোজেনে মনে করবেন না কেন।

আমাকে আঘাত দিতেই যেন কথাটি বলেছিলেন, কিন্তু তা'তে করে' আমি যে কতখানি ব্যথা পেলাম, তা ত তিনি জানলেন না।

বল্লেন—পোজেসন মানে হ'চ্ছে... .

আমি আর থাকতে পারলাম না। তীব্র কণ্ঠে বললাম—ইংরাজী বহি আমার অনেক পড়া আছে।

আহা! তা ত থাকবেই। আমি বলছি আপনাকে যে আপনার বাড়ীর পোজেসনটা সতর্কদেখেই নেওয়া হ'য়েচে। দেখুন-না—আপনি—এই বাড়ী-ছাড়া, জিনিষ পত্র ত বড় কম নেই।

“আমি বলে’ বসলাম—আপনি জানলেন কি-করে ?

জানাটা ত আদৌ শক্ত নয়,-- দু'টি কারণে। ব্যস্ত হ'বেন-না, বুঝিয়ে দিচ্ছি আপনাকে। প্রথমতঃ, আপনি যেদিন বোডিঙ থেকে এসেছিলেন, আমরা আপনাদের বাড়ীতে ছিলাম। আর একটি কারণ হ'চ্ছে--দিব্যোশ আমাকে বলেছিল। আমি ছাড়া তার অন্য পথ ছিল না।

আমি যে গোপনে তাঁদের সব কথাই শুনেছি, সে ত আমি ব্যস্ত করতে পারি নে, আমি কিস্কাসা করলাম—পথ ছিল-না কেন ?

সেন বন্ধুর দিকে চাইলেন, যেন উত্তর তাঁর মুখে নেই।

বন্ধিম ঈষৎ হাস্যের সহিত আঙ্গুল কটি নাচিয়ে বল্লেন—এই, বুঝলে, এই। এই হচ্ছে শ্রেষ্ঠ ও প্রকৃষ্ট পথ, তা তুমি-ও জান ত!

তাঁর এই-তুমি শব্দটা আমার কান যেন শুন্তেই পায় নি, আমি অবিচলিত কণ্ঠে বললাম—তা জানি। বলে বাইরে মুখ বের করে বসে রইলাম। এই লোকটির দৃষ্টি আমার ভালই লাগছিল না। তা'না-

লাগুক, কিছু আসে যায় না তাতে—কিন্তু আর একজন সে দৃষ্টির মোহ
অন্তরে অন্তরে অনুভব করছিলেন—সে আমি সেনের মুখের একাগ্রতা
দেখে বুঝেছিলাম।

কুয়াশা ভেদ করে' অরুণোদয়ের মত সেন সহাস্ত্রে বলেন—আপনি
এর আগে কখন কলকাতার বাইরে বেরুন নি, না ?

না—এই প্রথম।

বঙ্কিম বলেন—তাহ'লে শুধু কাশী কেন,—আরও খানিকদূর গেলে
হয় না ?—বলে সেনের পানে চাইতে লাগলেন। যে দৃষ্টির অর্থ রমণী
আমি, ঠিকই বুঝে নিলাম।

সেন বলেন—কেন হ'বে না ?—নিশ্চয়ই হ'বে—কি বলেন ?

আমাকে প্রশ্ন করে বিপদেই ফেলেন। আমার দেশভ্রমণেচ্ছা যে
আদৌ প্রবল নয়—সে কথা আমি তাঁকে জানাতে পারলাম না। জীবন-
লীলাটা এমন যায়গায় এসে দাঁড়িয়েচে যে তারই শেষ দেখবার জগুই
আমি ব্যস্ত। যারা দর্শক, তাঁরা হয়ত অন্ধিনুয়ের মতটি শেষ দেখতে
প্রস্তুত নন—কিন্তু আমার পক্ষে সে যে একান্তই অসহ অবহ হ'য়ে পড়েচে,
অথচ সেনকে প্রতিরোধ করতেও ইচ্ছে সেই। আমি উত্তর দিতে
পারলাম না।

বঙ্কিম বলেন—সেই ভালো, কি বলা, সোনা ?

আমি মুখ নাচু করে আছি, সেন বলেন—আপনার হয়ত আপত্য
আছে !

তিনি যে উভয় সঙ্কটে পড়েছেন, তাও আমি বুঝলাম। বাইরের
জগতের সঙ্গে কোনদিনই আমার সুস্পষ্ট পরিচয় ছিল না, কিন্তু এই অত্যন্ত

সময়ের মধ্যেই ভাগাবিপর্ধ্যায়ে আমাকে অনেক বিষয়েই সতর্ক করে দিয়েছে। সেনকে যতদূর আমি চিনেছিলাম তাঁর উচ্ছ্বসিত আবার অজ্ঞাত ছিল না এবং তাঁর দুর্বলতা যে কোথায় তাও আমি জানি।

তাঁকে প্রীত করার উদ্দেশ্যেই আমি বললাম—না, আপত্য আর কি!

সেন দু'মিনিট কথা কইলেন না। তারপর বললেন—কোথায় কোথায় যাওয়া যাবে?

এ প্রশ্ন আমাকে নয়—তাঁর আয়ত চোখের তারা দুটি যে পার্শ্বোপ-বিষ্ট লোকটির মুখের পরেই স্থির হ'য়ে আছে—তা দেখেই আমার পিত্ত জ্বলে গেল। তাঁরা টাইম টেবল খুলে' পরামর্শ করতে লাগলেন—আমি সম্পূর্ণ বিভিন্নের মত অতৃদিকে মুখ করে বসে রইলাম।

এ কি অনিয়ম অভ্যাচার! সেন নিজে সুপুরুষ! কি রকম সুপুরুষ তা হয়ত আমি প্রকাশ করে বলতে পারি না। দিব্যেশের রূপ যেন পৌরুষস্বত্ত্ব হ'য়ে আমার নারীহৃদয়কে স্তম্ভিত করে দিয়েছিল—এ রূপ ঠিক তা নয়—এ যেন ~~অস্বস্ত~~ সাধারণের মধ্যে অসাধারণ! লম্বায় তিনি ছ'ফুট নয়; রং ও একেবারে চোখ্ বলসানে নয়—বরঞ্চ ঠিক তার বিপরীত। সেই অল্প গোর বর্ণের নীচে থেকে এমন একটা স্নিগ্ধ কমণীয়তা ছুটে উঠতে—যা শুধু তাঁকেই দাঁপ্ত করত না, লোকের দৃষ্টিও আকর্ষণ করত। তাঁর রূপের বর্ণনা হয়ত আমার দ্বারা হ'য়ে উঠবে না কিন্তু তাঁকে যে বিমোহিত করেছে তার চেহারাটি আমি তুলি পেলে এঁকে দেখাতে পারি। একটা রমণীত্ববজ্জিত কিশোরী বালিকাকে ধুতি লোমা পরালে যেমন হয় ঠিক তেমনি! আশ্চর্য্য তার গলার স্বর, বাইরে থেকে রমনী বলে' ভ্রম হয়।

দ্বিদেশহারা

সেন বল্লেন—লক্ষ্মী, দিল্লী, আগ্রা যাওয়া যাবে।

আমি মুখ ফিরিয়ে দেখলাম, বন্ধিমের কোলের উপরে বালির কাগজের টাইম-টেবল খানি খোলা পড়ে আছে—তার বাম হাতটি সেনের দু'টি হাতের মধ্যে! আমি চোখ ফিরিয়ে নেবার উপক্রম করছি সেন বল্লেন—বলুন। কথা কচ্ছেন না কেন?

রুদ্ধশ্বাসে বললাম—আশ্রয়হীনা আমি—আপনার আশ্রয়ে আছি—আপনি যা বলবেন—তাই হ'বে।

সেন সন্তুষ্ট বা অসন্তুষ্ট হ'লেন বুঝতে পারলাম না।

ত্রয়োদশ পরিচ্ছেদ

তালপাতার আশ্রয় ।

মোগল সরাই স্টেশন আসতেই বন্ধিন বলেন—এইখান থেকে নৌকা কর ।

সেন অমনি দাঁড়িয়ে উঠে বলেন—বেশ । আপনি কি বলেন ?

বরবার আমার দত্ত চাওয়াটা কেমন অশোভন বলেই বোধ হ'ল আমার কাছে ।

সার্ভেন্টস কম্পার্টমেন্ট থেকে চাকর ডেকে বন্ধিন বিছানা-পত্র বাঁধতে বলে নেমে গেলেন, সেন স্টেশন ঘরের দিকে ছুটলেন, আমি একলা দাঁড়িয়ে প্ল্যাটফর্মের ~~জনতা~~ ~~দেখতে~~ লাগলাম । একলা থাকাটা রমণীর পক্ষে যে কত কষ্টকর তা এই প্রথম বুঝলাম । কোথা থেকে দিব্যোশ বিম্বী মূর্তিতে আমার মনের মধ্যে এসে দাঁড়াল—তা'কে চিন্তা করা সহজ ছিল না, এবং করব না বলেই প্রতিজ্ঞা করেছিলাম, কিন্তু মন ত আমার হাতধরা নয় ; আর সে চিন্তা একবার প্রশ্রয় পেলে, আমাণে গ্রাস করে ফেলবে এই ভয়েই সন্ত্রস্ত হ'য়ে আমি প্ল্যাটফর্মে নেমে পড়লাম ।

সেন ফিরে এসে ঘরের মধ্যে উঁকি মেরে বলেন—বন্ধিন ?

হারিয়ে ফেলার মত উৎকর্ষা আর চাঞ্চল্য দেখে আমার ভায়ী রংগ হল । কিন্তু সঙ্করণ করেই বললাম—আসেন নি ।

দিশেহারা ।

সেন এক দৃষ্টিতে প্রকাণ্ড ষ্টেশনটা খুঁজে নিয়ে বলেন—হ'বে না নৌকো করে যাওয়া ! গাড়ী মিলবে না এখান থেকে গঙ্গার ।

'ও—বলে আমি কামরায় প্রবেশ করে বদে' পড়লাম ; সেন অন্তর্দিকে চলে গেলেন । দু'তিনমিনিট পরে হাস্তে হাস্তে ফিরে এলেন । যেন হারাণো রতন খুঁজে পেয়েছেন ।

সেন বলেন—খিদে পেয়েছে নিশ্চয়ই আপনার ! কি খাবেন বলুন ?

বন্ধিম হেসে বলেন—খাবার খাবে ? হিন্দু মাংস, হিন্দু ফাউল ?
সেন মহাশয়ে বলেন—হিন্দু ফাউল কি আবার ?

জান না ! নব্বীপের বোষ্টমরা যে মুরগী পোষে—সে খেতে 'দোষ নেই, সে সব হ'ল আসল হিন্দু !

সেন বন্ধিমের পিঠে মৃদু করাঘাত করে বলেন—যাঃ !

বন্ধিম হেসে বলেন—হিন্দু রিসফ্রেসমেন্ট কম আছে এখানে ।

তাই বল ছাই ! আমি বলি—কি-নকি ?

জান না বুঝি ! সেই ভাটপাড়ার কালী ভাচারিয়ার গল্পটা' !—বলে বন্ধিম খুব জোরে চুরুটটায় টান দিয়ে ধোঁয়া ছাড়তে ছাড়তে বলেন—ভাচারিয়ার ভারি নিষ্ঠে কিষ্ঠে ; পয়সা কড়িও আছে, কলকাতা সহরে অনেক বড় বড় যজমান - প্রায়ই কলকাতা যেতে আসতে হয় । একদিন ভাচারিয়া ঠাকুর যজমান বাড়ী থেকে ফিরছেন, রাস্তার ধারে একটা ঘরে দেখলেন লেখা রয়েছে 'পবিত্র হিন্দু আশ্রম'—সামনে একটা আলো, তার গায়ে 'আপনাদের সেই চিরপরিচিত মহেশচন্দ্র চক্রবর্তী' দেখে ঢুকে পড়লেন । চক্কোত্তী মহাশয়ের সুপুষ্ট দেহে লম্বা উপবীত, শিখায় দুইটি

দিশেহারী

গাঁদা ফুল বাঁধা । দেখে ভ্ৰাচাযি ভারি খুসী । একটু আড়াল যায়গা দেখে
বসে একটির পর একটি প্লেট খালি করতে লাগলেন । চক্কোত্তীকে বলে
দিয়েছিলেন, প্লেটগুলো গঙ্গাজলে ধুয়ে দিতে । ‘আর কি আছে, আর
কি আছে বাপু?’—করতে করতে চক্কোত্তীর ভাঁড়ারে যা কিছু ছিল
তা প্রায় শেষ হ’য়ে গেল । শেষে চক্কোত্তী ম’শাই যে জিনিষটি দিয়ে
গেলেন, সেটি যেমন সুস্বাদু তেমনই উপাদেয় । খেয়ে ভ্ৰাচাযির পো ভারি
খুসী—বলেন ‘বাপু হে, এইটি তোমার সর্বোৎকৃষ্ট ।’ চক্কোত্তী সগর্বে উত্তর
দিলেন—‘আজ্ঞে হ্যা, ফাউল রেঁধেই বড়ো হ’লাম, ভালো হ’বে না ! আর
নিজে রোজ সকালে টেরিটিবাজারে গিয়ে পাখী কিনি, লোকজনের ওপর
ভার দিলে কি-আর চলে !’ এই বলে কলিকালে কুড়ি টাকা বেতন
লইয়া লোকজন ধর্মাধর্মের বিচার না করিয়া চুরি করিয়া মনিবের
সর্বনাশ করিয়া থাকে তাহারই বিশদ উপাখ্যান বিবৃত করতে লাগলেন ।
এদিকে ভ্ৰাচাযির চক্ষুঃস্থির ! “হ্যা বাপু ? এটি কি বলে ?” চক্কোত্তী
সবিনয়ে নিবেদন করলেন—আজ্ঞে ফাউল-রোষ্ট ! খুব কচি মুরগী.....

ভ্ৰাচাযি রেগে অগ্নিশর্মা, পুলিশ ডাকে আর কি ।

চক্কোত্তী বলে—ঠাকুর ম’শায়, আপনি ভড়কান কেন ? হ’লেই
বা তাই—হিন্দুর রান্না, হিন্দুর দোকান, গঙ্গাজলে ধোয়া প্লেট, —ফাউল
বলেই অমনি অপবিত্র হ’ল । শুধু তাই নয়, আজ আবার সকালে দিলার
নালা ভেঙ্গে কলের জল বন্ধ ছিল, গঙ্গার জলেই সমস্ত রন্ধন হ’য়েচে—
এতে আর দোষ কিসের ? শাস্ত্রেই রয়েছে গঙ্গা..... শুনে ভ্ৰাচাযির
খড়ে প্রাণ এল । বলেন—‘বাপু গঙ্গাজলে রেঁধে তুমি বড়ই উপকার
করেছ । ওটা শাস্ত্রীয় হ’য়েচে ।’ দাম-টাম মিটিয়ে দিয়ে যাবার সময়

দিশেকারা

গোপনে বল্লেন—দেখ বাপু, এবার যেদিন আসব, তিন পয়সার খামে করে' তোমায় খপর দেব—সেদিনও ঐ গঙ্গাজলেই পাকটা করো !

চকোত্তী ভক্তিভরে ভাষায়া ম'শায়কে নমস্কার করে' বল্লেন—
আজ্ঞে হ্যাঁ, করব বৈ কি ! আমার এটা পবিত্র হিন্দু আশ্রম, দেখছেনই
ত ! অহিন্দু কিছুই পাবেন না। ত্রিসঙ্কো না ক'রে আমি জনগ্রহণ
করি না। আর ঐ পাখী-টাখী বধ করবার আগে দস্তরমত উচ্চুগ্গু
করে গায়ে মুখে গঙ্গাজল দিয়ে তবে বধ করি। তাদের কানে হরিনাম
পুরে দিই, ভবঘন্ত্রনা থেকে মুক্ত হ'য়ে যায়—বুঝলেন না ঠাকুর'মশায়।
সাজার হ'ক্, হিন্দুর ছেলে, ব্রাহ্মণের বংশধর ত বটে—অশাস্ত্রীয় কি হ'তে
পারে হ্যাঁ, হ্যাঁ—বলবার যো-টি নেই ! হ্যাঁ !”

সুনে সবাই হাসলেন, আমিও হাসলাম। তাই দেখে বন্ধিম কৃত্রিম
গম্ভীরস্বরে বল্লেন—কি ! থাকেন না-কি হিন্দু ফাউল ? গঙ্গাজলে পাক
করা ! শাস্ত্রীয়মত—দোষ হ'বে না—থাকেন ?

সেন বল্লেন—অবশ্য বিলাতিও আছে—স্বা'চান।

বন্ধিম বল্লেন—আমরা বিলাতিই খাব। আপনি ?

আমার মত মেয়েও নিজের খাওয়ার কথা বলতে পারলে না। সেন
বোধ করি সেটা বুঝলেন, আর বাক্যব্যয় না ক'রে বন্ধিমের হাত ধরে
চলে গেলেন।

খাওয়া প্রায় শেষ হ'য়ে এসেছে, বন্ধিম ফিরে এসে বল্লেন—আর
কিছু চাই, সোণা ?—আমাকে হাত গুটোতে দেখে বল্লেন—লজ্জা কি,
খাও না। বল, আর কিছু চাই ?

না—বলে স্নানঘরে ঢুকতে যাচ্ছি, বন্ধিম খপ্ ক'রে আমার

দৃষ্টিশেহারা

হাতটা ধরে ফেলে বলেন—আমি এসেছি বলে খেলে না না-কি ?

সর্বাক্রমে গলেও মুখে তার চিহ্নমাত্র প্রকাশ পেল না, “খাওয়া হ’য়ে গেছল” বলে একটু জোরেই হাতটা ছাড়িয়ে আমি ঢুকে গেলাম ।

সেখান থেকে বেরুতে যে আমার কত দেরী হ’য়েছিল—সে যেন আমি বুঝতেই পারি নি । গাড়ী ছুটেছে—আমাকে দেখেই সেন বলেন—আমরা ভেবেছিলাম আপনি বুঝি ঘুমিয়ে পড়লেন !

এই রহস্য যে আমার মনোমত হয় নি, তা’তে আমি ব্যথা পেয়েছি এ যেন সেন সহানুভূতির বলেই বুঝতে পারলেন, তখনি নম্রস্বরে বলেন—এইবার কাশী দেখতে পাবেন ।

এ-যেন কচি ছেলের হাতে খেলনা দেওয়া !

গাড়ী যখন পুলের উপর দিখে অপেক্ষাকৃত অল্প বেগেই ছুটে লাগল, সেন আমাকে কোন্ বাড়ীটা কি, কোন্ ঘাটটার কি নাম সব বলে দিতে লাগলেন । আমি হর্ষিত মন কখনো শুনছিলাম না, কিন্তু তাঁর স্নেহের সুরটি যে আমার অন্তরতম প্রদেশ সিক্ত করছিল—এ আমি বুঝতে পারলাম ।

শিবালয়ে যে বাড়ীটায় আমরা উঠলাম, সেটি সেনের নিজের বাড়ী । বাড়ীটা খুব বড় নয়, খুব যে বেশী সাজানো গোজানো তাও নয়—তবে তার মধ্যেই এমন সব জিনিষ আছে যার থেকে সেনের ধনৈশ্বর্য্য এবং সুরচির পরিচয় অভ্রান্তরূপেই পাওয়া যায় ।

বাড়ীতে খাবারদাবার তৈরী ছিল । আহাৰাদির পর সেন বলেন—আজ আর বেরুবেন কি ? তা’হলে গাড়ী বলে দিই ।

দিশেহারা

বন্ধিম বল্লেন—নিশ্চয়ই বেরুবেন। নৈলে কি আমরা 'একলা' যাব না-কি !

সেন সপ্রশ্ন দৃষ্টিতে আমার পানে চেয়ে রইলেন। আমি ভাবছিলাম, সেন যদি অনুরোধ করেন, যেতেই হ'বে, আর আমিও তাঁর মুখ দেখেই বুঝতে পারলাম—আমার অমতে তিনি আমাকে অনুরোধ করবেন না।

ঠিক তাই। সেন বল্লেন—আজ বিশ্রাম করবেন !

বন্ধিম বল্লেন—পরিশ্রম কি, যে, বিশ্রামের দরকার হ'বে ?

সেন বল্লিলেন—না না—

আমি বললাম—আজ আমি বড়ই ক্লান্ত !

সেন আর কিছু বল্লেন না, বন্ধুর হাত ধরে নেমে গেলেন। আমিও সামনের বারান্দায় এসে দাঁড়িয়ে তাঁদের ভ্রমণ বহিগমনটা দেখতে লাগলাম। হয়ত আমার ভুল, কিন্তু সেন মনে হ'ল—বেড়াতে যাবার ইচ্ছা বন্ধিমের আদৌ নাই, কেবল সেনই তাঁকে টেনে গাড়ীতে তুললেন।

আমি ছাঁদে চলে এলাম। কাশীটা ঘুম একবার চোখ বুলিয়ে দেখার মত দেখে নিলাম। বাড়াটার পাশেই একটা সরু গলি, তার মধ্যে অনেকগুলো মুসলমান স্ত্রী পুরুষ বসে বসে মাটির কুঁজো, গড়গড়া, পুঁতুল তৈরী করছে। কতকগুলো উলঙ্গ শিশু মাটি ঘাঁটছে, পুঁতুল নাড়ছে, মার খাচ্ছে—এই সব।

পাশের বাড়ীর একটি বৌ ছাঁদে বসে জামায় সাবান মাখাছিলেন, আমাকে দেখে ত্রস্তে দাঁড়িয়ে উঠে হাতটি কাপড়ে মুছতে মুছতে জিজ্ঞাসা করলেন—আপনারা আজ এলেন-বুঝি ?

মেয়েটি না-জানি কি অসভ্য বর্করই ভাবলে আমাকে ! একটা ছোট

দিশেহারা

ইয়া বলে' আমি দুড় দুড় করে নেমে গেলাম। আর একদিনও ছাদে উঠব এমন ভরসাও আমার ছিল না। কেন, তা বোধ করি আর বলতে হ'বে না—কলকাতায় আমার নিজের বাড়ীর ছাদের কথা আমি ভুলি নি ত!

রাত্রে সেন বলেন—এই ঘরটা আপনার—বুঝলেন!

আমি ঘাড় নেড়ে জানালাম—বুঝেছি। একটা আরামের নিঃশ্বাসও পড়ল।

বকিম সে-সময় ঘরে ছিলেন না। সেন বোধ করি সেই জন্তেই একটু চঞ্চল হ'য়েছিলেন। আর কিছু না বলে চুপ করে বসে রইলেন।

এই নীরবতা যেন সন্ধ্যার মত ধরণীকে গ্রাস করতে এ'ল। প্রত্যেক মুহূর্ত্ত আমার কণ্ঠ রোধ করতে চায়। যা ভাবতেও আমার ভয় হয়—খুখ যেন সেইটি বলবার জন্তেই ছটফট করছে। জীবন ত আমার কাছে স্বচ্ছ তটিনীটির মত ছিল না, ক্ষুদ্র উপলখণ্ড ত তার কলগান আরো মধুর করে তুলত না—এ একটা এমন জীবন যে কিছুর সঙ্গে কিছুরই তার যোগ নেই, প্রকাণ্ড ঝাশছাড়া। এই চিবভ্যস্ত জীবনেতিহাসের এমন একটি পাতাও ছিল না যেখানটাকে ভেবেও একটু সাস্থনা পাই। একটা সময় নে এসেছিল, কিন্তু কার নিশ্চয় ইচ্ছার বলেই ব্যঙ্গ করে ফিরে গেছে।

এর এক বিন্দু আমি ভুলতে পারি? তার অক্ষর ত জলের আলপনা নয়, যে বাতাসের ভরটি মৈবে না, রৌদ্রের তেজ না পেতেই শুকিয়ে যাবে! এর অক্ষুপরনাগুতে অববি আনার রক্তাক্ত হৃদপিণ্ডটা নিফল-রোষে নিজের শক্তিই অপহরণ করছে।

বোধ করি সেনও বিরক্ত হ'য়ে উঠেছিলেন। চাকরকে বলে দিলেন

দিশেহাস্তা

—বহিমকে ডাকতে। এই শুনেই আমি ক্ষেপে' গেলাম! এ-যে আর সহ হয় না। ঝড় না-কি আগেই উঠেছিল, এখন বাতাস তাতে যোগ দিলে!—আর যায় কোথায়? এর গতিরোধ করবার ক্ষমতা আমার ছিল না।

আমি সেনের সামনে বসে পড়ে বল্লাম--আমায় আপনি ত্যাগ করবেন-না!

হায়! হায়! এও আমার বরাতে ছিল! এ কি অভিশাপ বিধাতা আমার ললাটে ছাপ মেরে দিয়েছিলেন—সেন বল্লেন, আপনি না ত্যাগ করলে, নয়!—আশ্চর্য্য। এমন স্নেহ-কোমল স্মৃষ্টি যার স্বর স্রষ্টা কি তার হৃদয়টা বসিয়ে দিতে ভুলেছিলেন, নইলে সে কেমন করে পারলে। পাছে আমার প্রসারিত হস্ত গায়ে ঠেকে যায়, আমার স্পর্শ ভয়ে সে পাশ কাটিয়ে দাঁড়িয়ে পড়ল।

আমি দাঁড়িয়ে, একবার চারদিকটা দেখে বেরিয়ে গেলাম।

এ জিনিষটার মজা এমনি, এত তার তর্জন-গর্জন, এত লাফালাফি ঘরের বাহিরে যখন এল একেবারে হিম হ'য়ে গেছে। এত ঝড় অন্ধকার আকাশটায় সেই একটা তারাই জ্বলছিল, মাধ্যাকর্ষণের মত যেন তারো একটা শক্তি জন্মে' আমাকে ক্রমাগত টেনে ফেলতে লাগল! একি হৃদয় ছন্দ! জানি না, মানুষের মনের এ অবস্থাকে কি বলে, তবে তার চেয়ে ভীষণতর আকর্ষণে কেউ আমাকে ছুলিয়েছিল কি-না, তার অভিজ্ঞানের জন্মে তখন আমি তত ব্যস্ত হই নি, তারি পীড়াভারে আমার সমস্ত দেহটা চেউয়ের মত নাচিয়ে তুলছিল।

আকাশের অন্ধকার ক্রমশঃ যেন তরল হ'য়ে আসছিল, সেদিন তিথি

কি ছিল আমি জানতাম না—কিন্তু কোথাকার একটা আলো কোন্-দিকে উঠে অন্ধকারকে ফ্যাকাসে করে দিচ্ছিল। তারার দীপ্তিও নিশ্চয় হ'য়ে গেছে।

বঙ্কিম উপরে এসেই আমার সন্ধান করতে লাগলেন। তাঁর গলার স্বর চেহারার অনুরূপ ছিল না, তা থাকলে আমি শুন্তে পেতাম না। চেহারাটি ছিল বেজায় পাতলা, মুখখানার যেন কোন একটা বিশেষ রং নেই, গোফের রেখা দিয়েছে মাত্র, কিন্তু গলা একেবারে কাশীবাজার মত। “গেল কোথা ছুঁড়ী?”

সেন স্বাভাবিক স্বরেই বললেন—শুতে গেছে।

“কাশী বাজল—কোথায় শুতে গেল আবার। ডাক.....

সেন তাঁর হাতটা ধরে টেনে বসালেন। কি বললেন, তা আমি শুন্তে পেলাম না। আমি সবই দেখতে পেয়েছি, কিন্তু আর ত সেখানে থাকা চলে না। কি-জানি ঐ রোগা দেবতা আবার যদি খোঁজ নিতে বেরিয়ে পড়েন।

আমি পা টিপেই ঘরে ঢুকেছিলাম, দরজা বন্ধ করতে একটা শব্দ হয়ে গেছিল, প্রায় সেই সঙ্গেই বঙ্কিম ডেকে উঠলেন—সোনা!—আর সাড়া পেলাম না।

এই ছ'য়ের সঙ্কট বিচার নিয়ে এক সময়ে আমার চিন্তার অন্ত ছিল না, আজ কিন্তু সে-সব চিন্তা অন্তহিত হ'য়ে গেল। মনের মধ্যে চিহ্ন টুকু পর্য্যন্ত নেই—আজ যে চিন্তা আমার প্রথম হ'ল—তা এই, যে এর সীমা আছে কি? যদি থাকে, তবে সে কতদূর? এবং আমি কোনদিন তার রেখাটাও দেখতে পাব কি-না।

দিশেহারা

যাদের প্রগাঢ় প্রণয়ের সীমারেখা নির্দেশ করতে এত তৎপর হ'য়ে উঠেছিলাম আমি তা'দের কথাই ভাবতে ভাবতে আমার মনে হ'ল যে কেবলমাত্র সেই প্রণয়ের বলেই আমি আশ্রয় হারিয়েও সুপ্রতিষ্ঠিত হ'য়ে আছি। দিব্যেশের চিঠির সেই অংশটা জল জল করে জলে উঠল; আজই ভোরে ট্রেনে তাঁদের কথাবার্তাও মনে পড়ল—তাকেই তুষ্ট করতে সেন দিব্যেশ-যন্ত্রে দম দিয়ে আমাকে গৃহহীন করেছে! এক মুহূর্ত আগে যে সেনের পায়ে কাছ বসে, অশ্রুজলে ভেসে বলতে পেরেছিলাম—আপনি আমাকে ত্যাগ করবেন না—এখনি নিজের জিহ্বাকে ধিক্কার দিলাম—ছিঃ ছিঃ; এ কথা কেন বলেছি, কা'কে বলেছি? যার কাছ অসীম বিশ্বাস ভরে এই প্রপীড়িত, লাঞ্চিত, আর্ত নারীজীবনটাকে এক নিঃশ্বাসে গুলু করে দিয়েছি—তার কি নিজেরই সত্ত্বা আছে যে আমাকে সে রক্ষা করবে! সেই রোগা দেবতাটির তুষ্টির পরেই যে নির্ভর করছে আমার এই আশ্রয়টুকু, তার অনিচ্ছায় যে একমুহূর্তও এই আশ্রয় কুটারখানি সোজা দাঁড়িয়ে থাকবে না জেনেই—সেনের উপরও অশ্রদ্ধা হ'য়ে গেল।

সেনের আশ্রয় যে নদীর কিনারে তালপাতার আশ্রয়, যে কোন সময়েই অল্প বাতাসেই, নদীর ফাঁপেই ভেঙ্গে পড়ে যেতে পারে, সেই ভেবেই অন্ধকার ভবিষ্যটার পানে চেয়ে দেখতে লাগলাম। সে কাঁ অন্ধকার! কেতাবে পড়েছি সূচীভেগ অন্ধকার, না-জানি সে কত ভীষণ! আমার চারিপাশ ঘেরে যে অঁধার জমে উঠে আমাকে আঁকুল করে তুলেছিল আমি ত তা ভেদ করে সেই জগজ্জ্যাতিঃ জগদীশ্বরকেও দেখতে পেলাম না। তাঁর নাম, তাঁর আলো না-কি সব সময়েই পাঁপী-

দিশেহারা

তাপীর প্রাপ্য, তা থেকে কোন অভাগাই বঞ্চিত হয় না—সেই আলোই যখন আমি দেখতে পেলাম না' তখন ত আমার মৃত্যু বাণ্ধাই জন্মেছিল। সত্যিই মরণোন্মুখের মত আমার স্নায়ু শিথিল হ'য়ে গেল, নয়ন দাঁপ্তহান, হৃদয় শক্তিহারা হ'য়ে কেবল শেষ নিঃশ্বাস ফেলবার অবসর খুঁজতে লাগল।

রাত তখন কত জানি নে—ঠাণ্ডা বুরঝুরে হাওয়া মনকে আবার সজীব করে দিলে। ইনজেকসানে মানুষ যেমন হ'য়ে ওঠে, তেমনি! চিন্তাটিকে রঙ চঙে টুকলার ছবি করে দিয়ে গেল। এই কাশীর নিস্তরু অন্ধকার যেন আমার বহুকালের পরিচিত আলাপী, আমাকে শীতল করতেই সে বাতাস পাঠিয়ে দিয়েছিল; এই ঘরবাড়ী আমার চোখের সামনেই উঠেছে যেন।...কখন যে আমি মা'র কোলের' পরে অজ্ঞান-শিশুটির মত ঘুমিয়ে পড়েছিলাম, তা'ও জানি নে, কিন্তু ভোরের আগেই ঘুম ভেঙে গেল।

বেরিয়ে এসে দেখি, এঁদের ঘন খোলা! চোখ ছুটে যেতে চায়, দেখব না প্রতিজ্ঞা করেই—সামনে দিয়েই পথ—যেতে যেতে কখন যে আমার অজ্ঞাতসারেই ছবিটা চোখের পাতায় মুদ্রিত হ'য়ে গেছে—যা এখন পর্যন্ত অম্লান স্পষ্ট হ'য়ে রয়েছে! এ-যেন বায়স্কোপের ছবি, কবে-কে-কোথায় তুলেছে, তার পর কল ঘোরাচ্ছে আর দেখাচ্ছে।

দুটিতে মুখোমুখী পড়ে ঘুমোচ্ছে—কল ঘোরানোর মতই এখন এ এ 'আমি দেখতে পাচ্ছি। সেই! সেই!

চতুর্দশ পরিচ্ছেদ

আতিথ্য ।

বিছানায় বসেই সেনের চা পান করলেন । উপত্যাসের নায়িকাদের মতই আমিও তাঁদের সামনেই বিস্কুট চিবুতে লাগলাম । স্বকৃত এ অপরাধের অনুশোচনা পরে আমার বড় কম হয় নি, কিন্তু তখন যেন কিসের নেশায় আমাকে উধাও করে নিয়েছিল, এই আমার ঐকান্তিক আশা বলে টের পেয়েছিল ।

সেন বল্লেন— দিনের প্রোগ্রাম একটা করা যাক্-কি বলেন ? — তাঁকে পাণের দিকে চাইতে দেখেই আমার মনে পড়ল, সকালের সেই ছবিটা ! হু'জনে গলাজুড়াজুড়ি করে কি সে পরামর্শ দেন নাই ?

করণ— বলে আমি অন্তর্দিকে ফিরে বসে রইলাম । একটু দূরে বন্ধিম মুখখানা ভিজে কঞ্চল করে বসে রইলেন ।

সেন বল্লেন— গাড়াগাড়ি ত নেই, বেশ ধীরে মুখে দেখা যাবে কি বল হে !

মুখের আলুভাতে ভাবটা ঘুচল না, ক্যাঁ ক্যাঁ করে বন্ধিম বল্লেন— তাই হ'ক !

সেনের যেন আর উৎসাহ রইল না । বার বার তোয়ালে দিয়ে মুখই মুছতে লাগলেন । এসব আমার ভারি বিস্মী লাগল ।

দিশেহারা

আমি তাঁর দিকে চেয়েই বললাম—কি কি দেখবার আছে এখানে ?

তিনি যেন কণ্ঠে সৃষ্টে বল্লেন—কাশীতে ! ওঃ—অনেক আছে !

বললাম—বলুন না শুনি ?

শুনবেন ! বলে একবার মুখ মুছলেন । কোনটাই যেন মনে আসছিল না । তার জন্তে তিনিও লজ্জিত হ'য়ে উঠছিলেন, তাঁর মুখ দেখেই সে আমি বুঝতে পারলাম ।

অনেক দেবমন্দির আছে, শুনেছি ।

অনেক অনেক—বলে সেন বন্ধুর পানে চেয়ে বল্লেন—আজ সারনাথে যাওয়া যাক্ কি বল ?

'আমার চোখের তাঁর দৃষ্টিতে বন্ধিম ব্রহ্ম হ'য়ে পড়লেন, স্বর অপেক্ষাকৃত নরম করে' বল্লেন--বেশ ত ! একটা ফোটাগ্রাফার পাওয়া যাবে না ? একটা গ্রুপ তুলিয়ে নেওয়া যেত ।

সেন বল্লেন—ফোটাগ্রাফারের আবার হুঃখু, চলনা চকের দিকে, ঢের আছে । ...একটু পছন্দ বল্লেন—আপনার আপত্তি নেই ত !

ফোটাগ্রাফের কথা যেন আমি শুনিই নি, এমনি ভাবে উত্তর দিলাম আপত্তি কিসের ?

সেন সানন্দে বল্লেন—নেই ত, তাহ'লেই হল !

এর ভেতর ব্যঙ্গ বা শ্লেষ ছিল না—সে আমি জানি ! বিরক্ত নয় একটু বিস্মিতের ভাগ করে' জিজ্ঞাসা করলাম—কিসেব আপত্তি ?

ভাগ করতে গিয়ে আমি যেন জড়িয়ে পড়েছিলাম ! সেন এবারও ঠিক বুঝতে পারলেন না ।

আমি পুনরায় বললাম—কিসে আপত্তি তাই যে জানি নি, ছাই ?

*দিশেহারা

বলিহারি লোক আপনি ! তবে এতক্ষণ কি শুনেন ?

আমি ত শুনি নি, আমি দেখা ছিলাম । ঐ যে — দেখুন না মজাটা !

একটি হিন্দুস্থানী ছেলে ফর্সা জামা কাপড় পরে লেখাপড়া করতে যাচ্ছিল, গলি থেকে বাঙ্গালীর একটা নগ্ন ছেলে এক পিচকিরি রং তার গায়ে ছুঁড়ে পালিয়েছে । একগাদা লোক জড় হ'য়ে মহা আশ্চর্যান্বিত হয়ে দাঁড়িয়েছে—বাঙ্গালীর ছেলের এ স্পর্ধা তারা সহ করে কেমন করে'— এই তাদের সমস্তা হ'য়ে দাঁড়িয়েছিল—স্বজাতের ছেলে হলেও বা ক্ষমা ছিল । আমি দেখতে পেলাম, একটি বিশ পঁচিশ বছরের জামা গায়ে বাঙ্গালী ছেলে ডাক-বাস্তায় চিঠি ফেলতে হাত পুরে দাঁড়িয়ে দেখছে । তারা যতই গর্জন করছে—হেন্ন করেগা, তেন্ন করেগা, তার হাত ততই আড়ষ্ট হ'য়ে যাচ্ছে । বঙ্গের বাহিরে বাঙ্গালীর সম্মানের কথাই শুনে এসেছি, কিন্তু চোখে যা দে । গেল, আমার রক্তও তেতে উঠল ।

সেন চেয়ার ছেড়ে দাঁড়িয়ে উঠলেন । চিঠি জুতো পায়ে দিয়ে ফট ফট করে' নেমে ভিড়ের মাঝখানে গিয়ে দাঁড়ালেন ।

একটা ছোঁড়া—যে বুঝে জোরে গালাগালি দিচ্ছিল, চটাং করে' তার গালে একটা চড় দিয়ে বললেন—যাও—তফাৎ !

আমরা দুজনেই, আমি আর বকিম, বারান্দায় এসে দাঁড়িয়েছিলাম ।

সেন আবার সেই চিঠি ফেলা-লোকটির গালে আর এক চড় বসিয়ে বললেন—লজ্জা করছে না দাঁড়িয়ে দেখতে ।

চড়ের শব্দের প্রতিধ্বনি না মিলুতেই খোট্টার দল 'ভেসি' করে, লাফিয়ে উঠল ! আমার বুকও ধড়াস ধড়াস করতে লাগল ।

• সেন পকেট থেকে একখানা পাঁচটাকার নোট সেই স্তম্ভ-রঞ্জিত-দেহ

ছেলেটির হাতের উপর দিয়ে, ভিড় ঠেলে বেরিয়ে এলেন। ছেলেটির হাতের দিকে পড়ল সবার নজর !...সেন উপরে এসে বল্লেন - ভালো হাঙ্গাম সকাল-বেলা !

যেন সব সময়েই হাঙ্গামাটা শোভনীয়, এই সকাল ছাড়া ! বঙ্কিম হেসে বল্লেন—ছেলেটা চলে গেল !

সেন বল্লেন— যাবে না ? হাতে রুধির পড়েছে যে ! শুধু যে পুলিশই রুধির পেলে সন্তুষ্ট হয়, তা নয়—সবাই । বুঝলে ?

সে গল্পটা বলা হয় নি । কাল সন্ধ্যাবেলা এক পুলিশ (টিকটিক হ'বে) এসে হাজির.—টিকে দেওয়া হয়েছে কি না—পাড়াটার না-কি ভয়ানক কলেরা হ'চ্ছিল—সেন একধমকে তাকে দূব করে হাতে পাঁচটা টাকা গুঁজে দিয়েছিলেন । পুলিশ হাতে টাকা পেতেই রিপোর্ট লিখলে, এদের হাতে টিকে আছে । আজও টাকা দিয়েই তিনি বিবাদ মিটিয়ে দিলেন । এই পর্য্যন্ত ছিল এর বেশ, কিন্তু জাঁক করাটা না-কি কোন সময়েই উচিত নয়—তাই সেটা আমার ভাল লাগল না আমি বল্লাম—আপনি কি মনে করছেন, পাঁচটা টাকা পেয়েই খোড়োরা খেয়ে গেল ?

সেন পরিহাসের স্বরে বলে উঠলেন—মনে করাটা ত আশ্চর্য্য নয়—বরং স্বাভাবিক । যদিও আমি তা মনে করি নি । আমি যা মনে করেছি তা একেবারে উল্টো । এত আকস্মিক ও-ভিড়ের মধ্যে যে কেউ চুকত সেই পারত—গেলে মিটিতে দিতে ! দেখুন, হঠাৎ কাজ করার এই একটা মস্ত গুণ ! কুস্তীর বাহারলি আর কি ! কোথাও কিছু নেই—একেবারে আচমকা !

দিশেহারা

আর কিছু বলাম না ।

সেন ভাবলেন হয়ত, তখনও আমি বুঝতে পারি নি । একটু হেসে
বলেন—কি ! আপনি বুঝতে পারলেন-না ?

বুঝেছি ।

বন্ধিম বললেন—সারনাথে যাওয়াই ঠিক ত ?

সেন আমার দিকে চেয়ে বললেন—ঠিক বৈ-কি ! গাড়ীর কথা বলে
দিই.....বলে তিনি নেমে গেলেন । তাঁর সঙ্গে সঙ্গে আমিও বেরিয়ে
যাচ্ছি—বন্ধিম দরজার সামনে এসে বললেন—এক গাড়ীতেই যাওয়া হ'বে
ত ?

এ-পর্যন্ত এ-চিন্তা আমার ছিল না, কিন্তু তাঁর মুখে সে-কথা
শুনে আমার মন আর বশ মানলে না ; আমি সেনের পাশে দাঁড়িয়ে
বললাম—দু'খানা গাড়ী করবেন ।

সেন বন্ধিমের দিকে চেয়ে বললেন—আচ্ছা !

আর স্বেপানে দাঁড়িয়ে থাকা সম্ভব নয়—আমি দ্রুতপদে পাশের
ঘরটায় ঢুকে পড়লাম ।

আহা!দির পরই সেনের গাড়ী এসে লাগল । সেন-যে ধনী যুবক
সে ত নিশ্চয়ই, এবং ধনগর্বও তাঁর অনেক দেখেছি, কিন্তু সেই সত্য
মিথ্যার গর্বের তলে বেশ একটু মাধুর্য্য ছিল । যা' কাউকে মুগ্ধ করবেই !
অন্তঃ আমাকে করেছে । একজোড়া ঘোড়া আর একজোড়া গাড়ী
কাশীতেই থাকত,—বাবু বছরে দু'তিনবার এসে থাকেন ।

দু'খানা গাড়ীই এসেছিল, দরজার কাছে এসে সেন বললেন—আপনার
কষ্ট হ'বে না ত মুখটি বুজে একগাড়ীতে একলা—অনেক পথ কি-না !

দিশেহারা

চলুন—এক গাড়ীতে যাই।

সেন আর কথা কইলেন না। কথাটা বলেই আমার জিভ বেরিয়ে
গেছিল—নইলে বন্ধিমের মুখটা দেখবার ইচ্ছা ভারি বলবতী হ'য়েছিল।

আমাকে পিছনের আসনটায় বসিয়ে তাঁরা সামনে বসে পড়লেন।

আমি বললাম—আপনারা এদিকটায়.....

সেন হেসে বললেন—অতিথি যে আপনি!

পকেট থেকে সিগারেট কেস্টা বার করে বন্ধিমের মুঠোর মধ্যে
পুরে দিয়ে বললেন—আর, আপনার কথাতেই আমরা সন্তুষ্ট হ'য়েছি।

“ভবতীনাং স্মৃত্যৈব গিরা কৃতমাতিথাম”—

বুললেন ত।

স্কুলে সংস্কৃত আমার প্রিয় ছিল না। নইলে আমার যেমন মেধা
ছিল, এমন না-কি অনেক মেয়ের কেন, ছেলেরই থাকে না। এ
আত্মপ্রশংসা নয়—নিছক সত্য। কিন্তু সে রহস্য প্রকাশ করতে সাহস
ছিল না, একটু ঘুরিয়ে ফিরিয়ে বললাম—কিসে আছে বলুন ত?!

সেন বললেন—অভিজ্ঞান শাকুন্তলম। সেই যে, রাজা দুঃস্বপ্ন এসেছেন,
—প্রিয়স্বদা শকুন্তলাকে পাণ্ডুঅর্ঘ্য আনতে পাঠাচ্ছেন, রাজা বললেন --
আহা পাণ্ডুঅর্ঘ্যে আমার দরকার নেই। মুখের মিষ্ট কথাই যথেষ্ট—
তোমার মনে আছে ত বন্ধিম?

যা ভেবেছি তাই, আমারই জোড়া!

ঠিক মনে হ'চ্ছে না, তবে হ্যাঁ...আর—যেন বললেন না।

মনে আছে নিশ্চয়ই, এখন হয়ত মনে পড়ছে না...বলে সেন তাঁর
হাত থেকে একটি সিগারেট নিয়ে অগ্নিসংযোগ করলেন।

দিশেহারা

কাশীর রাস্তায় মনোযোগ দিলাম। কিন্তু রাস্তার দুধারে খুবসী কাটা জান্নার বাড়ী আর মাঝে মাঝে পাঁচিল দেওয়া বাগান...এর চেয়ে আমাকে উৎসাহিত করে ফেলেছিল, সে একটা গল্প।

এক যে ছিল রাজা, তার ছিল দুই রানী,—দুয়ো রানী আর সুয়ো রানী। রাজা সুয়েরানীকে ভালবাসেন ভারি! আর দুয়োরানী আস্তাবলে না থাকলেও প্রাসাদেরই এক কোণে থাকেন; আর ঠিক চাকর দাসী নয়, এই রাঁধুনি নামণীর মত! তবে রাজা লোকটি বড় ভাল, সুয়োরানীর বেণাবুসী, পাশি হয়, দুয়োরানীও বাদ পড়েন না,—জামা সেমিজও পান! সুয়োরানী হাজার টাকার হার বালা পরেন, দুয়োরানী একশ' টাকার মটর-মালাও পান। মোটের উপরে একেবারে বঞ্চিত রাজা দুয়োকোও করেন না। এবং—এবং দুয়োরানীর দুটি একটি ছেলেপুলেও হ'ল।—গল্পটা আমি কি-রকম যে ঠিক শুনেছিলাম, আজ তা আর মনে করতে পারি নে, কাজেই এর সবটা সত্যি গল্প অথবা আমারই কল্পনা প্রসূত—তারও ঠিক নেই।

পঞ্চদশ পরিচ্ছেদ

‘অতিথির সর্বস্ব।’

গত রাত্রে কথটা না বলে থাকতে পারছি নে। ফিরতে আমাদের সাড়ে সাতটা বেজে গেছিল। আমি এসেই নিজের ঘরটিতে দ্বার বন্ধ করে শুয়ে পড়েছি, খাব না শুনে চাকরটা দুবার দু'বার এসে

দিশেহারী

ফিরে গেচে—সেন নিজে এসে কক্ষদ্বারে করাঘাত করতে লাগলেন।
তবুও অনেকক্ষণ আমি সাড়া দিলাম না—কিন্তু তাতেও তাঁর উৎসাহ
কমল না। তিনচারঘণ্টা আমাদের কথা-বার্তা ছিল না, সমস্ত গাড়ীটা
মুখ বুজেই আসা গেছে। তিনিই কথা বন্ধ করেছিলেন, তিনিই আহ্বান
করছেন—আমার সারা হৃদয়ে তুফান উঠেছিল। তবু আমি উঠবার
চেষ্টাও করলাম না। তিনি যে অকাবণেই আমার প্রতি বিরক্ত ক্রুদ্ধ
হ’য়েছেন—আমার তাতে কোনই অপরাধ ছিল না এ কথাটা জানাবার
ইচ্ছে হ’লেও পারলাম না। সে একটা সামান্য কথা, এক গুপে কটো
তোলাতে রাজী হই নি।—এই তাঁর রাগ!

সেন যেন চলে যাচ্ছেন, এমনি ভাবে বল্লেন—খুলবেন না ত।

আমি আন্তে আন্তে বল্লাম—খোলা আছে।

ধাক্কা দিয়ে দরজাটি খুলে সেন বল্লেন—এ কি অন্ধকার যে! আলো
দেয় নি?—পাছে হাঁক ডাক শুরু করে দেন, আমি ত্রস্তে বলে উঠলাম,
আলো আছে, সহ্য হ’চ্ছে না, শিবিমে রেখেছি।

আপনি নাকি খাবেন না বলেছেন?

হ্যাঁ—আমার ক্ষিদে নেই, আর বড় পরিশ্রান্ত।

কেমন—বলিনি! পাহাড় দেখেছেন আর ছুটেছেন—বলিনি আমি!
আচ্ছা দাঁড়ান।—বলে তিনি চলে গেলেন, মিনিটপাঁচেক পরে ফিরে
এসে বল্লেন—এইটুকু খেয়ে ফেলুন ত! না-কি? লক্ষীন্দ্র, খেয়ে ফেলুন।
আবার না! আমি বলছি এ ওষুধ!—বলে সেই অন্ধকারেই হাতটা
বাড়িয়ে দিয়ে আমাকে ধরতে এলেন; তাঁর হাত আমি দেখতে পাইনি
সত্যি, কিন্তু একটা প্রোঙ্কল হীরা তাঁর মাঝের আঙুলটার দিবারাত্রই

দিশেহারা

জলত—সেই আলো অনুসরণ করেই আমি তাঁর বাহুপাশে ধরা দিয়ে
বললাম—আপনি আমাকে রক্ষা করুন। অসহায়, অনাথা, আশ্রিতা আমি,
বলুন আমাকে রক্ষা করবেন?—বলুন।

সেন আস্তে আস্তে বললেন—ক-র-ব।—হাতটি সরিয়ে নিয়ে আরো
আস্তে আস্তে চলে গেলেন। কি খাওয়াতে এসেছিলেন, আবার না
খাইয়েই কেন চলে গেলেন—কে জানে, শতসহস্র কণ্ঠের গীতবাত্তের মত
সেই তিনঅক্ষরের কথাটি আমার কানের মধ্যে হোঁ হা করে বেলাহল
জুড়ে দিলে—ক-র-ব!

৬'মিনিট পরেই শূণ্য হস্তে ধরে ফিরে এলেন। এবারে—আরো
কাছে, তাঁর উঃ নিঃশ্বাসের শব্দ, আর তাঁর দেহের একটা সুমিষ্ট সুগন্ধ
আমি অনুভব করতে লাগলাম। সেন আস্তে আস্তে বললেন—আপনি
ভাববেন-না, আপনি আমার অতিথি, অতিথির সম্মান আমার দ্বারা
চিরদিনই অক্ষুণ্ণ থাকবে, আর—যে আশ্রিত তাঁকে ত্যাগ করব, এমন
ধর্ম—আমার নয়, বাংলার নয়, ভারতবর্ষের নয়!

তাঁর কণ্ঠ ক্রমশঃ সুস্পষ্ট হ'য়ে উঠছিল। সে স্ববে আর কিছু থাক না
থাক তাঁর হৃদয়ের বাণীর বাহার জেমেই আমি হক্ককারে, নীরবে, মুখে
কাপড় দিয়ে.....

সেন বলে উঠলেন—যে মুহূর্তে আপনি আশ্রয় চেয়েছিলেন, তন্মুহূর্তেই
আপনি যে আমার কী হ'বেছেন তা আমি মুখে বলেও আপনি হয়ত
বঝতে পারবেন না।

কিন্তু আমি সত্য সত্যই বুঝতে পেরেছিলাম। একদিন আগে
গোলাপজলের শিশিটা রেলগাড়ীর গদির'পরে রেখে সরে' দাঁড়িয়েছিলেন,

দিশেহান্না

আর আজ, অন্ধকারে একহাতে একটা গ্লাস না-কি, অন্য হাতে আমায় হাতে ধরে বললেন—খেয়ে ফেলুন ত, লক্ষ্মীটি ! খেয়ে ফেলুন !

সেন আবার বললেন—একটু কিছু খাবেন না ? একটু হুধ, কি হু' একখানা গরম.....

আমি বললাম—অমন করে বলছেন কেন ?.....

তবে থাক্ বেশ করে' ঘুমিয়ে নিন ; কাল ঠিক হু'য়ে বাবে ।—বলেও তিনি গেলেন না ; দরজার কাছটিতে দাঁড়িয়ে বললেন—কোন দেশে অতিথিকে নারায়ণ জেনে লোকে পূজা করত জানেন ? জানেন না ? জানবেন কোথেকে ? সে ত আর ইতিহাসে ভূগোলে জিওমেট্রিতে ছাপা নেই—কাজেই জানবার সুযোগ হয় নি—সে এই দেশে, এইখানে ! নিজের বৃকের 'পরে সেই হীরাস্তম্ভ হাত রেখে বললেন—আর সে এরাই, —আর কেউ নয় !—বলে চলে' গেলেন ।

আততায়ীর আক্রমণে আত্মরক্ষা করতে আমি যেন একটা দৃঢ় হুর্গের অধিপতির আশ্রয়ে এসে গড়েছি—এমনই আমি পরে আলোটা ছেলে দিয়ে নির্ভয়ে নিঃশ্বাস ফেললাম ।

কাল সেনের একটা চাকর না-জানি কি দরকারে কলকাতা যাচ্ছিল, সেন তা'কে অনেক কি উপদেশ দিয়ে পাঠিয়ে দিলেন, সে একখানা একা করে' চলে গেল । আমরা তার খানিক পরেই বেড়াতে বার হ'লাম । ক্যান্টনমেন্ট ষ্টেশনে পৌঁছেচি কলকাতা-গামী এক্সপ্রেসখানা ভীষণ শব্দ ক'রে প্ল্যাটফরমে ঢুকল । আর সে কি ঠেলাঠেলি, মারামারিই না আরম্ভ হু'য়ে গেল ! স্ত্রীপুরুষ বাছবিচার নেই ; যে যা'কে পারচে ধাক্কা ধুকি মেরে এগিয়ে যাচ্ছে । সুখের বিষয় তারা বাঙ্গাল

দিশেহারা

স্ত্রী-পুরুষ নয়! তাদের পুরুষরা কোঁচার খুঁট ঝুলিয়ে কাপড় পরে না; তাদের মেয়েরা কেবলমাত্র সামিজে আবরু ঢেকে, দশহাত কাপড়ে সুসভ্য হ'য়ে পথে বার হয় না! কাপড় পরার ধরণটি বেশ শক্ত, হাত-পাগুলো আরো মজবুত! আমার মনে হয় এই জন্তুই বোধ করি তাদের ঘোমটা আনাদের চেয়ে অল্প দাঁর্ঘ হয়; তাদের হাত-পা চাল-চলন-ই তাদের আবরু পর্দা বজায় রাখে, ঘেরাটপ ঢাকা ভোরঙ্গ বাঙ্কের সামিল করে' চিরসুখজাবিনী বঙ্গবধূর মত টেনে হিঁচড়ে নিয়ে যেতে হয় না। একটা স্ত্রীলোক এক বুড়োকে এমন ধাক্কা মারলে বুড়োটা তার পিঠের আড়াইমণি বোঁচকা-বুঁচকি নিয়ে হুড়মুড় শব্দে একেবারে আমার ঘাড়ে। সেন কি প্রহস্তু আমাকে জাঁড়িয়ে সঁরিয়ে নিয়ে এলেন. তাই রক্ষে! তবু সেই বোঁচকাটার কোণটা সামান্য একটু লেগেছিল আমার বাহুতে তাইতেই জামাটা ছিঁড়ে, খানিকটা মাংস আর রক্ত বেরিয়ে পড়েছিল। সেনের হাতটা ঠিক সেই জায়গাতেই ছিল, ভিড়ের তফাতে এসে আমাকে ছেড়ে দিয়ে - ~~সখন হাতটা কাঁচ থেকে পড়ল~~, সসব্যস্তে বলে উঠলেন, দেখি, দেখি?

বন্ধিম তফাতে ছিলেন, আমি নিঃশব্দে, কেবল একটিবার ব্যগ্রমুখ-খানায় একটি দৃষ্টিপাত করে' বাহুটা এগিয়ে দিলাম। সেন দুহাতে স্থানটি পরীক্ষা করে' বল্লেন—চলুন, চলুন, 'মারে'র * ঘরে, একটু বরফ টরফ দিয়ে বেঁধে দিই।

এই সময়েই বন্ধিম এগিয়ে এসেছিলেন, আমি তাঁকে দেখেই বলে উঠলাম—কি-ই-বা হয়েছে যে বরফ দিতে হ'বে—হ্যাঁ!

* আউথ রোহিলখন্দ রেলের খাদ্য সরবরাহকার—মারে এক কোম্পানী।

সেন গম্ভীরভাবে বল্লেন—কিছু হয়নি ত ! তাহ'লেই হ'ল ।

বন্ধিম বেদনায় আর্ত হ'য়ে বল্লেন—হয়নি বৈ-কি ! রক্তে যে হাতটি ভেসে যাচ্ছে । দেখি দেখি—বলে কোন অপেক্ষা না করেই আমার হাতটা হাতের মধ্যে বেশ করে' চেপে হিড় হিড় করে টেনে নিয়ে গেলেন । যেতে যেতে আমার চোখটা যা দেখলে—তা'তে সর্বাঙ্গ-শীতল অবশ হ'য়ে এলো । সেনের এমন বিষম স্নানমুখ আর কখনো দেখিনি যে ।

একবার হাতটা ছাড়াবার ইচ্ছাও হ'ল, কিন্তু কাঁচপোকাকার জোর আঙ্গুলের চেয়ে ঢের বেশী, একেবারে রিফ্রেসমেন্ট রুমে পুরে ধাঁ ধাঁ করে' বরফ টরফ লাগিয়ে দিলেন । সব শেষ করে বল্লেন—কেমন, একটু কমছে কি না ?

উত্তর দিতে পারলাম না । প্লাটফর্মে বেরিয়ে এসে দেখি একটা কাষ্টক্লাশ গাড়ীর জানেলায় হাত রেখে সেন একটি বঙ্গ-রমণীর সঙ্গে হাত্তপরিহাস করছেন । বন্ধিম আর আমি পাশ দিয়ে বেরিয়ে গেলাম, তিনি দেখেও দেখলেন না । . আবার ঘুরে, চাইতে চাইতে গেলাম, সেন এবারেও দেখতে পেয়েছিলেন, তবুও ফিরলেন না ।

আমি তখন রোগা সন্ন্যাসীকেই জিজ্ঞাসা করতে বাধ্য হ'লাম যে এই দুগাছি ব্যঙ্গল পরা বাঙ্গালী যুবতী সেনের আত্মীয় কি-না ।

বন্ধিম বল্লেন—নিশ্চয়ই । তা ছাড়া আর কি ?

গাড়ী ছেড়ে গেল । সামনেই বইয়ের ষ্টল, আমি নিশ্চিহ্নভাবে সেই সব দেখতে লেগে গেলাম । সেন বন্ধিমের সঙ্গে কথা কইতে কইতে ফিরে এলেন - আমি কিন্তু দেখেই বুঝলাম সেন অতান্ত অগ্ৰগন্থ, বন্ধিমের সঙ্গেও কথা তাঁর জন্মে না ।

দিশেহারা

এর মূলে কোথাও হয় ত আমি-অভাগিনীই আছি কিন্তু এক মহার্জনের জন্তুও যে সেই মন বিমুখ হ'য়েচে তার কাছ থেকে, ভেবে আমি অনেক ক'খানা বই ছবি কিনে বগলে পুরে' বন্ধিমকেই বললাম—
রৌদ্র বেড়ে উঠলো যে!

সেন কথা কইলেন না। তবে আমার প্রস্তাবই সমর্থন করলেন।
গাড়ীতে উঠে বসে' বল্লেন—বেদনাটা কমেছে?

আমি লজ্জাক্রম মুখে চোখ নামিয়ে নিলাম। সেন বল্লেন—এতেও
লজ্জা! বলিহারি! আর দেখলেন ত! সেই খোটা মেয়েটি—কি
ধাক্কাটাই দিলে মিসেসটাকে! আমাদের মেয়ে হ'লে!—সাতটা লোকে
জাহাজের নোঙ্গর তোলার মত তুলতে হ'ত—টেনে টেনে, ঘেমে, নেয়ে।
শুধু তাই নয়—ডেস্টিনেশনে পৌঁছে স্পর্শদোষ কাটাবার জন্তে স্বস্ত্যয়ন,
শান্তি, ব্রাহ্মণ ভোজন, গঙ্গায় অবগাহন এবং ইত্যাদি, ইত্যাদি,
ইত্যাদি।

তিনিও হাসলেন, আমরাও হাসলাম। উদান নীলাকাশে মেঘ স্থায়ী
হয় না। তাঁর নানোছঃপণ যে বিদূষিত হ'য়েচে এই সুখে গাড়ীটায় আমি খুব
জোরে চেপে বসে রইলাম।

কিন্তু সেইদিন থেকেই সেন-কে কেন যে বিচলিত দেখলাম তা'ও
আমি কিছুতে ভেবে ঠিক করতে পারলাম না। আমার সঙ্গে ত দূরের
কথা, বন্ধিমটি পর্য্যন্ত পাত্তা পাচ্ছিলেন না- তেমন! আমার মনে হ'ল
সেই রমণী কে? সেনকে কি সেই এমন করে দিয়ে গেল—কে জানে!
ক'দিন ভাবলাম, কিন্তু কারণ আবিষ্কার করতে পারা গেল না।

ঠাণ্ড একদিন সকালে কতকগুলো ছবিটবি দেখছি, সহাগনেত্র

সেন ঘরে ঢুকে পড়ে, বলেন—কেমন আছেন ?

ভালোই ত !

তিনি এদিক ওদিক চাইছেন দেখেই আমি বললাম—বসুন না !

ভেবেছিলাম হয়ত তিনি বসবেন না ! কিন্তু তিনি বসে বলেন—কি দেখছেন ?

আমি ছবিখানা তাঁর দিকে এগিয়ে দিলাম, সেন দেখতে দেখতে বলেন—বাঃ চমৎকার ত ! আচ্ছা, আইডিয়ারটা কি বলুন দেখি !

বললাম -- কি জানি !

কে এ মেয়েটি তাও বলতে পারেন না ? — ভারি আশ্চর্যের স্বর !

আমি তাঁর মুখের দিকে চেয়ে বললাম - সবই ত আমার জানা নেই ।

সেন হাসলেন ; বলেন - সব হয়ত কারুরই জানা থাকতে পারে না, কিন্তু এ মেয়েকে না চেনে তু-ভারতে এমন লোকও আছে নাকি ? হা হা হা ।

আমি তাঁর হাসিতে বাধা দিলাম, ~~বললাম~~ দেখুন, ~~কি~~ বিনয় দান করে—আপনার দেখছি.....

আমাকে ইতঃস্তত করতে দেখে সেন বলেন—আচ্ছা এ ধারণা আপনার কোথেকে জন্মান বলুন ত যে সত্যকথা বলেই আপনি সেটাকে গর্ব ধরে বসবেন । এ ত গর্ব নয়, এ-যে একেবারে সত্য কথা । ভারতবর্ষে এমন মেয়েও আছে যে রাধিকার চেহারা দেখেনি কখনও ?

আপনার বিশ্বাস করা হয়ত খুব শক্ত, কিন্তু তেমন লোকের বে, অসম্ভাব নেই, তা আমাকে দেখেই বুঝতে পারছেন ।

দিশেহারা

সেন কথা কইলেন না। ছবিটা উল্টে পাণ্টে দেখতে লাগলেন। কিন্তু তাঁর চুপে আমার সহ হ'ল না, আমি জিজ্ঞাসা করলাম—ছবিটা না হয় রাধিকারই হ'লো, কি করছেন উনি ?

সেন বল্লেন—এই যে শ্রীরাধা চুলের গোছা দেখছেন, তার মানে উনি যে রঙের দেবতাকে ভাবছেন, —আকাশের গায়েও যে রঙ দেখছেন সে কৃষ্ণেরই গায়ে রঙ—সেই নবধনশ্রাম মেঘকেই সম্ভাষণ করছেন। ওর একটা গানই আছে, চণ্ডীদাসে .

“আল্যাইয়া বেণী ফুলের গাঁথনি দেখয়ে আপন চুলি।

সহাসবদনে চাহে মেঘপানে, কি কহে দহাত তুলি ॥” .

বাইরে পদশব্দ শুনেই সেন দাঁড়িয়ে উঠলেন। দরজার কাছে দাঁড়িয়ে বল্লেন—এস।

বন্ধিম ঘরে ঢুকেই বল্লেন—এই দেখ। ১০ বলে একখানা টেলিগ্রাফের ফরম সেনের তাতে দিলেন। সেন ছ'তিন মিনিট পরে বলে উঠলেন—তাই ত। তাঁর মুখে চিন্তার ভাবটুকু দেখেই তুরখানা আমি তুলে নিলাম।

টেলিগ্রাফ চিরদিন যে খবর দেয়, আজও তাই—পিতা সাংঘাতিক পীড়িত—ড্রায় এস—রাখাল।—একবার বন্ধিমের একবার সেনের মুখের পানে চেয়ে বললাম—রাখাল কে ?

সেন বল্লেন—এঁর ছোট ভাই! তাইত কি করা যায়? গাড়ী কখন? বস টাইম টেবলটা আনি।

বন্ধিম মুখখানি বিষণ্ণ করে বসে রইলেন। এ সংবাদ যে তাঁর গুরুতর ভাবেই লেগেছিল, তার কোন সন্দেহ নেই, কিন্তু একটা সাধনার কথাও সে সময়ে আমার মুখে এল না।

সেন ফিরে এসে বল্লেন—সেই চারটেয় পাঞ্জাব মেল।

এখান থেকে কেরেসপণ্ডিং ট্রেন আছে ত ?

নিশ্চয় আছে।

আমি বন্ধিমকে জিজ্ঞাসা করলাম—চারটেয় যে গাড়ী, কলকাতায় পৌছোবে কখন ?

সেন তার উত্তর দিলেন, বল্লেন—ভোর ৬টায়।

পুনরায় বন্ধিমকেই বললাম—গিয়েই একটা খবর দেবেন।

সেন বল্লেন—আপনি থাকবেন এখানে ত !

সে কথার উত্তর না দিয়েই আমি জিজ্ঞাসা করলাম—আপনি ?

আমাকেও যেতে হ'বে বৈ কি—বলে বারেকমাত্র বন্ধিমের মুখের পানে চেয়েই আবার টাইম ---টেবলে মনঃসংযোগ দিলেন।

আমি ত ভেবে ঠিক করতে পারলাম না কেন তাঁকেও যেতে হ'বে -- তবে আগের থেকেই কল্পনা আমার জেগেছিল, কারণটা অনুমান করতে দেবী হ'ল না। তবু বললাম--দরকার, ~~আছে না~~ কি ?

সেন টাইম টেবল মুড়ে বল্লেন—দরকার ! দরকার এমন কিছুই নেই -- তবে কি না উনি একা যাবেন.....

আমার মধ্যে কোন্ একটা অদৃশ্য মহাশক্তি বলে উঠলেন—আগলে যাবেন ?

সেন হেসে তার উত্তর দিলেন—ছেলে মানুষ !

বন্ধিম বল্লেন—আমি একটা টেলিগ্রাফ করে দিয়ে আসি।

সেন বল্লেন—রোদ উঠে পড়েছে বেজায়—নিজে না-ই বা গেলে। একটা চাকর দাও না পাঠিয়ে !

দিশেহারা

আমার আরো রাগ হ'ল। এ বাড়ীটা থেকে পোর্টফিস দেখা যায়, দেড় মিনিটের পথও নয়—সখানে যেতেও রৌদ্রের ভয় দেখে একটু রাগ হ'বারই কথা। বল্লাম—ঐ-ত আফিস?

হ্যাঁ—বলে বন্ধিন বেরিয়ে গেলেন। সেন-ও উঠতে চাইলেন, আমি বল্লাম—ওঁর বাড়ী কি আপনার বাড়ীর কাছেই?

খুব কাছে, পাশাপাশি বলেই হয়।

কি করেন উনি?

আমি যা করি—উনিও তাই! কলেজে পড়ি।

আমি সার্চর্যো বল্লাম—পড়েন?

হ্যাঁ।

আর একটা প্রশ্ন কণ্ঠে উদ্ভল হ'য়ে উঠেছিল, কিন্তু বেরুল না। সেন আবার উঠতে চাইলেন, আমি কম্পিতকণ্ঠে বল্লাম—আপনি থাকুন।

সেন একমিনিট আমার মুখে চেয়ে থেকে বলেন—সে হয়-না!

কেন হ'বে না?

আপনি বুঝতে পারবেন-না। আমাকেও যেতে হ'বে।

যাবেন—তাই বলুন। যেতে হ'বে কেন বলছেন?

যাই বলি—মানে দাঁড়ায় একই।

তাঁ দাঁড়ায় না। কখনই দাঁড়ায় না। এর থেকেই বোঝা যায় যে আপনি...

সে কথাটা না-কি কোনমতেই ঠোঁঠের বার করু চলে না, আমি স্তব্ধ হ'য়ে গেলাম।

সেন হেসে বল্লেন—এর নিয়ে আপনার সঙ্গে তর্ক করতে আমি চাইনে। নাঃ।—তিনি চলে গেলেন।

আমার মনে হ'তে লাগল তাঁর সেই হাসিটা যেন বিজ্রপের শেলসম আমার বুকে বাজল। এ কি ছুরপণেয় লজ্জার কালিমা আমার মুখে ছাড়িয়ে দিয়ে সদর্পে চলে গেলেন।

অনেক রকমই ভাবতে চেষ্টা করলাম কিন্তু সেই ব্যঙ্গের হাসিটাকে কোনমতেই সহজ করে নেওয়া গেল না। সে ত কেবলমাত্র অবহেলা নয়, তার সঙ্গে যে নিদাক্রম ঘৃণা মিশেছিল, নারীচিত্তে সে আঘাত ত বড় অল্প নয়।

ভাবতে আমার মাথা কাটা যায় যে নারীর শ্রেষ্ঠ আভরণ লজ্জা যেন আমাকে তাগ করেই গেছিল, নইলে কেমন করে' আমি তাঁর সুপ্রিয় ইচ্ছার প্রতিরোধ করতে দাঁড়িয়েছিলাম—সে শক্তির প্রতিবোধ ত হ'লই না—নিজের মনের গ্লানি রাখবার স্থান খুঁজতে আমি মুখ ঢেকে কেঁদে ফেললাম।

মনে আছে আমার—কেঁদে ~~প্রাণ~~ ~~সাইনা~~ পাইনি। পাপ জীবন চিত্র যোদিন থেকে এই চোখের সামনে খুলে গেছিল—অক্ষর উৎস শুকিয়ে চাপ হ'য়ে গেছে—চোখের জলই যদি না ঝরল গুমোট কাটবে কেমন করে ?

আবার যখন দেখা হ'ল সেনের সঙ্গে—তাঁর ভাব দেখে আরও আশ্চর্য হ'য়ে গেলাম যে এ কি—রকমের মানুষ ! আমার ত আনা ছিল, আঘাতক আর আঘাতিত হ'জনেরই ব্যথা প্রায় সমান সমান—যে দুর্ব্বল আঘাতের বেদনায় আমার নারী সম্বল চোখের জলও উ'বে

দিশেহারা

গেছল, নেনের কি তাতে বিন্দুমাত্র কষ্টও হয় নি? আশ্চর্য! এও কি মানুষ পারে?

দেখা হ'তেই সেন বলেন—দেখুন, আপনি কিছু ভাববেন না! চাকর বাকর সব বইল. টাকা কড়িও রইল—আপনি বেশ থাকতে পারবেন। গাড়ীও থাকছে বেড়াবেন, চেড়াবেন। বুঝলেন?

বঙ্কিম বলেন—আবার আমরা আসছি—বুঝলেন?

সেন বলেন—খুব ঠাকুর দেবতা দেখুন, পূজো দিন, সুফল করুন—ভাবি পুণ্য হ'বে.. বলে তিনি হাসতে লাগলেন।

পাঠিকা আমার! হাসি কী সহ হয়?

কঠিন স্বরে বললাম—পুণ্য করার অত তাড়া নেই আমার!

সেনের হাসি থামল না।—নেই নাকি! আমার জ্ঞান ছিল, সেই-টেতেই আপনার সব চেয়ে আগ্রহ বেশী! কাল সারাপথটা ত শুড়ি দেখে-ছেন, আর কপাল ঠুকেছেন, তার পর সারনাথের মন্দিরে সেদিন.....

ঠাকুর দেবতা নিয়েও ঠাট্টা!.....

বেশ! ঠাকুর দেবতাকে ঠাট্টা হ'ল কি-করে? আমি ত আপনাকেই বলছি।

বঙ্কিম বলেন—না, না—ঠাকুর দেখতে হ'বে না আপনাকে। কাশীতে থিয়েটারের ত হুঁখু নেই—তাই দেখবেন।

তাই দেখব—বলে আমি বেরিয়ে গেলাম।

একটা অন্ধকার ঘরে ঢুকে উবুড় হ'য়ে পড়ে ভাবতে লাগলাম—

এ আমার হ'চ্ছে কী! কিসের আশায় কার ভরসায়, কার মুখের পানে চেয়ে পড়ে আছি আমি! মূষ্টিভিক্ষাপ্রার্থী ভিখারীর মতই ত

দিশেষেহারা!

অবস্থা আমার ! এ দর্প করা কি আমার শোভা পায় ? কিন্তু নিজের চোখে কতদিন দেখেছি—বিমুখ ভিখারী কটুকাটব্য বলতে বলতে চলে যায় ! তার সামনে হয়ত আরও পাঁচটা দরজা খোলা আছে, কিন্তু আমার ! আমার যে কোনদিকে কোন আশ্রয়ই নেই ! এ আশ্রয় যে আমার সর্ব স্মৃথের আগার হ'য়ে উঠেছে, তাও ত আমি জানি—এর ছাড়া কোথায় যে মাথা রাখবার স্থানও এতটুকু আমার নেই, তবু যে কেন এ বিদ্রোহ করা—তা ত আমি বুঝি নে ! সে-যে কি চায়, কোন্ প্রার্থনা নিষ্ফল হ'য়েচে বলেই তার এত মর্মদাহ,—সে ত আমার কাছেও ধরা দিতে চায় না ।

দু'টোর সময় তাঁরা বেরবেন, আমি জানতাম, তবে আশা ছিল, সেন আমার সঙ্গে দেখা করবেনই । অতিথির সন্মান যে তাঁর দ্বারা এতটুকু ক্ষুন্ন হ'তে পারে না এ ত আমি অক্ষরে অক্ষরে দেখে এসেছি ! যার সঙ্গে জীবনে কোনদিন তাঁর কোন সম্পর্ক ছিল না, তার জন্তেই তাঁর ভাবনার অন্ত থাকত না । এ ত আমি দেখেছি, নিজে আমার আহারের তত্ত্বাবধান না করে কোনদিন শুতে যান নি, বাবুর দেখা-দেখি চাকর বাকর পর্যন্ত গৃহিনীর সন্মান দিতে কার্পণ্য করত না—কাজেই সেনের উপর বিশ্বাস ত আমি এতটুকু হারাই নি । নিজের ঘরের ভেতরে থেকেও বারবার আমি আশা করতে লাগলাম, যাবার আগে দেখা না করে' তিনি যাবেন না । কিন্তু চাকর জিনিষপত্র গাড়ীতে তুললে, সিঁড়িতে জুতার শব্দও শুনা গেল, কিন্তু সে পরিচিত পদশব্দ কই, যা আমি ধরণীর মত হান্ত-কোমল মুখে বুক পেতে নিতে শুয়ে আছি ! এক একটি তরঙ্গ হৃদয়কূলে ষা দিবে মাঝখানে অসীমে কোথায় মিলিয়ে গেল ।

দিশেহারা

তখন আর আমি পারলাম না। ছুটে নেমে গিয়ে দেখি, গাড়ী তখনও দাঁড়িয়ে। সাহেবী পোষাক পরে' সেন সরকার মশাইকে কি-সব বলছেন। আমার দ্রুতপদ শব্দ তাঁর কানে গেছিল, ফিরে দাঁড়িয়ে একবার দেখলেন মাত্র।

বন্ধিম হাতঘড়ি দেখে বললেন—ছ'টো দশ হল যে হে !

সেন গাড়ীর হাতল ধরেছিলেন, আমি ডাকলাম—একবার শুনে যান।

পিছু ডাকলেন—হেসে আমার কাছে এসে বললেন—কি বলছেন ?

আমাকেও নিয়ে চলুন—বলেই কাতর মুখখানা থামের আড়ালে লুকিয়ে ফেললাম।

সেন বললেন—কেন ? থাকুন-না। আর আমরা ত আমিচি আবার।

আসবেন ?

নিশ্চয়।—কিছু ভাববেন না। আমি সব বন্দোবস্ত করে গেছি। একা ঘরে গিন্নী হ'য়ে থাকবেন।—মন্দ কি ?

আমি নতমুখে বললাম—কবে আসবেন ?

তা ঠিক কি করে বলি বলুন ! তবে আসতেই হ'বে—আর বত শীঘ্র পারি—আসব।

বন্ধিম বলে উঠলেন—কোথায় গেলে-হে !

যাই—বলে সেন আমার মুখের পানে চাইলেন। একমূহূর্তের জন্ত সে-দৃষ্টি যেন সজল মেঘের মতই আমার বোধ হ'য়েছিল, হয়ত সে আমার চোখের ভুল, কিন্তু এ'টা কল্পনা করতেও তখন একটা মুখের

আবেশ ছিল, আর তারই জোরে আমি হাত দু'টি কপালে ঠেকিয়ে বললাম—
—নমস্কার নেবেন ?

সেন টুপিটা তুলে বললেন—নেব না ? কেন নেব না ? না নেবার ত
কোন কারণ নেই ।—নমস্কার, আসি ।

নমস্কার !

বাস্—আর কিছু দিতে পারবেন না-ত । চল্লুম ।—তিনি চলে যেতেই
গা গুলিয়ে উঠল ! আমার সমস্ত বল যেন বাহ্যমুখে অপহরণ করে সেন
চলে গেলেন ।

বন্ধিম চৈচিয়ে বললেন—বিদায় মিস্ রায় !

কিশোর বয়সে স্কুলে আমি ঐ নামেই পরিচিত ছিলাম ! আজ সেই
প্রিয়নাম এই লোকটার মুখে শুনে সেটার উপরেও যেন অশ্রদ্ধা জন্মে
গেল । তার গলার স্বরটাই কোনদিন আমার ভালো লাগত না, তা'তে
কেমন যেন একটা খোঁচা উঠেই থাকত । যারা কখনো শোনে নি.
হয়ত তারা বুঝবে না যে সে জিনিষটা ঠিক কি রকমের ছিল, তবে এ
আমি শপথ করে বলতে পারি—~~এ~~ বিশ্বব্রহ্মাণ্ডে একটি লোক ছাড়া সে
স্বস্বর শোনবার জন্মে কেউ উৎকর্ষ থাকত না । হাঁ, একজনের কানে
কোন রাগিনী আলাপন করত. তা আমার জানা নেই. তবে এ নিশ্চয়ই
যে সেনের মন বীনাটা বেজে উঠত,—স্বরটা যেন ছিল একটা আঙুল,
তারের উপর পড়ে ঝঙ্কার তুলত !

কলকাতার রাস্তায় একটা গান এক বৈরাগীর কাছে প্রায়ই শুনতাম,—

“(আমার) রাধা বিপিনে, বসে বাঁশী শোনে—

শোনে, (অরি) কাঁদে কেন কে-ই বা জানে ?”

দিশেহারা

—সে বৈরাগীর গানের সম্বল বোধ করি আর ছিল না, রোজই বেলা সাতটা আটটার সময়ে আমাদের বোডিংয়ের সামনে সেই সাদা বাড়ীর দ্বারে দাঁড়িয়ে গাইত—

“ডাকে ধেনু বাজে বেহু ডাকিছে ময়ূরী,
শুনিছে না কিছু রাই, শোনে সেই স্বরই।”

তখন ঠিক বুঝি নি যে, কোন্ নদীর কোন্ কিনারে সে কে রাখা বিনোদিনী সব ভুলে, সব ফেলে, সে বাঁশার ধ্বনি শুন্ত! এ-যে কল্পনা কুশল কোনো কবির অমৃত কল্পনারই ফল—এই আমি জানতাম! কিন্তু একদিন গভীর সমবেদনায় স্বীকার করতে হ’য়েচে হিন্দু কবির কেবলই কল্পনা নয়! তার ভেতরকার একটা অদৃশ্য সত্যের আলোক এমন রেখাপাত করে ছিল—যে সত্যশ্রয় করেই এতকালের সেই মধুর স্মৃতি এমন চির মধুর হ’য়ে জেগে আছে। আমার বয়সে যে বিদ্যা অর্জন আমি করেছি, সারাজীবন জীবনটাকে এমন ভাঙিয়ে নিয়ে বেড়িয়েছি, কোথায় ভেসে গেল সে সব! তারাত আমাকে এমন কথা একটবারও শোনায় নি যে...

“কলঙ্কী বলিয়া ডাকে সব লোকে

তাহাতে নাহিক দুখ।

তোমার লাগিয়া কলঙ্কের হার

গলায় পারতে সুখ ॥”

এ বুঝি আমার সর্ব বিদ্যার কল্পনারও অতীত!

অনেকে বলবেন—সে সত্য মিথ্যা তখনকার নির্ভর করেছিল আমার মনটির পরেই। হয়ত তা বাস্তবিক সত্য! আমিও যে প্রাণে

দিশেহারা

প্রাণে গভীর বেদনার সঙ্গে—শুনি নি নি ক কিছু আর, শুনি সেই স্বরই !

বিদায় কালে যদি স্থানটা নির্জন হ'ত, আর একটি অনুপল সেন দাঁড়াতেন আমার সামনে, আমি অকাতরে আমার এ বুকখানাই তাঁর সামনে পেতে দিয়ে বলতাম—তোমাকে দিতে পারি না কি বল ? যা দেবার তা কি আর না দিয়েছি ? যা দেবার নয়, যা আমার নেই—তুমি চাইলে তা দেওয়াও যে আমার ক্ষমতাতীত নয়—এ প্রত্যক্ষ সত্যও তাঁকে শুনিয়ে দিতে পারতাম !

ষোড়শ পরিচ্ছেদ

‘যার কেঁহ নাই, তুমি আছ তার !’

আমার মনে হয় আমি যখন ভাবতে বসে যেতাম, সুখের কথা ভাবছি ত একেবারে তুর্কীর সুলতান হ'তে চলেছি ; আর দুঃখে ! সে একেবারে, বলতেই পারিনে ! সত্যি বলচি, যখন কুল ভাগতে আরম্ভ করেছিল, তখনই হাত পা গুটিয়ে বসে গেছলাম আমি ! প্রতিরোধ করে ফল ত নেই-ই—কেবল খানিক কষ্টভোগ—সে ত জানাই আছে—তখন ‘রোধ করবার বৃথা চেষ্টা কেন করব ! খানিকটা না-হয় হুব !

মন-যে আমার বিষয় ফিন্ন হ'য়েছিল, তাতে সন্দেহ নেই, কিন্তু আমি একটু পরেই ঊঠে পড়েছিলাম ! সরকার মশাইকে বলতেই গাড়ী এসে

দিশেহারা

গেল। আমি প্রস্তুত হ'য়ে নিয়ে বেকচি—সরকার মশাই বলেন—আমি
যাব কি? এঁয়া এঁয়া

বরাবর তাঁর কাসি থাকত না, ক'দিন দেখছি আমার সশুখীন
হ'তেই কোথা থেকে কাসি রোগের ভূত তাঁকে পেয়ে বসত! হাসি পায়!
বয়স কম বরোও ষাট, পয়ষড়ি হ'বে; মাথার একগাচি চুলও ~~না~~ নেই,
এ পোড়াজাতের সামনে তারও কাসি আসে! স্কুলের গাড়ীতে চড়ে
কখনো কোথায় গেছি, কোথাও যদি গাড়ী থেমেচে, অমনি পথচারী
কলেজের বাবুরা কাসতে, হাঁচতে, খুখু ফেলতে লেগে গেছেন!

আমি অশ্রুদিকে মুখ করে ছিলাম, সরকার মশাই ভাবলেন, আমি
শুন্তে পাই নি, দুবার কেসে বলেন—আমি বলছি কি, বাবুর আদেশ
ছিলএ-হ্যাঁ, এ-হ্যাঁ, ও-হ্যাঁ, থ-থ—

ভালুক নাচাতে দেখেচ ত? একবার নিজের হাতে ডুগডুগিয়া
বাজিয়ে দেখবার সখ আমার ছিল।

বললাম—যাবেন? চলুন-না।

একটু পরেই কাসি আরম্ভ। একটি কথা বলেন, আর কাসি!
আমার মনে হল, হয়ত এ সতাই কেসো রোগী। একটু অহুতাপ হল।
বললাম—সরকার মশাই আপনি কবিরাজ দেখান। আহা! বড় শক্ত
ব্যাঁমো। সরকার মশাই অবাক! হাঁ করে চেয়ে বলেন—কবিরাজ কী!
'আমি বললাম, আপনার বড় কাসি হ'য়েছে—ঐ থেকেই আবার যন্ত্রা
হয় জানেন ত?

সরকার মশাই গরম হয়ে চেয়ে রইলেন। ঘ্রাবো মাঝে ফোঁস
ফোঁস করতে লাগলেন। এন্জেন চলবার আগে যেমন ফ্যাস ফ্যাস

করে ধোঁয়া ছাড়ে, অথচ তখন চলুচে না—সেইরকম করে' বসে
রইলেন।

চকু পার হোয়ে গাড়ী ছুটছিল, একটা রেলিঙঘেরা মস্ত বাগানের ধার
দিয়ে! আমি নামতে চাই কি না সরকার মশাই কাসতে কাসতে সে
খবরটিও নিতে ভোলেন নি!

সন্ধ্যার পর ফিরে এসে আমি ঘরটায় ঢুকে শান্ত অবসন্ন দেহটাকে
বিছানায় বিছিয়ে দিলাম। দশমিনিট বেড়িয়েই আমার অবসাদ
এসেছিল। সে অবসাদ কেবল পথশ্রমজনিতই নয়, এর চেয়ে অনেক
পথ আমি পায়ে হেঁটে বেড়াতে পারি, বেড়িয়েচকু,-- সেবার বোটানিকেল
গার্ডেনসে তিনটে চক্রে দিয়েছিলাম, আমি আর শান্তি দুজনে!

বাংলা দেশে এ আমি চের দেখেচি, যে গাড়ীর গড়খড়ি, জানালাব
ফাঁক, আলসের ঘুলঘুলি—এ জাতের কোথাও স্থান নেই। লোকের
চোখ যেন তাকে ঘিরে ফেলে। এ খোড়্যার দেশে, যেখানে দিনরাত মেয়ে
পুরুষে হল্লা করে' বেড়াচ্ছে, গঙ্গাস্নান করে গান গাইতে গাইতে চলেচে,
হোলিতে রঙ খেলে গাল দিয়ে বেড়াচ্ছে, সেখানেও যে বাঙ্গালী মেয়েকে
সাক্ষাৎ করতে দেখে লোকে চোখের বাণে এমন ক্ষতক্ষিত করে দেবে
—সে আমি জান্তাম না। যখন দেখা গেল, অভাগ্যের ভাগ্য তার সঙ্গে
সঙ্গেই ফিরচে, স্থান পরিবর্তনেও কোন পার্থক্য নেই, আর সেখানে
বেড়ানো সম্ভব হল না।।

• আমি বুঝতে পারি নে, এ জাতের অশাই বা কি, আকাঙ্খাই বা
কিসের! আমি চের যুবা দেখেচি, যারা আমাদের বোর্ডিংয়ের জানেলার
পানে চেয়ে চলতে পথে হেঁচট পর্যন্ত খেয়েচে, গাড়ী চাপা পড়তে পড়তে

দিশেহারী

বেঁচে গেচে—তবু সেই জানেনা ছাড়া কিছুতেঃ তাদের মন উঠত না।
একদিন দর্জিপাড়ার ভেতর দিয়ে কবিতাদের বাড়ী যাচ্ছি ‘বাসে’ চড়ে’
—স্পষ্ট শুনতে পেলাম, একদল যুবক গলা ছেড়ে গাইছে—

ও গাড়ীর তলে মোরা পড়িয়া মরিতে চাই !

সে না-কি বাংলা দেশের খাঙালীর ছেলে। এখানে টুপি পরা
হিন্দুস্থানী অবধি হাঁ করে খেতে আসছিল।

একদিন মনে হ’ত নারীজীবনের বুঝি ঐ পুরুষের সামনে ধরা ছাড়া
বড় সার্থকতা নেই, সন্ধ্যাগমে কামিনী ফুলের মতই পাপড়িগুলি ফুটিয়ে
তোলাই তার পরম চরমোৎকর্ষতা, কিন্তু আজ এই শত শত দৃষ্টির সামনে
হ’তেই আমার সে ভুল বিশ্বাস ভেঙ্গে গিয়েছিল। পাপড়ি আর খুলনা,
দমকা বাতাসে যেন ঝরে পড়তে লাগল।

লোকের কুৎসিৎ দৃষ্টির হাত থেকে অব্যাহতি পাবার জন্তই আমি
ঘরে ফিরে এলাম, কিন্তু এখানেও নির্জ্জনতা যেন আমার কণ্ঠরোধ করতে
এল। চাকর আলো দিয়ে গেল,—রাত্রে কি খাব জিজ্ঞাসা করলে, এই
ঘরেই শোব কিনা জানতে চাইলে—কোন উত্তর না পেয়ে ফিরে গেল।

ইচ্ছা করেই যে আমি জবাব দিই নি, তা নয়, চেষ্টা করেও দিতে
পারি নি, বোধ হয় এই বল্লই যথেষ্ট হ’বে।

সরকার মশাই অনুযোগ করতে এলেন—বাবু সব ভার তাঁরই উপর
দিয়ে গেছেন, আমি তাঁর মর্যাদা রাখি নে ইত্যাদি।

আমি তাঁকে বসিয়ে জিজ্ঞাসা করলাম—বাবু তাঁকে কী কী ভার
দিয়ে যেতে পেরেছেন ?.....

সরকার মশাই একখানা ক্যাটালগ মুখস্থ বলে গেলেন। তার

দিশেহারা

মোদা কথাটি আমি বুঝেছিলাম এই যে—গৃহকত্রীর অনুরূপ যত্নের আদেশই তিনি দিয়ে গেছেন। সে ত আমি নিজেই জানি! কিন্তু এতে সন্তুষ্ট হ'বার মত স্থলস্থান বোপে ত আমার মন ছিল না। আমার মন যে সাগরের চেয়েও বড়, তার চেয়েও উত্তাল! আজও আমার মনে আছে সে সমুদ্রে ডুবিয়ে দিতে পারলে—সেনকেও আমি ছাড়তাম না।

বল্লাম এমন কিছু বলে গেছেন কি—যদি আমি চলে যেতে চাই, তার ব্যবস্থা করে দেবেন আপনি?

সরকার মশায়ের আবার কাসি এল থক্ থক্ থক্। কাসি থামলে, খানিকটা দম্ নিয়ে ম্লানমুখে বল্লেন—হ্যাঁ তাও করে দেব, তবে দোষটা কিন্তু আমার ঘাড়েই পড়বে!

কিসের দোষ পড়বে আপনার ঘাড়ে?

আপনি চলে যাবেন—এ ত বাবুর আদেশ নেই।

তাঁর বাবুর আদেশের খুব বেশী মূল্য যে আমার কাছে নেই ইচ্ছে হলেও সে কথাটা বলা 'সহজ' ছিল না। কয়েকমিনিট ঝিঃশক্বে বসে থেকে আমি জিজ্ঞাসা করলাম—আপনার বাবুর কে কে আছে, সরকার মশাই?

সবাই আছে। এই বাপ. মা, বোন।

স্ত্রী?

না। বলে' সরকার মশাই কাস্তে শুরু করে দিলেন। এতে আমার অভ্যাস হ'য়ে গেছিল, তাঁর কাসি থামলে পর, বল্লাম—দেখুন এখানে থাকা আমার সুবিধে হ'বে না।

তবে কি কলকাতা যাবেন?

দ্বিঃশেহারা

কলকাতায় যে আমার স্থান নেই তাও বলা হ'ল না। আমি চুপ করে আছি দেখে সরকার মশাই বল্লেন—কিন্তু বাবুর... ..(আবার কাসি)

আমি বললাম—দেখুন, কাল পরশু দু'দিন অপেক্ষা করব আমি, তার পর যা-হয় একটা করা যাবে।

সরকার মশাই কি যেন বলবার চেষ্টা করতে লাগলেন, কিন্তু কাসির চোটে সে আর বলতে পারলেন না। এমন করে বৃদ্ধকে সামনে বসিয়েও রাখা চলে না, আমি বললাম—কবরেজ দেখালেন না ত!—আজও বৃদ্ধ এ কথায় বিরক্ত হ'য়ে উঠলেন :

এইবার কাসির জোরটা একটু বেড়েই গেল। সরকার মশাই কাসিতে কাসিতে কোমরটা টিপে ধরে যে কথা কটি বল্লেন, তা যেমন অমূল্য, তেমনি উপাদেয়। তাঁর তত্ত্বাবধানে আমি সুখী নই, যদিও তাঁর প্রাণান্ত চেষ্টার এতটুকু ক্রটি নেই—ইত্যাদি...ইত্যাদি।

আমি হাসি চেপে বললাম, আমি বেশ আছি সরকার মশাই। আপনি এত আদর যত্ন করেন, আমার কোন কষ্টই নেই। তবে আপনার কাসিটার জন্তে বড়ই দুঃখ হয় আমার।

সরকারের মুখ বেন একেবারে চন্দ্রকিরণে এঁদো পুকুরটার মত হেসে উঠলো। দেখে 'ভালুক নাচাবাব' সখও আমার রইল না। বললাম যান্—আপনি কবরেজ দেখান।

রাস্তা দিয়ে হিন্দীসংস্কৃত স্তোত্র গাইতে গাইতে একদল লোক যাচ্ছিল, শুনলাম তারা বিশ্বনাথের আরতির দ্রব্যসামগ্রী আহরণ করে নিয়ে যাচ্ছে। যে আমাকে এ সংবাদ দিলে সে একটি হিন্দুস্থানী বধু, বয়স বড় জোর পনেরো ষোল, এ বাড়ীতে তারা স্বামীজীতে চাকরী

দিশেহারা

করে। সে মন্দিরে আরতি দেখতে যাচ্ছিল, আমি তাকে জিজ্ঞাসা করলাম—সে আমাকে দেবমন্দিরে নিয়ে যেতে পারে কি না।

সে পারে - স্বীকার করলে, তবে আজ দেৱী হ'য়ে গেছে, ভিড়ে আমার কষ্ট হ'বে সে কথাও বলে। ভিড় আমি কোন দিনই পসন্দ করতাম না, ভিড়ে যেন প্রাণটা হাফিয়ে উঠত! জনসঙ্ঘের ভীতি দেবদগনের লোভ আমাকে ত্যাগ করাতে পারলে না। আমি পূর্বেই বলেছি, দেবতাভক্তি কোনদিনই আমার প্রবল ছিল না; তবে অভক্তিও ছিল না। জীবনাবধি কখনও যা চোখে দেখিনি, কানে শুনিনি, এমন জিনিষেও ভক্তি আসতে পারে যদি তার স্বরূপটা কেউ আমাকে ছাপার কেতাবের দিবে পড়িয়ে দিত! তা ত কেউ দেয় নি—এদানী যা ছ'চারখানা বাংলা ভালো উপন্যাস পড়েছিলাম, তার থেকে আমার একটা কথা শিক্ষা হ'য়েছিল, জীবন-দেবতা! এই জীবন দেবতা কি, সত্য কি কল্পনা, কেমন তার রূপ, বর্ণ, গন্ধ, কোথায় তাঁর প্রকাশ—কোন সন্ধানই আমি পাই নি। এই জীবন দেবতাকে অনুভব করতে আমার হৃদয় মন হয়ত খুব দৃঢ় ছিল না, নইলে একটা মহিনাময় রূপ গড়তে আমার শক্তি কল্পনা ব্যর্থ হ'বে কেন? কোন্ বিধাতা বাংলার মেয়ে সৃষ্টি করেছিলেন, কেমন ক'রে তাদের মনে একটা মলতে শিশু-কাল থেকেই জ্বালিয়ে রেখেছেন তার আলো একদিন না একদিন কোনো দেবছায়ার আলোর তেজে দাউ দাউ করে জলে ওঠে! আমার ভিতরেও একটা এমনি আলোক যেন জ্বলছিল, হঠাৎ পথচারী লোকের সমাগমে তার জ্যোতিঃ বিচ্ছুরিত হ'য়ে পড়ল—আমি সেই যুবতী বধুটিকে সঙ্গে করে' বেরিয়ে পড়লাম—বিশেষের আরতি দেখতে!

দিশেহারা

সরকার মহাশয়ের নিষেধবাক্য শ্রবণ করে হানি এল। তিনি যে একেলা (তিনি ছাড়া) আমাকে কোথাও যেতে দিতে পারবেন না— তাঁর মনিবের এ কঠিন আদেশ আমি আগেই বারবার শুনেছি কি না।

সপ্তদশ পরিচ্ছেদ

কোথায় নামিয়াছি ?

বধুটি ঠিক কথাই বলেছিল, এত ভিড় এইটুকু জায়গার মধ্যে জমাট হ'য়েছিল যে বিশেষরকম চৌকাঠ পার হ'য়েই আমার চক্ষুঃস্থির হ'য়ে গেল। মস্ত মস্ত বিশাল দেহ আর কালো কালো বোঁটাওয়ালা তরমুজের মত মাথা ছাড়া আর আমার চোখে কিছুই পড়ল না। হিন্দুস্থানী বধুটি খুব সাহসী,—লম্বা চণ্ডা পুরুষগুলি ড'হাতে ঠেলেঠেলে জলে মাতার কাটার মত ভিড় কাটিয়ে উঠতে লাগল, নাঝে নাঝে পেছনে আমি আসছি কি না তাও দেখছে। এই জনতার মধ্যে সুন্দরী বধুটি যে একটু আধটু নির্গাতন না পাচ্ছিল তা নয়, বাঙ্গালীর মেয়ে হ'লে হয়ত মুছাই যেত সে, কিন্তু দীপ্তচেহ্নে অশুণ ছুটিয়ে মুখেরা রাস্‌ও ছেড়ে দিয়ে, হাত পা এগিয়ে দিলে। আমি তাকে জড়িয়ে ধ'রে বললাম— কাজ নেই বোঁ, ফিরে চ।

বধু চোখে চেয়েই আমাকে বুঝিয়ে দিলে যে ফেরা এখন একদম অসম্ভব। বরং পেছনের ঠেলাঠেলিতে আপনা হ'তেই কতকটা এগিয়ে যাওয়া যাচ্ছে, ফিরতে গেলে পিষে যেতে হ'বে। কিন্তু এমন করে' কি

দিশেকানা

যাওয়া যায় ? চারিদিকে লোকের চোখ মুখ হাত পা যেন উত্তত হয়ে আছে—কোনটাতেই সংঘমের লেশ নাই, একেবারে সাপের মত ফণা উচিয়ে দাঁড়িয়ে। আর সে অজগর বিষজিভের মত হাত বাড়িয়ে ধরতে উত্তত।

তাকে আর একটু জোরে টেনে বললাম—এ কি যাওয়া যায় ?

সে পরিষ্কার বাংলাতেই বললে—তবে কি হবে ?

আমি গলা ছেড়েই বললাম—তুমি দাঁড়াও, ফিরব।

আর্তের মত চারিদিকে চাইতে চাইতে সবিস্ময়ে যা দেখলাম—চোখের সামনে গাছের মাথায় বাজ পড়লেও আমি অনন হ'য়ে যেতাম না। চোখে আমার একজোড়া পাশনে চশমা থাকত—হয়ত তা থেকে অনেকে ভাবতে পারেন যে দৃষ্টির দোষ অসম্ভব নয় কিন্তু সত্যি বলছি—কোন দোষই আমার চোখের ছিল না। অনেকদিন আগে একজনকে আমি ভালোবাসতাম—তখন রমলা 'চলে' গেছে! হয়ত সে কাবোর ভালোবাসা—আমরা কিন্তু দুজনাই ভালোবেসে ফেলেছিলাম। যখন তার চোখ খারাপ হল, তার সঙ্গে আমার চশমা নেওয়াও আবশ্যিক হ'য়ে পড়ল। হঠাৎ আমার চোখে চশমা দেখে শান্তি ভট্টাচার্য্যিও খুসী হ'য়েছিল। আমি কেবল তা'কেই বুঝিয়ে দিয়েছিলাম যে, sympathetic চশমা, তারই সঙ্গে sympathy তে।

অনেকক্ষণ অবধি আর মুখ তুলতে পারলাম না। কিন্তু তখনও নাকি ঠিক দেখা হয় নি, আবার চাইতে হল—মন্দিরের একটা কোণে কি যে বীভৎস কাণ্ড হ'চ্ছে সে আর কি বলব। আমার মুখ চোখ দিয়ে আগুন ছুটতে লাগল! এই দেবমন্দির! এরই জন্ম দেশদেশান্তর থেকে লোক ছুটে আসে!

নিশ্চিন্দা

আমার স্বরণ আছে, মোগল সম্রাট আকবর সাহের খুমরুজ মেলায় রাজপুত রমণীদের যে অবস্থা হ'ত—আধুনিক দেবসভায় যা নিজের চোখে দেখলাম, ছবছ ঠিক ।

ছ'হাত দিয়ে জনতা ঠেলে আমি ফাঁকে এসে দাঁড়ালাম । আমি যে স্বেচ্ছায় আসি নি—এই মুহূর্তে আমার মনের অবস্থা থেকে তা বোঝা শক্ত হ'ল না । খোটা বৌ ভিড়ের মধ্যেই আটকে পড়েছে—যদিও আমার চেয়ে এমন ভিড় তার অনভ্যস্ত নয়—সেত যাবার সময়ই দেখেছি ।

এক মিনিট পরেই আমার কাছেও লোক জমতে লাগল । 'আর এমনি অবস্থা যে এক পা কোনদিকে বাড়াবার ঘো নেই । বাইরে অপরিচিত বারানসীর গলি দু'জি, এই-ই লোকজন, আর ভেতরে সামনে এই বীভৎসতা !

অনেক প্রশ্ন বর্ষণ হ'তে লাগল । সে-সব আমি স্বরণ করতে পারি নে, তবে একটা কথা ভুলিনি এ জীবনে, যা ভুলব বলেও কস্মিনকালে আশা নেই—সেটি হচ্ছে এই যে—আমার জন্তু যে স্থান তিনি নির্বাচন করেছেন তা যেমন সুন্দর, তেমন সুখকর !

এতক্ষণ আমি চোখ তুলতে পারি নি, এ-কথায় ঠাসা বন্দুকের আওয়াজ হ'য়ে গেল । আপনি ভদ্রলোক ! বন্দুকের গুলি কোথায় গিয়ে পড়েছিল জানি নে—কিন্তু বন্দুক একেবারে অবসরের মত পড়ে গেল ।

জীবন আমার কাছে অবহ ছিল না । দুঃখভারে, মর্শ্ব, পীড়ায় কিছুতেই আমার জীবনের প্রতি মমতাশূন্য হ'তে পারি নি । মাতৃ-অঙ্কে শিশুটার

দিশেহারা.

মত তার উপর যত অত্যাচার অবিচার নির্বিরোধে চ'লে গেছে—সব আমি বুকে পেতে নিয়েছি। একটার পর একটা উপদ্রব লেলিহান বভুক্ষুর মত এসেছে, রক্তও শোষণ করেছে—তবু আমি দৃঢ়তার সঙ্গে তাদের ফিরে দিয়েছি। এমনই ছিল দৃঢ়তা, আর সহিষ্ণুতা! এমন একটা নারীজীবন কল্পনা করতেও অনেকে শিউবে উঠবেন, কিন্তু আমার ত সে কল্পনা বা স্বপ্ন নয়—সে না-কি আমার নিজেরই জীবন, তাকে সহ্য করে নিতে আমার কষ্ট হ'লেও আমি তা পেরেছি।

কিন্তু আজ আর জীবনে বাসনা রইল না। সন্ধ্যার মৃদল বাতাসে, চন্দ্রকিরণে ঠিক স্কুটনের মুখেই কলিটাকে কে যেন নৃশংস হ'য়ে ছিঁড়ে খুঁড়ে দিয়ে গেল। হিন্দুর দেবমন্দিরে, হিন্দুর মণী হিন্দুর হাতেই নির্যাতন পেলো, তবে আর কাকে বিশ্বাস করি? আজ—আমার—সেনকেও বিশ্বাস করতে প্রবৃত্তি রইল না।

সেনের গৃহে সম্মানে বাস করার বিপক্ষে আমার হৃদয় ঘন বড় অল্প ছিল না—কিন্তু সেই ঘন বিদ্রোহ সব দমন করে' এই খানেই শান্ত সুকোমল নীড় রচনা করছিলাম, আমার মনের কাছেও যে এই গৃহ ইচ্ছা অজ্ঞাত ছিল! সে ত কোন দিন স্বপ্নেও ভাবে নি যে সব বিরোধ ধন্য করে দিয়েছে কিসের এক সুখ লালসা. সব ব্যথা কার মোহন অঙ্গুলি স্পর্শে এরই মধ্যে সঙ্গীত হ'য়ে উঠেছে।

সে ঘর নাকি নিজেরই হাতে গড়া, নিজেই তার দেওয়াল দিয়েছি, ঠাল ছেয়েছি, নিজের চোখে ভাঙ্গতে দেখা ত সহজ নয়। তার সঙ্গে'সঙ্গেই এই ক্ষণভঙ্গুর দেহের এক একটা অঙ্গ ভেঙ্গে পড়বে, সে কি আর আমি জানি নে! কিন্তু যত শক্তই হোক, তার শিরে বাজ পড়েছিল, কেউ

• দিশেহারা

তার ধ্বংস প্রতিরোধ করতে পারবে না। মুচের মত বসে বসে আমি তার পরিণাম দেখতে লাগলাম।

একদিন আশা হ'য়েছিল, দু'চারদিন পরে সেন ফিরবেন, অন্ততঃ একটা খবরও দেবেন। ছ'দিন কেটে গেল, না চিঠি না খোঁজ। চোখের সামনে তাঁর নিলিপ্তভাব প্রত্যক্ষ করেছি—তা'তে ত এত বেদনা অনুভূত হয় নি—চোখে বার হ'য়ে যে তিনি চিঠি লিখবেন—এও হ'রাম। অথচ সেইটে চেয়েই আমি যেন প্রাণ ধরে বসেছিলাম, প্রতি মুহূর্তে ভেবেচি কখনও চিঠি আসবে না—তবু সারাদিন বারান্দায় বসে সামনের ডাকঘরটার দিকেই চেয়ে থাকতাম। পিওনের দল চিঠি বিলি করতে বেরত, কেউ বারান্দার দিকে চাইত, আমি ভাবতাম, তাঁর দৃষ্টি আমাকে নেমে যেতে বলচে—বুঝি আশাতীত সামগ্রীই ভাগ্যবশে এসে পড়েছে। ছুটে নীচে এসেচি, পিওন তার মাথা নেড়ে, ব্যাগ ছলিয়ে হন্ হন্ করে চলে গেছে—চোখে অন্ধকার দেখে ফিরে এসেচি। এমনই করে কটা দিন কেটেছিল—সমুদ্রের তীরে বসে টুই গুণে ক'দিন কাটে আর! বিক্ষুব্ধ উত্তাল নীলিমা হাত বাড়িয়ে আমাকে ধরতে আসছিল—সে অসীম নীলিয়ার কি সৌন্দর্য্য যে আমাকে পেয়ে বসল আমি তা'তেই ঝাঁপ দিয়ে পড়েছিলাম।

ক'দিন প্রাণধনের কাসিটা কম ছিল, আমি ডেকে পাঠাতেই কাসি-রোগ নতুন করে তাঁকে আক্রমণ করলে। আমি তাঁকে ডেকে বললাম—কলকাতা যেতে চাই।

প্রাণধন ভেবে চিন্তে বলেন—বেশ।

বেশ নয়—আজই আমি যেতে চাই।

দিশেহারা

প্রাণধন বল্লেন—আজ ত হয় না। বৃহস্পতিবার...

তার হ'য়েচে কি ?

কাসি থামিয়ে প্রাণধন বল্লেন—যদি পাও রাজ্যদেশ, না যেও
বেস্পতির শেষ। শাস্ত্রে বলেচে—এ কি অমান্ত করা উচিত ?

শাস্ত্র আমি মানি নে।

আপনি না মানলেও আমাকে মানতে হয়। আর, আপনাকে একা
ত ছেড়ে দিতে পারি নে আমি। যখন আপনার সব ভারই আমার ওপর
রয়েছে।...প্রাণধন কাসিতে লাগলেন।

না-হয় কালই যাওয়া যা'বে।

• প্রাণধন খুসী হ'য়ে বল্লেন—সেই ঠিক !

একটু পরে আবার বল্লেন—কলকাতায় কি আমার বাবুর ওখানেই
উঠবেন ?

না—আমার নিজের বাড়ী আছে সেখানে।

বাঃ বাঃ—তবে ত উত্তম হ'য়েচে। আনন্দাতিশয্যে কাসি বৃদ্ধি
পেয়েছিল, কাসির ধমকে স্বর বন্ধ হ'য়ে গেল। অনেকক্ষণ পরে হাঁফাতে
হাঁফাতে বল্লেন—বাবুকে খবর দেবেন না-কি ?

না।

কি ভেবে না বলেছিলাম, তা আমিই জানি নে। কি উদ্দেশ্যে, কার
আশায় প্রলুব্ধ হ'য়ে যে আমি কলকাতা যেতে চেয়েছি—তাও জানি নে।

• প্রাণধন পরমাঙ্গীর মত কোমল স্বরে বল্লেন—তাহ'লে ঐ ঠিক
রইল, কি বলেন ? আমাকেও যখন যেতে হ'বে, একটু গুঁছিয়ে গাছিয়ে
নেবার দরকার।

কি গোছাবেন ?

প্রাণধন একটু চম্কে বল্লেন—এই বাড়ী-ঘর-দোরের একটা বিলি-বন্দোবস্ত করতে হ'বে ত !

আমি তাঁর মুখের ওপর দৃষ্টি স্থির রেখে বললাম—তা বৈ-কি !

প্রাণধন ওঠবার নাম করলেন না। বসে রইলেন। অনেকক্ষণ পরে বল্লেন—আপনার নিজের বাড়ী ? অট্টালিকা ?

সে কথার উত্তর না দিয়েই আমি জিজ্ঞাসা করলাম—আপনার বাবুর কলকাতার বাড়ী কি-রকম ?

কি-রকম মানে ?

এই - খুব বড় ?

তা বড়ই বৈ-কি।

কে-কে আছেন ?

প্রাণধন বল্লেন—এই যে সেদিন বললাম আপনাকে—ভুলে গেছেন ?
দাদা, মা, বোন—

আমি লজ্জিত হ'য়ে বললাম—হ্যা হ্যা বলেছিলেন বটে !

প্রাণধন জিজ্ঞাসা করলেন—সেখানে যাবেন না কি ?

স্বান করতে যাই—বলে আমি ঘর ছেড়ে চলে এলাম। কথাটা ত চাপা দিতেই আমি চাই, কিন্তু সে যে বৃদ্ধদের মত জলের উপরেই ভেসে-ওঠে ! স্বান করে দরজা বন্ধ করে' আমি ভাবতে লাগলাম—সেখানে আমি যেতে পারব কি-না !

প্রাণধন ভারি ব্যস্ত ! বাড়ীতে টিকি দেখবার ঘো নেই, দিনরাত ঘুরে বেড়াচ্ছেন—বাজার করে ! আমার পক্ষে তাঁর অনুপস্থিতি সুখেরই

দিশেহারা

হ'য়েছিল ! আমার মনের তখন এমনই অবস্থা যে লোকজন যেন সহ্য হচ্ছিল না। হাতা বেড়ী খুস্তী সব নতুন নতুন বাজার থেকে আসচে— চাকরেরা বললে—সরকার মশাই কলকাতা নিয়ে যাবেন ! হবেও বা ! কাশির লোহার সামগ্রী সম্ভবতঃ উৎকৃষ্ট আর তা নিয়ে যেতেও বোধ করি মাটির জিনিষের মত কোন বাধা নেই।

রাত্রে কাস্তে কাস্তে বল্লেন—মত বদলায় নি ত ?

সে মুর্থ ত জানে না, এ মতের কি পরিবর্তন সম্ভব ? ঘাড় নেড়ে তা'কে বুঝিয়ে দিলাম যে সব স্থির আছে—কস্মিনকালেও বদলাবে না ! শুনে তাঁর মুখ উৎফুল্ল হ'য়ে উঠলো।

জিজ্ঞাসা করলাম—এত বাজার কিসের ? এ যে একটা ঘর সংসার দেখছি।

একমুহূর্ত্ত স্বপ্ন থেকে প্রাণধন বল্লেন—কি জানেন, কাশী থেকে যাওয়া হ'চ্ছে—পাঁচটা জিনিষ না নিয়ে গেলে লোকে বলবে কি ! আর ঠাকরুণ আমাদের ! তাঁর আবার ড'হাতে পাড়ায় বিলোনো অভ্যাস ! আমি যদি শুধু হাতে যাই—রফে আছে কি। কলকাতার জিনিষপত্র থেকে আরম্ভ করে, টাকা পয়সা বিলিয়েও তাঁর আশা মেটে না, আমাদের ওপর হুকুম আছে, হুণ্ডায় একদিন করে, লোক দিয়ে কাশীর নতুন নতুন জিনিষ পাঠাতেই হ'বে। বুঝলেন না ? বড় লোকের বড় কথা ! আমরা কোথায় মরি পাঁচটা সামগ্রীর তরে আর তিনি ড'হাতে বিলিয়ে যাচ্ছেন।

কাদের বিলোন ? গরীবদের ?

গরীবদের শুধু ? তা হ'লে ত বাঁচতাম—পাড়াময়—গরীব বড় লোক নেই। সব বাড়ীতে যাবে জিনিষপত্র। বুঝছেন না—বড় লোকের খেয়াল !

দিশেহারা

পাড়ায় ত আরো লোকের অবস্থা ভালো আছে, তারা নেবে কেন ?
নেবে না আবার ! আপনিও যেমন ! মিনি খরচায় পেলে না নেবে
কে ? আমি ত নিঃখরচায় বিষ খেতে পারি । হা হা খ-খ ...

তঁার কাসি খামলে আমি বললাম—সবাই কি আপনার মত ! কথখন
নয় !

না—হোকগে-ছাই ! তা'তে ক্ষতি নেই, তবে নেয়—এই জানি !
আর গিন্নীমা কি দান করছেন বলে দেন যে লোকে নেবে না ? বন্ধুতা
বন্ধুতা । লোক গুরা সবাই চমৎকার ! পাড়ায় সকলকার সঙ্গেই বন্ধুতা
আছে, যখন যা বাড়ীতে আসছে, সকলকে পাঠাচ্ছেন—তা'দের যখন যা
আসে তারাও পাঠিয়ে দেয় !

আমার মনে বিশ্বাস হ'ল ইহা অসম্ভব নয় ! এরই সঙ্গে যে একটি
মাহয়সী মহিলার গস্তীর মূর্তি আমার মানসপটে ফুটে উঠল—সে যেমন
স্থির তেমনি ভাস্বর ! তাঁরই গর্ভ সম্মুত সেন-যে আমার সকল চিন্তা ভরে
আছেন—তাঁর চেয়ে সঝাঙ্গ সুন্দর পুরুষ মূর্তি আমার চোখে পড়ে নি—
কাজেই তাঁর জননী মূর্তির এই বিশেষত্ব আমার অস্বাভাবিক বোধ
হ'ল না ।

সরকার মশাই মোগলসরায়ে এসে বলেন—কোন্ কেলাসের টিকিট
করব ।

আমার বেশ মনে আছে, আমি জিজ্ঞাসা করেছিলাম—কতভাড়া
এখান থেকে কলকাতার ?—নীচু ক্লাসের দুর্দশা চোখে দেখেছি বলেই এ
কথাটা জিজ্ঞাসা করতে হল । সরকার মশাই একটু ভেবে বলেন—
চারটাকা ন' আনা ।

আমি বললাম—এত কম !

ঐরকমই ত ভাড়া ! তা বলুন, কোন্ কেলাসের আন্ব ?

যা-হয় আন্বন-না ছাই, গাড়ী কোন্‌দিকে আসবে ?

এইখানে লাগবে।—বলে তিনি চলে' যাচ্ছিলেন, আমি জিজ্ঞাসা করলাম, ঠিক জানেন আপনি ? এ-নয় মনে হ'চ্ছে যেন। বরং ঐ টিকিট বাবুর কাছে.....

প্রাণধন বিরক্তভাবে বললেন—আমি জেনে এসেছি।

প্রাণধন যেতেই আমি একটা স্মৃতিওয়াল ডেকে ডাউন প্ল্যাটফর্মের খবর নিয়ে নিলাম। এটা আপ প্ল্যাটফর্ম ! আমার ঠিক মনে আছে সৈদিন সেন এইখানটাতেই নেমে টিকিট-কালেক্টরের সঙ্গে কথা ক'য়েছিলেন ! প্রাণধন জানে না, তর্ক করলে, আশুক একবার ! কিন্তু তাই যদি তার মনে থাকে, না, না, সেও কি সম্ভব হ'তে পারে কখনও ?

কুলিটা একটু দূরেই দাঁড়িয়ে পাগড়ী দিয়ে ঘাম মুছ'ছিল, তাকে জিজ্ঞাসা করতে সে বলল—পচ্ছিম ঘানেকা গাড়ী—বাবু বলিয়াছেন। প্রাণধনের কাঁসিটা বরাবরই আমার কি-রকম যেন লেগেছিল। এখন একেবারে সাফ হ'য়ে গেল ! তার বাজার করা থেকে সবটা আমি যেন খোলসা দেখতে লাগলাম।

ভীষণ শব্দ করে' হুদিক থেকে হু'খানা গাড়ী এসে দাঁড়াল, আমিও ছুটে ওপারে গিয়ে একটা মেয়ে কামরায় ঢুকে পড়লাম। অল্প স্ত্রীলোকেরা নিশ্চয়ই আশ্চর্য হ'য়ে গেছল. তার সন্দেহ নেই, তবে সোভাগোর বিষয় বাঙ্গালী একটিও ছিল না।

দিশেহারা

যতক্ষণ গাড়ী থেমে ছিল, আমার বুক যেন থেকে থেকে শুক্ক হ'য়ে যাচ্ছিল। কখন গাড়ীটা ছেড়ে যায়—এই যেন আমি চোখ বুজে প্রার্থনা করছিলাম। ফিরিওয়ালার বিরাম নেই, সিঁহুর কোঁটা, বুমবুমি, চাবিকাঠি, চুনারের মাটির বাসন, বাঙালীর সামনেই বেশী করে ধরতে লাগল, আমি তাদের বারণ কর্তে পারি নে, অথবা কোন জিনিষ ভালো ক'বে দেখে নেবারও সাহস আমার ছিল না। এককোণে আড়ষ্ট হ'য়ে বসে ছিলাম, গাড়ী ছেড়ে দিনে।

ঐ বুক কে লাফিয়ে উঠছে ভেবে—গাড়ী থানা যতক্ষণ না প্ল্যাটফর্মের বার হ'য়ে গেল, আমি চোখ চাইতে পারলাম না। গাড়ী যখন ছাড় করে ছুটছে, আমি বেশ একটু স্থান দখল ক'রে বসে প্যাটম্যান্টু খুলে একখানা বহি বার ক'রে পড়বার চেষ্টা করতে লাগলাম। পড়া হ'ল না—কোথা থেকে নানা চিন্তা মনটি ঘিরে ফেলে। এই-যে আজকের কাণ্ডটা, যেমন অদ্ভুত, তেমনি অস্বাভাবিক! আমার মনের এত জোয়, এত সাহস কোথা থেকে এসেছিল, তা' আমি জানি নে—কিন্তু খানিক বাদেই মনে হ'তে লাগল—সে যেন স্বকৃত নয়! স্বকৃত হ'লেও তার যেন আরাম বা সস্তি ছিল না। কিসে আমি নিশ্চিত বুঝে ছিলাম যে প্রাণধনের মতলব ভাল ছিল না—তা' এখনও ঠিক করতে পারি নি, এখন মনে হ'তে লাগল যে প্রাণধন তা পারত না। সে অতি বুদ্ধ, দরিদ্র—সে কখনই এমন কাজে সাহসী হ'ত না।

গাড়ী যেখানেই থামে হিন্দুস্থানীরা কি সব কিনে খায়। আমি দেখলাম, এতটুকু একটু টুপি-মাথায় ছেলে, সেও বসে গেচে তার মার সঙ্গে চিনে বাদাম কুড়িয়ে খাচ্ছে। তার মা যে সে দেখছে না, তা নয়

—সে-ই ছাড়িয়ে দিচ্ছে, শিশুটি ছোট হাতের কম্পিত আঙ্গুল দিয়ে
কুড়িয়ে খাচ্ছে। আর সকলে মিলে মাঝে মাঝে এমন হাসছে যে
আমার কানে তাল লেগে যাবার জোগাড়। একটা দশ বারো বছরের
মেয়ে আমার দিকে চেয়ে থু থু করে থুতু ফেলচে, আর সকলে হেসে
লুঠোপুটি। এদের সঙ্গে কথা কয়ে বারণ কর্তেও আমার প্রবৃত্তি হ'ল
না—অন্য একটা গাড়ীতে যেতে আরও ভয় হ'তে লাগল—এরা তবু
স্ত্রীলোক, সেখানে না জানি কারা আছে। মেয়েটিকে ধমক দিবে
বসিয়ে দিলাম, সে কিছুক্ষণের জন্তু খাম্বল বটে, পাশের একটি স্ত্রীলোকের
সঙ্গে কি পরামর্শ কচ্ছে দেখে আমার মনে হ'ল, আবার আমাকে তাল
করবার ফন্দী করচে। এই গয়নামোড়া হিন্দুস্থানী স্ত্রীলোকের কাছে
বাঙালী মেয়ের একটুও সম্মম নেই, বুঝেই আমি তাদের সঙ্গে আলাপ
জুড়ে দিলাম। ধমকে যা হয় নি, এবার তা হ'ল। তারা মন খুলে
আলাপ জমিয়ে দিলে। চিনের বাদাম, কাবলী মটর মুঠো করে স্থানার
দিকে এগিয়ে দিতে লাগল। ফেরাতে পারলাম না, হাতে করে নিলাম।
এক সময়ে জানেলার বাইরে হাত ঝুলিয়ে সেগুলিব ব্যবস্থা করে দিলাম।
একটি বিশেষত্ব তাদের মধ্যে আমি দেখেছি তারা যখনই যা কিছু কিনেছে
আমাকে তার অংশ দান করতে কার্পণ্য করে নি।

রাত্রে তারা সব শুয়ে পড়ল। মাঝে মাঝে হিন্দুস্থানী হ'একটি
যুবক তাদের তথ্য নিচ্ছিল, তাও বন্ধ হ'য়ে গেল—আমি যেন নিঃশ্বাস
ফেলে বাঁচলাম।

কিন্তু যে মুহূর্তে তারা নীরব নিদ্রিত হ'য়ে পড়ল, আমার ভাবনা হ'ল
নিজেকে নিয়ে। প্রাণধনের কি উদ্দেশ্য ছিল সেই জানে, তবে
দিশেহারা

কলকাতায় যাবার সংকল্প যে তার ছিল না—আমি নিশ্চয়ই জেনেছিলাম। কোথায় নিয়ে যেত, কোন আশা সে পূর্ণ করত—কিছুই জানিনে, কিন্তু এখন আমার মনে হ'তে লাগল শেষ অবধি দেখলে হ'ত! যে আমি তার ফাদ থেকে পালিয়ে বেঁচেছিলাম সেই আমিই ভাবতে লাগলাম—একবার দেখলে মন্দ হত কি!

ভোরের মিলুয়ায় হিন্দুস্থানী একটি যুবক এসে এই স্ত্রীলোকগুলিকে রুতকগুলো হাতে বড়ো টিকিট দিয়ে গেল। আমার মনে পড়ল, আমার ত টিকিট নেই। যে স্কান্দিনাভিয়ার সঙ্গে রাত্রে আমার আলাপ হ'য়েছিল তাকে বললাম—আমার একখানা টিকিট যদি করিয়ে দিতে পার।

এ ভুড়া, ভুড়া করে স্ত্রীলোকটি তাকে ডেকে একখানা টিকিটের কথা বলে। সে বলে—উন্মে ক্যা হায়, লিজিয়ে।

আমি টিকিট নিয়ে বললাম—আপনার কি হ'বে?

ও টিক হায়! হিয়া হামলোককা কুচ ডর নেহি হায়!

টিকিট কালেকটর আসতেই আমি টিকিট খানা দিয়ে দিলাম,—তার কি হ'ল কে জানে!

শেষাশেষি তারা আরও ভদ্রতা দেখিয়েছিল। আমি একলা জেনে হাওড়া ষ্টেশনে গাড়ী করে' আমার পোটম্যান্টুটা তুলে দিয়ে 'রাম রাম' করে অন্ত গাড়ীতে গিয়ে বসল। কোচমান আমাকে জিজ্ঞাসা করলে—কাহা যাগ্যা!

আমার বাড়ীর ঠিকানা বলে দিলাম!

গাড়ীতে বসে আমি ভাবতে লাগলাম—সেদিনের কথা। যে-দিন সব ছেড়ে প্রথম এই রাস্তা দিয়েই ট্যান্ডি চড়ে হাওড়া ষ্টেশন অভিমুখে

দিশেহারা

ছুটে এসেছিলাম। কি আশার দীপ্ত আলোক মেখে সেদিন এসেছিলাম, আর কি ক্লান্তি অবসাদ নিয়েই ফিরে আসছি আজ! যে পথ সেদিন চোখের পলক না ফেলতে পার হ'য়ে গিয়েছিল, আজ পলে পলে দগ্ধ করতেই যেন তার দূরত্ব বহুগুণ বৃদ্ধিত হ'য়ে গেল। হয় গাড়োয়ান পথ ভুল করেছে, নয়ত তার বেতো ঘোড়া ছ'টো নিতান্তই অকর্মণ্য এই ভাবছি, গাড়োয়ান জিজ্ঞাসা করলে,—কেভা লম্বর?

প্রথমদিন বোডিং থেকে এসে সে বাড়ীটার আপাদ মস্তক আমি দেখে নিয়েছিলাম, নম্বরটা ৮৬-২—তাই বলে দিলাম! একটু পরেই গাড়ী সেই বাড়ীর সামনে এসে দাঁড়াল। সামনের উঠানে চার-পায়ে বসে এক হিন্দুস্থানী দরওয়ান কলকে খাচ্ছিল আমাকে দেখেই উঠে এসে জিজ্ঞাসা করলে—কা'কে চাই আমি!

এ বাবস্থা যে সেনের সে আমি আগের থেকেই জানি। তা'কে বললাম যে, আমার বাড়ী।

সে সেলাম করে' গাড়ীর চাল থেকে পোটমাগু নামিয়ে বয়ে—
আইয়ে!

উপরের ঘরগুলির চাবী খুলে দিবে জিজ্ঞাসা করলে বাবু আয়া হ্যায়? তবিয়ৎ খুস্?

তাকে বিদায় দিয়ে আমি একটা চেয়ার টেনে বসে পড়লাম। গাড়ীতে এক বিন্দুও ঘুম হয় নি—চোখ দুটির ভেতর লাল, বাইরেটা ঘ কে-যেন খানিক কালী লেপে দিয়েছে। মাথার চুল শুক রুক্ষ—অনেক দিন আমি সযত্নে চুল বাঁধিনি বটে, তাহ'লেও সংস্কার করতে কোনদিনই অবহেলা ছিল না আমার। কোন্ একটা গল্পের নায়ক এমন ঘুমিয়েছিল

যে জেগে উঠে দেখলে—তার উপর একটা কুইটিপি জন্মে গেছে, ছেলেবেলায় এ গল্প আমি স্কুলে পড়েছিলাম বা কার মুখে শুনেছিলাম মনে নেই, সত্যও হ'তে পারে, মিথ্যা হওয়াও অসম্ভব নয়,—আজ নিজের বাড়ীতে সেই বড় আশীখানায় চেয়ে দেখলাম সে আমি আর নেই ! জামা ভেদ করে অস্থিপঙ্কর ঠেলে উঠেছে ; চোখের সে দীপ্তি নেই ; শীর্ণ পঙ্গুর হাত দুটি যেন নড়বড় করছে—একদিন এই আশীটাই আমার মুকুলিত যৌবনের পরিপূর্ণতায় বিভাসিত হ'য়ে উঠেছিল, আজ যেন আর্শিতে ধুলো জমে' আমার চেহারাখানাকে বিবর্ণ ক্রশ করে দেখালে ! নিজের বস্ত্র প্রান্ত দিয়ে আমি আশীখানাকে মুছে ফেললাম, কিন্তু রূপের জ্যোতিঃ বিকশিত হ'ল না । আমার চোখে জল এল । তা'কে সুন্দর সু করে তুলতে বোধ করি একদিন দেবতাদেরও আগ্রহ দেখা গেছিল—আজ তা'কে ব্যর্থ নীরস দেখেই আমার চোখ ফেটে গেল ।

নারী জন্মের কোন সার্থকতাই আমার মন বাঁধতে পারলে না, নারী জীবনেরও সব আশা-ভরসা ফুরিয়ে গেছে বলেই মনে হ'তে লাগল— আমি আর স্থির হ'তে পারলাম না ।

দরওয়ান আত্মীয়তা জানাতে এসেছিল, তা'কে দেখে আরো অধৈর্য হ'য়ে গেলাম । এ যে তারই আজ্ঞাবহ যে আমাকে এমন দীন করে দিয়েছে । সেনের অন্তঃসারশূন্য আন্তরিকতাই আমার এই সর্বনাশ করেছে বুঝেই আমি তীব্রস্বরে তা'কে চলে যেতে বললাম । সে আশ্চর্য হ'য়ে গেল, নড়ল না ।

আমি বললাম—বাবুকে বলগে, আমি এসেছি, তোমাদের এখানে থাকবার আর দরকার নেই ।

সে একটু ভেবে চিন্তে বসে, বহু খুব।.....সে চলে গেল, এত সহজে যে যাবে আমার সে ধারণাই ছিল না। এ বাড়ীতে আমার পুরোণো চাকরদের একটাও ছিল না। একটা লোক ঘর দ্বার সব ঝাঁট দিচ্ছিল, সেও সেনের নিয়োজিত ভেবে তাঁকেও আমি চলে যেতে বলে দিলাম। দরওয়ান এক কথায় চলে গেছিল, এ কিছুতেই যেতে চাইলে না। কুটি মারছি বলে কেঁদে ফেলে। যত বোঝাই তাকে, যে কলকাতা সহরে তার কাজের দুঃখ কি—সে ততই কাঁদে, আর বলে—ছোড়নে হাম নেই সেকেগা! তার এত জেদের কারণ আমি পরে বুঝতে পেরেছিলাম। কাজ সে করতেই পারত না, যেমন কুড়ে ত্রেননি অপদার্থ! যে কাজটি করতে বলি, সেইটে ছাড়া সবই সে করবে বলে আমাকে অভয় দেয়। সে নিজেই দলে যে, বাবুর বাড়ীতেই থাকত গিন্নিমা খিটখিটে মেজাজের লোক, তাঁকে ভারি বকুতেন, তাই খোকাবাবু (সেন) তার জন্তে এই ব্যবস্থা করেছেন। আরো সে জানিয়ে দিলে যে পরমা দিচ্ছে বলে চাকর বাবুরকে বেশী খাটানো কি বকাবকি করা অত্যন্তই অনুচিত। এবং আমার কাছ থেকে সে সম্পূর্ণ অন্তরূপ আশা করেই বসে আছে, এক নিঃশ্বাসে সব কথা বলে সে দীন নয়নে আমার পানে চেয়ে রইল।

এ আমি অনেক দেখেছি যে মুখের অনেক কথায় যে কাজ হয় না, চোখের একটা দৃষ্টিতে অনেক সময়ে তা সুসম্পন্ন হ'য়ে পড়ে। এই অপদার্থ জীবটাকে আমার রাখবার আদৌ ইচ্ছা ছিল না—সে-যে কাজ করতে পারবে না বলে তা নয়—সেনের লোক আমি রাখব না, অন্ততঃ তাঁকে এটি আমি দেখাতে চাই যে তাঁর ঐ ঐশর্যের দ্বারে আমি

দিশেহারা

মুষ্টিভিষ্কার তরে হাত পাতি নি! যদিও, কার কাছে এই নারীদেহটা
যে-না বিলিয়ে দিতে চেয়েছি—তা ত জানি নে! থাক্ সে কথা,
খুবলাল রয়ে গেল।

খুবলাল বলে—মা-ঠাকরুণ খাওয়া দাওয়া কি হবে?

তার নিজের ব্যবস্থা করে নিতে বললাম, সে তাতে দুঃখিত হ'ল, বলে
—আমার খাবার জোগাড় না দেখলে সে রাঁধবে না।

তবে তুমিই যা পারো করো, তাই যা-হয় হ'বে খন।

সে বলে—সে ভালো রাঁধতে জানে না। আর তার হাতে কখনও
কেউ খায় না।

খায় না তাতে তার দুঃখ নেই এ তার কথার ভাবেই বোঝা গেল
সে নাচ জাতীয় নয়—(হ'লেও আমার বাধা ছিল না) কেন খায় না
জিজ্ঞাসা করতে সে জানালে যে-সে রাঁধতে জানে না। ও পারে না।

পারে না নয়—এ তার কুড়িমি, সে আমি বুঝেছিলাম। রাঁধা
কাজটা এমন কিছুই নয় যে পারি না বলে খালাস পাওয়া যায়! আর
একটা কুড়ে নিষ্কর্মা লোক যে বসে বসে আমার অনুধ্বংস করবে -এ
সম্ভব আমি করতে পারি নে, তাকে বলে দিলাম যা পারে, যেমন পারে
সেই রাঁধুক।

আমার এই বাড়ীটা তিনটে রাস্তার ঠিক সংযোগ স্থলে। সামনে
দিয়ে একটা বড় রাস্তা দু'দিকে বেড়ে চলে গেছে, এপাশেও একটা হোট
গলি ট্রামের রাস্তায় গিয়ে পড়েছে পেছনেও একটা গলি কোন্ দিকে
গেছে কে জানে! জানালা থেকে ট্রামের রাস্তা দেখা যায়—বেলা দশটা
বাজে, রাস্তায় খুব ভিড়, সব অফিসের বাবুরা গলদঘর্ষ হ'য়ে ছুটেছেন!

দিশেহারা

বুকে চাদর বাঁধা, বাঁ হাতে কাগজে মোড়া একটি করে খাবারের কোটা, কারু কারু হাতে আবার বহি, মাসিকপত্র ! একটি লোক দেখলাম, তিনি আবার বহি পড়তে পড়তে চলেছেন—এই গাড়ীঘোড়া মোটর ট্রামের পথে মানুষ বহি পড়তে পড়তে চলতে পারে না কি ? আমি ভাবলাম হয় ত ইনি কবি ! তন্ময় হ'য়ে চলেছেন ! কিন্তু যত তন্ময়ই হোন, গাড়ীঘোড়া দেখে না চলে যে তাঁর বিপদের সীমা থাকবে না এ-যেন কল্পিত কবিটিকে আমার বলে দিতে ইচ্ছা হল, কিন্তু বলা ত আর সম্ভব নয় !

আহারাদির পর আমি খুবলালকে একখানা চিঠি দিয়ে বললাম এলোকেশি থিয়েটার জানিস ?

সে ত্বরিত উত্তর প্রদান করলে, সে জানিত কিন্তু সম্প্রতি ভুলিয়া গিয়াছে । আমি তাকে বুঝিয়ে দিলাম যে ভুলিলে চলিতেছে না— এই চিঠি লইয়া তাহাকে যাইতেই হইবে ।

খুবলাল সবিষ্ময়ে আমার মুখের দিকে চেয়ে কক্ষত্যাগ করলে । আমার ভয় হ'ল হয় ত বা সে পথে পত্রটি ফেলে দেয় ! ডেকে বলে দিলাম, চিঠির জবাব চাই ।

প্রতিমুহূর্তেই আমি ব্যস্ত হ'য়ে পড়িছিলাম । কিসের তরে এ ব্যস্ততা তা ত জানিনে । ফুলী আমার চিঠি পেলে আসবেই, কিন্তু যদি সে থিয়েটারে না থাকে ? চিঠিটা ফেরৎ আনতে বলে দেওয়াই উচিত ছিল । খুবলাল যে রকম স্মৃদ্ধি, আবার পরিশ্রমের ভয়ে চিঠিটা ফেলে না আসে,—এই ভয়েই আমি সন্ত্রস্ত হ'য়ে পড়েছিলাম ।

ঘণ্টাখানেক পরে একখানা গাড়ী এসে দরজার কাছে থামল ।

দিশেহারা

ফুলী যে এরই মধ্যে সময় করে আসতে পারবে আমার আদৌ ভরসা ছিল না। আমি ভাবলাম হয় ত অন্য কেউ এসেছে,—হাত পা অবশ হ'য়ে গেল।

একটু পরেই নীচে থেকে ফুলী বলে উঠল—কোথা গো মা-ঠাকরুণ !
পুলকাভিশয্যে আমার কণ্ঠরুদ্ধ হ'য়ে গেল,—আমি সাড়া দিতে পারলাম না।

ফুলী আবার বলে—রাধে-কৃষ্ণ, জয় হোক মা, দু'টি ভিক্ষে পাই গো।
আমি বারান্দায় বেরিয়ে বললাম—গান গাও, অমনি ভিক্ষে কে দেয় বল ?

একগাল হেসে সে উপরে উঠে এল। তার শান্তমুগ্ধ চোখ দু'টি আমার পরে গুলু করে বলে—কি ভাই, কেমন আছ ? বলি—সব খ-ব-র কি ?

আমি তার হাত ধরে বসিয়ে দিলাম। সে বসে আমার দিকে চেয়ে বলে—দিব্যেশবাবু কোথায় ?

আমি কি উত্তর দিই তাই ভাবছি, সে আবার জিজ্ঞাসা করলে আজই এসেছ ?

হ্যাঁ। এসেই তোমাকে ডেকে পাঠিয়েছিলাম। আর আমার বিশ্বাস ছিল যে তুমি আসবেই। অবশ্য যদি থাক থিয়েটারে।

তা ছিলাম, এসেছি ও—বলে সে তার হাতের কোটা খুলে একটি পান নিজেকে খেলে, আর একটি আমাকে দিয়ে বলে—খাও।

আমি পান খাই নে।

বল কি ! অবাক করলে যে ভাই ! পান খাও না !—সে নিজেকে

আর একটা কোটা থেকে খানিকটা দোক্তা গালে ফেলে দিয়ে বলে—
তার পর কাশীর খবর কি বল।

আপনি কোথায়?—উপরে নাকি?

আমি ধড়মড় করে উঠে বসলাম।

ফুলী বলে—কে? তিনি?

না—বলে আমি বেরিয়ে গেলাম! সেন উঠানে দাঁড়িয়ে উপরের
দিকে চেয়েছিলেন, আমাকে দেখেই বলেন—কি ব্যাপার-বলুন ত!

আমি তাঁকে উপরে আসতে বলে আরো বিপদে পড়ে গেলাম!
কোন ঘরে বসাই, কি করি ভেবে ঠিক করতে পারলাম না।

সেন সোজা ঘরের সামনে এসে বলেন—চলে এলেন যে?

ফুলী বেরিয়ে এসে বলে—আমুন, নমস্কার।

সেন প্রতিনমস্কার করে আমার দিকে চেয়ে রইলেন।

ফুলী বলে—ঘরে নিয়ে এস না ভাই!

অনুরোধ তাঁকে আমি করতে পারলাম না। যদি ফুলীর সামনেই
সে অনুরোধ প্রত্যাখ্যান করেন—আমি ত তাঁকে ভালো করেই জানি!

ফুলী অতশত জানে না, সে সেনের কাছে দাঁড়িয়ে বলে—আমুন বস।
যাক্— বলে সে হেসে আমার হাতটি ধরলে, বলে—কি বল বন্ধু?

সেন কি ভেবে নিলেন যেন, তার পর বলেন—চলুন, বস্ছি।

ফুলীর সাহস দেখে আমি আশ্চর্য হ'য়ে গেলাম, সে যেন সেনের
বহুদিনের পরিচিত—এমন অবাধ ব্যবহার করছে। ম্যাস্কেরো
সিগারেটের টিনটি খুলে দু'টি লবঙ্গ মোড়া পান তাঁর হাতে দিয়ে
জিজ্ঞাসা করলে—তামাক খান কি?

দিশেহারা

আমি বলতে যাচ্ছিনা, তামাক পাবেন কোথা এখানে যে
পাবেন ?

ফুলী সেনের দিকে ক্ষুদ্র একটি ডিবা বাড়িয়ে দিতেই তিনি তা থেকে
খানিকটা দোক্তা গালে ফেলে দিলেন ।

আমি ভাবলাম, নিশ্চয়ই এরা পূর্ব থেকেই সুপরিচিত !

সেন বললেন—আচ্ছা, আপনি কি এলোকেশী থিয়েটারে শকুন্তলা
সাজেন ?

ফুলী তার সুন্দর চোখ ছুটি নামিয়ে বলল—করি । কেন বলুন
দেখি ।

না তাই বলছি—বলে সেন আমার দিকে চাইতে লাগলেন । তাঁর
দৃষ্টির অর্থ কিছু না বুঝতে পেরে আমি ফুলীকে বললাম—আমাকে একদিন
তোমার শকুন্তলা দেখাবে তাই ?

সে সেনের দিকে চেয়ে জিজ্ঞাসা করলে—কি বলেন ?

মন্দ কি । দেখ বার ঞিনিষ, অন্ততঃ আপনার পার্টটি অতি চমৎকার
হ'য়েচে । আমি ত থিয়েটারের পোকা, অনেকেরই পার্ট দেখেছি, কিন্তু
এমনটি আর দেখিনি ।

ফুলী বলল—সে আমার গুণ, না শকুন্তলার গুণ ?

ওহু'টোই এক কথা—বুঝলেন না ? শকুন্তলা পার্টটি না-হয় ভালোই
হ'ল, কিন্তু সে নির্ভর করছে কার ওপর—যে অভিনয় করছে, তার
ওপরই না ! আমার মনে আছে, লতাবিতানে শকুন্তলা যখন পত্র রচনা
করচেন, আপনাকে চিঠি লিখতে দেখে.....

ফুলী বলে উঠল—কি আর করেছি বলুন ! তোতাপাখীকে ধা

দিশেহারা

শিথিয়েচে তাই শিথতে হ'য়েচে । একটু থেমে আবার বলে—আমাদের
থিয়েটারে আবার চন্দ্রগুপ্ত খুলচে এই শনিবারে ।

সেন বলেন—আপনি কি—হেলেন ?

ফুলী সহাস্ত্রে মুখ নত করে রইল ।

দেখুন, ঠিক ধরেছি কি-না ?

যাবেন দেখতে ?

নিশ্চয়ই ।

সোনাকে নিয়ে যাবেন—বুঝলেন ? আপনার সঙ্গে গেলেই ভালো হয় ।

সেন বলেন—বেশ ত তাই হ'বে । যাবেন—আপনি শনিবারে ?

হঠাৎ কোন কথা আমি বলতে পারলাম না । যাব—বলে হয়ত তিনি
বিপদে পড়ে যাবেন ; যাবনা—বলাও চলে না, কি উত্তর দেব ভাবছি,
ফুলী সেনের পানে চেয়ে বলে—একটু আগে থেকেই সিট রিজার্ভ করে
রাখবেন, নইলে শনিবারে মেলা দায় হ'বে ।

সেন পকেট থেকে পাস' বার করে ছখানি নোট তার হাতে দিয়ে
বলেন—দেবেন আপনি, বন্ধ একটা আমার নামে রিজার্ভ করে ?

দেব—বলে সে নোট ছ'খানা পানের ডিবায় বন্ধ করে' বলে—ভাই,
তোমার চাকরকে ডেকে বলে দাওনা, একখানা গাড়ী এনে আমাকে
পৌঁছে দিক ।.....সেই এগারোটায় বেরিয়েছি—তুপুরে আজ রিহাস'্যাল
ছিল কি না চন্দ্রগুপ্তের । আপনি আগেও বহিটা দেখেচেন ত ? সে
সেনকেই প্রশ্ন করেছিল । আমাকে জিজ্ঞাসা করবে না, কারণ প্রথম
দিন থেকেই সে আমার জীবনেহিতাস জান্ত, আমি যে কোনদিন বাংলা
থিয়েটার দেখি নি তা' তা'কে বলেছিলাম ।

দিশেহারা

সেন বল্লেন—দেখেছি বৈ কি । কম করে বার আষ্টেক দেখেচি ।

আচ্ছা—ঐটেই কি ডি-এল-রায়ের সর্বশ্রেষ্ঠ বহি নয় ? আপনারা ঠিক বলতে পারবেন ।

সেন বল্লেন—এ ধারণা কিসে করলেন বলুন ত !

কেন—আপনি কি বাংলা পড়েন না, না কি ?

সেন বল্লেন—ওকথা বল্লে জিভ খসে যাবে । বাংলা বয়ের আমি অক্লান্ত পাঠক । দ্বিজুরায়ের নাটক, রবী ঠাকুরের উপন্যাস, প্রভাত মুখুয়ার গল্প এ সব আমি ভয়ানক পড়ি । এঁদের সব বহিগুলো খুব কম হয়ত পঁচিশ ত্রিশবার পড়েছি ।

আর কারু বহি পড়েন নি ?

তা কি বল্ছি ছাই ! ধরণ-না, শরৎ চাটুর্ঘ্যের উপন্যাস, গোবর্দ্ধন দত্তের ডিটেকটিভ এ সবও পড়েছি ।

ফুলী বল্লে—নাটক কার কার পড়েছেন ?

সেন বল্লেন—নাটক ! নাটক বোধ করি ঐ ডি-এল রায়েরই পড়েছি । অন্য লোকের পড়ে থাকলেও তা আমার মনে নেই, কেবল গিরিশ বাবুর দু'একখানার একটু একটু মনে আছে ।

কিন্তু থিয়েটারে গিরিশ বাবুর নাটকের সব চোয় প্রতিপত্তি ।

তা ত হ'বেই । আমারও যে ভালো লাগে না, তা নয়,—তবে তা মনে থাকে না, কারণ তার ভেতরে আমাদের প্রাণের যে আকাঙ্ক্ষা জেগে উঠেছে আজ কাল তার কোন সাড়া নেই বলেই রোধ হয় আমার মনে স্থায়ী হয় না ।

দিশেহারা ।

তিনি নিয়মেরে আর একটা কথা বলেন, যার কতকংশ আমার কানে গেলেও সবটা আমি শুনতে পাই নি।

ফুলী বলে—সে কথা ঠিক। অমন গান কেউ লিখতে পারবে না। . দেশকে ভালোবাসতে আর ভালোবাসাতে অমন আর কে পেয়েছে? তুমি পড় নি?

আমি বললাম—না।

ফুলী সেনের মুখের দিকে চাইতে লাগল। ভাবটা যেন, আমি একটা পৃথিবীর অর্ধম আশ্চর্য্য বাগান। সেনও সেট ভাবেই বলেন—একখানাও পড়েন নি?

আমি যেখানে থাকতাম—নাটক চুকত না।

ওঃ—বলে ফুলী চুপ করল। একটু পরে আবার বলে—আমি একখানা নাটক লিখেছি।—এ কথাই আমি আশ্চর্য্য হই নি, কারণ তাঁকে বিদ্রোহী বলেই আমি জেনেছিলান।

সেন বলেন—তাই না কি? প্লে হ'বে?

আশা ত আছে. তাবপর ববাত আমার! এলোকেশীর অনেকেরই শুনেচে সেখানা। .. বলতে সাহস হয় না. আপনি কি ...

খপ করে' সেন বলে উঠলেন দেখতে যাব কি-না জিজ্ঞাসা করছেন নিশ্চয়ই যাব। যাব-না আবার। একে থিয়েটার, তার ওপর আপনাব বই।

. তা নয়, আমি বলছি কি, আপনি যদি একদিন শোনেন সেটা! বুঝতে পারছেন ত আমাদের বিদ্রোহ কতদূর—তাঁতে কি আর হ'বে বলুন? আপনারা পাঁচজন যদি শুনে বলেন—ভালো হয়েছে, দিই থিয়েটারে।

দিশেহান্না

সেন হেসে বলেন—আমাদের বলার বিশেষ মূল্য নেই। আপনার খিয়েটারের ওরা ত ভালো বলেছে ?

ফুলী বলে—তা বলেছে, কিন্তু তা'তে মন উঠছে না। তাদের আগর ভালোমন্দ বিচার! আপনিও যেমন! শুন্বেন, একবার একটা ক কাণ্ড হয়েছিল।

বলুন না শুনি!

উত্তরোত্তর আমার বিশ্বাস বেড়েই চলেছিল যে সেনের আজ এত অসর কিসে? আর কোন দিনই ত তিনি গল্প শুনতে এমন জমে যেতেন না। বারান্দায় বেরিয়ে আমি খুবলালের খবর করতে গেলাম। ফুলীকে বিদায় করতে যে-তা নয়, খুবলালকে ত আমি জানি, সে শুভে পেনে আর কিছুই যে করতে চান না এও আমার অজানা ছিল না। যা ভেবেছি ঠিক তাই, সে মনঃস্থির করে হাঁকো টান্ছে। আমাকে দেখেই বলে, গাড়ী আভি লে-আতা!

ঘরের বাইরে দাঁড়িয়েই আমি শুনতে পেলাম, ফুলী বলেছে—কি বলব আর আপনাকে আমি! আর আমাদের মত অভাগিনীর কথা মূল্যই বা কি! তবু একটা কথা বলি, বহিটা শুনে যদি আপনি কেবলমাত্র ভালো হ'য়েচে বলেন, আমি আভনর করিয়ে তবে ছাড়ব।

একটু থেমে সে আবার বলে—আপনি, ভাল হোক, মন্দ হোক, সত্য গোপন যে করবেন না, এ কথা আপনার সামনে বলাই আমার ধৃষ্টতা! আমরা জানি ত.....

তার জ্ঞান প্রকাশ হবার পূর্বেই আমি নতমুখে ঘরে ঢুকে ফুলীর হাত ধরে বললাম, চল, গাড়ী এসেছে!

ফুলী দাঁড়িয়ে উঠল, সেন-কে নমস্কার ক'রে বোরিয়ে এল! শান্ত উজ্জ্বল চোখের দৃষ্টি বাড়ীটার চাদিকে ফিরিয়ে বললে—বাড়ীটা সারিয়ে নাও।

দেখি—বলে তা'কে সঙ্গে করে নীচে নেমে গেলাম। গাড়ী এসেছিল, তা'তে উঠিয়ে দিয়ে নিঃশব্দে ফিরে আমি সিঁড়ির পাশের ঘরটায় ঢুকে পড়লাম। বেশীক্ষণ থাকা হ'ল না। একজন ভদ্রলোক আমার অপেক্ষাতেই বসে আছেন একলা,—এ অনুচিত এই ভেবে এ ঘরে আসতেই সেন বল্লেন—কোথায় ছিলেন?

সেনের প্রশ্নের কোন উত্তর না দিয়েই আমি জিজ্ঞাসা করলাম—
তিনি কোথায়?

কে—বন্ধিম! তার বে হ'য়ে গেছে!

বে হ'য়ে গেছে। কবে হ'ল?

কাশী থেকে ফিরেই।—কথা তিনটি বলতে সেনের কণ্ঠ যেন আর্দ্র হ'য়ে উঠল। তিনি নতমুখে' একটা দেশালাইয়ের কাঠি ভাঙতে লাগলেন। আমি জিজ্ঞাসা করলাম—কাশীতে তার গেছল তাঁর বাবার অসুখ।

হ্যাঁ।—তিনি চুপ করে রইলেন। আমি কিন্তু তাঁকে নীরব হ'তে দিলাম না। খুঁচিয়ে যেমন লোকে শীতের দিনে আগুনকে উজ্জ্বল করে, তেমনি করে জিজ্ঞাসা করলাম—তবে বিয়ে হ'ল কি করে?

সেন বোধ করি একটু বিরক্ত হ'য়ে উঠলেন, বল্লেন—বাংলা দেশের কোটি কোটি ছেলের যেমন করে হয়, তেমনি করে।

সে আমি জানি। আমি বলছি—তাঁর বাপের অসুখ।.....

দিশেহারা

অসুখ নয়। আমি-ই অসুখ করিয়েছিলাম।

আপনি ?

হ্যাঁ। মনে আছে আমার চাকর কাশী থেকে কলকাতা চলে এল। যেদিন আপনার হাত কাটে, সেই বুড়োর বোঁচকায়, মনে আছে ? তার ঠিক তিনদিনের দিনই সকালে তার পৌঁছেছিল।

তা পৌঁছেছিল। কিন্তু তা'তে হ'য়েছে কি ?

তাইতেই সব। আমার চাকর রাখালের নাম দিয়ে টেলিগ্রাম করলে, পেয়ে বন্ধিম এল। আমি তার বাপকে চিঠি লিখে সব কথাই জানিয়ে রেখেছিলাম। আপনার কথাও।

আমার কথা-ও ?

হ্যাঁ। আর আপনার জন্তেই ত এত শীঘ্র এ ব্যবস্থা। নইলে বিষের বয়স তার যায় নি।

সেন বলতে লাগলেন—আমাকে থাকবার জন্তে আপনি পীড়িপীড়ি করছিলেন, আপনার কথা রাখতে পারি নি বলে আপনার মনে কত কষ্টই না হ'য়েছিল কিন্তু সৈ-ও আমাকে করতে হ'য়েছিল—আর কেন হয়েছিল জানেন ? কেবলমাত্র একটি ভেককে সাপের গ্রাস থেকে রক্ষা করতে। দেখুন হ'য়েছে কি-না ! লাঠিটায় রক্ত পর্য্যন্ত লাগে নি।—বলে তিনি হাতটি আমার দিকে বাড়িয়ে দিলেন।

ইচ্ছে হ'ল ঐ রক্তাভ করতলটা দাঁতে চেপে পড়ে থাকি, দেখি রক্তপাত হয় কি-না, কিন্তু ভেকের সাহস লাঠি দেখলে গ্যাঙর গ্যাঙর করে কূপেই প্রবেশ করে। আমি চোখ দু'টি মুদিত করে গাঢ়স্বরে বললাম
আপনি কি.....

সেন বল্লেন—মানুষ !

আমি বল্লাম—মানুষ নন, দেবতা !

সেন হো হো করে হেসে উঠলেন । তাঁর প্রচণ্ড হাসির শব্দেই আমার ধ্যান, মনের একাগ্রতা সব ঘুচে গেল । খেই খুঁজে পেয়ে, নতুন করে জিজ্ঞাসা করলাম—

তার গেছল তাঁর বাবার অসুখ ।

সেন শুক হাস্তে বল্লেন—নইলে কি-সে ফিরত ! বিয়ে সে করতই নয়—জোর করে দিয়েছি ।

বল্লাম, জোর করে কি আবার ! জোর করে কি করান যায় না কি ?

সেন বল্লেন, যায় কি-না দেখুন—তার গেল বাবার অসুখ, সে এল ছুটতে ছুটতে ; এসে দেখলে বাপ বিছানায় শুয়ে গো গোঁ করছেন দেখে ছেলের চক্ষুঃ স্থির । বাপের সেবা করতে লাগল । বাবা বল্লেন— বাবা, আমি আর বাঁচব না ।……মরবার সময়েও আমি সুখে মরতে পারছি নে । এই পৃথিবী, ঘর সংসার, আত্মীয় স্বজন পুত্র কন্যা ছেড়ে যেতে হ'চ্ছে বলে আমার দুঃখ নয়—আমার দুঃখ এই যে তো'কে সংসারী করে যেতে পারলাম না ।

বলতে বলতে তিনি চুপ করলেন । আমি বল্লাম—তারপর !

“তারপর থেকেই তার বাবার যন্ত্রণা বাড়তে লাগল । এক সময়ে আমার ডাক পড়ল,—আমি যেতেই তাঁর দুঃখের কারণটি আমাকেও বল্লেন । আরো বল্লেন যে, মরে আমি পৃথিবীর সঙ্গে নিঃসম্পর্ক হচ্ছি নে । নিঃসম্পর্ক করছে আমার ছেলে ! আর কেউ কখনো বলবে না

দিশোহারা

শ্রান্যায়ের দংশ আছে। যদি সে মনস্তাপ আমারই একা হ'ত, আমি সহ করে নিতাম, কিন্তু বংশলোপ, জাতিলোপ, ধর্মলোপ এ সব সমাজের দর্শিত তুমি ত সবই দ্বাছ।--আমি তাঁকে বলতে পারলাম না যে সমাজ নিয়ে মাথা ধান্যবার কোন প্রয়োজনই হয় নি—সেখান থেকে উঠে পড়তে হ'ল। বন্ধিমের মা বোন্ ও দোখ আমার মুখেরপানে চেয়েই মুখ মুছতে লাগলেন।

বন্ধিমের সঙ্গে দেখা হ'তেই আমি তাঁকে বললাম বিয়ে কর!—সে রাজী হ'ল না। আমি তাঁকে বুঝিয়ে দিলাম, নৈলে সে আমাকেও ধারাবে!.....

সেন চূপ করলেন। আমি একটু ইতঃস্তুত করে জিজ্ঞাসা করলাম—কেমন বউ হ'ল দেখেছেন?

না। বৌ দেখে বেড়ানোর লখ্ আমার নেই। প্রথাটা আমার পসন্দ হয় না।

হঠাৎ আমার মুখ দিয়ে বোঁরয়ে গেছল, এ ত কুমাবী মেয়েদের পুরস্কার সভা নয়! মুখের বিষয় তিনি শুনতে পারনি; বল্লেন—আশীর্বাদ আমি করে পাঠিয়েছি। হাজার টাকার একগাছ! হার যৌতুক দিয়েছি।

তিনি আর কিছুই বল্লেন না। তাঁর দিকে না চেয়েও বুঝতে পারলাম যে কথাগুলি তাঁর ভিজে ভিজে উঠছে, আর সেই আর্দ্রকণ্ঠস্বর গোপন করবারই চেষ্টা সেন প্রাণপণে করছেন।

আমি বললাম—আপনি তাঁর বিয়েতে যোগ দিলেন না!—বন্ধিম তাঁতে দুঃখিত হ'য়েছেন, নিশ্চয়ই।

কি জানি ! আমার সঙ্গে দেখা হয় নি।--বলে অগ্রদিকে মুখ ফেরালেন ।

শোকে মানুষ কাঁদতে চায় সেই তার সাধুনা—সেন ও গভীর হৃৎখের সহিত ঘটনাটি বিবৃত করছিলেন, তাঁর পক্ষে সেইটেই সাধুনা হ'য়ে দাঁড়িয়েছিল—কিন্তু শোকের সময় যেমন লোক সাক্ষ্য থাকলে কণ্ঠরুদ্ধ হ'য়ে যায়, -- সেনেরও তেমনি স্বর বন্ধ হ'য়ে গেল ।

আপনার খুব আনন্দ হচ্ছে বুঝি ?

সেন হুঁপা পেছিয়ে দাঁড়িয়ে পড়লেন । যেন ভয় পেয়েছিলেন । তাঁকে স্তব্ধ থাকতে দেখেই আমিও সরে গেলাম । আবার যখন তিনি আমার কাছে এসে বল্লেন—কেন আপনি রাগ করছেন আমার ওপর ! আমি ত আপনার বন্ধু বৈ আর কিছুই নই ।

আমার ভেতরটা কেঁপে কেঁপে উঠছিল, আমি নিম্পন্দভাবে দাঁড়িয়ে রইলাম ।

সেন কাতরকণ্ঠে বল্লেন—দেখুন, আমার মনে হ'চ্ছে এ শুধু আজকের ঐ একটা কথার জন্তে আপনার এত রাগ নীয় --অনেক দিনের রাগ যেন ভেতরে জমা হ'য়েছিল, আজ প্রকাশ হ'য়ে পড়েছে ? কিন্তু আমি ত ভেবে পাই নে কিসে আপনার রাগ হ'তে পারে । সাধ্যমত আমি আপনাকে সন্তুষ্ট করতেই চেষ্টা পেয়েছি । যদিও বুঝতে পারছি যে আমার সব চেষ্টাই বিফল হ'য়েছে আমি আপনাকে সুখী করতে পারি নি ।

তিনি থামতেই আমার সর্কাঙ্গ শিটবে উঠলে । বাঁ হাতে রেলিংটা ধরে আমি নীচের দিকে মুখ করে দাঁড়িয়ে রইলাম ।

সেন বল্লেন—বাপমায়ে আমার নাম দিয়েছিলেন সন্তোষ । সেই

থেকেই আমার কেমন একটা গৰ্ব দাঁড়িয়ে গেছিল, ছনিয়ার লোককে আমি সন্তুষ্ট করতে পারব, অন্ততঃ আমার সঙ্গে যে ব্যবহার করবে। এতদিন কমবেশী সেই রকমই হ'য়ে এসেছিল, কিন্তু আপনার কাছে আমার দর্প চূর্ণ হ'য়েছে। আমার মনে হয় আমি আপনাকে সন্তুষ্ট করতে পারি-ই নি, বেশী হুঃখ দিয়েছি। নৈলে আপনি এত অপ্রসন্ন বিমুখ হ'বেন কেন? কিন্তু তবু সত্যি কথা বলছি যে চেষ্টার আমি ক্রটি করি নি। কি-ষে চান আপনি, আর কি-না পেয়েই এমন ক্ষুব্ধ হ'য়েছেন, তা আমি জানি নে। জানতে পারলে একবার দেখতাম, আমার দ্বারা সে সন্তুষ্ট হ'তে পারে কি-না।

দিব্যশ কোথা?

সেন কয়েকমুহূর্ত স্থিরনেত্রে আমার পানে চেয়ে বলেন—বুঝোছি!

একটু গেমে আবার বলেন—বেশ আমি তার সন্ধান করব।

আমাব চুলের মুঠি ধরে কে যেন সেখান থেকে টেনে ফেলছিল আমাকে, আমি চলে যাচ্ছি, সেন বলেন—আমাকে বিশ্বাস করুন। আমি তা'কে হাজির করে ভাব ছাড়ব।

কি বলতে গেলাম কথা বেরুল না। প্রস্থানোত্তে সেনের পথে বুক পেতে শুয়ে পড়তে ইচ্ছা হ'ল—সেন তার কিছুই জানলেন না। আমার দুর্দমনীয় অশ্রুশ্রোত যে সর্বান্ধ প্রাবিত করে দিচ্ছিল তিনি সেদিকে লক্ষ্যও করলেন না—ধীর পদক্ষেপ সিঁড়িতে নামতে লাগলেন।

আজ মনে হয় আমার ছ'বাল কি এতই শক্তিহীন হ'য়েছিল যে তাঁর উত্তম পা দুটি মাটির সঙ্গে চেপে ধরতে পারলে না! তারা শক্তিহীন না হ'লে হয় ত সেদিনই এ জীবনের ধারা অন্য পথে প্রবাহিত হ'তে

পারত, সব আশা আকাঙ্ক্ষা সাফল্যের বাতাসে ফুলে ফুলে ছলে ছলে উঠত কিন্তু সে সব আকাশকুসুমের মত রঙীন হ'য়ে ফুটল, আর চোখের পলকেই বাষ্প হ'য়ে উবে গেল !

সেন নীচে থেকে বল্লেন—দিবোশকে পেলেনই তবে আবার আসব, নৈলে এই শেষ !

তার জলদমন্তস্বরে যেন আমার বুকের উপর পাহাড় ভেঙ্গে পড়ল !.....

আমি কেঁদেছিলাম, কি করেছিলাম, কিছুই আমার স্মরণ নেই, শুধু এইটুকু মনে আছে যে দৌড়ে নীচে নেমে এসেছিলাম। খোলা সদর দরজার সামনে একমিমিট দাঁড়িয়ে থেকেই কাঁপতে কাঁপতে বসে পড়েছিলাম। এটা মনে আছে, তার কারণ, দরজার পাশেই একটা টুল ছিল, তাতে মাথা ঠুকে আধঘণ্টা ধরে অনর্গল রক্ত বেরিয়েছিল। সে ক্ষত সারতে বড় অল্পদিন লাগে নি।

মরতে আমি কেন কে দিবোশের নামটা উচ্চারণ করতে গেছিলাম সে ত জানি নে; সে হতভাগাকে স্মরণ করতে যে আমার নারীর লজ্জা, নারীর গর্ভ, নারীর শালীনতা, সব চেয়ে বেশী রনগাজাতির সতীত্ব গৌরব পর্যাস্ত ঘণায় লজ্জায় মল্লুচিত হ'য়ে পড়ত. কেন তা'কেই মনে করে এই অনর্থটা যে ঘটলাম তা'ত জানি নে! তার মত পিশাচের নাম যে-কোন রমণীর মুখ দিয়ে উচ্চারিত হ'বার যোগ্য নয় সে আমি জান্তাম্!—যদি আনুমনে কোনদিন ছঃস্বপ্নের মত তার চেহারাটা, তার চেয়ে তার কদাকার কাজটা আমার মনে উঠত আমি আতকে শিউরে উঠতাম। সেই নামটাই করে বসলাম তাঁর কাছে, যার সামনে

হৃদয়ের গোপনতম প্রদেশেব একটা গুহ ইচ্ছাই প্রকাশ করবার জন্য
কত পল কত অনুপল, কত দিন কত রাত্রি, কত নিদ্রা
জাগরণের মধ্যে আমার সর্বেন্দ্রিয় সজীব হয়ে থাকত !
কতদিন তাঁর মুখের দিকে চাইতে চাইতে বিভোর হ'য়ে
সেই কথাটাই বলতে প্রাণপণ চেষ্টা করেছি, কত রাত্রি স্বপনে সে কথা
কত জোরে তাঁকে শুনাতে বুক ফেটে মরেছি, তবু পারি নি। কেন
পারি নি, তাও জানি নি। এবং যত-না পেরিচি ততই ক্ষোভ বেড়েছে,
—নিজের অক্ষমতা নিজেকেই জ্বালিয়ে দিয়েচে। জলতে জলতে ব্যর্থ
অভিমানের জ্বালায় তাঁর বিরুদ্ধতা কবলত কত চেষ্টাই না করেছি,
আবার যেই দেখলাম সে আগুনের বাঁধ এতটুকুও তাঁর গায়ে লেগেছে,
অমনি চোখের জল ঢেলে, কপালের রক্ত গেলে দিঘে নিবিঘে দেবার জন্তে
ছট ফট ক'রে মরতে গেলাম।

কোন আঘাতের যে এত যন্ত্রণা, তা ত আমি জানি নে। মাথাটা
আমার বেশই কেটেছিল—খুবলাল কোথেকে বটের আঠা এনে লাগিয়ে
দিতে, যন্ত্রণা একটু কমছিল, আবার ছ'চার মিনিট না কাটতেই মাথাটা
দপ দপ করে উঠল। ছটফট করছি, খুবলাল আবার খানিকটে আঠা
লাগিয়ে দিতে এল। আমি তাকে চলে যেতে বলে দিলাম। সে বলতে
বলতে গেল এর চেয়ে বড়িয়া দাওয়াই আর নেই। কথাটা তার খুব
ঠিক রক্তস্রাবে মাথাটা যেন ছিঁড়ে পড়ছিল—বটের আঠায় তা শাস্ত
হ'য়েছিল কিন্তু যে যন্ত্রণা আমার বুকথেকে মাথা পর্যন্ত কেটে কেটে
উঠছে—তার কি কোন প্রলেপই ছিল ভূভারতে !

তাঁকে গাড়ীতে উঠতে দেখলাম, গাড়ী ছুটে যেতেই আমার মনও

দিশেহারা.

সেই দীপ্ত মধ্যাহ্নের রৌদ্র ঝলকিত পথেই ছুটে যেতে চাইলে ; চুড়ি চাই
হেঁকে দাড়ীওয়াল, একটা লোক বলে—চুড়ী চাই ? থমকে দাঁড়িয়ে
গেল ।

অষ্টাদশ পরিচ্ছেদ

রঙ্গরহস্য অসহ ।

একখানা বেতো ঘোড়ার গাড়ী এসে থামতেই আমি দরজার সামনে
গিয়ে দাঁড়ালাম । এ-গাড়ীতে যে ফুলীই এসেচে তার আর সন্দেহ নেই
এই ভেবেই আমার ভাবনা আর রইল না ।

ফুলী নেমে ভাড়া দিলে, মুচকি হেসে বলে --এইচি ভাই !

উপরে উঠতে উঠতে গাইতে লাগল—

এয়েচি সজনী, এয়েচি আবার,

এনোঁচি পরাণ ফিরায়ে আমার—

তব মধুময় পাশে গো ।...

তিন্ত ওবুদও রোগী খেতে চায় এক-এক সময়, আমার সেই অবস্থা
হল, বললাম--গানটা গাও আগে !

হারমোনিয়মে চল, নৈলে আর কি গাইব ?

হারমোনিয়ম বাঁজিয়ে গান গাইতে দিতে আমার ইচ্ছা হ'ল না।

আমি বললাম—অমনিই গাও ।

ফুলী বলে--পাড়ায় গোল আছে না কি ?

কিছু না । আমি ত এখানে বেশ শান্তই আছি ।

• দিশেহারা

ফুলাঁ হয়ত আমার কথাটি বুঝেছিল, আর কথা না বলে উঁ উঁ করে
গাইলে—

এয়েচে সজনী এয়েচে আবার—

হেরগো বসন্ত ছুয়ারে তোমার,

প্রাণ বিনিময় আশে গো ।

ধরনী হাসিছে জোছনা-কিরণে

তটিনী ধাইছে সাগর সঙ্কমে

তুমি কেন ভাস নিরাশে গো !

একি মান সখী, তোমাতে নিরখি,

অথবা একি-এ দেখিছ এ পরখি—

বাঁধা যে চরণে,

জীবনে মরণে,

নূপুরের ফাঁসে গো ।

গান থামাইয়া বলিল - শুন্নে ! কেমন লাগল ।—বলিয়াই গাহিল

শুনিতে শ্রীমুখে, হৃদে বহু আশা জাগে...

কালো এ অঙ্গ প্রিয়ে জাগে কত রাগে

আলবাসি বল ভালো বেসে ।...গো ।

আমি বললাম - কত গান তুমি জান ?

ফুলী বলে—একহাজার তিনশো তিধান্ন ।...সে হাসিছিল ।

এত ?

এত...তব নাম সখী, লক্ষবার বলি.....

আমি তাকে থামিয়ে দিয়ে বললাম—তুমি কি খুব সুখী ।— বলেই
আমার ভয় হ'য়েছিল, এ রাগ না করে !

দিশেহারা .

ফুলী হেসে বলে—মন্দ কি, বেশ আছি।...কৈ সেন কৈ তোমার ?
আমার কাণ যেন জুড়িয়ে গেল। একবার আমার কাণের অশ্রু
হ'য়োছিল বোর্ডিংএ, মিস্ মন্দাকিনী কি একটা তেল গরম করিয়ে কাণে
তেলে দিয়েছিলেন, সেদিনও এমন জুড়িয়েছিল।

বললাম—তিনি আসেন নি, বোধ হয় আ-আসবেন না।

ফুলী সবিস্ময়ে বলে উঠল—আসবেন না ? বেশ যাহোক ! আমি
কোথায় এই খাতাটি নশাই, ঘাড়ে করে আনছি আর বড় শোকের
দরজায় এসে দেখলাম—নট্ এ্যাট্ হোম।

আমি হেসে জিজ্ঞাসা করলাম—কোথায় আবার দেখলে নট্ এট্
হোম !

দেখেছি গো দেখেছি। কলেজেই না হয় না পড়িছি, তা বলে
আমরাও ত মানুষ, আর রূপযৌবনও ত একটু আধটু আছে ..

আমি আশ্চর্য হ'য়ে গেলাম, থিয়েটারের মেয়ে বলে' সে কি রমণীত্বই
ত্যাগ করেছে একেবারে ! নিজের রূপের গর্ব সে করলে কেমন করে !
আর তাও আবার আমার সামনে ! নিজের মুখে জাঁক করব না, সে
আর এ !

ফুলী বলে—তুমি অবাক হ'য়ে গেলে নাকি কথাটা শুনে ?

বললাম, না, একটু পরে আবার বলে—

রূপ নহে চিরস্থায়ী,

রবে তব আজ্ঞাবাহি

সে যে রজনী কুমুম

প্রভাতে ভাসিতে ঘুম,

দিশেহারা

অরুণ কিরণে

উন্মুখ মরণে---

পাপড়িটি পড়ে খসি—

এ রূপ তব নহে চিরস্থায়ী ।

এ আমার নিজের লেখা গান ।

এতক্ষণ আমার ধারণা অণু বকমের ছিল । সে যে নাটক রচয়িত্রী তাতে গান নিশ্চয়ই দিয়েচে, সন্দেহ নেই, কিন্তু সে যে নিজের ঢাকই পিটে বেড়াচ্ছে ঘাড়ে করে তা ত জানিনে । বললাম, এ গানটার তোমার মানে কি ?

সে হেসে বলে—গানের আবার মানে !

আমি বললাম—মানে থাকে না ?

সে একটুখানি ভেবে বলে—থাকে হয় ত একটু .. বলেই গাইলে --

সখি হৃদিনের তরে --

রেখ বেঁধে হৃদি তারে ।

আপনি নিভিলে হায় !

ক্ষোভ এ থেকে যায়,

হ'ল নাক দীর্ঘস্থায়ী !

বুঝলে ? তাই আমি তা'কে গর্ষ করে' জাগিয়ে রাখতে চাই ।
নইলে যে বুড়া হ'য়ে যাব তাই ।

তার এ কথাটিও আমি বুঝলাম না যে কিসের তরে যৌবনের গর্ষ
সে জাগিয়ে রাখতে চায় ! কে যে তার যৌবন পদমূলে পুষ্পাঞ্জলি
দিতে আছে, তা ত আমি জানিনে । হঠাৎ আমার মনে হ'ল—এ

দিশেষার্না.

হয়ত তার সত্য সন্ধানই পেয়েচে, তাই তার জীবন ধন হ'য়ে গেচে !
এ-সব না-কি বছদিনের পরের লেখা তাইতে বলতে পারচি যে আমারও
ইচ্ছা হ'য়েছিল, তার পায়ে ধরে মন্ত্ৰটা আমিও শিখে নিই !

খাতার পাতা উন্টেতে উন্টেতে বলে - তবে আর কি হবে ! একটু
পরেই দাঁড়িয়ে উঠল, আমি বললাম—এখনি চলে ।

আর কি করব বল ! তুমি ত আর শুনবে না !

আমি পরিহাসের সুরে বললাম—কেন বুঝতে পারব না ?

সে বলে—এ-কি পাঠকেন্দ্র ছুড়লে ভাই ? স্বরটা তেমন প্রকুল
নয় । হাসি তার মুখে লেগেই আছে, শাস্ত চোখের দৃষ্টিট পর্য্যন্ত যেন
রাতাসে পাতার মত কাঁপে । এই একঘোড়া চোখ—তার জুড়ি আর
দেখলাম না এজীবনে, কেবল একটি জাঙ্গা ছাড়া ! সে আমার মনের
পাতায় ! এই চোখেরই ছায়া মনের চিক্ৰণ পাতায় প্রতিবিম্বিত
হ'ত !

এই তার ব্যতিক্রম দেখলাম ।

সে বলে—কাল থিয়েটারে যাচ্ছ ত...ওরে অ-খুকলাল না-কি
বাপ, একটা গাড়ী ডাক ত ! এ রত্নটি কোথেকে আমদানি করলি
ভাই ? কাল থিয়েটারে যাবার সময় নিয়ে যাস—কালকে একবার
গেছল, থিয়েটারের সবাই হেসে লুঠোপুটি খেয়েছিল । আজও আমার
ছপুর বেলা রিহাস্যাল ছিল কি-না সবাই ওর খোঁজ করতে লাগল ।
একি ভাই প্রত্নতত্ত্বের গবেষণা করে পেয়েছ ?—বলে আবার সে মুচকে
মুচকে হাসতে লাগল ।

আমি বললাম—সেনের চাকর ।

• দিশেহারা

ফুলী হাসতে হাসতে বলে—তা এ কাণা গরু বামুনকে দান করে’
সেন কি স্বর্গ কামনা করে’ বসে আছেন ?

তার হাসিটা সব সময়েই ছিল উপভোগের। আমার এ পোড়া
মলের কত গ্লানি না কতবার উঠেছে, তার হাসিতে তখনি বিদূরিত
হ’য়েচে।

খুবলাল হাঁকলে—গাড়ী আয়া হয়।

ফুলী আমার হাত ধরে’ বলে—চললাম। কাল দেখা হ’বে আবার।

আসবে ?

কেন—থিয়েটারে। সাইড বক্সই করিয়ে দিয়েচি তোমাদের জন্তে,
সেখানেই দেখা হ’বে।

থিয়েটারে যাওয়ার আমার ঠিক নেই।

ফুলী হাসি গোপন করে’ গাইলে—এত মান সাজে না সখী তোমার
রে।

কি ভাই, কথায় কথায় গান—আমার ভালো লাগে না।

ফুলী হেসে ফেলে, বলে—তা ত লাগবেই না। “মানিনি করেছে
মান—”

আবার।

আচ্ছা আর নয়, চললাম। যাও যদি দেখা হ’বেই-খন।—বলে সে
নাচে নেমে গেল। আমি তাকে ভুলে দিতে এলাম। সে গাড়ীর
সামনে দাঁড়িয়ে বলে—আচ্ছা তিনি কি আসবেন না ? বহিটা শোনানো
হ’ল না !

আমি বললাম, আর একদিন হ’বে—তার আর কি !

সে গাড়ীতে উঠে চলে গেল। আমি উপরে এসে নিজের ঘরটিতে বসলাম। থিয়েটারের কথাটাই বারবার আমার মনে চলাফেরা করতে লাগল। তার কোন স্থিরতা না থাকলেও আমার মন বলতে লাগল যে আমাকে যেতেই হবে। কিন্তু যে আমাকে নিয়ে যাবে, সে যদি না আসে! সে ত বলে গেছে—আসবে না, দিব্যশকে না পেলো।

এ-কি প্রতারণা করেছি আমি নিজের সঙ্গে। দিব্যশের কথা মরতে আমি কেন তুলেছিলাম, তা'কে ত আমার কোন দরকাই ছিল না; সে নামটা আমার অজ্ঞাতসারেই মুখ দিয়ে বেরিয়ে গেছিল, নইলে তার নাম করব কেন আমি! সে ভুলটা নিশ্চয়ই খুব বড় নয়, কিন্তু স্নেন যে সেটির সংশোধন করতেই চলে গেছেন, আমি ত তাঁকে মানা করতে পারি নি—এ শাস্তির কি আমার শেষ আছে?

উন্নিং পরিচ্ছেদ

সহ্যের সীমা আছে।

যদিও সেন বলে চলে গেছেন, দিব্যশকে না নিয়ে তিনি ফিরছেন না, আমি ভাবতে লাগলাম. কোথায় তার দেখা পাবেন তিনি! সে যে কোথায় অন্তর্ধান হ'য়েছে কে জানে! কোন দেশেই কোন কালেই তার দেখা যেন তিনি পাবেন না, এ ত শুধু বিশ্বাস নয়, আমি এই কামনা করতে লাগলাম! সে যেন হিমালয় গহ্বরেও আত্মগোপন করে, জনসমাজে তার না দেখা দেওয়া উচিত—এই ভেবেই আমার

দিশেহাস্তা

মনে হচ্ছিল, নিরাশ হ'য়ে খবরটিও তিনি আমাকে দিতে আসবেন। কিন্তু সারাদিন মোটর গাড়ীর ভেঁপু শুন্তে কর্ণ বধির হ'য়ে গেল, এ বাড়ীর দরজায় কারু ভেঁপুই বাজল না। পরহিতাকাঙ্খা বরাবরই সেনের মধ্যে প্রবল দেখেছি—তাতে এমন বিতৃষ্ণা কোন দিন জন্মায় নি আমার—এখন যেমন হ'তে লাগল। হিতচেষ্টার ছলেই যে তিনি আমার অহিত টেনে আনছেন—যদি এটাও তাঁতে বুঝিয়ে দিতে পারতাম, হয়! হয়ত কোন গোলই হ'তে পারত না, কিন্তু এখন প্রহর অতীত তাঁর!

সন্ধ্যা হ'য়ে গেল, সেন এলেন না। আমি খুবলালকে গাড়ী ডাকতে বলে দিলাম! সে জিজ্ঞাসা করলে, কোথায় যেতে হ'বে?

তোমার বাবুর বাড়ী—

সে চলে যেতে উদ্বৃত দেখে আমি আবার বললাম—না, না—এলোকেশী থিয়েটারে!

আচ্ছা বলে সে চলে গেল। আমি কাপড় চোপড় পরে নিলাম, জুতো পরব কি-না ভাবছি, খুবলাল গাড়ী হাজির করলে! থাক্গে জুতো—বলে আমি বেরিয়ে পড়লাম।

বাংলা থিয়েটারের সঙ্গে এতটুকু জানাশুনা ছিল না আমার, তার সামনে এসে গাড়ী দাঁড়াতেই গাড়োয়ান দরজা খুলে দিলে। আমি নেমে, একটি লোককে জিজ্ঞাসা করলাম—বক্স কোন দিকে?

সে লোকটি টিকিট বেচছিল, তার অদূরে এক সুলঙ্গী রমণী দাঁড়িয়ে আমারই আপাদমস্তক নিরীক্ষণ করছে—তার দিকে চেয়ে বলে—কাহ, এঁকে বক্সে পৌঁছে দিয়ে এস।

কাছ অল্প একটা সিঁড়ি দিয়ে আমাকে আন্তে আন্তে জিজ্ঞাসা করলে—কোন বস্তু চাই ?

আমি বললাম—রিজার্ভ আছে ।

কাছ বিস্মিত হ'য়েছিল, তার সন্দেহ নেই, একটু পরেই বলে—
ঐ বাবুটিকে নাম বলুন—উনি দেখিয়ে দিবেন ।

আমি সেনের নাম বললাম । পাঞ্জাবী গায়ে কুশকায় ব্যক্তি হাতের সিগারেটটি ফেলে দিয়ে বলে—আসুন ।

একেবারে শেষে একটা গদি মোড়া যায়গায় সে আমাকে এনে বসিয়ে চলে গেল । তখনও অভিনয় আরম্ভ হয় নি, কনসার্ট বাজছিল । আমি একবার চতুর্দিকে চেয়ে দেখে নিলাম । কত লোক যে এসেচে তার যেন সংখ্যাই নেই । তবু আন্দাজ কত হো'তে পারে—দেখছি—হঠাৎ মনে হ'ল—সেই অগণিত চোখের অপলক দৃষ্টি আর কিছুতেই বন্ধ নেই—সুতীক্ষ্ণ বাণের মতই আমাকে বিদ্ধ করচে । চকিতে মুখ সরিয়ে নিলাম ।

আনার ঠিক সামনে তিনটি সুদর্শন যুবক বসে হাশ্বালাপ করছিলেন—আর মাঝে মাঝে এদিকে দৃষ্টিক্ষেপেও কার্পণ্য করছিলেন না, পলকে বিশ্বাসে আনার মনে হ'তে লাগল—থিয়েটার যেন আর কেউ দেখবে না । একবার—একমুহূর্তের জগ্ন শতরূপে শত মূর্তিতে প্রকাশ পেতে চেয়েছিলাম কিন্তু তখন চিন্ত অবশ হ'য়ে গেল যে এ-কি অভদ্রতা !

"কোন দিকে চাইব না ভেবে ঘাড় নাচু করে বসে রইলাম । কিন্তু কি দেখতে যে দেখে আমার ঠেলে ঠেলে উঠতে লাগল, তা ত জানিনে" আমি । ছুপ উঠতেই প্রথম নজর পড়ল, সামনের সেই বকুসটায় !

দিশেহারী

এদেশের প্রতি মায়া মমতা সত্যিকারের ছিল না কোনদিন কিন্তু গ্রীকসম্রাটের মুখে এই সোনার ভারতবর্ষের এমন একটা ছবি সজীব হ'য়ে ফুটে উঠল আমার মানসপটে, যা একেবারে অপূর্ব সুন্দর ! ভূগোল-ইতিহাস ছাড়া ভারতবর্ষের পরিচয় আমি রবিবাবুর গোরায় দেখেছিলাম । একদিন আমার দেশের সেই স্বরূপ মূর্তিতে আমার মন প্রাণ ভরে গেছিল, কিন্তু তার পরই নানা আবর্তনে পড়ে ভারতবর্ষ, জন্মভূমি কোথায় ভেসে গেছিল আমার মনের থেকে, আজ আবার সেই ছাইচাপা আশুগুণ পুনঃ প্রজ্জলিত হ'য়ে উঠলো ।

বলতে লজ্জা নেই, একদিন বাঙ্গালীর ছেলের ইংরেজী বেশ আমাকে মুগ্ধ করে দিয়েছিল ; কলেজে থাকতে একদিন ভেবেছি, এই আশু-চাই । ধূতি চাদর কেবলমাত্র দরিদ্রের পোষাক, অনেক মেয়ের সে কামা হ'তে পারে, আমার নয় । আজ এও আমাকে স্বীকার কর্তে হ'ল যে এই দরিদ্র বেশই আমাদের দেশের সনাতন বেশ । তার ধূতি-চাদর যে শ্রীমণ্ডিত হ'য়ে আছে, আমার চেয়ে কোন দেশের কোন পোষাকই তার চেয়ে গৌরবের বন্ধে মনে হল না । সামনের বকুসে তিনটি যুবক বসেছিলেন । দু'জনের অঙ্গে সুন্দর বিলিতি পোষাক, আর একজনের শুদ্ধ ধূতি, একটা জামা আর একখানা শুভ্র উত্তরীয় । নিবিড় এনে সেই ধূতিচাদর যেন একঝাড় মল্লিকের মত ফুটে উঠেছিল ।

ড্রপ পড়েগেছে, কনসার্ট বাজছে, সেন এসে দাঁড়ালেন । হর্ষোল্লাসে আনার কণ্ঠ রুদ্ধ হ'য়ে গেছিল, আমি একটি কথাতো তাঁকে অভীর্থনা করতে পারলাম না । সেন ছড়িটি গদির 'পরে ফেনে বলেন—শকুন্তলার সঙ্গে দেখা হ'য়েচে ?

না ।

কিছু থাকেন ?

আমায় ক্ষুধা পেয়েছিল, কিন্তু মুখে সে কথা বলা চলে না, আমি ঘাড় নাড়লাম । সেন বল্লেন—খেয়ে এসেছিলেন ?

আবার আমি ঘাড় নাড়লাম ।

সেন বল্লেন—ঘাড়ইত নাড়ছেন, কথাটা কি তাই খুলে বলুন-না !

আমি তাঁর মুখের পানে চেয়ে দেখলাম, রাগের লক্ষণ তা'তে নেই ।

বললাম—থাক না ।

সেন হেসে বল্লেন—খেয়েও আসেন নি, থাকেন-ও না । বেশ মজা হ্যাঁ হ্যাঁ !

তাঁর হাসিমুখ অসহ্য ভেবেই সামনের বক্দের দিকে চোখ পড়ে গেল, তখন দৃষ্টি নত হ'য়ে ফিরে এল । সেন বল্লেন—প্রাণধনকে এমন বিব্রত করেছেন কেন বলুন ত ?

কা'কে ?

আমার সরকার প্রাণধনকে ! সে বেচারী আজ হাঁফাতে হাঁফাতে এসে বল্লেন—আপনি পালিয়েছেন ।

পালিয়েচি ?

তাই ত বল্লেন সে !

পালাব কেন ?

আমিও ত তাই ভাবছি । কি ব্যাপার--বলুন ত !

বলতে পারলাম না, কি-আর বলব ! প্রাণধন ত একা নয়—অভিযোগ করতে হ'লে কেউ ঝাঁদ যায় না !

একমিনিট পরে জিজ্ঞাসা করলাম—আর কি বল্লেন প্রাণধন ?

দিশেহারা

কাশীতে সে দিব্যশকে দেখেছে। তাই আবার আমি তা'কে পাঠিয়ে দিলাম, দিব্যশকে খুঁজে আনতে !

সেন থামলেন, পকেট থেকে সিগারেটের কেসটি বের করে' বল্লেন—
আপনার বাড়ী গেছলাম, আপনি থিয়েটারে এসেছেন শুনে—এখানেই
আসছি। ইউ বেয়ারা-- তোম' ভিতর ধানে সন্তো ?

জি হুজুর, বলে বেয়ারা পাখা থামিয়ে সেলাম করলে !

সেন তাকে বল্লেন যাও, ভিতরমে ফুলী বিবিকে সেলাম দেও।

আমি আড়ষ্টের মত বসে রইলাম। সেন বল্লেন—প্রথম দৃশ্যই
দেখেছিলেন তা'কে ?

দেখিনি - বলে আমি স্তব্ধ হ'য়ে গেলাম। সত্যিই আমি দেখিনি—
তখন ভারতবর্ষ, তার সনাতন বেশভূষা, সামনের বকুসের ধুতি চাদরই
ভাবছিলাম আমি ! ভাবনা যেন ধোয়া হ'য়ে আমার চোখকে দূরের
জিনিষ থেকে আচ্ছন্ন করে রেখেছিল !

সেন বল্লেন—দেখেননি কি বল্ছেন ? ' ফুলী নামেনি হেলেন সেজে !
ঐ যে, ঐ যে—বলেই তিনি কপালে হাত ঠেকিয়ে নমস্কার করলেন।
আমি তাঁর দৃষ্টি অনুসরণ করে দেখলাম—রং চঙে বেশভূষায় সুসজ্জিতা
ফুলী দাঁড়িয়ে হাস্চে।

বেয়ারাটাও ফিরে এল, একটুকরা কাগজ সেনের হাতে দিয়ে পাখা
দোলাতে লাগল। সেন চিঠিটা পড়ে আমার হাতে দিয়ে বল্লেন—ভিতরে
আসবেন ? চলুন-না...দেখেই আসি।

ফুলীর সঙ্গে আলাপ হওয়া থেকেই তার জীবনটিকে এমন স্নেহের
চোখে আমি দেখেছিলাম যে, থিয়েটারের ভিতরে ঢুকতেও আমার

আপত্য ছিল না, কিন্তু যে মুহূর্তে সেন আগ্রহ প্রকাশ করলেন, আমার মন বিমুগ্ধ হ'য়ে উঠলো।

আমি বললাম—থাক !

সেন বললেন—তবে বসুন-আপনি,—আমি দেখা করে' আসি। . . .
তিনি দাঁড়িয়ে উঠতেই বললাম—দাঁড়ান, আমিও যাব।

সেন আমাকে সঙ্গে করে নীচে নেমে গেলেন। একটা ছোট দরজার কাছে আসতেই কে-একজন লোক বেয়ারাটাকে জিজ্ঞাসা করলে—
কোথারে ভজা ?

ফুলী বিবি ডেকে পাঠিয়েছে—বলে সে ভেতরে ঢুকে গেল।

একমিনিট পরেই ফুলী এসে বলল—হামাভিবাদয়ে।

সেন বললেন—নমস্কার।

আমি কিছুই বলতে পারলাম না।

ফুলী আমাকে লক্ষ্য করে বলে উঠল—এ ভাই তোমার অন্তায় গ্রীক রাজকন্যা, ভারতের তাবী সম্রাজ্ঞী, মগধের দেবস্তুত মহারাজ চন্দ্রগুপ্তের মহিষী হেলেনকে তুমি অভিবাদন পর্য্যন্ত করলে না !

আমি উত্তর দেব কি ! কোথা থেকে উন্মুখ মুখ চোখ আমাকে গ্রাস করতে আসছিল। ফুলী বলল—আলাপ করবে ছায়াত সঙ্গে ?

আমি বললাম—না।

সেন বললেন—আমার ভারি অপরাধ হ'য়ে গেছে. আপনীর বহি শোনবার কথা ছিল কাল, কিন্তু আমি তা ভুলেই এঁর ওখান থেকে চলে এসেছিলাম। আপনি এসেছিলেন পরে শুনলাম।

• দিশাহারা

আমি তাঁকে কোন কথাই বলিনি, কিন্তু ফুলী বোধ হয় মনে করলে যে আমিই বলেছি, হেসে বলে—খুব লাগিয়েছ বুঝি ?

আমি কেন লাগাতে যাব—বলে আমি মুখ ফিরিয়ে নিলাম ।

সেন বলেন—না, না উনি কিছুই বলেন নি, আমি একটু আগে গুর বাড়ী গেছলাম, সেই খানেই খুবলালের কাছে শুনে এসেছি ।

একটু থেমে আবার বলেন—তা' আর একদিন কি সুবিধে হ'বে আপনার ?

ফুলী আমার পানে চেয়ে বলে -- কি বল ?

আমি বললাম—আমি কি জানি ?

ফুলী নিয়ম্বরে বলে—আপনার সুবিধে হ'লেই হল । কিন্তু কোথায়.....

কেন আপনার বাড়ী,—আমি যাব । তবে আপনার ঠিকানা ত জানিনে আমি ।

ফুলী বলে—কাছেই, মধু ঢুকবতীর গলি ২নং ।

কখন আসব, বলুন ?

তপুরবেলা হ'লেই সুবিধে হয় । সন্ধ্যা থেকেই ত আমার আবার গিয়েটার কি-না—বলে সে মুখখানি বিষণ্ণ করে' শান্ত স্নিগ্ধ চোখছটি আমার মুখের 'পরে স্থাপিত করলে ।

আমার সেখানে দাঁড়াতে একটুকু প্রবৃত্তি ছিল না আর ! স্বায়ু' অবশ হ'য়ে গেলে যেমন ইচ্ছাসত্ত্বেও কাজ করা চলে না, আমিও নড়তে পারলাম না ।

দিশেহারা.

সেন বল্লেন—বেশ, কাল দুপুরবেলা যাব। কেমন ?

আমি দেখতে পেলাম, ফুলীর চোখের সে উজ্জ্বল চাহনি, তার মুখের সে উৎফুল্লতা !

সে বল্লেন—আসবেন ?

নিশ্চয়ই আসব।

একটি ছ'বছরের মেয়ে এসে তার হাত ধরে বল্লেন—হ'ল ?

ফুলী আমাদের নমস্কার করে বলে উঠলো—চললাম, আমার আবার পাট আছে এখন।

সে ভেতরে ঢুকে গেল। একটি মেয়ে পোষাক পরে তামাক খাচ্ছিল, সে জিজ্ঞাসা করলে—কে গো ?

উত্তরটা আমি শুন্তে পেলাম না। বেরিয়ে এসে সেনকে বললাম—আপনার গাড়ী আছে ?

সেন বল্লেন—কেন ? আর দেখবেন না ?

না। যদি আপনার গাড়ী থাকে.....

সেন বল্লেন—তা কি হয় ? বন্ধুর পার্টটা দেখে যান।

আমি বললাম—সে আপনি দেখুন।

সেন আমার পানে চেয়ে সবিস্ময়ে বল্লেন—আপনার হঠাৎ এত অরুচি হ'ল কিসে ? ভেতরটা দেখে বুঝি ?

যেখান দিয়ে আমরা চলেছি, হঠাৎ যেন আলো আলোময় হ'য়ে গেলো, আর অনেক লোক চলাফেরা করছিল—আমি কথা বলতে পারলাম না। কোন গতিকে আলো এড়িয়ে দ্বিতলের সিঁড়ির সামনে এসে বললাম—গাড়ী.....

•দিশেহারা

চলুন—বলে সেন পথে এসে দাঁড়ালেন। শিশু দিয়ে কাকে ডাকতেই ভক্ ভক্ করতে করতে একথানা মোটর থামল এসে।

সেন বললেন—উঠে পড়ুন।—তঁার সোফেয়ার দরজা খুলে দাঁড়িয়েছিল, আমি উঠে পড়ে বললাম—আপনি থাকবেন বুঝি ?

নিশ্চয়ই—তিনি দরজাটি বন্ধ করে দিলেন, গাড়ীর দরজায় হাতটি রেখে বললেন—একটা কথা বলব ?

কি ?

আমার দরওয়ানকে না রাখেন, না-ই রাখুন,—একটা মোদা লোক বেপে দিন। খুবলালের ওপর ভবসা করে থাকাটা বেশ সঙ্গত নয়। বুঝেন ? বলেন ত আমি একটা লোক দেখে শুনে পার্টিয়ে দিতে পারি।

না-ই না থাকুল দরওয়ান ?

সেটা ঠিক নয়, ছেলেমানুষ একলা থাকেন, তার ওপর কিঞ্চিৎ আছে। ঐ কিঞ্চিৎ যদি না থাকত, ক্ষতি ছিল না, কিন্তু ঐ ‘কিন্তু’ জন্তেই নিজের প্রাণট বিপন্ন করে বসে আছেন, আপনি! সামান্য বিশপ চিঠিতে টাকার জন্তে.....

টাকার জন্তে নয়। আমি ওখানে থাকব না।

কোথা যাবেন ? হরিদ্বার না কাশী ?

আমি আরক্ত মুখে বলে উঠলাম—বোডিংএ।

থিয়েটারের বারান্দা ঘেরা আলোর মালা জ্বলছিল, তারই আলোকে যা দেখেছিলাম, কি বলব আর ! যেন নিমিষে শত্ৰু সূর্যের রশ্মি পড়ে তঁার মুখখানাকে উদ্দীপ্ত করে ফেললে !

তা দেখেই আমি বললাম—নমস্কার !

সেন বললেন—ন-ম-স্কা-র ।

বললাম—প্রে আরম্ভ হ'য়ে গেছে ।

সেন আবার হাত দু'টি তুলে বললেন—নমস্কার !

নমস্কার করে তিনি চলে যেতেই গাড়ী দৌড়তে লাগল ।

বোধ হয় তিনি চার মিনিটের ভেতরই গাড়ী আমার ভগ্ন গৃহের সামনে এসে দাঁড়াল, সোফেয়ার কড়া নাড়তেই খুবলাল দবজা খুলে দিলে ।

বাড়ীতে আলো ছিল না, তার জন্তু নয়, নিজের বাড়ীর পরিষ্কার সিঁড়িতে উঠতে কারো বাধে না—কিন্তু আমার পা টলতে লাগল । অন্ধকারের মধ্যে দাঁড়িয়ে খুবলালকে ধন্যক দিয়ে আলো আনতে বলে দিলাম । অন্ধকারের মধ্যেই চিক্ চিক্ ক'রে চোখের জল মাটিতে টপ্ টপ ক'রে পড়ল ।

সারাদিন কেটে গেল, সেন এলেন না । আশা নিরাশার মধ্যে ডুবে ডুবে এই ভেবে আমি হাঁফ ছাড়ছিলাম যে, ফুলার বহি শুনে তিনি অন্ততঃ একটি বারও আসবেন । কিন্তু তিনি এলেন না—ফুলার বাড়ীর আবাহনটা মোটেই আমার ভালো লাগে নি । আমি অনেক আগেই বলেছি যে আমার মনের চাওয়া না চাওয়ার অন্ত পাই নি কোনদিন । কখন যে সে কি চায়,—তার ঠিক নেই । ফুলাকে আমি ভালবেসেছিলাম,—তার শাস্ত চোখের চাহনি আমাকে মোহাবিষ্ট করেছিল বলেই বুঝি সেনকে স্বগৃহে নিমন্ত্রণ করাটা আমার পসন্দ হয় নি । এ-যে কেবলমাত্র বহি শোনানো, তা নয়—এরতলে একটা গুচ্ছ অভিসন্ধি আছে বলেই দৃষ্টিশাহারা.

মনে হ'তে লাগল। সে অভিনয় আভাষ আমি পেয়েছিলাম
খিয়েটারে। সে-বে কতবার তা আর কি বলব। কোন্ এক রাজ-
সভায় নটরা রাজাকে তুষ্ট করতে গান গাইছে, নাচছে—কিন্তু সে-সব
পাখম ধরা ময়ূরের মত তা'দের নজর রয়েছে বন্ধে! যখন আমরা
ভিতরে গিয়েছিলাম, তখন সেইসব মেয়েরা যে সেন-কেই দেখছিল
সে ত আমি নিজের চোখেই দেখেছি। সেই সমস্ত রংমাথা পরীদের মধ্যে
কুলা ছিল না বটে কিন্তু এ ত সেই জাতেরই জাত!

তার পরদিনও সেন এলেন না। ফুলীর বাড়ীর নেতাকে ত আমি
হুঁলি নি,—শেষ দিনে দিব্যশকে খাতির বদল করতে যা দেখেছি, সেন
যে তার চেয়ে বেশী করেই পাবেন সেখানে, সে সন্দেহও ছিল না আমার!
তাই থেকেই আমি বুঝতে পারলাম যে-সে বাহ ভেদ করা সেনের পক্ষে
কিছুই কঠিন নয়, এবে-বারেই অসম্ভব।

সন্ধ্যা হ'তেই গাড়ী আনিয়ে খুবলালকে কোচবন্ধে বসিয়ে আমি
সেনের বাড়ীর দিকে চললাম। খুবলাল প্রথমটা বিড় বিড় ক'রে আপত্তিই
জানিয়েছিল, কিন্তু তা'তে আমি কানই দিই নি। গাড়ী যতই অগ্রসর
হ'তে লাগল, ভয়ে, ভাবনায় আমার সর্কাস্ত্র অবশ হ'য়ে আসছিল, সেনের
বাড়ীর সম্বন্ধে প্রাণধনের কাছে যা শুনেছি, বাদ সত্য হয় তার মা'র
সম্মুখীন হ'তে কিছুতেই সাহস হ'তেন না।

আমার মন যে পরিমাণে পেছিয়ে যাচ্ছিল, গাড়ী তার চেয়েও দ্রুততর-
বেগে এগিয়ে চলেছিল। মস্ত বাড়ীর ফটকের ভেতর ঢুকতেই আমি
চৌকিয়ে বলতে গেলাম, যে গাড়ী ফিরিয়ে নেওয়া হোক—গঙ্গা দিয়ে কথা
বেকল না।

একটু পরে খুবলাল গাড়ীর জানেলার ফাঁক দিয়ে বলে—বাবু বাড়ী নেই, মা আপনাকে সেলাম জানাচ্ছেন।

চট করে' ভেবে নিলাম—কি কৈফিয়ৎ আমি দেব, তাঁর মাকে ? - বলব, কালই বোডিঙে যাচ্ছি, তাই একবার দেখা করতে এসেছিলাম !

মা ! সেনের মা ! প্রাণধন তাঁর যে বর্ণনা করেছে—তা'তে ত আমার আদৌ ভরসা হয় ন। আমি বললাম—কে ?

তখনি কে স্নিগ্ধকণ্ঠে বলে—নেমে আসুন।

এস্বর যার হোক, সেনের মা'র নয়—এ কোন তরুণীর স্বর।

' নামতেই সে এসে আমার হাত ধরলে ! রূপ যেন তার উছলে পড়ছে, সিন্ধের শাড়ীর ভেতর থেকে প্রস্ফুটত পদোর মত রক্তাভ হাতটি বার করে' আমার হাত ধরে বলে—কোথা থেকে আসা হ'য়েছে ?

আমার মনে হচ্ছিল, যদি ঐ বড় বাতিটা নিভে যেত, তবেই আমি নড়েচড়ে সাড়া দিতে পারতাম। সে আলোও নিভল না, আমিও উত্তর দিতে পারলাম না।

উপরের একটা ঘরে বসিয়ে মেয়েটি বৈহাতী পাথার কল-চাবিটা নামিয়ে দিয়ে বলে—আপনার কোথা থেকে আসা হ'য়েছে ?

সেন কি বাড়ী নেই ?

এ সময়ে ত তিনি বাড়ী থাকেন না। আপনার নামটি কি বলুন, এলে বলব।

আপনি তাঁর কে ?

কি মনে হয় ? বলে মুছ হাস্য করে আবার বলে—আপনার নাম-টি ?

দিশেহারা

নাম বললাম। আর বললাম, জ্ঞী !

দরজার বাইরে থেকে ঝি বলে—বৌ মা, খাবার আনব কি ?

নিয়ে আয়—বলে মিসেস্ সেন আমার দিকে চেয়ে জিজ্ঞাসা করলেন—
—খাবেন কিছু, একটু চা কি আর কিছু ? ঝি, দু'পেয়লা চা আনতে
বলে দে ।

বলতে গেলাম, চা-র দরকার নেই, মিসেস্ সেন তার আগেই বললেন—
খাবেন না, এই ত বলতে চান্ আপনি । সে আমি জানি । কিন্তু তা
বলে ত চলছে না ।

আমি তার মুখের দিকে চেয়ে চুপ ক'রে রইলাম ।

সে হাসতে হাসতে বলে—আমি ভাই, বাড়ীতে বড় একলা । দিনরাত্ত
একলা কি মানুষে থাকতে পারে ?

জিজ্ঞাসা করলাম কেন—আপনার স্বাম্ভুড়ী ?

আমার স্বাম্ভুড়ী ! তাঁর ছেলে যখন দু'বছরের, তখনি তিনি স্বর্গলাভ
করেছেন । আপনাকে কে বলে.....

প্রাণধন ! আপনাদের কাশীর বাড়ীর সরকার ?

ওঃ হ্যাঁ হ্যাঁ, সে না-কি মঙ্গলবার দিন এসেছিল, তখনি চলে গেছে ।
তা সে জান্বে কোথেকে ? সে নতুন লোক, এখানে কখনই আসে
নি ত আগে !

আমি আর কথা বলতে পারলাম না । প্রাণধনের গোপন অভিসন্ধি
আমি আগেই জ্ঞান্তে পেরেছিলাম ; এখন একেবারে স্তব্ধ হ'য়ে গেলাম যে
ষাট বছরের বুড়ো প্রাণধন আমাকে নিয়ে কি চমৎকার একটি উপস্থানের
সূচনা করে তুলছিল । তার কাসি থেকে সুরু করে' বাজার করা পর্য্যন্ত

দ্বিষ্টেশ্বরী

সব একেবারে শরতের বর্ষাধৌত আকাশের মত সাক্ হ'য়ে গেল। আচ্ছা, সে-কি ভেবেছিল! মনের মধ্যে বুঝেও আমি বুঝতে পারলাম না। একবার ভাবলাম, দিই বলে। আবার মনে হ'ল—থাক। অনিষ্ট সে আমার করতে ত পারে নি। তবে আর বৃদ্ধকে লাঞ্চিত করিয়ে কি সুখ হ'বে আমার! নিজের ক্ষোভ ত একবিন্দুও কমবে না, বরং ঘাঁটাঘাঁটিতে আরো বিত্নী হ'য়ে পড়বে!

মিসেস্ সেন বল্লেন—আমার দুঃখ এই যে নিরবচ্ছিন্ন একলা আমাকে বাস করতে হয়!

'আমার মুখ চোখ লাল হ'য়ে যে কথাটি জিভে আটকা পড়ে গেল, সেটি এই যে, দিনেরাতে একলা সে কেন থাকে? সেন কি রাত্রেও আসেন না? যদিই না আসেন, সে কবে থেকে?

বল্লেন -- আজ আপনাকে পেয়েছি, ইচ্ছে হচ্ছে না যে ছাড়ি।

নিঃশব্দে চেয়ে আমি তার মুখের রেখা গুণে নিহিলাম। আমাকে সে আদর যত্ন করছে বলে যে আশ্চর্য্য হয়েছি তা নয়—স্বামীর সম্বন্ধে তার নিলিপ্ত উদাসীনতা, তার ওপর এই অমায়িক মধুর ব্যবহার দেখে এবং পেয়ে আমি ঘেন কোনমতেই তার নাগাল পাচ্ছিলাম না।

ঝি দু' রেকাবী ভর্ত্তি করে নানাবিধ ফল ও মিষ্টি এনে শ্বেতপাথরের টেবিলটায় রেখে দিলে, বগলের ভেতর থেকে একখানা ডাকের চিঠি বের করে বল্লেন—তোমার!

মিসেস্ সেন খামটি ছিঁড়ে চিঠিখানি পড়তে লাগলেন; 'আমি খামটি উঠিয়ে নিয়ে পড়লাম—শ্রীমতী লীলাবতী দেবী—সাবিত্রী সমানেষু।

দিশাহারা

বোধ হয় পাঁচছত্ৰের চিঠি, লীলা সেখানা মুড়ে খানের ভেতর পুরতে পুরতে বললে—মা'র চিঠি !

বি জিজ্ঞাসা করলে—খবর ভালো বৌ-মা ।

হ্যাঁ । যেতে লিখেছেন । কৈ, চা ?

দিই পাঠিয়ে বলে বি চলে গেল ।

আমি বললাম, বাপের বাড়ী যাবেন ?

লীলা হেসে বলে - হ্যাঁ ভাই দাও একবার ।—একটু থানল আবার হাসিতে গাল ৩'টি ফুলে হেসে উঠল, বলে—নানেই যাওয়া, একঘণ্টা, দু'ঘণ্টা । তার বেশী থাকার ঘো নেই ।

কেন ? এই ত বলেন এখানেও একলা.....

রাত্রে ত আর একলা নই । নিরুস্থরে এই কথাটা বলেই সে হেসে খাবারের রেকাবি টেনে নিলে ! আমাকে বলে—নিন্ ।

এর স্পষ্টবাদিতায় আমি আরো আশ্চর্য হ'য়ে গেলাম । কিন্তু আব প্রশ্ন করতে সাহস হ'ল না ।

লালা বলে - আপনি আমার কাছেও লজ্জা করছেন ? আমাদের একই বয়স, রমণী আমরা, লজ্জা কিসের । নিন্—নিন্—শুনচি নে আমি । উহঁ---খেতেই হ'বে আপনাকে ছাড়ছি নে ।

আমি বললাম, অনেক খেয়েছি ।

লীলা বলে—অনেক ? বলেন কি ! তাই ত করলেন কি ?—অস্থ হ'বে না ত ! আহা !

তার হাসিতে আমারও হাসি এসেছিল, বললাম—এর বেশী খেলে অস্থ করবে ।

তবে থাক, আর কাজ নেই। ওরে মিছে, একটা সোডা নিয়ে আর—ঝট করে। কি বলেন ?

আমি চুপ করে রইলাম। লীলা তা দেখে আমার বাহু স্পর্শ করে বলে—দেখুন, আপনি যদি সব না খান, তারি রাগ করব আমি। তা বলে' রাখি।

আমি ভাবলাম, তার রাগে বিশেষ কোন ক্ষতিই আমার নেই—বললাম—রাগ করেন, কি আর করি বলুন।

আপনি কি করবেন, তা জানি নে—আমি কি করব বলতে পারি। কি করবেন ?

ছাড়ব না আপনাকে। আটকে রাখে খাইয়ে দাইয়ে তবে পাঠান। দুখন বুঝবেন—সাজাটি কেমন হয় ?

এ-ত জানে না যে গৃহের আকর্ষণ আমার কত অল্প। সে হয়ত ভাবছে, তারই মত সঁসার আমার! সারাদিনের দুঃখভোগের পর সুখনিশি আমাকে প্রত্যাগমন করতে লজ্জাঞ্চল টেনে সন্ধ্যারাগী নেমে আসছেন! সে তবু রাত্রে জন্ম নিশ্চিত! হায়, আমার দিবারাত্রের যে বিন্দুমাত্র পার্থক্য নেই এ-ত তা জানে না।

নিশ্চিত শুদাসীত্তে একটি ক্ষুদ্র তটিনী যেন বনান্তরাল দিয়ে কুলকুল করে বেয়ে চলেছিল হঠাৎ ঝড়ে যেমন তার কুলুধ্বনি গর্জনে পরিবর্তিত হয়, এর সাজা দেওয়ার কথা শুনে আমার মধ্যেও সুপ্ত চিন্তা হিংস্র হ'য়ে ভেঙ্গে উঠলো।

চাকর চা নিয়ে এল, দুজনের সামনে দু'টি পেয়াল। নামিয়ে নিঃশব্দে বেরিয়ে গেল—বাটিটায় নাম লেখা—শ্রীমতী লীলাবতী দেবী।

দিশেহারা

তার ঘোমটা খোলা মুখ চোখ দীপ্ত হ'য়ে উঠলো, সে বললে—বিলেত থেকে করিয়ে আনা হ'য়েচে। খরচ অনেক। তা আর কি হবে বল, আমাদের দেশে ত আর অমন করতে পারে না।

আমি বললাম—নাই বা করলে! আমাদের দেশে যে বাটী পাওয়া যায়, তা খাবার পক্ষে সেই যথেষ্ট। তার জন্তে আবার বিলেতে অত পয়সা ঢালার কি দরকার ছিল!

লীলা হেসে বললে—তুমি বুঝি—আপনি বুঝি—স্বদেশী?

তার মানে?

কার দল, গান্ধী মহারাজের না-কি?

তখন গান্ধী মহারাজের নামই আমি শুনেছিলাম, তাঁর অন্ত পরিচয় আমার জানা ছিল না—অবশ্য পরে জানতে পেরেছি। শুধু জানতে পেরেই নিশ্চিত হই নি, তাঁকে পূজা করেছি। আমাদের দেশের লোক যারা বিলিতি ধর্ম্মে দীক্ষিত হয়, তা'দের অন্ধ নেত্র যে এ'তেও খোলে নি, এই আশ্চর্য্য! যা ছাড়তে এই জাত উৎপন্ন, সাত সমুদ্র তেরো নদীর পার হ'য়ে এসেও, তাদের সর্ব্ববিঘ্নার অধিকারী হয়েও ইনি তা সাদরে ভুলে নিয়েছেন। সে যাক্, তিনি ত আমার জীবনের, এই গল্পের বিষয়ীভূত হন—তাঁর নাম এ কলম দিয়ে লিখেছি ভাবতেও আমার কষ্ট হয়।

বললাম—হাস্চেন যে! তাঁর নাম শোনেন নি?

লীলা হাসি থামাতে পারলে না, বললে—না শুনব যদি বললাম কি-করে?

তবে হাস্চেন কেন? বিশ্বাস করেন না?

তাই বা না করব কেন ?

বিশ্বাস করেন, অথচ ভক্তি হয় না আপনার ?

লীলা আমার উষ্ণায় হাসিমুখ করলে ; যেন একটু ভেবে জবাব দিলে, ভক্তিও নেই, অভক্তিও নেই ! তাঁর নাম শুনেচি, তিনি যে কত বড় বড় কাজ করছেন তাও জানি, তবে নিজের থেকে কখনই তার স্বাদ পাই নি বলেই হোক. আর বুঝতে অক্ষম বলেই হোক, ভক্তিও আমি করি নে, অশ্রদ্ধাও যে আছে তা'ও নয় ।

প্রায় দু'মিনিট পরে আবার বলে - এই দেখুন, আপনার সম্বন্ধে আমি আগে থেকেই অনেক কথা শুনেচি, তবু আপনাকে ভালোমন্দ কিছুই আমি মনে করিনি, আজকের আগে । আজ অবশ্য.....

বৌমা হাওয়াগাড়ী এসেছে । - তুমি যাবে কি ?—বাইরে থেকে চাকর বাকর কেউ একথা বলে । লীলা আসন ছেড়ে দাঁড়িয়ে বলে— আচ্ছা, আসছি এখনই । আমার দিকে চেয়ে গম্ভীরভাবে বলে—একটু বসুন আপনি । আমি দশমিনিটেই আসছি ।

আমি বললাম—আজ কি ভেবেছেন, বলুন ।

লীলাবতী হেসে উঠলো, বলে—কি আর ভাবব ?

এই যে বলতে যাচ্ছিলেন, এখনই ভুলে যান নি কখনও ।

ভুলি নি, এসে বলছি । তিনি ফিরেছেন, দেখাটা করে আসি ।

'তিনি' কে তা বুঝতে পেরেই আমি লীলার হাত ধরে বললাম—একটু দাঁড়ান, একটা কথা বলি ।

লীলা জিজ্ঞাসা করলে—কি ?

আমাকে এখনি পাঠিয়ে দিতে পারবেন ?

লীলা একমিনিট আমার মুখে নির্নিমেঘে চেয়ে বলে—পারি ।
তবে চলুন । আর একটা কথা, আমি এসেছি—তাকে বলবেন
না ?—আপনার হাতে ধরে—

লীলা হাতটি ছাড়িয়ে নিয়ে বলে—দিব্যি দিও না ভাই, রাখতে
পারব না । ভারি বদহজমের ধাত আমার—যা থাকে পেটে, কিছু সহ্য
হয় না, সব উঠে পড়ে !

আমি আব কিছু বলতে পারলাম না । আমি যে সেনের আগমনে
অধীর হয়েই এমন ব্যস্ততা করে ফেলেছি তা বুঝতে পেরেই লজ্জায় মুখ
বোধ করি লাল হ'য়ে উঠেছিল । যা তা একটা কথা বলে লীলার মন
থেকে সেটি মুছে দিতেই আমি বললাম—তা বলবেন, ক্ষতি নেই ।

তা বলব—বলে সে আমার হাত ধরে একটান মারলে । এমনই
আচমকা টান দিয়েছিল, যে আমি পড়ে যেতে যেতে বেঁচে গেলাম ।
সে বলে চলুন, আগে আপনাকে কারে তুলে দিয়ে আসি ।.....সত্যিই
দেখা করবেন না ?

না -- বলে আমি চলতে আরম্ভ করে দিলাম ।

গাড়ীতে তুলে দিয়ে লীলা অম্লানস্বরে বলে—আবার এসো ।...আব
তোমাকে 'আপনি' বলব না । অনেকদিন থেকেই আমি তোমাকে
জানি, আজ আলাপ হ'য়ে খুব খুসী হলাম । এসো, বুঝলে ?

হ্যাঁ-না বলবার আগেই সে পুনরায় বলে—দেখেই ত গেল
ভাই, একলা কি কষ্টেই থাকি, তোমার মত একটা সঙ্গী পেলে বঁচে
যাব ।

শোফেয়র জিজ্ঞাসা করলে—কোথায় যেতে হ'বে বো-মা ?

দিশেহান্না

বৌ-মা বলে - সেদিন থিয়েটার থেকে আপনিই এঁকে পৌঁছে দিয়ে-
ছিলেন না ?

ওঃ—তিনি ! বলে সে চাকাটা ঘোরাতে লাগল ।

গাড়ী থেকে হাত সরিয়ে নিয়ে লীলা বলে—কি বলব শুড-নাইট
না নমস্কার ?

নমস্কার ।

গাড়ী ফটক পার হ'য়ে গেল ।

গ্যাসালোকিত জনবহুল রাজপথে পড়তেই আমার মনে হল, এখান
ষেন আমি পোষাক পরে থিয়েটারে অভিনয় করে আসছি । সে বেশভূষা
নেই, সে রঙ্গরহস্য নেই, প্রেমের খেলা বা হতাশার লীলা কিছুই নেই,
একটি আমি, দীননয়নে শুষ্কমুখে ধাবমান মোটরের ভেতর চূপ করে বসে
আছি ।

বিংশ পরিচ্ছেদ

আশ্চর্য্য বৌ-টি ।

রাত্রে বিছানায় পড়ে ভাবতে লাগলাম, তা'কে ! যে কুহেলিকা
সমাচ্ছন্ন ধুম গিরির মত আমার সামনে অভ্রভেদী তুঙ্গে দাঁড়িয়েছিল ।
সেনের দৃঢ়তা আমি দেখেছি, সে-কেমন-যেন আমার সঙ্গেই গেছলো,
লীলার কথা ভাবতে আমার মন অচল হ'য়ে যায় । তার প্রত্যেক

দিশেহারী

কথাটি, মুখের সজীব রেখাগুলি সব আমার মনশ্চক্ষে দেদীপ্য হয়ে আছে।

সে বলেছে—আমার কথা সে আগেই শুনেছে—কি শুনেছে কে জানে! আমার কি পরিচয় সেন তা'র কাছে দিয়েছেন, লীলা তা ভেঙ্গে বসে নি। সেইটি জেনে নেবার জন্তে আমার মন যেন হটফট করতে লাগলো। কিন্তু আর কোনদিন, কোন অছিলাতেই যে সে বাড়ীর ফটক পার হ'তে পারব—এমন ভরসাও আমার হ'ল না। সে লৌহদ্বার যে কোনদিনই আমার সামনে রুদ্ধ হবে না—গৃহস্বামিনীর মুখে ও ব্যবহারে তার যথেষ্ট আশ্বাস পেলেও কেন যে সে ফটকের কল্পনাতেও চর্কিসহ ভয়ে ভাবনায় বঁেকে বসলো আমার মন, তাইবা কে জানে।

পূর্বাপর ভেবে দেখতে পেলাম যে সেনের স্ত্রীর অস্তিত্ব জানা থাকলে সে বাড়ীতে ঢোকবার ছরাশা কোনদিনই আমি করতে পারতাম না। হেয়ালীর মত লীলার অস্তিত্ব আমার কাছে কখনই প্রকাশ হয় নি। প্রাণধন কোন কথাই জানত না—কতকগুলো সত্য মিথ্যা সাজিয়ে একটা গল্প ক'রে গেচে, সেন নিজে কখনও বলেন নি! আজ লীলাকে স্বচক্ষে দেখে এসেচি, তার দৃঢ় মধুর ব্যবহার পেয়ে এসেচি বলেই আমার মনটা তৃপ্তিতে ভরে গেলেও কোন্ একটা জায়গার ফাঁক যেন আর পুরলই না। হৃদয়ের কোন্ স্থানটী এমন শূন্য হ'য়ে আছে যে এত বড় বিশ্বয়ের চাপেও পুরচে না—তা ত' জানি নে, সে শূন্যতা পরিপূরণের কোন সম্ভাবনাই দেখতে পেলাম না।

সারারাত্রি আকাশ পাতাল কত কি যে ভেবেচি তা ধলা চলে না। আমার জীবনের অনুপাতে ফেলে, লীলাকে যেন অঙ্ক কসে' বার করত-

দিশেহারা

গেলাম। কঠিন সমস্যার সমাধান হ'ল না, উত্তরোত্তর ভাবনাও বেড়ে গেল, মাথার ভিতরে দপ্ দপ্ করে জলে উঠলো। ঘুরে ফিরে যে কথটা বৃশ্চিকের মত আমার বুকে হলাহল ঢেলে দিচ্ছিল, সে এই যে সেনকে আমি আর দেখতে পাব না। তিনি আমার বাড়ীতে আসবেন না, বলে যে তাঁর দর্শন অপ্রাপ্য হ'য়ে পড়বে—তা নয়;—তার যে আমি এখানে থাকুব না—এ কথা যে নিজেই সেনকে বলে এসেছি। হ্যাঁ আমি যাব, এ'ও যেমন সত্যি, তাঁকে দেখতে পাব না, সে'ও তেমন সত্যি!

কোন কথটি ভাবতে ভাবতে আমি কেঁদে ফেলেছি, বালিশ ভিড়ে গেছে—তা জানি নে, ভোরের মৃদু আলোক ঘরে আসতেই ধড়ফড় করে উঠে পড়েই দেখি—বালিশের ওয়াড়ে এতটুকু স্থান শুষ্ক নেই! অশ্রুর উৎস সারারাত ধরে চোখ ফেটে বেরিয়ে গেছে, আমার ভিতর এমন শুষ্ক ও নীরস বোধ হ'তে লাগল, যেন একটা খুঁটির মত দাঁড়িয়ে আছে এই দেহটা! না আছে তার নড়বার শক্তি না আছে বিন্দুমাত্র অনুভূতি! আশিতে যে ভূতের মত চেহারটা দেখলাম, সে কি আমারই? চোখ দু'টো দেড় ইঞ্চি ঢুকে গেছে, তার নীচে কালো দাগ একেবারে গাঢ় লেপা, ঠোঁঠ দুখানা ফাঁকাসে, সারা মুখখানায় কে যেন হলুদ মাখিয়ে দিয়েছে। চুলগুলো ভোরের মধুর বাতাসে উলুগাড়ের মত উড়ে বেড়াচ্ছে, এ আমারই চেহারা? আমারই!—এক কথায় আমার মনে হ'ল, আমার হঃসময়ে সব আনাকে ত্যাগ করতে উত্তম।

অনেক দুঃখ জীবন ভোর আমি সহ করেছি, কিন্তু নিজের এ দীন-মার্জিত আমার অসহ হ'য়ে উঠলো। এতদিন যে-সকল দুঃখ-কষ্ট ইচ্ছায়

দিশেহারা

অনিচ্ছায় আমার 'পরে আসা যাওয়া' করেছে, এর তুলনায় তারা যে অত্যন্ত সামান্য, তা মনে হ'তেই আমি শিউরে উঠলাম। তাড়াতাড়ি কল ঘরে ঢুকে সাবান মেখে স্নান করে ফেললাম। আর্শির সামনে দাঁড়িয়ে সুগন্ধি তৈলে কেশপ্রসাধন করতে করতে ভাবলাম—বিমর্ষ মলিনতা বিদূরিত হ'য়েচে কি-না। প্রসাধনে যে অঙ্গের এক আধটু উন্নতি সাধিত হ'য়েছিল, তা আমার চোখে পড়ল না। চোখের কালি ত কৈ সাবানেও যায় নাই!

এ বাড়ীতে এমন লোক কেউ নেই যে তার সামনে এই কদাকার মূর্তি নিয়ে বার হ'তে আমার এত শঙ্কা সে ভয় আমায় ছিল না কিন্তু এ ত বার করার কথা নয়! এ-যে নিজের চোখেই বীভৎসতা ফুটিয়ে দিচ্ছে। পথের ধারে কুষ্ঠরোগীকে দেখে লোকের মনে হয়ত কৰুণা জাগে, কিন্তু সে যে নিজে সেই ক্ষতের দিকে চেয়ে মৃত্যুবাঞ্ছা করে! নিজের ঘরে নিজের আর্শিতে নিজের চেহারা দেখেই আমার মনের অবস্থা যে তার চেয়ে একবিন্দুও ভালো হ'ল না, তা বুঝতে পেরে একে বারে অবশ নিস্পন্দ হ'য়ে গেলান।

বেলা বেড়েই চলেচে চৈত্র মাসের প্রারম্ভেই এমন গরম পড়েছে এবছর যে এখন থেকেই ভাবনা শুরু হ'ল। জৈষ্ঠি আষাঢ় মাসে না জানি কি হবে! খোলা দরজাটা দিয়ে রৌদ্রের তেজ খাঁ খাঁ করে ঘরে ঢুকে পড়ছিল, তার সঙ্গে কত-যে ধুলো বালিও আসছে—তার ঠিকানা হ'ল নেই। ইচ্ছা হ'ল উঠে সে দরজা ছ'টো বন্ধ করে দিই, প্রবল ক্ষুধার সময়ে ঘুম পেলে যেমন আহারেও রুচি থাকে না,—আমারও উঠে দরজা বন্ধ করা হ'ল না। এই সময়টা আফিস-যাত্রী বোঝাই গাড়ী, ট্রামের বড়

ঘড়ানি, ফেরিওয়ালার উদ্দাম চীৎকার রৌদ্রকে যেন আরো দীপ্ত করে তুলছিল—ক্রমশঃ গাড়ীট্রামও কমে গেল, ফেরিওয়ালারাও হেঁকে হেঁকে ঘরে ফিরে গেল, খুব-লাল দরজার বাইরে থেকে উঁকি মেরে জিজ্ঞাসা করলে—খাবার আর দেৱা আছে কি-না ?

পরের বাড়ী নিমন্ত্রণ এসে যেমন অবস্থা হয়, আমার যেন ঠিক সেই রকমই হ'য়েছিল—আমি বললাম—খাবার ! হ'য়েচে না-কি ?

সে বলে গেল—হ'য়েছে, ঠাই লাগাচ্ছে ।

ঘড়ির দিকে চেয়ে দেখলাম - একটা বেজে দশ মিনিট হ'য়েচে ! একটা বেজে গেছে । খুবলালটা এমনি অপদার্থ যে এর মধ্যে তার ভঁস হ'ল না একবার !

এ-কথা বলতে সে বললে—সে এগারোটা থেকে তিনচার বার আমাকে ডাকতে এসেছিল, শুয়ে থাকতে দেখে ফিরে গেচে ।

সে-কথা মিথ্যা নয়, কেননা পিণ্ডাকার অন্ন দেখেই তা বোঝা গেল । তাকে বললাম—হতভাগা, একি খাওয়া যায় ?

রাগ বরদাস্ত করে সে যা বললে—তার মর্শ্ব হচ্ছে যে, নটা থেকে ভাত রেঁধে সে বসে আছে ।

আর তা'কে কিছু বললাম না । তার দোষ কি ! প্রথমেই খানিকটা আমার ঝোল দিয়ে ভাত মেখে খেতে লেগে গেলাম ।

সদর দরজায় কড়া নড়ে উঠতেই, খুবলাল রাগতস্বরে চেঁচিয়ে উঠলো—কোন্ চ্যায় !

আমি তার দিকে কটুমটিয়ে চেয়ে বললাম—চেঁচাশ কেন ? খুলেই তো ব'না—আগে !

দিশেহারা

সে-ই ! সে ভেবেই আমি খুবলালকে ধমক দিয়েছিলাম ।

সেন ভিতরে পা দিয়েই বলেন—এ আপনি কি আর স্তম্ভ করেচেন
বলুন ত ? এই কি মানুষের খাবার বেলা ?

আমি হাতের দিকে চোখ রেখে বসে রইলাম ।

সেন বলেন—আপনি বলে কথা শোনেন না কেন ? সেদিন না
বলে গেছি—বেলা করে খাবেন না । আচ্ছা—এতে লাভটা কি হয়
শুনি ?

কিসের লাভ ?

এই তৃতীয় প্রহরে খেয়ে ! সুখ হয় ?...ওঃ আপনি যে হাত গুটিয়ে
বসে গেছেন দেখছি ! নিন্—খেয়ে আসুন, আমি উপরে যাই ।

সেন উপরে উঠে গেলেন ! তিনি ঘরে গিয়ে বসলেন, পদশব্দ
মিলিয়ে যেতেই আমি তা বুঝতে পারলাম, তবু আমার হাত আর মুখে
ওঠে না ! আমার মনে হ'তে লাগল, আজ যদি তিনি বাইরে থেকে
খবর পাঠাতেন, শুনতে পেতেন যে আমি অসুস্থ, দেখা হ'তে পারবে না ।

তার পরই মনে হ'ল যে লীলা যদি কাল রাত্রেই কথাটা বলে দিয়ে
থাকে, তাহ'লে আমি আর মুখ দেখাব কি করে ? তাঁর বাড়ী গেছি
বলে আমার লজ্জা নয় । আমার নিদারুণ লজ্জা এই যে তাঁর সামনে
আমি সেদিন বেরুতে পারি নি ! তিনি ত বুঝবেন না যে কি মন্থাস্তদ
লজ্জায়, ক্ষোভে আমার সব ইন্দ্রিয় আমার বিপক্ষে বিদ্রোহ করেছিল
সে সময়ে ! নইলে তাঁকে দেখতে বা দেখা দিতে অসাধ !

খুবলাল বলে—ওর কুছ...

না—বলে আমি দাঁড়িয়ে উঠলাম, যেমন ভাত তেমনি রুইল ।

দিশেহারা ।

খুবলাল স্নানমুখে জিজ্ঞাসা করলে—খাবার করে দেবে কি-না ! সে উত্তম ‘পুরী’ বানাতে পারে ।

সে প্রথম দিন সব কাজেই তার অক্ষমতা জানিয়েছিল, আজ আমাকে অভুক্ত দেখেই যে তার ক্ষমতা উদ্দীপ্ত হ’য়ে উঠেছে—তা’তে খুসী হলেও আমি বললাম যে পুরী বানাতে হ’বে না !

সিঁড়ির অন্ধকারে দাঁড়িয়ে ভাবতে লাগলান যে, সেন সে-কথা না তুললেই বাঁচি । যদি তোলেন, একটা উত্তর ত দিবে হ’বে ? কি উত্তর দেব—ভাবতে ভাবতে অনেক দেৱী হ’য়ে গেল, তবু মনের মত জবাব একটা খুঁজে পেলাম না ।

সেন বারান্দা থেকে বল্লেন বিজ্ঞ লোকের ভোজন হ’চ্ছে না-কি যে সাড়া শব্দ নেই, আর একঘণ্টা ধরে তলুচে ?

আমি উপরে এনে বললাম—হ’য়ে গেছল আগেই ।

সেন বল্লেন—বলি এতদূর ধাওয়া করেছিলেন কেন বলুন—দেখি ?

পায়ের নীচে ধরনী যেন বাসুকির মাথার পরে টলে উঠছিল, আমি হ’টি হাত মুঠো বেঁধে বসে রইলাম ।

সেন আবার বল্লেন—প্রাণধনের খপরখবর নিয়েছেন—এত তাড়া ! একমুহূর্ত থামলেন, আমার মুখের দিকে চেয়ে বল্লেন—খবর এলে কি আমি দিয়ে যেতাম না ! আমাকে এমনই ভেবেছেন বুঝি ?

আমি তবুও নীরব ।

সেন বোধ করি প্রসঙ্গ পরিবর্তন করতেই বল্লেন—শকুন্তলার বহি শুনলাম । মন্দ লেখে নি—বুঝলেন ! তার সব চেয়ে সুন্দর হ’য়েচে, নাট্যিকাটি ! নামটি হ’ল কামনা,—একজনের সঙ্গে ‘বে’র সব ঠিক ছিল,

দিশেহারা

ছেনেট বিলেত' থেকে পাশটাশ করে' এল, কামনা তা'কে না বিয়ে করে'—সে বিলেত-ফেরৎ বলে—একজন গরীব স্কুলমাস্টারকে বিয়ে কবলে ! মেয়েটির ব্যবহারে বেশ স্বদেশিকতা ফুটে উঠেছে, না ?—ঘাড় নড়ে জানিয়ে দিলাম যে বঝোচি ।

সেন বল্লেন—বেশ লেখ শকুন্তলা ! নাটক ছাড়া আরো অনেক কথা আছে তার । কবিতাই বেশি । আমি তাঁকে বলে এলাম যে মাসিকে পাঠিয়ে দিতে । অমন লেখা আজ কালকার মাসিকে প্রায়ই দেখতে পাই নে । বলেচে, পাঠিয়ে দেবে । ধুনধাড়াঙ্কার সম্পাদকের সঙ্গে আমার আলাপ আছে—বলে দেব ছাপতে ।

সেন গড় গড় করে আরো কত কি বলতে যাচ্ছিলেন, আমার ভালোই লাগল না, আমি উঠে বেরিয়ে যাচ্ছি. সেন বল্লেন—কি ! শকুন্তলার সুখ্যাতি সহ্য হ'ল না ।

আমি আগ্রতক্ষে চেয়ে বেরিয়ে গেলান । খুবলালকে বললাম, একটু তা কবত !

সে জিজ্ঞাসা করলে—এক পেয়ালী ?

আমি কি জবাব দিই ভাবছি, সেন ঘর থেকেই বল্লেন—আমি খাব না ।

আমিও সেখান থেকেই জিজ্ঞাসা করলাম—আপনি তা খান-না ?

না ।

'না' শুনে আমার মনটা ভারি বিস্তী হ'য়ে গেল ! একি ! সেন—সেন মিথ্যা বল্লেন !

সেন বল্লেন—আপনি ভাবছেন, খেতে দেখেছেন !—এই ত ! তখন খেতুম । এখন খাই-নে । বন্ধিম.....

দিশেহারা

পাছে কথাটার শেষ শুনতে হয়, আমি দূরে চলে গেলাম।

সেন বল্লেন—সিঁড়িতে জমে গেলেন না-কি !

আমি তুহাতে জোর করে মুখ মুছে উঠে আসতেই সেন বল্লেন -
অন্ধকারে কি করছিলেন ? কাঁদছিলেন ?

প্রাণপণ শক্তিতে কাপড়ে চোখ মুছে ফেনেছিলাম, কিন্তু চোখের
জল আবার ছুঁ করে বয়ে পড়তে লাগল, আমি নতমস্তকে দাঁড়িয়ে
আছি, সেন বল্লেন, আচ্ছা এত জল আপনার! পা'ন কোথায় বলুন ত ?
কোথেকেই বা আসে, কেনই বা আসে—কিছুই বুঝতে পারি নে ত !

ভাবলাম, বলি—তা ত' পারবেন না—কিন্তু এমন কঠিন কথাটা
সেনকে বলতে আমার গলা ধরে গেল, বলতে পারলাম না। তাঁর দিকে
পেছন ফিরে কাপড়ের আঁচল তুলে নিলাম।

সেন বলতে লাগলেন—দেখুন, ছেলেবেলায় আমি ভারি ডান-পিটে
ছিলাম, মাষ্টাররা স্কুলে সদি বা কেউ মারত, আমি হেসেই উড়িয়ে দিতাম !
সেজন্তে কেউ আর মারতই না। তার পর বাড়ীর স্কুল যখন আরম্ভ
হ'ল,—শুনেছি লোকের স্ত্রী-সব কেঁদে কেটে বাপের বাড়ী চলে যায়,—
আমার বরাতে ঠিক তার উল্টো। লীলাকে দেখেছেন ত ! একদিন
না কাঁদে, না বাপের বাড়ী যেতে চায়। যদিও বা গেল, ছুঁচার ঘণ্টার
বেশী থাকতে পারে না। তার চোখের জল বোধ করি ভগবান দিতে
ভুলে গেছেন।

আমি বল্লাম—সে ত ভালোই !

সেন হেসে বল্লেন—ভালো আদর্শই নয়। কাঁদুনে স্ত্রী-ও যেমন
লোকের কাছে একঘেয়ে, আমার এই হানুনে লীলাটিও তেমন একঘেয়ে

নিশ্চেষ্টা

হ'য়ে পড়েছে, তার মধ্যে যদি এতটুকু বৈচিত্র্য বা নতুনত্ব থাকে !
জানেন ত, আমার বাড়ীর সে-ই হ'ল কর্তা, সে-ই হল গিন্নী—সেই সব ।
কাজেই গিন্নিবান্নি লোকের মধ্যে একটু বিশেষত্ব না থাকলে সংসারটা
একধেয়ে ঠেকে কি-না আপনিই বলুন ?

আমি চুপ করে' রইলাম ।

সেন বলতে লাগলেন—আমি তা'কে কত বলি যে লীলা এখন
তোমার বয়েস হ'য়েচে, তারিকে হ'য়েছ—একটু নতুন রকম হওয়া
তোমার বড় দরকার হ'য়ে পড়েচে—ছেলেপুলে না-হয় নাই হ'ল, কিন্তু
ছেলেমানসীর বয়েস ত তোমার নেই আর ! একটু গস্তীর হ'য়ে পড় !—
তা স্বভাব কি ঘোচে ! উঁহঁ.....

মাথাটি বার দুই এদিকে ওদিকে ছলিয়ে একমিনিট পরে বলেন—
তারও স্বভাব বদলাল না, আমারও নতুনত্ব ভোগ হ'ল না ।—বলে
তিনি মুখখানি স্মিয়মান করে বসে রইলেন । আম ভাবতে লাগলাম,
একি সত্যই দুঃখ, না তারই প্রশংসা ! ভেবে কিছুই স্থির করতে
পারলাম না, তবে জানি নে কেন—আমার মনে হ'য়েছিল বুঝি সেন—
সত্য সত্যই দুঃখত !

কি ভাবছেন ? আমার দুঃখের বরাতটা ! ভেবে আর কি করবেন
বলুন ! কুলকিনারা পাবেন না, কেমনমাত্র হাবুডুবু খাওয়াই মার হ'বে ।

এবার তাঁর মুখের গোপন হাসির রেখাটা আমার চোখে পড়ে' যেতেই
আমি দীপ্তস্বরে বলে উঠলাম—সে ভাবনা আমি ভাবি নে ।

ভাবলেই বা ক্ষাত কি ? আপনি যান্ ত লীলার কাছে, বলে ক'য়ে
এটি করতে পারেন ?

দিশেহারা

হঠাৎ ঠেলাঠেলিতে ঘুম ভেঙ্গে ওঠার মত স্বরে জিজ্ঞাসা করলাম—
কি করতে পারি ?

সেন বলেন—একটুখানি বৈচিত্র্য ! চেষ্টা করলে বোধ হয় আপনি
পারেন। দেখুন-না একবার । বন্ধুরও উপকার করা হ'বে, নিজেও
মন্দ আমোদ পাবেন না ! কি বলেন, দেখবেন ?

দেখুন, সব সময়েই ঠাট্টা.....

ঠাট্টা ! ঠাট্টা এর কোন্‌খানটায় দেখলেন ?—বলতে বলতে সেনের
স্বর নেমে গেল ; তিনি একমিনিট পরে বলেন—সত্যি বলচি আপনাকে—
ঠাট্টা করি নি ।

তাঁর এ শপথের ভেতরও যে একটা রহস্যের ইঙ্গিত লুকিয়েছিল,
সেটা আমার কানে বাজতেই বুক অবধি চিড় চিড় করে উঠল । আর
সেখানে বসতে পারলাম না, দাঁড়াচ্ছি—বাড়ীর নীচে আবার মোটরের
ধক্ ধক্ আওয়াজ শুনতে পেলাম । ছুটে বারান্দায় গিয়ে যা দেখলাম,
অঙ্গ অবশ হ'য়ে গেল ।

সেন-ও আমার পিছু পিছু বারান্দায় এসেছিলেন, মুখ ফিকতেই তাঁর
হর্ষোৎফুল্ল মুখ আমার চোখে পড়ল । বলেন—বহি শোনবার জন্তে
ডেকেছি । আপনি শুনবেন আজ !

কি একটা বলতে যাচ্ছিলাম, সহাসনেত্রে ফুলী এসে দাঁড়াল । হ'হাত
কপালে ঠেকিয়ে নমস্কার করলে—খাতা আন্তে পারি নি ! কিছু মনে
কর না ভাই !

আমি ভাবলাম, আমাকেই বলচে । বলতে যাচ্ছি—বেশ হ'য়েছে,
ফুলী তার আগেই বলে—তুমিও চলে গেলে, থিয়েটারের একদল লোক
—
দিশেহারা

এসে হাজির ! তঁরাই নিয়ে গেছে বহিটা !...তোমার ত ভালোই
লেগেছে ?

সেন বল্লেন—চমৎকার !

না ভাই, তুমি হয়ত বাড়াচ্ছ আমাকে !

সেন উত্তরে কি বল্লেন—আমি শুন্তে পাই-নি। আমার কানে
যেন কে তপ্ত লৌহ ঢেলে দিচ্ছিল। ফুলীর মুখে 'তুমি' সম্বোধন শুনে
আমার গা রি রি করে উঠল ! আমি জানি, এ আমারই অগ্রায় !
সে তাঁকে কি বলচে না বলচে আমি তা দেখতে যাই কি অধিকারে ?
কিন্তু তখন না-কি ঘরের চালে আগুন লেগে গেছে, জলন্ত শিখা আকাশ
স্পর্শ করছে—নেবার কোন সম্ভাবনা নেই বুঝেই আমি স্তব্ধ হ'য়ে
ও'জনের মাঝখানে দাঁড়িয়ে রইলাম।

সেন বল্লেন—চলুন, বসা যাক্।

ফুলী হেসে বল্লে—যার বাড়ী.....

মাথা খারাপ ! বলে সেন হেসে ঘরে ঢুকলেন। ফুলীও তাঁকে
অনুসরণ করলে !

মাথা খারাপ, কার মাথা খারাপ ? আমার ! হ'বেও বা !—তিনি
না-কি বৈচিত্র্য খুঁজে বেড়াচ্ছেন, তাই আমার মাথার স্ফৈর্যে সন্দিহান
হ'য়েছেন ! কিন্তু তার প্রতিবাদ করতেও পারলাম না। গলার স্বর
বোধ করি লোপ পেয়েছিল ! লক্ষ লোকের মিলিত কণ্ঠস্বর যদি আমার
গলার মধ্যে থাকত, তবেই আমি চাঁচিয়ে বলতে পারতাম, মাথা আমার
খারাপ নয় ! যা'দের মাথা খারাপ, তা'রাই বৈচিত্র্য অন্তেষণে থিয়েটারের
- থাক—সে কথায় আর দরকার কি ! বলতে ত পারি নি।

দিশেহারা

একমিনিটের মধ্যে আমি ভেবে নিলাম, এই গাঢ় অধিকার ফুলী কবে পেয়েছে! কখন পেয়েছে! কেমন করে' পেয়েছে! সে অধিকার কে তা'কে দিয়েছে? সে নিজেই নিয়েছে না সেন দিয়েছেন তা'কে? সেন দেন নি নিশ্চয়। সে-ই তাঁকে ভালোমানুষটি পেয়ে এমন মুগ্ধ করে ফেলেছে।

কাল রাত্রেও সেন তার বাড়ী গেছিলেন, কতক্ষণ ছিলেন কে জানে, আজও এখানে এসেই তা'কে ডেকে আন্তে মোটর পার্সিয়েছিলেন—নিজের কানেই শুনেছি। নিজের চোখেই সে দেখেছি, আর এতটুকু অস্পষ্টতা রইল না আমার মনে! সেন যে ফুলীর মোহাবিষ্ট, দ্ব্যন্তে পেরেই চোখে আমি ধোঁয়া দেখতে লাগলাম। রাস্তায় কত লোকজন, গাড়ী ঘোড়া—কিছুই আর চোখে পড়ে না,—শুধু তাই নয়,—আমি কিছু দেখতে পাচ্ছি নে, অথচ আমার এই অন্ধ অবশ অবস্থায় রাস্তার লোক হাঁ করে' আমাকেই গলে খাচ্ছে ভেবেও আমি সরে যেতে পাচ্ছি নে।

বারান্দা থেকে যেতে হ'লে—সেই ঘর দিয়েই পথ! সোজা বেরিয়ে যাবার ইচ্ছাতেই আমি বিক্ষিপ্ত চরণে ঘরে ঢুকেছিলাম, কিন্তু সেনের পরিহাসে আপার পা আর উঠল না।

সেন ফুলীকে বলেন—দেখছেন—মাথা খারাপ।

আবার সেই!

ফুলী দাঁত বার করে হাসছিল। অনেক মেয়েকে হাসতে আমি দেখেছি, কিন্তু হাসলে এমন কদাকার মুখ কারু যে হ'তে পারে, তা আমার জানা ছিল না। ফুলীর হাসি দেখে আমার জিভ্ ভেতর দিকে

তুকে গেল। প্রবল আকষণে পায়ের বল টেনে ঘর থেকে বেরিয়ে
গেলাম।

শুন্তে পেলাম—সেন বলছেন, সত্যি এর মাথা খারাপ!

ফুলী বোধ করি আর কোন উত্তর দেয় নি, তা'হলে শুন্তে
পেতাম। কারণ দূরে যাই নি আমি। ধাবার ক্ষমতা সে সময় আমাতে
ছিল কি-না আজ আর তা মনে নেই।

সেই জন্মেই আমাদের দেশেব ছেলে মেয়েদের বাল্যবিবাহই আমি
পসন্দ করি।—বলে সেন হা হা করে হাসতে লাগলেন।

ফুলীও হেনে বলে—বিয়ে হ'লে বুঝি মাথা খারাপ হয় না?

মোটেই না, মোটেই না। খারাপ কি বলছেন, মাথাই থাকে না
থাকলেও কার পায়ের নীচে পড়ে থাকে, টের পাওয়া যায়
না।

আমার নিজের সঙ্গে দ্বন্দ্ব যখন আমি শ্রান্ত ক্লান্ত—তখন যে আমারই
আলোচনায় এরা এমন মেতে উঠবে তা কে জানত! এ কি রহস্য-
লাপের কথা! একটুখানি অগ্রমনস্ক হয়েছিলাম, মাঝে কতটা আলাপ
এগিয়ে গেছে, আমি তা জানি না, আমি কান দিতেই শুন্তে পেলাম।
ফুলী বলে—

তুমি কতক্ষণ এসেছ?

আমি ভাবলাম সে বুঝি ঘড়ি ধরে কৈফিয়ৎ চাইবে!

সেন উত্তর দিলেন—পৌছেই কার পাঠিয়ে দিয়েছি।

ফুলী বলে—তখনও মাথা খারাপ ছিল?

সেন বলেন—কৈ না! ছিল না, এখন হ'য়েছে! হায় হায়!

এ মাথা খারাপ না হ'য়ে যায় কি? এ কি জ্বাকুসুমে হিলিংবামে সারবার?

তাঁর হাসির মাঝখানেই ফুলী বলে—তার চেয়ে বড়িয়া দাওয়াই আমার কাছে আছে. দেখুন, সারিয়ে দিচ্ছি।

আমার ভয় হল—সে বুঝি এই দিকেই আসছে! পালিয়ে যেতে ইচ্ছা হ'ল—কিন্তু পারলাম না। ফুলী এসে আমার কাঁধের পরে হাত রেখে করুণ স্বরে বলে—আমি যাচ্ছি।

কোন কথা না বলে আমি দাঁড়িয়েছিলাম, ফুলী আরও করুণ কণ্ঠে বলে—এমন আমাদের হ'য়ে থাকে... ..

ভাবলাম—এ মাথা খারাপের কথাই বলছে, এমন বাগ হুয়েছিল আমার যে কি বলব।

ফুলী বলে—তুমি ত নিজেই দেখেছ, সেই প্রথম রাত্রেই তোমার সেই দিব্যেণ বাবুকে আমিই অভ্যর্থনা করে নিইছিলাম, এমন আমরা করে থাকি! তায় দোষ কি? এমন কি, আমরা পাঁচ ঘরের পাঁচটি মেয়েমানুষ পাঁচজন বাবুর সঙ্গে তাশ পাশা" অবধি খেলি, গান বাজনাও করি।

সে একটুখানি থেমে আবার বলে—কিন্তু তুমি যখন পসন্দ কর না আর করব না। দেখ, থিয়েটারের মেয়ে মানুষের আর কিছু না থাক সেলফ্ রেসপেক্ট আছে! চল্লুম ভাই, তোমার বাবু তোমারই রইল, মাঝে থেকে আমিই একটা অভিশপ্ত ইতিহাসের পাতা রয়ে গেলাম।

অভিশপ্ত ইতিহাসের পাতার অর্থ কি আজ পর্য্যন্ত তা আবিষ্কার করতে পারি নি। কিন্তু সে হয় ত বাংলা ভাষায় আমার চেয়ে ঢের

বেশী শিক্ষিতা, তার কথার মর্শ্ব হৃদয়ঙ্গম করতে পারি নি—সে একমিনিট আমার দিকে চেয়ে বলেন—আসি তবে !

“বল সখি-কোমলে হেসে বল সরলে,

‘এসো তবে এসো নাথ !

হৃদয়ে স্মরণ করো—

এ’লে পুনঃ অবসাদ !”

আজ একটিবারও তার গান হয় নি। এই সে প্রথম গেয়ে মুখটি অতি করণ করে নেমে গেল। সেন তাড়াতাড়ি নেমে গিয়ে বলেন—
চলুন, আপনাকে রেখে আসি !

আমি একটা নিশ্চল পাষণ মূর্তির মত দাঁড়িয়ে আছি সেন আমার পাশে এসে বলেন—আপনি কবে যাচ্ছেন ?

বললাম—আর যাব না।

সেন বলেন—এই যে সেদিন থিয়েটারের ফেরৎ বলেন আগাকে.....

ওঃ ! তার এখন ঠিক নেই।

সেন বলেন, বেশ। যখন ঠিক হ’বে কিন্তু, আমাদের একটা খবর দেবেন ত ?

আমি চুপ করে রইলাম।

সেন তাড়াতাড়ি নেমে যেতে যেতে বলেন—খবরটা দেবেন বুঝলেন ! আর না দেন; তা’তেও ক্ষতি নেই।—বলে চলে গেলেন, ফুলী বোধ করি গাড়ীতেই বসেছিল, তিনিও মিলিত হ’লেন।

• রেলিঙটা ধরে ধরে খুব সতর্ক পদক্ষেপে আমি ধরে এসে বসে পড়লাম।

লীলার হুঃখ কল্পনা করেই আমার বুক ঘেন কুচি কুচি করে কেটে যাচ্ছিল। সে ত জানে না, তার নিশ্চিন্ত ঔদাসীন্ডের তলে এত বড় একটা ষড়যন্ত্র চলচে! জানলে সে-কি ছেড়ে দিত! সে ত জানে না, সেনকে ভুলিয়ে রসাতলে নিয়ে যেতে থিয়েটারের এই নটিটি কি উঠে পড়েই না লেগেছে! ভাবতে আমি অবশ হ'য়ে যাই, যে-নারী জীবনে একদিনও এ সুখের কোন আশ্বাদই পায় নি, সে-হঠাৎ এমন সতর্ক হয় কোথেকে! লীলা তার ধনৈশ্বৰ্য্যের দৃঢ় আসনে বসে' সুখের স্বপ্ন দেখছে, এদিকে তার আসন টলাতে ফুলার আগ্রহ যত্নের কিছুনাও অভাব নেই—যখন সে তা জানতে পারবে—প্রতীকারের আশা দূরে থাক—আসন তার ভেঙ্গে চুরমার হ'য়ে যাবেই! তখন সেই আশ্চর্য্য সুন্দর লীলাবতীর কি-আর হুঃখের সীমা পরিসীমা থাকবে!

নারীচিত্তের এ-বোধ করি স্বাভাবিক কোমলতা, নইলে তার হুঃখ এত করে আমাকে আঘাত করে কেন? আগে থেকেই তার পতি বিরহবিধুরা রোক্ষু মূর্ত্তি কল্পনা করে' ঘর দ্বারা বিছানা পত্র সব অসহ হ'য়ে উঠলো।

বারান্দা থেকে ভাড়া গাড়ার আড্ডা দেখা যেত,—বোরিয়ে দেখলাম, কথানা গাড়ী দাঁড়িয়ে আছে—খুবলালকে ডেকে বলে দিলাম, একথানা আনতে। সে চলে গেল। ছমিনিটের মধ্যে গাড়ী এসে দাঁড়াল। খুবলালকে সঙ্গে নিয়ে আমি গাড়ীতে উঠে বসলাম। একবার মনে হ'য়েছিল, সেন যদি আসেন? তখন তাঁর শেষের কথাটা মনে হ'ল। মনে হ'ল—কুলী তাঁকে ছাড়বে না। এত গান জানে, এত হাসি জানে, কত রং-তং তার আয়ত্ব—নারী আমি, আমাকেই সে মোহিত করে'

বিশেষত্ব

কলেছিল, সেন ত পুরুষ—সে কবল থেকে তাঁর উদ্ধারের কোন আশাই নেই।

সেনের বাড়ী ত খুব দূরে ছিল না, গাড়ী পাঁচ সাত মিনিটের মধ্যেই কটকে ঢুকল। আজ খবর না পাঠিয়েই আমি উপরে এলাম। লীলার ঘরট আমার জানাই ছিল—এসে দেখি সে একখানা আর্শির সামনে দাঁড়িয়ে সিল্কের গাড়ীতে বোচ আটকাচ্ছে! আমাকে দেখেই বলে উঠল—
—মনে পড়েছে?

জডের মত দাঁড়িয়ে রইলাম।

লীলা বলে—তিনি তোমার ওখানেই গেছিলেন-না?

আমার ওখানে না, ফুলীর বাড়ী গেছেন?

ফুলীর বাড়ী?

আমি বললাম—জানেন-না ফুলীকে! থিয়েটারের মাগী!

লীলা হেসে বলে—জানি-বৈ-কি! কিন্তু আজ যে-কথা ছিল, তা'কে তোমার বাড়ীতেই এনে পড়া হ'বে।

আমি আশ্চর্য হ'য়ে গেলাম।

সে কথা আপনাকে বলে গেছেন সেন?

গেছেন বৈ-কি! ফুলীর বহি আমিও শুনেছি, বেশ লেগেছে!

অনেকক্ষণ অবধি কথা কইতে পারলাম না। মুখ কুটে তা'কে বলতে পারলাম না যে বহি শোনানোটা অছিল। গা, ফুলীর, অন্ত অভিসন্ধি আছে। এ-কথা ত রমণীর কাছে বলাও সহজ নয়।

লীলা আমার কাছে সরে এসে বলে—দাঁড়িয়ে রইলে কেন? বস—

দিশেহারা

সে আমার হাতে ধরে টেনে খাটের ওপর বসালে। স্থির দৃষ্টিতে আমার পানে চেয়ে বললে—আজ যান্-নি তোনার ওখানে ?

গেছিলেন, তখনি ফুলীকে নিয়ে চলে এসেছেন।

লীলা একটু ভেবে বললে—কতক্ষণ গেছেন বল ত ?

এই কতক্ষণ !

তবে এখানেই আসবেন না ত ? কাল রাত্রে বলছিলেন বটে—ফুলী না-কি আমার সঙ্গে আলাপ করতে চেয়েছে। আমিও বলে দিয়েছি—একদিন আনতে।

আপনার বাড়ীতে ?

নইলে আর কোথায় বল ? আমি ত আর থিয়েটারে যেয়ে আলাপ করতে পারব না।

একটু থেমে, পূর্বাপেক্ষা দৃঢ়স্বরে বললে—আমি কোথাও যেতে পারি, নে বটে, তবে কেউ যদি আসে আমার বাড়ীতে, সৌভাগ্য বলেই মনে করি !

সৌভাগ্য মনে করেন ?

করি বৈ-কি !

এই থিয়েটারের...

দোষটা কি হয়েছে তাই বল ?

আপনি কি কোন দোষই দেখতে পাচ্ছেন-না ?

লীলা সহাস্ত্রে বললে - কৈ ! কিছু না ত।

এ থেকে বিপদ...

বিপদ আবার কী !

• দিশেহারা.

কি-যে বিপদ তা আমিও বলতে পারলাম না।

লীলা বলে—সত্যি বলচি তোমাকে। থিয়েটার দেখে দেখে তাদের সম্বন্ধে আমার কত যে কৌতূহল হয়—তাদের গার্হস্থ্য জীবন দেখতে, তা আর বলে শেষ করবার নয়।

সে কৌতূহল একদিন আমার মধ্যেও অদম্য হ'য়ে উঠেছিল, কিন্তু ফুলীর আচরণে সে-সব পুড়ে বুড়ে গেছে।—আমি কি-বলব তাই ভাবছি—লীলা বলে—আমার বের সময় এই বাড়ীতে থিয়েটার হ'য়েছিল ছ'রাত্রি। তখন আমি খুব চাট ছিলাম কি-না, ভালো করে দেখে নিতে পারি নি। তার পরেও কত বার থিয়েটারে গেছি—কিন্তু সে-সুযোগ হয় নি—তাই আমিই বলেছিলাম তাঁ'কে—ফুলী যদি আসে আলাপ করি।.....বস, আমি জলখাবার দিতে বলি।

না—আপনি বসুন।

না কেন? খেয়ে এসেছ?

দরকার নেই, আপনি বসুন।

এক গাল হেসে, সোহাগে লীলা বলে—তা' কি হয়? আমার গৃহে অতিথি তুমি, বিমুগ্ন হ'য়ে ফিরবে?.....ও-নন্দর মা, নন্দর মা!

কেন গা বৌ-মা?—বলে বাঁহাতে তাগা-পরা দাসী এসে দাঁড়াল।

লীলা বলে—জলখাবার নিয়ে আয়।

কি আন্ব মা?

কি খাবে বল—বলে লীলা আমার হাত ধরলে। তারপর ঝির দিকে ফিরে বলে—নিয়ে আয় যা-হয়।

একবিংশ পরিচ্ছেদ

পঙ্কিল পথে সুখের আশ্বাদ ।

বাড়ীতে ঢুকতেই খুবলাল বলে -- বন্ধিনিবাবু এসেছেন

আমি বললাম-- কে-- বন্ধিনিবাবু ?

হ্যাঁ-- উপরে বসে আছেন ।

উপরে ওঠবার আগে আমি কিছুক্ষণ সিঁড়িতে দাঁড়িয়ে রইলাম । সিঁড়ির অন্ধকারটি ছিল আমার সান্ত্বনার স্থান, আলো বা লোকের দৃষ্টি শূন্য হ'লেই আমি সেখানটায় এসে দাঁড়াইতাম ।

বন্ধিম উপর থেকে বললেন - খুবলাল, বিবি আয়া ?

'বিবি' সম্বোধনে আমার বুক যেন চিরে গেল । নেতার বাড়ীর ছলাল এই সম্বোধনে আমাকে অভ্যর্থনা করেছিল, ফুলীকেও করেছিল, মনে পড়তেই ধমণীতে রক্ত উষ্ণ হ'য়ে উঠল । তাড়াতাড়ি উপরে উঠে এসে দাঁড়াতেই বন্ধিম বললেন-- অনেকদিন আসতে পারি নি,- মনে আছে কি ?

আমি উত্তর দিতে পারলাম না ।

বন্ধিম আমার হাতটি ধরে বললেন-- ভালো ছিলেন ?

হ্যাঁ !

আসুন-- বসা যাক-- বলে হাত ধরে টানতে লাগলেন ।

ঘরে এসে বললেন-- সেনের বাড়ী গেছিলেন বুঝি ?

হ্যাঁ -- আপনি আর যান-না যে ?

বন্ধিম চমকে উঠে বলেন--আপনি কি জানেন না...

আমি সব জানি।

আর সময় হয় না—কি করি বলুন ?

তাঁর এ-কথায় আমি আদৌ সন্তুষ্ট হ'তে পারলাম না। কেন যে অসন্তোষে আমার মন বিস্বাদ হ'য়ে গেছিল, তা আমি পরে বলছি।

বন্ধিম বলেন—লীলাবতীর সঙ্গে আলাপ হ'য়েচে আপনার ? কেমন দেখলেন, বলুন দেখি ?

লীলার প্রসঙ্গ উঠতেই সব উত্তাপ জল হ'য়ে গেল ; কিন্তু তবু এর কাছে সে আলোচনা করতে আমার প্রবৃত্তি হ'ল না। আমি জিজ্ঞাসা করলাম—আপনার সঙ্গে আলাপ আছে ?

আছে একটু আধটু। কেমন দেখলেন-বলুন-না ? সেনের ভাগ্যের হিংসা হয় না-কি ?

আমি দাঁপ্তস্বরে বললাম—আপনার হয় ?

আমার কেন হ'তে যাবে ? আমার ত আর মেয়ে মানুষ নই ! আপনাদের হওয়াই সম্ভব। আমার কাছে আর লজ্জা কি, বলুন-না ?

এতক্ষণ আমি সহজভাবেই তাঁর সঙ্গে কথা কইছিলাম, কিন্তু এ-কথায় দপ্ করে আগুণ জ্বলে ওঠার মত বললাম—আমার চেয়ে আপনারই সেটা হওয়া বেশী স্বাভাবিক।—বলেই নিল্লজ্জা আমি, মরমে মরে গেলাম।

বন্ধিম বলেন—থাক্গে। আপনার কথাই বলুন।

মুখ নাচু করে বললাম—আমার কিছু বলবার নেই !

বন্ধিম সহাস্তে বলেন—তা'ও কি হয় ? শুনলাম, ক'দিন কলকাতা

এসেছেন, কি-করছেন না-করছেন, দেখতে শুন্তে এলাম, অমন উড়িয়ে দিলে ত চলছে না। বলুন, বলুন।—বলে আবার তিনি আমার দিকে হাত বাড়ালেন।

এবার আমি সরে গেলাম। তখন যে মোহের বশে তাঁর স্পর্শে আমার চেতনা জাগে নি, এখন তা কেটে যেতেই আমি পিছিয়ে গিয়ে বললাম—বড় শ্রান্ত আমি, আমাকে মাপ করুন।

এত শ্রান্ত কিসে?—বলে বঙ্কিম হাসতে লাগলেন।

একমিনিট পরে আমি উচ্চকণ্ঠে বলে উঠলাম—আপনি কি মানুষ নন?

কেন? কেন?

কেন? আমি না বলে কি-আপনি বুঝতে পাচ্ছেন না?

বঙ্কিম হেসে বললেন—কেমন করে বুঝব বলুন? আমার ত ধারণা আমি হস্ত পদ বিশিষ্ট পূর্ণ অবয়ব মানুষ ছাড়া আর কিছুই নই।

বলতে গেলাম, তত জ্ঞান আপনার নেই!—কিন্তু সেনের বন্ধু তিনি, কথাটা একটু কোমল করেই বলতে হ'ল—কথা কহিতে আমার কষ্ট হ'চ্ছে, আপনি মাপ করুন আমাকে।

এত বড় নৃশংস তিনি, এর পরেও বললেন সে আমি গোড়া থেকেই জানি। আমার সঙ্গে কথা বলতে আপনার চিরদিনই কষ্ট হয়! কিন্তু তার সঙ্গে কথা কয়ে আশ-ও মেটে না।

আমি চোঁড়িয়ে বললাম—এ'টা আমার বাড়ী তা জানেন?

বঙ্কিম বললেন—তা জানি! বাড়ী যারই হ'ক—কিছু আসে যায় না। সে-ভয় দেখিয়ে ফল পাবেন না। আমার যদি ইচ্ছা হয়.....

দিশেহারা

আপনি যাবেন কি-না তাই বলুন !

বন্ধিম বল্লেন—যদি বলি ইচ্ছে নেই আমার, কি করবেন ?—তিনি মৃদু মৃদু হাসতে লাগলেন । একটু পরে আবার বল্লেন—এই সেন-কে পেয়েছিলেন কোথেকে শুনি ? আমার জন্মই তাকে দেখতে পেয়েছিলেন, আমাকেই অপমান করেন আপনি ? কিসে আপনার এত সাহস হল শুনি ?

কথাগুলো যেন শাণিত ছুরিকার মত অল্প আলোকে ঝলসে উঠছিল, আমার সর্ব ইন্দ্রিয় তারই ধার দেখে একেবারে শুক্ক হ'য়ে গেছিল ।

বন্ধিম বল্লেন—কিন্তু যা ভেবেছেন—পাবেন না কোনদিন । আপনার চেয়ে সেনকে আমি ঢের বেশী চিনি । তার বাড়ী গিয়ে যতই খোসামুদী করণ, লোভ দেখান, টলবার ছেলে সে নয় ! যতই সেজে গুজে তা'কে ভোলাতে যাবেন, সে ততই পেছিয়ে যাবে । সে দুরাশা আপনার মিটবে না, তার চেয়ে আমি বলি কি...

আপনি না যান্—আমিই বেরিয়ে যাচ্ছি—বলে আমি ঘর ছেড়ে যাচ্ছি, বন্ধিম বল্লেন—আমিই যাচ্ছি, কিন্তু একদিন.....

কোন কথা শুন্তে চাইনে আমি । আপনি যান ।

বন্ধিম কি-রকম মুখ করে চলে গেলেন ।

বিছানায এসে বসে পড়তেই দেখলাম, বালিশের পাশে একটা কালো ঝুঙের বোতল পড়ে' রয়েছে । জিনিষটা কি-তা আর বুঝতে দেবী হল না । কি-ভূত আমার মাথায় চেপে বসেছিল জানিনে, দেওয়ালের গায় মুখ ঠুকে গলাটা ভেঙ্গে ঢক্ ঢক্ করে খানিকটা গালে

দিশেহারা

তেলে দিলাম। যেখানটা দিয়ে সেই তরল পদার্থ গলগল করে নামছিল, সব যেন জলে পুড়ে গেল—কি উগ্র, তীব্র তার ঝাঁজ! লোকে কি সুখে ধায়—কে জানে!

কিন্তু দশমিনিট না যেতেই সুখের আভাষ আমি হৃদয়ে মনে অনুভব করতে পেরেছিলাম! ভাবনা ত আমার সেদিনের নূতন নয়, কত সুখদুঃখের ভাবনা এই বয়সে আমাকে ভারতে হ'য়েচে তার কি আর হিসেব আছে? কিন্তু কোনও ভাবনাতেই এত সুখ পাইনি, একটিদিনের জন্যও পাইনি! একাগ্রতায় মন একেবারে পরিপূর্ণ হ'য়ে গেছিল! রাস্তার মাতাল দেখে চিরদিন আমি লজ্জায়-ঘৃণায় সঙ্কুচিত হ'য়ে পড়েছি, আজ মদের অত্যাশ্চর্য্য ক্ষমতায় ডুবে গেলাম!

—আমার মনের আরম্ভ থেকে শেষ অবধি যেখানে যত স্থান আছে— আর সে স্থান পূরে আছে—সেনের ধানে!—তবু সে কপা বুকের ওপর উঠতে সাহস পায় নি! আজ বিশ্বজগৎ তাঁকে ঘিরে সেই কথাটাই শুনে নিতে চাইলে, আমি ডাকলাম—সেন্ সেন সেন!

চারদিকের দেওয়াল কেঁদে বলে—সেন! সেন! সেন!

ভেতরকার অজস্র মধু সঞ্চেপন করে" আখের খোলাটা যেমন শক্ত হয়েই লোককে বিমুখ করিয়ে দেয়—সেনের মধু নাম উচ্চারণ করবার আগেই যেন আমার মন বলে—সেন! কে-সে? কেন-সে?

হয়ত বন্ধিম সত্যকথাই বলে গেচে, হয়ত কেন বলছি, নিশ্চয়ই। আর এ ত আমিও জানি, সবাই জানে, কিন্তু আমি তখন একেবারে মগ্ন হ'য়ে গেছি। চেষ্টা করেও চোখের পাতা খুলতে পারি নে; কথা কইচি কিন্তু নিজের কানেই তার শব্দ শাচ্ছে না, সেন কেন এসেছিগেন,

দিশেহারা

আজই তা'কে ধমকে এসেছিলাম যে কুলীকে নে এত স্বাধীনতা দেয় কেন?—কিন্তু নেশার সময় নাকি অনেক ছল্লভ জিনিষেরও নাগাল ধরিয়ে দেয়; আমাকেও যেন দেখিয়ে দিলে যে লীলা সেনকে মেপে নেয় না, নিজেকেও মেপে দেয় না। এরা যেন যার যতখানি সব পরস্পরকে বিলিয়ে, দিয়ে খুয়ে খালিহাতে যুরে যুরে বেড়াচ্ছে মহা ভারতের সেই রাজার মত! এই যেন আমি চাই। জন্মজন্মান্তর থেকে দেবতার কাছে চেয়ে পেয়েছি। চিরদিন যা চাইবার আমার না চাইতেই পেয়েছি তাতে সুখ সমৃদ্ধিই অনুভূত হ'ত—কিন্তু চেয়ে পাওয়ার লজ্জাকাজ্জায় বজড়িত এই ক্ষুদ্র সুখটুকু প্রভাতের তাবাটির মত হ'য়ে উঠল।

গাদা গাদা বিলিত্তী নভেল পড়েই হোক আর মাথা খারাপের জন্যেই হোক—আমার উত্তান মনের গতি সেখানেই আবদ্ধ হ'য়ে আছে, এর নিদর্শন আমি অন্তরতম অন্তরে পেয়েছি। আকাজ্জা যা'দের খুব বেশী তারা হয়ত এত সহজে মন দিতে পারে না, কিন্তু আমি দিয়েছি, দিয়ে ধন্য হ'য়েছি। অনেক নিষ্ফলতা এ প্রাণের সীমা বেঁধে নকর কান্নাকাটি করেছে—কত বিফল করণ প্রার্থনা সীমাহারা সাগর জলে বুদ্ধদের মত উঠে মিলিয়ে গেছে—কিছুক্ষণ পরে তার আর কোন চিহ্নই কোথায় দেখতে পাইনি, কিন্তু এই ব্যর্থ সাধনার মুখে যে তরঙ্গ কূলে কূলে উঠেছে, তা'তে আমি সাঁতার দিয়ে ফিরেছি। আমার এ তরঙ্গ যার হৃদয় কূলে আঘাত করে বেড়াচ্ছে—সমুদ্র বেলার মতই সে শুভ্র, অমল, ধৈর্যশীল! জীবন ভোর বিফলতার দ্বারে মাথা খুঁড়ে—যেখানে এসে পৌঁছেছি—সেখানে নিষ্ফলক্রন্দনে, আর ফিরে যেতে হ'বে না ভেবেই মনপ্রাণ একেবারে নেচে নেচে উঠলো।

দিশেহারা

এ-কি রঙীন হ'য়ে উঠলো আমার চোখের তারা, যার ছায়া সে বুকপেতে নিয়েছে—এ-কি সুন্দর মূর্তি তার ! এতদিন কাছে পেয়েও তাঁকে যেন আমি ভালো ক'রে দেখার মত দেখতে পাই নি, আজ রঙীন নেশায় যে মূর্তি আমার সামনে প্রদীপ্ত হ'ল—সে যেন সুন্দর তেমনি রমণীরঙ্গক । একটু একটু ক'রে সে রূপের দীপ্তি ঘর বোপে অসীম হ'য়ে উঠলো ; তার অকলঙ্ক শুভ্র জ্যোতিঃ পদমূলে আমি আছাড় খেয়ে পড়লাম ।

আমি ঘুমিয়ে পড়েছিলাম কি-না স্বরণ নেই—যখন জ্ঞান ফিরে এল—আমার মনে হ'তে লাগল, বহুদিনের পর যেন আমি রোগশয্যা থেকে উঠছি, হাতে পায়ে বল নেই, চক্ষু জ্যোতিঃ-হীন, মন যেন কাগজের ফাল্গু হ'য়ে গেছে । গলাভাঙ্গা বোতলটা ঘরের কোণেই পড়েছিল, সেটা দেখে আমার রাত্রে কথা মনে পড়ে গেল । কাপড়ের ভেতর লুকিয়ে সেটা নিয়ে গিয়ে আমি বাড়ীর পিছনের গলিটায় ফেলে দিয়ে এলাম । বারবার মনে হ'তে লাগল—হয়ত রাতে খুবলাল বোতলটা দেখে গেছে—কিন্তু তার কোন আভাষ না দেখে কথঞ্চিৎ শান্ত হ'লাম । শরীরে এমন সামর্থ্যও নেই যে উঠে গিয়ে স্নান করে ফেলি । অবসাদ এতই জড়িয়ে গেছে প্রাণে প্রাণে, যেন তা ঝড়তে গেলেও বেদনা পাব !

খুবলাল চা নিয়ে এল, ছ'পেয়লা চা খেয়ে জড়তা যখন একটু কমলো, আঁচলের চাবী দিয়ে ঘরের দেওয়ালে আঁটা সিন্দুকটা খুলে ফেলে দিলাম । কিন্তু খুলতেই মনে পড়ে গেল আমার সেই ম্ম'কে ! সানাত্ত কয়েক ঘণ্টা যাক আমি দেখেছি, অল্পক্ষণ যার স্নেহ-মধুর হৃদয়ের পরিচয়

দিশেহারা

পেয়োছ—একদিন কলঙ্কের ভয়ে তাঁর মাতৃষ্ণ আমার কাছে অতীব ঘৃণা হ'য়েছিল, আজ কিন্তু সেই প্রথম মিলনেই চিরবিদায়ের করুণ ছবিটি আমার চোখে ভেসে উঠলো !

প্রথমেই ক'খানা ছবি দেখতে পেলাম। আমার সন্দেহ হ'ল—এ-বাবু আমারই ছেলেবেলার ছবি ! চারখানা ছবিই প্রায় একরকমের ! এখন আমি আশিঁতে নিজের যে ছাব দেখতে পাই এর সঙ্গে তার কিছুই না মিললেও সেই ক্ষুদ্র বালিকার সৌন্দর্য যেন আমার অতি পরিচিত বলেই বোধ হ'তে লাগল। শিশুকাল হ'তেই এত সুন্দর আশিঁ ! অক্ষুট কুসুম কলিকাটির মত !—চোখ ফেরাতে পারলাম না। সেই ছবি যতই সৌন্দর্য্য বিমণ্ডিত হ'য়ে উঠতে লাগল—হৃদয় বেদনার আমি একেবারে অবনত হ'য়ে পড়লাম। যে নিরূপম সৌন্দর্য্য—ভূমিধায় আঁকতে বিধাতা কত চেষ্টাই না করেছেন—পৃথিবাতে কেবল মাত্র তা ব্যর্থতা বহন করেই ফিরেছে—সে কার দোষে !—সিন্দুকটার সামনে ছবি হাতে ক'রে আমি শুক্ক হ'য়ে বসে রইলাম।

ত'খানা পোষ্টাফিস সেভিংস ব্যাঙ্কের খাতা, ক'খানা কোম্পানীর কাগজ, মরক্কো চামড়ায় বাঁধানে একখানা গানের বাঁহিও দেখতে পেলাম, সব তাতেই নাম লেখা, কদমমণি দাসী !—নেত্রে আমার মা'র এই নামই বলেছিল, তাও আমার মনে আছে ! কোম্পানীর কাগজ ব্যাঙ্কের খাতাগুলির অঙ্ক হিসাব করে দেখতে পেলাম, সে নেহাৎ অল্প নয়। সেগুলি ভাঁজ করে রেখে সিন্দুকের ছোটখাট ড্রয়ারগুলি খুলে খুলে দেখতে লাগলাম। তার ভেতর থেকেও ছ'খানা ছবি বার হ'ল—তলায় সহি করা শ্রীমতী কদমমণি দাসী !—এ-ছবি আমি দেখতে

পারলাম না। আর-একটা ড্রয়ার থেকে বেরুল আর একখানা মরক্কো
লেদারমণ্ডিত খাতা! খুলে দেখি আমার নাম লেখা! ঠক্ ঠক্ করে
হাত কেঁপে উঠল, জিভ শুকিয়ে গেল।

এই সময়ে খুবলাল দরজায় ঘা দিয়ে বলল—দিদিবাবু, রঘুবীর আয়া!
কে রঘুবীর জানি নে! আড়ষ্ট ভাবে বসে রইলাম।

খুবলাল আবার ডাকলে—দিদিবাবু!

দরজা খুলতেই খুবলাল একখানা খাম আমার হাতে দিয়ে বলল
বাবুকা নোকর আয়া। জবাব মাংতা!

চিঠিটা কম্পিত হস্তে খুলে দেখি, সহি রয়েছে—সন্তোষ সেন।”

কল্যাণীয়াসু—

—গীর্জাব একান্ত ইচ্ছা আজ মধ্যাহ্নে তুমি আমাদের এখানে আগর
কর। যদি তোমার কোন আপত্তা না থাকে, ক’টার সময় তুমি প্রস্তুত
হ’তে পারবে লিখে দিয়ো, সেই সময়ে আমি কার পার্টিয়ে
দেব। ইতি—সন্তোষ সেন।”

বলে দে—এগারোটটার সময়।

সে বলল—লিখন মাংতা!

বাড়ীতে একটা দোয়াত কলম দেখতে পেলাম না। বহুদিনের পর
আমার বোডিঙের তোরঙ্গটায় নজর হ’ল—তার ভিতরে এক বন্ধুর দেওয়া
একটা ফাউন্টেন পেন ছিল—খাতা হ’তে একখানা কাগজ চিঁড়ে
লিখতে গেলাম হা অদৃষ্ট, কালি নাই। সুখের বিষয়, সোয়ান কালির
শিশি একটা তার মধ্যে-ই পাওয়া গেল। লিখে দিলাম এগারোটায়
গাড়ী পাঠাবেন।

দিশেহারা

খাতাটা খুলে ফের বসে পড়লাম।

প্রথমেই চোখ পড়ল, যেখানটা—

“নেতা বলে কি হ’বে ইস্কুল পার্টিয়ে মেয়েকে।……না, না, আমি বাগব কেমন করে এখানে! সে আমি পাবব না, কখনই পারব না। নেতাকে বলে দিয়েছি সে যেন নিশ্চিত হ’য়েই বাড়ী ফিরে যায় মেয়েকে আমি রাখতে পারব না, পাঠাব বোডিঙে।……আমি খবর নিয়েছি, রেশী খরচা দিলে সে সেখানে বরাবর থাকতে পারবে। মিসেস মন্দাকিনী নিজেই তার ব্যবস্থা করবেন। বেশ তা না হয় হল, ওকে ছেড়ে থাকতে কি পারবো? বুক ভেঙে যাবে না! কিন্তু সহ্য করতে হ’বে আমাকে!

“এত বড় বুকের পাতাটায় বসিয়েও তা’কে ত আমার তৃপ্তি হয় না। তবু যেন ফাঁক থাকে! এক এক সময় সন্দেহ হয় এমন অবস্থা কি সব রমণীরই হ’য়ে থাকে! কি ভীষণ সে অবস্থা!”

আমি নিঃশ্বাস রোধ করে পড়ে যেতে লাগলাম—

“নেতা ত তাই বলে। তার মত, কিছুদিন, বেশে রেখে তারপর ছেড়ে দিয়ে। মনের তফাৎ এইখানে! আমি সোনাকে ছেড়ে দেব কিন্তু তার মতলবে নয়—আমি তা’কে ছেড়ে দেব নিষ্পাপ নিষ্কলঙ্ক! তার জীবন সে চালিয়ে নিকু। যে দিকে খুসী, চায় সে স্বর্গের দেবী হ’তে, হ’ক, আর অভাগিনীর মত মরক প্রার্থনা করে—সে পথ সে নিজেই দেখে নিতে পারবে। এত আলো যে রাস্তায় জ্বলে, এত গাড়ীঘোড়া লোকজনের কলরব সারারাত যেখানে পিশাচের তাণ্ডব করে মরে—সেখানে আসতে আলোর দরকার হয় না কারু!”

আর পড়ব কি-না ভাবছি—হৃদয় যেন বেরিয়ে এসে খাতার সামনে
অপলক চোখের মত চেয়ে রইল। পড়লাম—

“তিনদিন কেটে গেছে। কেটেচে মানে আমাকে কুচি কুচি করে
কেটেচে। চার বছরের মেয়ে মা-ছাড়া হ’য়ে গেল। মা-তার বেঁচেই
যত। এজীবনে আর সে মা দেখতে পাবে না।

“না পাকু—ক্ষতি নেই। তারও নয় মারও নয়। মরার পরে ত
কথা নেই, আর আমি ত সত্য সত্যই যত।..... শুধু, সে আমার
বেঁচে থাক। এখানে এসে সর্বশোনাধার স্তবক যেন বিচ্ছিন্ন হ’য়ে
পড়ছিল—সে বেঁচে গেছে। মড়কেব সময় আত্মীয়বর্গ পালাতে পেরেছে
জানলে স্নেহান আনন্দ হয়.—এ-৭ যে এ বিধাত্ত নরক আবাস থেকে
সরে যেতে পেরেছে—এতে আমার-ও তেমনি আনন্দ হ’য়েছে। দেখছি
এতে নেতায়ই সব চেয়ে রাগ বেশী। আমি ত ভেবেই পাইনে সে
কেন এত অগ্রিশর্মা হ’য়ে ওঠে। মেয়ে আমার কাছে থাকুলে ভবিষ্যতে
সুখ সমৃদ্ধি যে একেবারে উথলে উঠবে—এ বোধ করি সে পঁচিশবার
বলেছে। কিন্তু আমাকে সুখৈশ্বর্যে বীতম্প্ হ’ দেখেও তার পরহিতাকঙ্কী
অন্তঃকরণ যে এত কাঁদছে কেন এ ত জানিনে। নেতা বলল, ডবল দাম
দিব। আমি বললাম—আমি কসাই নই। নেতা ভয় দেখালে—পুলিশ।
আমি বললাম—বহৎ আচ্ছা। নেতা বললে—আচ্ছা থাকু—আমিও বললাম
থাকু।

“নেতা আমার কি করবে! তার মত চারটে নেতাও তার পুলিশ
আত্মীয়দের আমি টেনে গারদ দিতে পারি—এই ক্ষমতাই যদি না রাখব
তবে আর কি করলাম এতদিন!

দিশেহারা

“ভাবনা নেতাকে নয়, ভাবছি কি করব! বড় হ’লেও যে ওকে কোনদিন এ বাড়ীর চৌকাঠ মাড়াতে দিতে পারব না তাও জানি। তাই ভাবছি সংসারে আশ্রয়শূন্য বালিকা কি করবে! কে তার হাত ধরে পথ দেখিয়ে নিয়ে যাবে!

“আবাব ভাবি সে-ভেবে ফল কি! আমার কাছে থাকলেও তার উপায় ত কিছু করতে পারব না—তাতে তার ইষ্টের চেয়ে অনিষ্টই ঘটবে তাই বা আমি প্রাণ ধরে সহ্য করব কেমন করে! সে পারে নিজে পথ দেখে নেবে। আমি তা’কে আশীর্বাদ করি—বিধাতা যেন তার বিচরণ পথটি আলোকিত করে দেন—নারীজীবন তার ধন হয়!

“নেতা সুখ সমৃদ্ধি আশায় মেথেকে কাছে রাখতে বলেছিল, আমার মনে হল সে যদি দুবেলা দুমুঠো খেবে গড় পরে’ জীবনান্ধিত্বিত করে, আমার দুঃখ নেই—তবু আমি তা’কে ‘সুখী’ করতে পারব না। সুখে থাক দুঃখে থাক তার জীবনে যেন একটা আলোই জ্বলে, আমার বলে যেন সে একজনকেই অগ্নিগ্নন করে--তা’তে না যদি সে সুখ পায়, যেন আত্মহত্যাও করে! তাব চেয়ে সুখ এ-ভুবনে নেই, অশ্রু কোথাও আছে কি-না তাও আমার অজ্ঞাত! তাকে যে বিবাহ করবে, ভগবানের একান্ত আশীষ তার পরে ত পড়বেই—আমিও ব্যাঙ্কে তার নামে আমার যথাসর্বস্ব গচ্ছিত করে দেব।

“নেতা বলে তার মেয়ে ছিল বলেই পায়ের ওপর পা রেখে সে বসে থাকে। এমন খাওয়ার মুখে বাঁটা মারি! নেতার সঙ্গে আর একটি মেয়ে আসে, দেখেছি নেতা তার’ পরেও সম্বল্ট নয়। সে নাকি নেতার

দিশেহারা

কথা মানে না, রোজগার পত্র করতে পারে না—তাই নে খিয়েটারে ঢুকেছে। বেশ মেয়েটি, বয়েস বোধ করি ষোল সতেরোর বেশী হ'বে না। তার মূখখানি, চোখ দুটি দেখে আমার কষ্ট হয়। খিয়েটারে ঢুকেছে বলে নেতার আরও রাগ। নেতা তা'কে কোটা বালাখানা করে দিতে চায় কিন্তু বালাখানায় বাস করতে তার লোভ নেই, নেতা আমার সামনে তা'কে যাচ্ছে তাই করলে, ফুলী চোখ ছলছল করে' দাঁড়িয়ে রইল।”

এ-ষে সেই ফুলী তা আমার বুঝতে বাকী ছিল না। আমারই মত যে যখন যার সম্পর্কে এসেছে, চোখের মোহি যে সকলের পরেই সমানভাবে পড়েছে তার আর সন্দেহ নেই। খাতার অক্ষর মুছে গিয়ে ফুলীর চোখ-দুটি জ্যাস্ত হ'য়ে উঠল।

ছ'তিনমিনিট পরে আবার আমি পড়তে লাগলাম :—

“দিব্যশকে আমি বুঝিয়ে দিয়েছি, কিন্তু তাতেও সে বিচলিত হ'য় নি। তার থেকেই আশা হ'চ্ছে সোণা সুখী হ'তে পারবে। তাই হ'ক, —আর কিছু আমারও বলবার নেই, তারও নেই। এরা দু'টিতে মিলে যাক, মিলে যাক।

“তাকে আনিয়ে হাতে হাতে সমর্পণ করে আমি নিশ্চিত হ'ব। তারপর যদি এ-পাপ জীবনাবসান হয় তা'তেও আমার দুঃখ থাকবে না। নেতার 'সুখের' চাইতে আমার মৃত্যু ঢের ভালো, ঢের বাঞ্ছনীয়। স্মৃত্যুতঃ ধর্ম্মতঃ আমিই তার গর্ভধারিণী জননী, তবু মার কর্তব্য কতক পরিমাণে করতে পেরেছি জান্লেও মৃত্যুর পরে বিধাতা আমাকে অনেক শাস্তি থেকে মুক্তি দেবেন—এই আমার আশা, ভরসা, এই আমার

দিশেহারা

কামনা। আর কিছুই চাইনে আমি জীবনে! তারা দু'জনে যখন আত্মদান করবে, মরতে পারলে আমি বাঁচতে চাইব না।”

“দিব্যেশকে বলেছি বে'র পর সে যেন মেয়েটাকে নিয়ে কোন বিদেশে চলে যায়। সে তা'তে রাজী হয়েছে। তার বন্ধুদেরও দেখলুম সে-ই ইচ্ছা। না হ'বেই বা কেন? লোকে ত বুঝবে না, কোন কৈফিয়তেই তাদের মনে এ ধারণা কিছুতেই হ'বে না যে আমি তা'কে শুধু প্রসব করেছি; স্তনের দুগ্ধ দিয়েছি; আর কোন সম্বন্ধই তার সঙ্গে আমার নেই। দিব্যেশের আত্মীয় বন্ধুর কাছে না থাকাই মঙ্গল। চলে যাক, বাঙ্গালার বাইরে, সেখানে বাঙ্গালী নাই, জাত আর জাত করে যে দেশের লোক মাথা ঘামিয়ে অল্পবয়সেই মরে যায় না. অল্প-অনেক কাজে মেতে দীর্ঘায়ু হ'য়ে বেঁচে থাকে সেই দেশে চলে যাক! পুরুষ মানুষ তার ভাবনা কি! আর যা'কে সে জীবন সঙ্গিনী পাচ্ছে সে ত কেবল পাঁচসাতটা অঙ্কের টাকার চেক নিয়েই ওর সঙ্গে যাচ্ছে না। সে যে সত্য সত্যই ওর জীবনে সব রকমে সঙ্গিনী হ'তে পারবে।

“আর একটা শুভ লক্ষণ দেখলুম, দিব্যেশ তার সেই গৌরবর্ণ সুন্দর বন্ধুটির মুখাপেক্ষী বলে মনে হ'ল। জানি না কেন! সে ছেলেটি কম কথা কয়, কিন্তু দেখে সব চেয়ে তা'কেই আমার হৃদয়বান মনে হ'য়েছিল। সেই ছেলেটিকে দেখে আমার যা ধারণা হ'য়েছে তা লিখতে দোষ নাই— সে থাকতে তার বন্ধু বা বন্ধুপত্নীর অমঙ্গল হ'বে না—এ যেন আমার মন বুঝতে পেরে ভারী উৎফুল্ল হ'য়ে উঠেছে!”

আমি খাতাখানা মুড়ে কোলের পরে চেপে আর একবার ভেবে নিলাম তাঁকে, যার একটি কথা না শুনেও, শুধু চোখে দেখেই আমার

দিশেহারা

সেই মা এত বড় উচ্চ ধারণা করতে পেরেছিলেন। যা দিব্যোশকে ভুল বুঝেছিলেন, কিন্তু এখানে যে তিনি অভ্রান্ত সত্য, এই ছোট কথা যেন তাঁর হাতের লেখার পাশে বসিয়ে দিতে ইচ্ছা হ'য়েছিল।

আবার একজায়গায় --“এক এক সময় মনে হল এ পাগলমি নয় ত কি ! এ সব লেখবার কি বা দরকার ছিল ? আবার মনে হয়, না, না দরকার আছে বৈ কি ! যে পথ তার নিষ্কলঙ্ক, অম্লান রাখতে কোন চেষ্টার ক্রটি করি নি, লোকের কাছে সে কথাটা বলে যাবার দরকার আছে বৈ কি ! পিতৃ-মাতৃহারা বালিকা আর যে মা দেখতে পাবে না।”

—আমার মনে হ'তে লাগল - আমার মা'র সেই আকস্মিক মৃত্যুর কথা ! হঠাৎ আমার নিজের দুঃখ অপমান লাঞ্ছনা সব ভুলে গিয়ে এই কথাই আমার বার বার করে মনে হ'তে লাগল—বুঝি সে মৃত্যু তাঁর নিজের আহ্বানেই তাঁকে গ্রাস করেছে। হা হতভাগিনী জননী আমার ! তুমিই আমার মা !

যদিও তাঁর মঙ্গলচ্ছা আমার জীবনে অপূর্ণই থেকে গেছে, তবু তাকে পূরণ করবার জন্যে তাঁর যে আগ্রহ যত্নের ক্রটি হয় নি এ বুঝেই আমার বুক একেবারে দিশেহারা হয়ে গেল।

“শিশু আমার ঘরে না জন্মে আর কার হাতে পড়লে কোন কথাই ছিল না ; হতভাগিনীর এমনই বরাত এমন হাতে পড়ল, যার দ্বান গ্রহণ করলে নারায়ণ মূর্তি ব্রাহ্মণও অপবিত্র হয় ! দরকার আছে বৈ কি ! অবশ্য মুখে বলাও যেতে পারে, কিন্তু সে সৌভাগ্য যদি না ঘটে ! মেয়েকে সুখী দেখে মরবার সৌভাগ্য যদি এ হতভাগিনীর অদৃষ্টে

দিশেহারা

বিধাতা না লিখে থাকেন, তখন, তখন ! না আমি লিখব। যতদিন
 বেঁচে থাকুব লিখব। ওর বিয়ের পব ও যে চিঠিগুলি লিখাব, আমি যা
 জবাব দেব, সব লিখে রাখব। তারপর, একদিন, যেদিন এ কণ্ঠ একে-
 বারে রুদ্ধ হ'য়ে যাবে, চোখের জ্যোতিঃ একদম নিবে যাবে, যেদিন
 তা'কেও আর দেখবার ক্ষমতা থাকবে না, সেই শেষের দিনটিতে এই
 খাতাখানা যৌতুক দিয়ে যাব। তার আগে দেব না। আর কেন
 দেব না—তা বোধ করি যখন তারা জানতে পারবে আমার ওপর রাগ
 করবে না। আমি ত চাই নি যে দিব্যোশ আসুক, বিয়ে করে' নিয়ে
 যাক—আমি তার হাতে পায়ে ধরেও তা'কে আনি নি। সে নিজে
 এসেচে, সে তু পরিচয়ের কোন তোয়াক্কাই করে নি, তবে কিহের এত
 তাড়া ! যে রত্ন তা'কে আমি দিচ্ছি, সে-ই যে মহামূল্য। নাই-বা
 থাকল তার গায় ছ'চারটে টিকিট মারা, হাঁরে, কোমল হাঁরে, পোখাজ,
 মরকত ! টিকিটে কি জিনিষ যাচাই হয় ? যাচাই হয় আসল
 জিনিষটায় ! সেটার ত আর খাদ নেই, দাগ-ও নেই—সে যে বেদাগ
 হাঁরে ! শেষ দিনে এই যৌতুক দিয়ে মেয়ে-জামাইকে আশীর্বাদ করে
 যাব। ভগবান রক্ষন, সেদিন শীঘ্র আসুক ! আমার এতে বিন্দুমাত্র
 ক্ষোভ নেই। এ-জীবন অনেকদিনের অসার, অপদার্থ হ'য়ে গেচে,
 আর একে বইতে পারি নে ! এই দু'দিন ত কার্যমতে সেই প্রার্থনাই
 করছি তাঁর কাছে। জানি না পৃথিবীর মানুষের মত তাঁরও জাত-বিচার
 আছে কি না, তাঁর আদালতে আমার আবেদন উঠ্চে কি-না, আমার
 ত উকীলও নেই, মোক্তারও নেই, কোর্টফি দেবার সম্বলও যে নেই, হায় !
 তবে কি তাঁর চরণেও আমার কামনা পৌঁছবে না, হায় ! তবে আরও

দিশেহারা

ছঃখের বোঝা এই ঘৃণ্য অস্পৃশ্য জীবনটাকে ব'য়ে বেড়াতে হ'বে !
ভাবতেও যে বুক ফেটে যায় !

এর পরে আর লেখা ছিল না। বোধ করি, এর পরই আমি এসে
পড়ি, আর লেখবার সময় তাঁর হয় নি !

খাতাটাতা মুড়ে আমি আমার বাক্স তোরঙ্গ গুছিয়ে নিতে বসে
গেলাম। বোডিংয়ে ফিরে যাব আমি। কারু আশ্রয় চাই নে, কারু
অনুগ্রহে, অনুকম্পায় আমার প্রয়োজন নেই। সেইখানে ফিরে যাব,
আর আজই যাব, আজই যাব।

এতদিন কেন এ ইচ্ছা হয় নি এই ভেবে আমার নিজেরই গলাটা
টিপে ধরতে ইচ্ছা হ'তে লাগল। ক্ষিপ্রহস্তে সব গুছিয়ে ফেলতে
লাগলাম।

দ্বাবিংশ পরিচ্ছেদ

উৎসবের মুখে।

পৌনে এগারটার সময় সহিস হাঁকলে—দিদিজী গাড়ী আয়া !

ভাবলাম বলে দিই, যাবনা !—আবার ভাবলাম, না আজ শেষ দেখাটা
করে আসি; এবং কে যেন হাত ধ'রে কলঘরে টেনে নিয়ে গেল
আমাকে ! কোনমতে স্নান সেরে উপরে উঠে এলাম। আজ আর
বেশভূয়ায় মন ছিল না,—খাতাখানা, বুকের কাপড়ে গোপন করে'
গাড়ীতে গিয়ে উঠলাম।

দিশেহারা

সেন নিজে অভ্যর্থনা করতে এসেছিলেন, নিজের হাতে দরজা খুলে
বলেন— আসুন ।

আমি নামতেই বলেন - এই ত আমি চাই !

কি ?

আপনাকে ত অনেকবার দেখেছি, কিন্তু এত ভালো কোনদিন লাগে
নি আমার ! সত্যি বলছি আমার চোখ জুড়িয়ে যাচ্ছে আপনাকে দেখে !

আমার চোখ মুদ্রিত হ'য়ে আসছিল, আমি নত মুখে ঘরে ঢুকে
পড়লাম । সেটা সেনের বৈঠকখানা ! দেওয়ালে, টেবিলে যেদিকে
চাই—ছবি আর ছবি ! সবগুলিই বন্ধিমের ছবি, কেবল একখানা
তৈলচিত্র সেন দম্পতীর !

সেন আমাকে একখান শোফা দেখিয়ে বলেন - বসুন লীলা সঙ্গ-
মানে গেছে, এখন ও ফেরে নি ।

কিন্তু মানব মনের এক বিকার ! এক অবিচার ! এত বড় গৃহে
এক সেন ছাড়া আর কেউ নাই শুনে ত আমি আশ্বস্তই হ'য়েছিলাম,
অল্পক্ষণ না অতিবাহিত হ'তেই সেই ঘরে সেনের সামনে একা আছি
জেনে কেমন একটা কাঁটা কোটার মত আমি এদিক-ওদিক করতে
লাগলাম ।

সেন বোধ করি এই কথাটাই বুঝতে পেরে দাঁড়িয়ে উঠে বলেন—
কিছুক্ষণের জন্তে যদি ক্ষমা করেন একটা বিশেষ প্রয়োজনীয় কাজ সেবে
আসি ।

আমি মুচের মত তাঁর মুখের দিকে চেয়ে ভাবছিলাম—এ কি ব্যঙ্গ !
আমার অনুমতি নিয়ে তবে তিনি প্রয়োজনীয় কাজে যাবেন ।

দিশেহারা

সেন বল্লেন—তবে থাক—পরেই হ'বে খন।

আমি স্বরিত উত্তর দিলাম--না, না—যান-না আপনি। দরকারী কাজ যখন আছে

সেন বাধা দিয়ে বল্লেন - এত দরকারী নয় যে তোমাকে একেলা ফেলে, তোমার বিনালুমতিতে যেতেই হ'বে।

মনে আমার যে চিন্তাটি উঠেছিল, সেইটিই যেন ঠাৎ মগ্ন দিয়ে বেরিয়ে গেল—একেলা ফেলে এ কথাটা আপনি বলতে পাবেন, কিন্তু আমার অনুমতি চাওয়াটা কি ব্যঙ্গ করা নয় ?

সেন আর্জের মত বলে উঠলেন—না ব্যঙ্গ করা নয়। সত্যিই আমি যেতে পারি না, আপনার বিনালুমতিতে!—এক মিনিট থেমে আবার বল্লেন—পারি কি আপনিই বলুন, আপনি আমার অতিথি যে।

ওঃ—বলে আমি সোফাটায় হেলান দিয়ে পড়লাম।

আমি সেনের মুখ দেখতে পাচ্ছিলাম না। তিনি একটা সিগারেট ধরিয়ে খুব জোরে ঘন ঘন টানছিলেন, তারই ধোঁয়ায় তাঁর মুখখানি একেবারে আচ্ছন্ন হ'য়ে গেছিল। ধোঁয়ার ভেতর থেকেই সেন বল্লেন - লীলাবা গঙ্গান্নানে গেল, আমারও একটা বিশেষ কাজ ছিল বাইরে যা'বার, কিন্তু আমি যেতে পারলুম না। কেন পারলুম না জান ? তুমি আসবে বলে'। তোমাকে অভ্যর্থনা করব বলে সব কাজ ফেলে আমি দরজার কাছটিতে বসে রইলুম। তুমি কিন্তু অক্লেশে বল্লেন—তোমাকে আমি ব্যঙ্গ করলুম।

দু'তিন মিনিট পরে সেন আবার বল্লেন—তোমার নিশ্চয়ই মনে আছে সেই সেদিনের—কাশী যাবার সময় ট্রেনের কথাগুলি। দিবোশের

দিক্শোহাঙ্গা

ধোঁকায় তুমি যখন গৃহ ছেড়ে এসেছিলে, এবং সে তোমায় অসহায় ফেলে যখন পালিয়েছিল তখন ত কেউ বাদ যায় নি, তুমি নিজে পর্য্যন্ত তোমার অবিস্ময়কারীতাকে ব্যঙ্গ করেছ—কিন্তু আমি করি নি। মনে আছে কি তোমার ?

সেন পুনরায় বল্লেন—তাহ'লে তুমি ভোল নি ! বন্ধিম, আমার যত প্রিয়ই সে হোক, সে তোমাকে বিক্রম করেছিল - তার ওপরও আমি সন্তুষ্ট হ'তে পারি নি। তখন কি তোমাকে ব্যঙ্গ করা চলতে পারে ? বাস্তবিক বলছি তোমার সম্বন্ধে আমার ধারণা ত সম্পূর্ণ অন্ত-ক্রম ছিল কিন্তু যে মুহূর্ত্তে জানতে পারলুম যে মিথ্যা প্রলোভনে প্রলুদ্ধ ক'রে দিব্যেশ তোমাকে নিয়ে এসে পথে ছেড়ে দিয়েছে সেই মুহূর্ত্তে আমার হৃদয়মন ভরে গেছিল, তোমার প্রতি অনুকম্পায়, স্নেহে, আর দিব্যেশের প্রতি ঘণার রোষে।

শুধু তাই নয়। এত বড় একটা প্রতারণা, আমার নাম নিয়েই সাধিত হ'য়েচে এ দুঃখ আমার কোন দিনই যাবে না।

আমি প্রবলবেগে মাথা নেড়ে বল্লাম, না না, আপনার নাম নিয়ে সাধিত হয় নি। সে নিজের নাম করেই সব করেছিল।

সেন আমার মুখের দিকে আধমিনিটকাল চেয়ে বল্লেন—তোমাকে ধন্যবাদ। কিন্তু আমার ত মনে আছে সে সর্ব্বনেশে চিঠিটা। সে'ত স্পষ্টই স্বীকার করেছিল যে আমার জন্তে সে এ কাজ করেছে।

সে 'কথাটা আমারো যে মনে না ছিল তা নয়। এবং সে কথা মনে করতে আজ বুকে শূল বেদনা উপস্থিত হয় যে একদিন তাঁরই বিরুদ্ধে প্রতিশোধ নিতে বন্ধপরিকর হ'য়ে দাঁড়িয়েছিলাম। পারি নি, পঙ্গু পর্ব্বত

দিশেষহাস্য

লজ্বন করতে অপারক হয়, আমিও আমার ক্ষুদ্র ক্ষমতায় তাঁকে স্পর্শ করতেও পারি নি। মনে হ'চ্ছিল যে আমার সেই অক্ষমতা স্বর্গীয় আলোক বিমণ্ডিত হ'য়ে ফুটে উঠেছে।

যে সময়টুকু এই কথাগুলি আমি ভাবছিলাম, সেন যে ততক্ষণ একদৃষ্টে আমার মুখের দিকেই চেয়ে বসেছিলেন মুখ তুলে তাই দেখে আমার চোখ দু'টো একেবারে জুড়িয়ে গেল। আমি চোখ নামিয়ে নিতেই সেন বল্লেন—আমার ঘাড়ে যদি ছনিয়ার সব শয়তান চেপে বসত তবুও আমি এমন পাপ কাজ করতে পারতুম না, যা সে আমার নাম কবে' করেছে। সে শয়তান ভেতরে ভেতরে এই সব মতলব এ'টেছে আমি যদি যুগাক্ষরেও জানতুম—তা'কে আমি গুলি করে ফেলতুম।

রাগে তাঁর চোখ দুটো জ্বল জ্বল উঠলো। দেখে নতুনই আমার ভয় হ'য়েছিল। কিন্তু সে-যে আমারই ঘৃণিত জীবনের আলোচনা আমি তাঁকে শাস্ত করবার মত কোন কথাই খুঁজে পেলান না।

মিনিট দুই পরে সেন গম্ভীরভাবে বল্লেন—বললে তুমি বিশ্বাস করবে কি-না, যে করেই হোক—তোমার দুঃখ আমাকে যত বেজেছিল এত আর কাকেও বেজেছে কি-না সে আমার জানা নেই এবং আমার সর্বস্ব দিয়েও তোমাকে সুখী করতে যে আমি কার্পণ্য করি নি, কবব না, এ হয়ত এক দিন তুমি জানতে পারবে। এবং আমার অনুরোধ.....”

কেন তিনি থামলেন মুখতুলে, দেখতে গেছি, সেন অতি নিয়কণ্ঠে “বল্লেন—সেইদিন, যেদিন বুঝতে পারবে, সেইদিন আমার প্রতি কোন বিদ্বেষ তুমি রেখ' না তাহ'লেই আমার সকল শ্রম সার্থক হ'য়েচে জেনে আমি ধন্ত হ'য়ে যাব। নইলে বুকের এ ব্যথা কোন দিনই আমার যুচবে

দিশেহারা

না এবং নিরপরাধিনী বালিকার সর্বনাশ করেছি এর পাপে আমাকে
আমরণ নরক যন্ত্রণা ভোগ করতে হবে ।

বলতে কি, আমার মনে হ'ল যেন সেনের কণ্ঠে অশ্রু উদ্বেল হ'য়ে
উঠেছিল । তাঁর হৃদয়মন যে অতীব কোমল, পরহিংস কাতর, সে ত আমি
জানি—তবু এই হতভাগিনীর কথা বলতে যে তিনি কেঁদে ফেলেন—
এব বাথা যত প্রবল হোক আমি সর্বনাশিনী যেন সুখী হ'য়েই চোখ
তুললাম ।

সত্য সত্যই তাঁর চোখে জল ! নদীর ছ'কূল ভরে ছাপিয়ে উঠেছে—
এক বাবে কাণায় কাণায় । যদি আমি উঠে গিয়ে বুকের বসন দিয়ে
তাঁর চোখের জল মুছিয়ে দিতে পারতাম তবেই আমার ক্ষোভ মিটত ।
কিন্তু সে ভ'লভ মত কথা নয়, স্পর্শ করব ক'কে ? দেবতাকে স্পর্শ
করতে সাহস হয় এ পৃথিবীতে ক'জনের ? কাশীর বিশ্বেশ্বর মন্দিরে
দেখোছি—কত নরনারী বাবান মাধার হাত বুলিয়ে ধত্ব হ'য়ে চলে যাচ্ছে,
সে সুযোগ আমিও পেয়েছিলাম । আমার সঙ্গেই সেই খোটা বউটি
আমাকে বলেওছিল কিন্তু আমি পারি নি ত ! স্পর্শ করা দূরে থাক
—মন্দিরের ভেতর অবস্থান করবার মত পবিত্রতা নেই বলেই আমি
পালিয়ে আসতে পথ পাই নি যে ! আর কেন পারি নি, আজও কেন
অকম হ'লাম তা আমি নিজের মুখে না বলেও কোন্ মহতী রমণী তা না
বুঝতে পারবেন ?

সেন নিজের হাতেই অশ্রু মুছলেন । একটু পরে কোমল কণ্ঠে
বলেন—সোণা, আমার চেষ্টায় নয়, ভগবানের দয়ায় যদি সংসারের সুখ-
শান্তি পেয়ে কোনদিন আমাকে সর্বান্তঃকরণে মাপ করতে পারো,

দিশেহারা

আমাকে খবর দিয়ো, সেইদিন আমাকে খবর দিয়ো, সেইদিন ভালো করে' দেখে আসব তোমাকে ! প্রাণ খুলে আশীর্বাদ করে আসবো ।

আমি সোফা থেকে উঠে সেনের পায়ে তলায় মাথা পেতে দিয়ে বললাম—তার দরকার নেই, আজিই আমাকে আশীর্বাদ করণ—আমি ধন্য হয়ে যাই ।

সেন কি করলেন ! সেন দু'টি হাত বাড়িয়ে একেবারে তার সামনে টেনে তুলে বললেন—তোমার মঙ্গল, সে ভ—যেমন থেকেই তোমাকে জেনেছি সেই দিন থেকেই করেছি । কিন্তু এ ভ ভা নয় । সুখী সুখী হ'য়েচ, তোমার জীবন আনন্দ পরিপূর্ণ হ'য়গতে জান্নে তবে না আমার মুক্তি !

এর চেয়ে সুখ আমার বরাতে ! হারে বরাত আমার ! এ-বে সকল সুখের সেরা সুখ ! এ-যে সব সুখ কার স্পর্শে অনুভব করি উঠেছে আমার !—তিনি হাত ছেড়ে দিতেই আমার তার সামনে এসে পড়ে আমি বললাম—আপনি দেবতা ।

সেন হাসলেন বললেন—হা দেবতাই হ'ল ! আজ নয়, এই কথাটি আর একদিন বলা, বিশ্বাস করব—আজ নয় ।

আমাকে আপনি বিশ্বাস করবেন না ? আমার অন্তরের সত্যও যদি আপনার বিশ্বাস না হয়—বলতে বলতে আমি কেঁদে উঠেছিলাম । তাঁরই দু'জান্নুর মধ্যে মুখ রেখে কাঁদছি, সেন নত হ'য়ে আমার 'চুলের মধ্যে আঙুল পুরে দিয়ে স্নেহনিষিক্তস্বরে যা বলে উঠলেন—তা সে বেনন শান্ত শান্ত তেমনি উত্তেজক । আমার চোখের বগা তাহিতেই গজ্জন

দিশেছারা .

করে উঠলো, আবার তখনই জল-পড়া আশুণের মত নিঃশেষ হ'য়ে গেলো।

সেন আমাকে তুলতে তুলতে বলেন—এত বিশ্বাস কা'কে করেছি তোমাকে, যার কাছে এত কথা বলতে পেরেছি ! তোমাকে বিশ্বাস করি নি, তা যদি না করত, এত অর্থব্যয়, শ্রমের কি প্রয়োজন ছিল আমার মত ? আমি কি বিশ্বাস করি নি যে যার মেয়েই তুমি হ'ও, যে মেয়েই তোমার মাকে—তোমার জীবনের যে সে লগন নয়—এক আমি জানি কি ? না জানুব যদি—তোমাকে ছুঁতে, তোমাকে এমনি করে তুলে নিতে পারতুম আমি, যে জীবনে এক লীলা ছাড়া কোন রমণীর হারা স্পর্শ করে নি ! কোটি কোটি মানুষের মধ্যে একা লীলাই ছিল আমার রমণী। আজ আমি যখন ভাবি, যে সে ছাড়া আর একজনের হারা স্পর্শ করেছি, আর একজনের বাত লতা আমার এই বিসৃত বকের মতো হাত বেয়ে তখন যে কেবল তোমারই পবিত্র আনন্দ মূর্তি আমার মনে ফুটে উঠে, সে কি তোমাকে অবিশ্বাস করেছি বলে ?

আমার হাত দু'টো বেন লৌহ হ'লে সেই একচুম্বকে আবদ্ধ হ'য়ে যেতাম। সেই হাত দু'টি বেন বিছাতের তার—তারই ভেতর দিয়ে বিছাৎ প্রবাহ করে উঠে আমার বকের ভেতর সমস্ত বুকখানাকে হুলিয়ে হুলিয়ে কাঁপিয়ে কাঁপিয়ে যেন ছমড়ে মুচড়ে ভেঙ্গে দিচ্ছিল।

সেন কি তা জানতে পেরেছিলেন ! আমার ভেতরে যাঁ ঘর্টছিল, যাঁ হ'চ্ছিল, সে ত কেবলমাত্র আমিই সংস্কারে অনুভব করেছিলাম, তিনি তা জানলেন কি করে ? এবং তার এই জ্ঞানই যে আমাকে মুহুর্তে পতনের

দিশেহারা

আঘাত থেকে রক্ষা করেছিল তা আমি জানতে পেরেই আমার মুখখানা অকস্মাৎ জলে ভরে গেল। যে-লৌহ চুম্বকে বন্ধ হ'য়ে লেপে ছিল, আমি যা ছাড়াতে পারি নি—সেন সেই হাত দু'ট টেনে একেবারে আমার মুখখানা তাঁর মুখের কাছে এনে বল্লেন—ছিঃ কাঁদে কি! মুছে ফেল—আস্তে আস্তে পাশের চেয়ারটায় বসিয়ে দিয়ে বল্লেন—আবার কাঁদ যদি—চলে যাব।

চোখের জল গোপন করতে আমি নতমুখে আড়ষ্ট হ'য়ে বসে রইলাম। তাঁর স্নেহের নিষেধে যে আমার বুকের ক্ষুদ্র সমুদ্রের বাধি উদ্বেল হ'য়ে উঠেছিল—আর কি তাঁকে আমি দেখতে পারি? তাঁকে অন্য দিকে নিযুক্ত করতেই হাঁতড়ে হাঁতড়ে বুকের মধ্য থেকে খাতাখানা টেনে তার দিকে বাড়িয়ে দিয়ে বল্লেন—পড়ে দেখবেন?

সেন প্রথম পাতাটা খুলেই হাসতে হাসতে বল্লেন—জীবনী লিখেছেন না-কি?

আমি চুপ করে নিশ্বাস রোধ করতে লাগলাম।

সেন বল্লেন—আপনি বড় মিথ্যাবাদী!

আচমকা কেউ যেন আমার গলা টিপে ধরলে! আমি বলতে গেলাম কি, ঠোঁট দু'টিই কেঁপে উঠলো, আর কিছু না।

সেন খাতার পাতায় চোখ দিয়ে বল্লেন—তবে যে বড় মিথ্যা বলেছিলেন যে আপনি লেখেন না?

“ নিশ্বাস ফেলে বলে উঠলাম—আমি লিখি নি।

তাই দেখছি বলে' তিনি পড়তে লাগলেন। খানিক পরে বল্লেন—ঠিক হ'য়েচে—এই ত আমিও বলছি।

দিশেহারা

কি বলছেন—জিজ্ঞাসা করতে যাব, ছবি উঁকি মেরে বলুন—
বৌদিমনি, এই যে তিনি এসেছেন।

সেন দাঁড়িয়ে উঠে বলেন—আপনি বাড়ীর ভিতর চলুন, আমি
আসছি।

আমার পা আমি সোজা করতে পারলাম না। লীলা সহাস্ত্রে ধরে
টুকে বলল—এই যে বের ক'ণে সেজে এসেছে?—বলে সে সেনের দিকে
গাইতে লাগল। বোধ করি সেন তা'কে চোখে চোখে কি বলে দিলেন,
লীলা আমার হাত ধরে বলল—এস।

কাঠের একটা হালকা পুতুলকে যেমন টেনে নিয়ে যায়—সে'ও
আমাকে তেনি করে টেনে তার ঘরে নিয়ে গেল। বসিয়ে বলল—
একমিনিট, আসচি, পা ধুয়ে! আজ ত আর জল টল খেতে নেই!—
বলে' চলে গেল।

বসে বসে আমি ভাবতে লাগলাম, আজ বুঝি কোন পালপাক্কন
আছে, গঙ্গান্নান করে ব্রত উদ্‌যাপন করবে, তাই নিজেও খাবে না,
আমাকেও খেতে দিতে আপত্তি আছে। তা হ'ক,—ক্ষুধা আমার খুব
বেশী নেই।

একমিনিট বলে গেছল সে পাঁচ সাত মিনিট কেটে গেল, তবু তার
দেখা নেই। আমি ভাবতে লাগলাম—সেন এখনও নিশ্চয় বসে
খাতাটিই পাঠ করছেন! এই ভাগ্যি যে-সে আমার লেখা নয়! আমার
হ'লে কি তাঁর সামনে ধরে দিতে পারতাম?

যখন মনে পড়ে, কি ভুলই তাঁকে আমি বুঝেছিলাম, কি অবিবেচনাই
না করেছি সেই ভুলের বশে তখন আর আমার লজ্জায় নিজের কাছে

দিশেহারা

মুখ দেখাতে ইচ্ছা হয় না। একমাত্র সেনের বিশ্বাস অবিশ্বাসের উপরই যেন এ জীবন নির্ভর করছিল, এই ভেবে আমি কেবলই দ্বারের পানে ঘন ঘন চাইছিলাম, একবার যদি শুনতে পাই, সেন এসে বলছেন—সোনা—খাতার দরকার ছিল না। আমি ত তোমাকে অবিশ্বাস করিনি।

দশ মিনিট পরে লীলা, আর দু'টি রমণী, না, না—একটি রমণী, আর একটি কি বল্ব—চাপার কুঁড়ি—কি তার চেয়েও—আধফোটা ফুলটির মত একটি মেয়ে—সব ঘরে এলেন। সকলের মুখে চোখে উজ্জ্বল হাসি যেন আবীরের মত ফুটে রয়েছে।

প্রথমেই ছবির মা বলেন—অমন মুখটি নীচু করে রয়েছ কেন বন্ধু! লজ্জা কিসের? কাল রাতে ভাই তোমার কথা শুনেছি। শুনেই তোমাকে ভালোবেসে ফেলেছি।

ছবি বলে—আমিও ভাই।

লীলা বলে—আমার ত কথাই নেই।

মা-মেয়ে এরা সবাই একসঙ্গে হাস্যপরিহাস করে—আশ্চর্য্য!

ছবির মা বলেন—বৌদি না-হলে ত সকল কথা শুনতে পেতাম না।

আমি এ কথার অর্থ সম্যকরূপ বুঝতে পারি নি।

লীলা বলে—দেখলে ত. বৌদি হওয়ার মত মুখ! মামী হ'লে দূর থেকে গড় ক'রে সরে' দাঁড়াতাম।

ছবির মা হেসে বলেন—আমি ভাই, ঢাকায় থাকি। বছরে একবার করে' ছুগলীতে বাপের বাড়ী আসি, ফেরবার সময় লীলার সঙ্গে ফি-বছরই দেখা করে যাই—এবার ভাই তোমাকে পেয়েছি। তোমার সঙ্গে এ

দিশেহারা

কিছু পাতিয়ে যাই। কি পাতান যায় বল দেখি?—আচ্ছা-ভাই—
তুমি কেন আমার বেয়ান হ'ও না,—হ'বে?

আমি আগেই বলেছি, ছবির মা :আমার চোখে একখানি ছবির
মতই লেগেছিলেন। এত যে বয়স হ'য়েছে, আজ বাদে কাল ঝাঁর
জামাই হ'বে, তাঁর চেহারা য ব্যবহারে তা জানবার উপায় ছিল না।
পাতলা ফিন্ফিনে চেহারাটি, কুন্দকলিকার মত শুভ্র মনটি যেন
সরু ডালটির পরে সন্ধ্যায় ফোটা রজনীগন্ধার মত বাতাসে ছলছে, হাসছে,
মধু বিলোচ্ছে। তাঁকে যেন চিরকিশোরী করে রেখেছে! অনেক সুন্দরী
শিরোনামি আমি দেখেছি কিন্তু এমনটি আর দেখি নি! এঁর মন যেন
সন্ধ্যার হাওয়ায় উড়ে বেড়ায়, প্রভাতের আলোয় চিকমিক করে, বয়স
যেন তাঁর নাগাল পায় নি!

কি-ভাই চুপ করে রইলে-যে—হবে না?

আমি লজ্জায় মাথা তুলতে পারলাম না। কুমারী মেয়েরা খেলাঘরে
এ-হেন সম্পর্কও পাতায়, কিন্তু এত খেলাঘর নয়, আর খেলাঘরের
বয়সও কারু নেই, না তাঁর, না আমার!

অতি কষ্টে বললাম—আমার কি কিছু ঠিক ঠিকানা আছে.....

ছবির মা বিস্মিতনেত্রে বলেন—সে-কি ভাই? লীলা যে ...

লীলা বলে—আর অটিক কিছু রইল না ভাই। কাল সব ঠিক হ'য়ে
গেছে। দিবোশ বাবু এসেছিলেন, আমরা তাঁকে সম্মত করেছি।

‘সম্মত করিয়েছি’—আমার আর নিশ্বাস পড়ল না।

লীলা বলে—প্রথমটা তিনি অনেক ওজর করেছিলেন, শেষে আমিই
তাঁকে জোর করে সম্মত করিয়েছি।

আমি দাঁড়িয়ে উঠে বললাম—জোর করে সম্মত করিয়েছেন? কি দরকার ছিল তার?

দরকার একটু ছিল বৈ-কি! খাতার কথা তিনি ত আর কাল জানতে পারেন নি। আমরাও জানতাম না। এখন আমাকে ডেকে খাতার কথাটা বলেন—তা ভালোই হয়েছে—কোন হাস্যামা আর রইল না। কোথায় পেলেন খাতাটি! দিবোশ বাবুরও আর কিছু বলবার রইল না খাতাটা এনে ভালোই করছেন।

আমি রুদ্ধশ্বাসে বলে উঠলাম—আপনি কি মনে করেন, এইজন্তই আমি খাতা এনেছি?

লীলা একমুহূর্ত পরে উত্তর দিলে—শুধু মনে করা কেন তা ছাড়া আর কি কারণ হ'তে পারে, বল?

এ-কি রুদ্ধ বেদনার ভারে আমি প্রপীড়িত হ'তে লাগলাম, কোনদিক থেকেই যার কোন সাহায্য খুঁজে পাচ্ছি না—আর প্রকাশ করবার ক্ষমতাও নেই—আমি লীলার মুখের দিকে চেয়ে রইলাম। আমার মধ্যে যে বাড় প্রলয়ের সূচনা করছিল লীলা তার জান্বে কি? সে ছ' মিনিট অপেক্ষা করে বলে—এ কথার আজই শেষ হ'য়ে যাক! তোমার মনের অভিপ্রায় কি তাই খুলে বল। ঢাক ঢাক গুড় গুড় করলে চলবে না।

আমি তাকে বুঝিয়ে দিলাম আমার বলবার যা ছিল বলেছি।

লীলা ক্রোধরস্তু মুখে বলে—যা খুসী তোমার তাই করগে' যাও! আমাদের কোন ক্ষতিবৃদ্ধি নেই,—তবে আমাদের আর জ্বালাতন

দিশেহারা

করে না—আমি বলে দিচ্ছি।—বলে সে রক্তবর্ণ চোখ অন্ধ দিকে ফিরিয়ে
নিলে।

তার রাগের বেগ সামলাতে আমার কিছু সময় লেগেছিল। যে
লীলাকে আমি সন্ধ্যায় ফোটা কামিনীর মত শুভ্র পেলবই দেখে এসেছি,
যার হৃদয়ের কোমল পরিচয় জোছনার মতই আমার হৃদয়মন প্রাবিত
করে রেখেছে, তার মুখে এমন কঠিন কথা শুনে আমার যেন বিশ্বাস
হ'ত না—এই কথা লীলা বলেছে আর আমাকে বলেছে।

বড়লোকের বাড়ীর বৌয়েব সঙ্গে আমার এই প্রথম পরিচয়
হ'লেও লীলার অকুণ্ঠ সরল ব্যবহার আমার সর্বকল্পনাকে মধুময় করে
তুলেছিল বলেই তরে উগ্রতায় আমি দশহাত মাটির নীচে প্রোথিত হ'য়ে
গেলাম। কিন্তু এমন চুপ করে মেনে নেওয়াও ত সহজ নয়।

আমি জিহ্বায় বলসঞ্চয় করে বললাম—আমি তোমাকে বিরক্ত করতে
আসি নি লীলা, বরঞ্চ তোমরাই ডেকে এনেছ? এখন বাড়ীতে পেয়ে
যত খুসী অপমান করচ!—শেষের দিকটায় চোখের পাতার সঙ্গেই বুকের
পাতা ভিজে উঠেছিল। পাছে কেঁদে ফেলি, আরও অপমানিত হই, সেই
ভয়ে আমি জোর গলায় বললাম—গোড়া থেকেই যদি আমাকে প্রশ্রয় না
দিতে আমি ছুঁখ করতাম না, কিন্তু তুমি নাকি বড়লোক, বাড়ীতে
এনে আঁতথিকে অপমান করতে সাহস করলে—অতি বড় পাষণ্ডেও যা
করে না।

ছবির মা'র চোখে বুঝলাম, তিনিও ছুঁখিত হ'য়েছেন, আমার
বেদনা তাঁর বুকে বেজেচে ভেবেই আমি তাঁর কাছে দাঁড়িয়ে বললাম—
আপনিও ত ভদ্র মহিলা, বলুন দেখি

আর বলাবলিতে কাজ নেই।—লীলা আমার হাত দু'টি ধরে অলুনারের স্বরে বললে—আমাকে তুমি ক্ষমা কর, আমার মাথার ঠিক ছিল না।

আমার কান বিদ্ধ করে দিলে। আমি তার হাত টানতে গেলাম লীলা হাত সরিয়ে নিলে। কিন্তু সে যখন হাত সরিয়ে নিলে, তার চোখের কোণে এক ফোঁটা জল দেখে আমার কষ্ট হ'ল। আমি তাড়াতাড়ি বললাম—দেখুন, বরাত আমার এতই মন্দ, যে কেউ ভালো কথা বললেও আমার সন্দেহ হয়—বুঝি কোন কুমতলদ আছে তার ভেতরে! নইলে আপনার কথায় রাগ করবার হেতু আমার কিছুই নেই।

লীলা কথা কইলে না।

ছবির মা বললেন—ও-ত ভাই তোমার হিতের চেঁচাই করেছে। সে য মানুষ তার ওপর আত্মীয়হীনা, ওরা যে আত্মীয়ের মত তোমাকে কিছু করতে তৎপর হ'য়েছে—এ-কি তুমিই বুঝতে পারচ না?

আমি নিরুত্তরে দাঁড়িয়ে রইলাম।

ছবির মা লীলার কাছাকাছি হ'য়ে আবার বললেন—আমি বিশ্বাস করি না যে-এত বড় মেয়ে তুমি কিছুই বুঝতে পারচ না! কিন্তু এটা আমারও বোধগম্য হ'চ্ছে না যে তা' স্বহেতু তুমি লীলাকে এমন কটু বলে অপমান করলে কেন?...লীলা?

লীলা তাঁর আঁহানে মুখ ফিরাতে তার সজল চোখের অচঞ্চল দৃষ্টি দেখে আমার মাথা ঘুরতে লাগল। কিন্তু অপমান ত আমি করি নি যে তার জন্ত অলুশোচনা করব! অথচ একটা কিছু করাও যে অত্যা-বশ্যক হ'য়ে উঠেছে তাও বুঝতে পারলাম, মা ও মেয়ে এমন চঞ্চলিত তীক্ষ্ণদৃষ্টিতে আমার আপাদ মস্তক তল্লাস করছিলেন যে সূঁপ করেও

দিশেহারা

থাকতে পারলাম না। দুই সরস্বতী আমার কণ্ঠে বিরাজ করছিলেন, আমি তীব্রভেজে বললাম—আপনি ত লীলার হয়ে বলবেনই!

ছবি বিকৃত স্বরে বলে উঠল—কেন না তুমি কথা কইতে গেলে? যেচে অপমান বেছে নেওয়া হ'ল।

এরা কথায় কথায় অপমানের দোহাই পড়ে! বড় লোকের বাঁড়ীর বৌ-ঝি এরা অতিথির সম্মান এদের কাছে বোধ করি এমনই—সে-কথাটা ঘুরিয়ে ফিরিয়ে বলতে যাচ্ছি, ছবির মা বল্লেন—তুই থাম্ বাপু! আমি কিসে অপমান হলুম। না ভাই, ওর কথায় তুমি কিছু মনে কর না। কিচ্ছু হই নি আমি। তুমি বললে যে আমি লীলার হ'য়ে নলাচ, তা ত বলছি—ওর দিক ত টানবই! ওয়ে আমার বন্ধু! কিন্তু তুমিও কি তাই-ই নও? বল, তুমি কি আমার শত্রু?

সন্তানবতী রমণীর কোমলচিত্তের করুণ স্বরে আমার বুকের মধ্যে হাতাকার ভেগে উঠলো। ইচ্ছা হ'তে গাগল - এর ঐ কুসুম সুকোমল স্তন্য দেহটি জড়িয়ে ধরি।

ছবিও মা মুদ্রস্বরে বল্লেন—তুমি যাই কেন ভাবনা ভাই, আমি ত জানি আমি তোমাকে বন্ধু ভেবেই নিয়েছি। বয়সে তোমাদের চেয়ে আমি অনেক বড়, সাতছেলের মা বড়ী হ'তে পারি। কিন্তু রমণী ত। তুমিও যা, আমিও তাই—তোমাকে সাগ্রহে গ্রহণ করতে বন্ধুত্বের আসনে বসাতে একটি মিনিটও আমার দেরী হয় নি। তারপর তোমার করুণ কাহিনী শুন্তে শুন্তে আমার বুক ভেসে গেছে চোখের জলে—সে জলে ধৌত হ'য়ে তুমি যে সোনার মত হ'য়ে গেছে আমার চোখে।

একটু থেমে আবার বল্লেন—তোমার মত অবস্থার একটি ছেল' আমি

কল্পনা করতে পারি, কিন্তু মেয়ে শুনেই আমার সর্বাঙ্গ খসে যেতে লাগল। যতই লেখা পড়া শেখ, মেমেদের মত দ্বাধীন হ'য়ে পথে পথে ঘুরে বেড়াও বাঙালীত্ব কি যায় ভাই? বাঙালী যে মনে প্রাণে, বাঙালী! বারো বছর পার-না-হতেই বাপ মায়ে ভেবে অস্থির হয়ে পড়ে—এদেশে, সে কি খেতে দিতে পারে না বলে—না-কি?

আজ সত্য বলচি - তাঁর কথা আমার ধৈর্য্যচূড়তি ঘটায় নি, বরং সিক তার বিপরীত। আমার মন যেন উন্মুখ হ'য়ে বেরিয়ে পড়েছিল তার মুখের সামনে।

ছবির মা হেসে বলেন - খেতে তারা খুব দিতে পারে, কিন্তু মেয়ের কি তখন ক্ষুধা আছে ছাই পাঁশ! সে তখন কবিতা নিখছে, রাস্তায় উকি মেয়ে হাই তুলছে। ভাই সব চলে এ পোড়া দেশে—কিন্তু মেন হ'বার অনেক বাধা, অনেক বিপত্তি, সে কাটিয়ে যাবার জো-টি নেই। যেখান দিয়ে যে দিক দিয়ে, যাও, বাঙালীত্ব তোমাকে পেয়ে আছে—তুমি কেন যতই ছাড়াতে যাও না, সে তোমাকে কচ্ছপ কামড়ে বসেচে, ছাড়বে না।—বলে তিনি মুক্তকণ্ঠে হাসতে লাগলেন। অনেকক্ষণের পরে ঘর থেকে ভূতটা যেন বেরিয়ে গেল, আমিও সহজ ভাবে নিঃশ্বাস ফেলবার অবসর পেলাম।

ছবির মা বলেন—আমার মেয়েকে আমি লেখাপড়াও শেখাচ্ছি, ও এইবার ফোর্থ ক্লাসে উঠেছে ঐ পর্য্যন্ত খতং। আসচে বছরই;...।

ছবির তাতে লজ্জা হ'তেও দেখলাম না। স্ফুটনোন্মুখ গোলাপটির মত তার মুখের রক্তাভা ত চিরদিনের সম্পত্তি—বৈচিত্র্য কিছুই দেখলাম না। সে প্রশান্ত নয়নে সম্মতি জ্ঞাপন করছিল।

তার মা বলতে লাগলেন — একটু আধটু ইংরাজীটা জানা রইল, ঠিকানাটা আসটা চিঠিটা পত্রটা চিন্তে পারবে। বিলিভী গহনার দোকানের তালিকা পড়তে পারবে — কাজ হয়ে গেল। বাস্!

আমি তাঁর অফুরন্ত হাশ্বে বাধা দিয়ে বললাম — খার সঙ্গে ছবির বিষে দেবেন। ছবিঃ যে তা'কেই ভালো লাগবে জানলেন কি করে?

কেন বেশ সহজ করেই! আমার বাপ মা ও যে এমনি কবেই দিখেছিলে :ন আমার কি তাতে কম ভালো লেগেছে?.....আরে বাপু, পয়সা ত কেউ কম নেবে না। আমার যদি বাস্তু ভক্তি থাকে, ইন্দ্র চন্দ্র বক্রণকেও জামাট করতে পারি। যদিও বাশালীর সঙ্গেই মেয়ের বে দেব আমার, তবু বলচি যারা অল্প জাতের সঙ্গেও বে দেব তাদের সঙ্গে আমার মিল আছে। আমিও যদি বেশী বয়সে ছবির বে দিতাম, তা'হলে কি হত দলা যায় না, কিন্তু এত কমবয়সে আমি কোনজাতের সঙ্গেই গাপ খাটবে না — তাতে আমারও মাতৃগর্বে যা লাগবে, তাদেরও সুখ হ'বে না।

আমি জিজ্ঞাসা কবলানি, তবে এত অল্প বয়সে বিয়ে দিচ্ছেন কেন?

ছবির মা বললেন, আমি কি আর কিছু রোগে দিচ্ছে ভাই, রোগে দিচ্ছে!.....আর পাঁচ রকম দেখে শুনে রোগ বেড়েই যাচ্ছে ভাই, কমবার নামটি নেই।

কি এমন দেখেছেন কে জানে — যে তাঁর মত এমন দূঢ় হ'য়ে গেছে এই আমি ভাবছি, তিনি বলে উঠলেন কিছু মন কব না ভাই, তোমাকে দেখেই এ সব আমি ভেবেচি।

আমাকে?

তোমাকে। কিসে আমি আঁব সে কথা নাই বা বললাম। কুথাটা

দিশেহারা

ত আর মিথ্যে নয়।—চট না ভাই, চটবার কথা কিছুই নেই এর ভেতর—
তুমিই বল দেখি, ঘর ছাড় নি কি তাকে বে করতে। কলকাতায় নয়
বাইরে গেছে—কিন্তু কেন জানিনা, তা'কে আর তোমার ভালো
লাগচে না।

ঘুরে ফিরে আমার প্রসঙ্গই আলোচিত হ'তে লেগেচে, কিন্তু এ তর্কে
আমি যেন একেবারে ডুবে গেছলাম, অন্য কিছু লক্ষ্য করবার আমার
সময় নেই, কি একটা কথা বলতে যাচ্ছি—ছবির মা, আমার মুখেঃ গানে
চেয়ে বলেন—বল দেখি ভাই, কি ঢাও তুমি ?

প্রশ্নটা এমন আকস্মিক আর অস্বাভাবিক যে সহসা আমাদের চোখ
নামিয়ে নিতে হল।

শুন্তে পেলাম, লীলা বলচে, ও বলবে কি :—আমি বলছি.....

তার দীপ্তকণ্ঠ আচ্ছন্ন করে সেন ডাকলেন—লীলা।

জ্বলন্ত আগুনে এক কলস জল ঢেলে দিলে যেমন ফোন্ ফোন্ করে,
লীলা ভেমনি করে বেরিয়ে গেল। ছবি, ছবির মা—এরাও চলে গেল।

হিংস্র চোখের দৃষ্টি দেখেই যে কথাটা লীলা অসম্পূর্ণ রেখে গেল—
তা আমার মনে একেবারে জন্ জন্ করে উঠল।

ত্রয়োবিংশ পরিচ্ছেদ ।

উৎসব-মন্দিরে ।

একামিনিট পরে সেন ঘরে ঢুকে বলেন—আমুন ত একবার !—
আমি তার কাছে আসতেই তিনি পিছু ফিরে ঘরের দিকে চলতে
লাগলেন । পোষা হরিণাটির মত তাঁকে অনুসরণ করে যে ঘরটায়
ঢুকলাম—সেটা ঠাকুর ঘর বলেই মনে হ'ল । ঠাকুরঘর ত আর সারাজীবনে
একটিও দেখি নি—ভাল করে—ঠিক বুঝতে পারলাম না । সেনের
বাঁহাত বাঁকে মাঁকে ইলেকট্রিক আলো, আর ঠাকুরের ঘরটা দিনেও
অন্ধকার—কি-জানি এ-কেমন ব্যবস্থা !

ভেতরটায় চেয়ে দেখি, তাই বটে । তখন আমার মন যেন কি-রকম
হ'য়ে গেল । আমি বললাম—কি বলুন, ভেতরে আমি যাব না ।

সেন কোমল স্বরে বলেন—'ছঃ ! এ-বে দেবতা, ভগবান ! অশ্রদ্ধা
করতে আছে কি ? চলুন...

এখানে টেনে আনার কোন কারণই আমি খুঁজে পেললাম না ।
বার বার সেই অন্ধকার ঘরটার ভেতর দৃষ্টি করতে করতে আমার মন
সেই সেই গৃহবিয়োগিত অন্তর্যামীকেই প্রশ্ন করতে চাইলে—তুমি ত সব
জান, ঠাকুর, বল ত এর কারণ কি ?

শুধু সেন নয় আর একজন ঢুকল,—সে দিব্যোশ !

বোধ করি তার কথাই পাঁচমিনিট আগেই আমি শুনেছিলাম লীলার
কাছে । আর কি শুনেছি, তা'ও ভুলি নি । লীলা হাতে পায়ে ধরে
অপূনয়-স্নান করে ধরে এনেছে আমাকে দান করতে ! আমার

দিশেহারা

সন্ধ্যায়ে অগ্নিবৃষ্টি হ'তে লাগল, সে সেই দান নিতেই উল্লসিত হ'য়ে এসেছে। তবুও আমি চুপ করেই রইলাম। তখনও আমার মনে মনে ঋব বিশ্বাসই যেন ছিল এই যুগিত প্রস্তাবটা সেন অস্ততঃ কখনই করবেন না।

কিন্তু হারে আমার বিশ্বাস, আর হা আমার আশা! এতদিনেও, এত শিকার পরেও যে কেন তার চৈতন্য হয় নি, তাই ভাবি আমি। তাকে দেখেই যদি আমি ঘর ছেড়ে বেরিয়ে যেতাম, কি এমন একটা কিছু করতাম যার বলেই দিব্যেটা আত্মরক্ষা করতে ছুটে পালিয়ে যেত, তা হ'লে আর কোনদুঃখই আমাকে ভোগ করতে হ'ত না।

সেন একটু একটু করে আমার কাছে সরে এলেন। সেই প্রায়াক্ষকার ঘরের ভিতরে আমি তাঁর মুখ স্পষ্ট দেখতে পেলাম না, কেবল গুন্ডে পেলাম, সেন বল্লেন—সোণা, এই দেবতার সম্মুখে আজ তোমাকে এমন একটি জিনিষ আমি দান করব যা চিরদিনই রমণীজাতির অতীব প্রিয়, অত্যন্ত কামনার, একান্ত ঈপ্সিত!— বলে' তিনি আমার হাতটি তুলে নিলেন। আশ্চর্য্য, তখনও আমি প্রতিবাদ করতে পারলাম না।

সেন আমার হাত তুলে নিয়েই নিরস্ত হলেন না, তিনি দিব্যেশের একটা হাত ধরে বল্লেন—সোণা, তোমার পিতা নাই, মাতা নাই, একমাত্র আমি আছি—বোন, ভগবান সাক্ষী করে.....

ভগবানের নামেই যেন কেঁপে উঠে হাতটা ছাড়িয়ে নিয়ে বল্লেন—
আত্মীয়তা স্বীকার করলে ত?

আমার মনে আছে, সেন আঘাতিত হ'য়ে এক মুহূর্ত চুপ করেই ছিলেন, তার পর আন্তে আন্তে বল্লেন—আত্মীয়তা স্বীকার কর না?

দিশেহারা

না—বলে আমি ঘর ছেড়ে বেরিয়ে যাব, দেখি সামনে লীলা।
এতক্ষণ আমার হৃদয় করবার ক্ষমতা পূর্ণ মাত্রায় বিরাজ করছিল, কিন্তু
রমণীর সম্মুখীন হ'তেই রমণীর সব জারিজুরি ভূমিসাৎ হয়ে গেল।

সেন বল্লেন—লীলা সোণা দিব্যশকে চায় না।

লীলা আরক্তদৃষ্টিতে আমার মুখের পানে চেয়ে উচ্চকণ্ঠে বলে
উঠলো, সে আমি জানি। কিন্তু দিব্যশবাবু, আপনি অমন মুখটি চূর্ণ
করে' দাঁড়িয়ে রয়েছেন কেন? ওর মা'র কাছে না আপনি অঙ্গীকার
করেছিলেন যে ওকে বিয়ে করবেন? এই ত কাল বাত্রেও আমাদের
কাছে বল্লেন, এরই মধ্যে ভুলে গেলেন না-কি?

দিব্যশ যেন সাহস পেয়ে আক্রমণ করার মতই আমার পাশে এগিয়ে
এল। সে হাতটা বাড়াতাই আমি “সরে যাও” বলে একেবারে সিংহাসন
শায়িত শিলার কাছটিতে দাঁড়িয়ে পড়লাম।

লীলা আবার বল্লেন—তবু দাঁড়িয়ে আছেন? আপনি কি?...

দিব্যশের গলা দিয়ে কথা উঠবার আগেই আমি বল্লাম—ও-কি
তা আমি জানি, আপনারাও যে না জানেন তা নয়—কিন্তু আপনি
আমাকে বলতে পারেন—আপনি কি সত্যিই রমণী? বিধাতা কি
আপনাকে নারী সৃষ্টি করেছেন? না নারীর খোলস এঁটে.....

লীলা ছমড়া খেয়ে পড়তে পড়তে বল্লেন—খোলস এঁটে?

আমি তা'তেও ভয় পাই নি, কিসের ভয়, আর কা'কেই বা!
বল্লাম—বেশ ত ছিলেন—খাসাটি! বড় লোকের ঘরের বো; একেবারে
কল্পতরুটি হ'য়ে ছিলেন? উঁচু' দিকে চেয়ে সবাই বাহবা দিচ্ছিল, কেন
হঠাৎ আমাকে ঘাঁটাতে এসে স্বরূপ দেখিয়ে ফেলেন?

দিশেহারা

লীলার যে বাকাস্কুর্তি হ'চ্ছে না, সে আমি এখন ভেবে পাচ্ছি. কিন্তু তখন আমার জালা যে খুঁচিয়ে দিয়েচে তা'রই হাতে প্রথম তেজটা লাগিয়ে দিতেই ব্যস্ত ছিলাম—বল্লাম -খাসা ছিলেন! কেন এলেন মধ্যস্থ করতে? কেউ ত ডাকে নি আপনাকে?

তুমি—তুমি—তুমি.....

আমি বলছি আপনাকেই, যে আমার হিতচেষ্টা না করতে আসাই আপনার উচিত ছিল। আমি ত চাই নি, কোন দিনই আপনার হাত ধরে সেধে বলি নি, মাথার দিব্য দিয়ে যে... ..

আমার কথায় বাধা দিয়ে লীলা বলে—তা ডাকবে কেন? আমি যে তোমার চক্ষুশূল! আমার মাথাটি খেতেই যে রাগসী মায়ায় রূপসী সেজে ঢং করে বেড়াচ্চ! আমাকে ডাকতে পার!—লীলা লজ্জায় ঘুণায় আঙুণের মত লাল মুখখানা ফিরিয়ে নিলে।

আমি তীব্রতেজে প্রথম চাইলান, সেনের পানে—তিনি অধোবদন। তার পর দিব্যেশ, সে-যেন একেবারে মৃত! শেষে লীলার দিকে চেয়ে কি বলতে যাচ্ছি, লীলার প্রবলকণ্ঠে আমার স্বর বন্ধ হ'য়ে গেল। লীলা বলে—আবার খাতা বগলে নিয়ে এসেছেন, সতীগিরি ফলাতে! গলায় দড়ি দিতে পার নি, খাতা দেখাতে এনেছ। লজ্জাসরমের মাথাটিও খেয়ে বসে আছ, গলায় দড়ি, গলায় দড়ি!—সে-যেন ঘরের চারিদিক খুঁজাছিল—একগাছা দড়ি আমাকে উপহার দেবে বলে।

তার কথা শেষ হ'তেই আমি তার চেয়েও কঠিনস্বরে বললাম—আমার ত লজ্জাসরম নেই, গলায় দড়ি দিই নি, খাতা বয়ে এনেছি,

দিশেহারা

ঘরের বৌ হ'য়ে এত লোকের সামনে গলাবাজী করতে লজ্জাসরম হয় না আপনাদের বড় লোকের ?

সে মাথা নেড়ে কি বলতে যাচ্ছে, সেন ইঙ্গিতে কি বললেন । আমি শুধু একটা কথাই তার শুন্তে পেলাম—ছিঃ লীলা !

লীলা কিন্তু তাঁর নিষেধ মানে নি । সে খুব তীব্র কণ্ঠেই বলতে লাগল—আমারই মাথা খাবে, আমারই সর্বনাশ করবে তুমি, আর আমি বলতে গেলেই আমার দোষ । বড় লোক, যা-না-তা বলে গাল দেবে ?

মাথা আমি আপনার খাই নি, মাথা যারা খাবার তারা অনেকদিন ধরে আস্তে আস্তে খেতে সুরু করে দিয়েছে, আর তা'তেও যখন আপনার সর্বনাশ হয় নি, আমি গলায় দড়ি না দিলেও কিছুতেই ক্ষতি হই'ব না—বুঝলেন ?

একটুখানি থেমে আমি আবার বললাম—আপনার সর্বনাশ আমি করি নি, বুঝলেন ? যারা করেছে এবং করছে—তা'দের আপনিও জানেন, আমিও জানি । যান্-না একবার বঙ্কিমবাবুর সঙ্গে ঝগড়া করতে ; যান্-না একবার শকুন্তলার বাড়ী....

সেন বাধা দিয়ে বলে উঠলেন—তার নাম কর না সো ।

সঙ্গে সঙ্গেই লীলা বলে - তার পায়ের নখের যুঁগিয়া ত'লেও তোমাকে আমরা মাথায় করে' রাখতাম ।

কারণ পদনখের তুল্য হ'তে পারলে এ হেন সৌভাগ্য হ'ত আমার, তাই ভাবছি, সেন তীক্ষ্ণ অথচ অত্যন্ত সত্নকণ্ঠে বললেন—বঙ্কিমের নাম তুমি করতে পার । সত্যিই আজকের এই চুঃখের মূলই সে ! ঝোঁক না

দিশেহারা

পড়বে তার তোমার 'পরে, না আমি যাব তার আকাঙ্ক্ষা মেটাতে।
তাইতেই এই সর্বনাশ। তার পর—ঐ হতভাগাটা.....

দিবোশ ভয় পেয়ে বেরিয়ে পালাচ্ছিল, আমি খপ করে তার হাতটা
চেপে ধরে বললাম—যাও কোথায় ?

সে ভয়ানক মুখে খপ করে বসে পড়লো।

সেন তার দিক থেকে মুখ ফিরিয়ে বললেন—আপনার পাতাটার
প্রত্যেক কথাটি সত্য, অক্ষরে অক্ষরে। কিন্তু তখন তু আর আমি তা
জানতাম না। জানত এক—ঐ ষ্টিপিড্। আমাদের কাছে তা বলে
নি। শয়তানী মতলবই যে করেছিল.....

দিবোশ কাঁপতে কাঁপতে বলে—বন্ধিম জানত। তা'কে বলেছিলাম
আমি। তোমাকে বলতে সেই বারণ করেছিল।

সেন বজ্রাহতের মত বললেন—বারণ করেছিল। সত্য কথা ?

নারায়ণ সাক্ষী !

তু'টি মিনিট হ'বে বোধ করি সেনের মুখ দিয়ে কথা বেরুল না।
তার পর ছোট ছেলেটির মত গায়ের ধূলা ঝেড়ে ফেলার মত একটু
নড়েচড়ে বললেন—হ'বে। সে-যাক্। কিন্তু শকুন্তলার নাম কর-না। সে
আমাদের তর্কের, সমালোচনার বাইরে!—বলতে বলতে তাঁর স্বর
একেবারে শুক হ'য়ে গেল।

টিক এই সময়ে একটা চাকর বাইরে থেকে বলে উঠলো—বাবক
স্মানেকা কুরসুত নেহি হ্যায় !

সেন দ্বারের সাসনে এসে জিজ্ঞাসা করলেন—ভেট জয়া পা ?

জী জুজুর। বন্ধিনি বাবু কহা কি:.....

দ্বিষ্টম্ভাৱা

আচ্ছা - যা—বলে সেন পূর্বস্থানে ফিরে এলেন। তাঁর মুখখানা অকস্মাৎ কালো হ'য়ে গেল।

‘সমালোচনের বাইরে’ কথাটা শুনেই আমার বিদ্রোহের বুকও দমে গেল। সঙ্গে সঙ্গেই চোখ দু'টি জলে ভরে উঠল। অকস্মাৎ কোন কথা বলতে পারলাম না।

সেন অশ্রুসিক্তস্বরে বললেন সোনা, খিয়েটাবের নটী সেজে নারা-জীবনটাই যে কাটিয়ে দিয়েচে, কত অত্যাচার অনিয়ম, অপমান সহ্য করাই ছিল যার একমাত্র ব্যবসা তার হৃদয়টা যে কি উপাদানে তৈরী তা যদি জান্তে, তা'কে কটু বলতে তোমারই বাখা বাজত! একি কখনো কেউ দেখেছে না শুনেছে যে, চিরদিন রাজদরবারে গান গেয়ে, রাজ-রানীর পাট করে, রঙ মেখে, আলতা লেপে লোক ভুলিয়ে বেড়িয়েচে, ভোগে বিলাসে বাস কবচে—অর্থোপার্জনও বড় অল্প করে নি—সেই একদিন এক নিমিষে সব ত্যাগ করে একেবারে নিঃস্বস্ত হ'য়ে বেরিয়ে গেল। এ-কি কেউ দেখেছে?.....আমি দেখেছি, সোনা! শকুন্তলাকে! ঠিক এমন খালি পায়ে খালি হাতে ফুলী চলে গেল।

কথা বলছিলেন না ত! যেন এক একটি কথা এক গামলা জলের মধ্য হ'তে টেনে বার করছিলেন, এবং কথা শেষ হ'তেই চক্ষের জল টস্ টস্ করে মাটিতে পড়তে লাগল। একটু আগে বিষম ভাবনায় আমি অস্থির হ'য়ে পড়েছিলাম যে কথা ভেবে, সে ভাব আমার দূর হ'ল বটে, কিন্তু কৌতূহল আরো বেড়েই গেল।

• লীলা বলে—সে—আর—এ! হা আমার বরাত!

আরো বিস্ময়!—কি এমন অপার্থিব ছর্ষটন ঘটেচে যে লীলা তার

দিশেহারা

অন্যকেও খিকার দিতে পারছে—আমি খুঁজেই পাচ্ছি না, অথচ এই দম্পতীর কাছে প্রণয় করবার সাহসও কুলোচ্ছে না।

সেন বল্লেন—সে যে কত উচ্ছে যখন ভাবি তখন আমার নিজেকেই এত ছোট মনে হয় যে তার নাগালই আর পাই নে।—লীলার দিকে ফিরে জিজ্ঞাসা করলেন—চিঠিটা তোমার কাছে আছে লীলা ?

লীলা আঁচলের গ্রহি খুলে একটা চিঠি সেনের দিকে ধরতেই সেন আমাকে বল্লেন—তুমি পড় !

ঘরের আলো কম থাকলেও আমার চোখের তেজ যেন দ্বিগুণিত হ'য়ে উঠলো। আমি রুদ্ধশ্বাসে পড়ে গেলাম :—

“প্রিয়বরেষু,—

আজ্ঞ আপনার নিমন্ত্রণ রক্ষা করতে পারলুম না ; আপনারা আমাকে ক্ষমা করবেন। আপনার অভ্যাগত দু'টিকে আমার সাদর সম্ভাষণ জানিয়ে বলবেন তাঁরাও যেন আমাকে মাগ করেন। সোনাকে বলবেন তাকে সুখী দেখবার জন্য আমি অত্যন্ত লালায়িত হ'য়েও যে যেতে পারলুম না—তার কারণ সংসারের না নিজের না পরের কারু সুখ-দুঃখেই আমার যোগ দেবার প্রবৃত্তি নেই, বোধ করি সাহস-ও নেই। সাহস নেই কেননা সে আপনার বাড়ীতেই। সে ত আপনার বাড়ী নয়, সে যে আমার সামনে হিন্দুর দেবমন্দিরের মত অভ্রভেদী শীর্ষ উচ্চ ক'রে দাঁড়িয়ে আছে। কেমন করে অপবিত্র আমি, অশুচি আমি মন্দির ঘাঁরি পার হ'ব ! আমি জানি আমার স্পর্শে সে পবিত্রতা পঙ্কিল হ'বে না, দেবমন্দিরও কলুষিত হ'বে না—কিন্তু আমার পাপের ভরাতেই যে আমি গুড়ে বুড়ে যাব। ছনিয়ার আর কেউ না বিশ্বাস করুন।

দিশেহারা

আপনি যে অবিশ্বাস করেন না—এ ধারণা দৃঢ় না থাকলে আমি বলতে পারতাম না যে আমার দেবতাকে আমি আরাধণাই করতে পারি, স্পর্শ করবার স্পর্শ আমার নেই-ই ! আমার মত নীচ ঘৃণিত জীবনেও এই শিক্ষাই ত পেয়েছি আমি যে সাবান জীবন তাঁর আরাধনা করে যাওয়াই সাধকের সাধনা ! ক'জন পয়ে তাঁকে দেখতে ? কেই বা পারে তাঁকে স্পর্শ করতে !

আমি দেখি নি, তবুও সোনা সুখী হ'য়েছে জেনে আমি শেষ বার আজ স্বর্গসুখে সুখানুভব করছি। আমার সম্বন্ধে তার যে ধারণাই থাক্ আমার হৃদয়ের কতক অংশ যে তারই প্রতি স্নেহে, ভালবাসায় ভরে ছিল—তা আমি আজও অনুভব করতে পারছি। তা'কে আমি অতি শিশুকাল হ'তে জানি, তার মা কদম যখন নেতার চাঁদ ধরে দেওয়ার প্রলোভন এড়িয়েও তা'কে স্কুলে পাঠিয়েছিল। তার মা কদমের ইচ্ছেটা যে সফল হ'য়েছে—এই আমি যথেষ্ট মনে করি। এবং সেই সঙ্গে আপনাকেও ধন্যবাদ দিই।

সোনাকে একটা যৌতুক দেবার আমার বড় সাধ ছিল, কিন্তু কি আর দেব তা'কে। আমার যে আর কিছু নেই, একটি কপর্দকও নেই—কি দেব সোনামণিকে ! আমি ত জানি এই যৌতুকের ভেতর দিয়েই দাতার স্নেহ আশীর্বাদ কত কাল ফুটে থাকে গ্রহীতার মনে ! সেই চিহ্নটুকুও আমি তার হাতে তুলে দিতে পারলাম না, হা হতভাগ্য আমি।

ঘণ্টা দুই আগে একদল ছেলে খালি পায়ে খালি হাতে পথে পথে গান গেয়ে ভিক্ষা করে বেড়াচ্ছিল। কিসের তরে তারা ভিক্ষা সংগ্রহ করছিল আমি তা জানতুম না; এবং আমাদের পাড়াটায় ভিক্ষা যে দেবে

কে তা'ও জানতুম না। আমার বাড়ীর কাছে যখন তারা গাইতে
 আরম্ভ করলে, আমি তখন নিজের বেদনার ভারে প্রপীড়িত আত্মের মত
 শুয়ে শুয়ে কাঁদছিলুম, তারা যেন এই অভাগিনীকেই জাগিয়ে দিতে
 গাইলে—

“শুধুই কেঁদে, শুধুই কেঁদে—কি কাজ ওরে করবি তোরা বল।

বৃথাই হ'বে বার্থ হ'বে—তোদের সোনার চোখের জল।

পাষণ হ'রে, পাষণ হ'রে—

আগুন হ'রে, আগুন হ'রে—

যেথায় শত্রু থাকুক সে-রে

তুই ত আগুন ছড়িয়ে ছড়িয়ে চল।”

আমি ত জানতাম, শত্রুতা করি নি কার সঙ্গে, শত্রুও আমার কেউ
 নেই, তবুও না জানি তা'দের গানে কি ছিল, আমার কান্না রোধ ক'রে
 আমি ছুটে বারান্দায় বেরিয়ে এলাম। যা দেখলাম চোখের পলক
 আর পড়তে চাইল না। সে কি শোভা দেখেছিলাম তা প্রকাশ করবার
 ক্ষমতা আর ঘর থাক—আমার নেই। যেন সে ভারতের সেই আদি-
 কালের এক সুমধুর প্রভাত ; তাপস বালকগণ বাঁণা হাতে গাইতে গাইতে
 চলেছে। তপস্বীদের মতই বেশ তাদের, নির্মল সৌকুমার্যো তা'দের
 মুখ উদ্ভাসিত ! কলকাতার সন্ধ্যাকালে তখনও হয়ত রৌদ্র প্রবেশ করে
 নি, কিন্তু আমার চোখে তা'দের মুখচোখ যেন অরুণকিরণরাগে রঞ্জিত
 বলেই বোধ হ'তে লাগল। আর যে গান তারা গাইছিল সে আমাদের
 এ পাড়ার নয়, আমাদের প্রাণের সঙ্গে তার সহানুভূতি ছিলই না, তবু
 রাজ্যের পুণ্ড্র শব্দে দাঁড়িয়ে ছিল।

দিশেহারা

তারা গাইছিল—“তুই ত আগুন ছড়িয়ে ছড়িয়ে চল ।
শুধুই কেঁদে শুধুই কেঁদে কি কাজ ওরে করবি তোবা বল ।

অন্নহীন সবাই যে-রে
বস্তুহীন তোরাই ত রে
লজ্জা তোদের হয় না ওরে

ছুটে ছুটে চলিস্ (তোরা) বাড়িয়ে তোদের শত্রুদল ।

পশু কাঁদে ধনের মাঝে
কেই না তাতার রোদন বোঝে
তোর কাঁদনও শুনে না কেউ—

তোব যদি না শক্তি থাকে, তাতে পায়েব বল ॥

(ও তোর) ক্ষুদ্র বৃকের সাহস-টুকু,

মায়ের দুঃখে মলিন মুখ
সবার সাথে মিলিয়ে দে ভাই

একটি কণা ভিক্ষা দেবে—মুছে তোদের চোখের জল ।”

তারা আরও গাইছিল ঠিক সেই সময়ে একটি বারো তেরো বছরের
সুন্দর ছেলে কোথা দিয়ে উপরে এসে আমার পাশে দাঁড়িয়ে বলে রাষ্ট্রীয়
মহাসভার সভ্য হ'বেন ? আমি ত নামও শুনি নি কোনদিন এই সভার
তবু বললাম হ'ব ।—বলেই ঘরে ঢুকে ছেলেটির হাত ধরে জিজ্ঞাসা করলাম
কি সভা বলে ? ছেলেটি বলে—ভারতবর্ষীয় রাষ্ট্রীয় মহাসভার । হ'বে মা ?
“হ'ব বৈ-কি কি করতে হ'বে ?” সে একখানা কাগজ দেখিয়ে বলে—

সঙ্গীতবিৎ সদ্গুরু শ্রীযুক্ত অশোককুমার গুপ্ত কর্তৃক সুরে গঠিত—পুরবী, ১৭ :

দিশেহারা

এই কয়লাটা ! সেই কলম দিলে । সহি ক'রে বললাম, কত টাকা ? “টার আনা” “মোটো ?”—আমি যেন হতাশে ভরে গেলাম । ছেলেটি আর একখানা খাতা দেখিয়ে বলে—স্বরাজ ফণ্ডে কিছু দেবে মা ? যা পার.....“দেব ।” ছেলেটি খাতাটি খুলে ফের জিজ্ঞাসা করলে—জোর ত নেই মা, যা পার—তাই দাও । তবুও আমি ভাবছি দেখে ছেলেটি ককণকণ্ঠে বলে উঠলো—কেন ভাবছ মা, এক মুষ্টি চাল আর দু'টো পয়সা দাও, মাথায় করে নিয়ে যাই । আমি তবুও, তখনও নীরব । ছেলেটি বলে, পারবে না মা ? তার অল্প অক্ষরের এই কথা ক'টায় আমার চোখে জল এসে পড়ল । রুদ্ধবেদনে দাঁড়িয়ে উঠে বললাম, দেব—দাঁড়াও । ছেলেটি দাঁড়িয়ে রইল । আমার ইচ্ছে হ'চ্ছিল, সর্বপ্রথম, এই সুকুমার শিশু, যে বেদনা ভরা টলটলে মুখে আমার পাশে দাঁড়িয়ে রয়েছে—আমার দেশের, আমার জননীর সন্তান বলে একবার তা'কে বুকে চেপে সেই মুখে একটি চুষন করে এই শূন্য জীবনটা পূর্ণ করে নিই—কিন্তু পারলাম না । সে আমাকে মা বলেছে, যা কেউ কখনও বলেনি । সে মা বলে ডাকলে, তবুও ‘বাহা আমার’ বলে তা'কে কোলে তুলে নিতে পারলাম না, এমনি হতভাগিনা আমি ! আলমারী খুলে ব্যাকের খাতাটা আমার মিলিয়ে একখানা চেক কেটে খাতার অঙ্ক নিঃশেষ ক'রে তার হাতে দিতেই সে অবাক হ'য়ে বলে—সব দিলে ? একটা নাম লিখে দাও তবে ।

যে নাম সে বলে, তাই লিখে দিতেই সে বেরিয়ে গেল । একটা ধন্যবাদও দিলে না । বাঃ বাঃ । ভারি খুসী হ'লাম তা'তেই আমি । ধন্যবাদ কেন দেবে সে ? আমার কর্তব্য আমি করেছি সে কেন

দিশেহান্না

লৌকিকতা করতে যাবে। বা রে ছেলে! সোনার ছেলে। সোনার ভারতবর্ষের সোনার শিশু সে।

সন্তোষবাবু, আমার আসবাব পত্র বহি কেতাব ছাড়া আর আমার কিছুই নেই। একেবারে নিঃস্ব, নিঃস্বল! সেগুলির ব্যবস্থা সম্বন্ধে আপনিই করে দেবেন একদিন। যাতে হ'ক যেন ক'রে হক। আমার কিছু নেই, নারীর শেষ স্বল চোখের ধলও নেই। সে তাঁদের গানের সঙ্গেই শুকিয়ে গেছে—চোখের জল আর ফেলব না। এই পত্রের ভেতর দিয়েই আপনার সঙ্গে আমার এই শেষ দেখা বনেই আজ লিখতে কুণ্ডা হ'চ্ছে না যে আপনি আমার সংবাদের জন্য সতাই আকুল হ'বেন। আপনাকে ত আমি চিনি! আমাকে নিঃস্ব অসহায় ভাবে পাছে আপনি ছঃখ পান তাই বলে যাই। সন্তোষবাবু, এখন এমন দেশে আমি বাস করব যেখানে ছ'পা চলতে পয়সার দরকার হয় না, গ্রাসাচ্ছাদন চালাতে পরমুখাপেক্ষী হ'তে হয় না—যেখানে সব রূপ অনন্ত, সব প্রেম অনন্ত, কামনা-বাসনা সব অসীম অনন্ত হ'য়ে সেই অন্তহীনে মিলে মিশে একাকার হ'য়ে গেছে—সেইখানে। কিন্তু সে কোথায় জানি নে। শুধু এই জানি সে এখানেই, এই ভারতেই। স্বর্গে না হ'তে পারে, অল্প স্বর্গ আমি চাই-ও নে—এই ভারতেই জন্ম-জন্মান্তর ধ'রে, এখানেই আমি বেঁচে মরে, হাসি-কান্নার লীলাখেলা করে যাব। ইতি—

আপনার মেহতৃপ্ত

“শকুন্তলা।”

পড়া শেষ হ'তেই সজল চোখে চেয়ে দেখি সকলের চোখেই মুক্তার মত বারিবিন্দুগুলি টল্ মল্ করছে। একটু বাতাস পেলেই ভরুটি মেঘ

: দিশেহারা

যেমন জল ছড়িয়ে ফেলে দেয়—আমি চাইতেই তাঁদের মুখগুলিও ভেসে
গেল ।

আমি বসে পড়ে ছ'হাত বাড়িয়ে সেনের পা চেঁপে বললাম—তারপর !
সন্তোষবাবু, ফুলী কোথায় ? সে আছে ত ?

সেন রুদ্ধকণ্ঠে বলতে লাগলেন—আছে বৈ-কি সোনা ! এত যার
মায়া, এত যার টান্—সে কি ত্যাগ করতে পারে কখনও ।

আমি তা জিজ্ঞাসা করি নি । সে কোথায় বলতে পারেন ?

না—তা জানি নে । তবে সে আছে—যেখানেই হ'ক আছে ।
এই ভারতবর্ষ, এই ভারতের অধিবাসীদের ত্যাগ করে সে যাবে না ।
এত কষ্টের, দুঃখের সঙ্ঘর্ষ নিঃশেষ যে করতে পেরেছে—সে কি পারে
দেশ ছাড়তে !

সে আমিও জানি । শুধু আমি জানতে চাই সে কি বেঁচে আছে ?
আপনি বলুন সে আত্মহত্যা করে নি ?

সেন বললেন—বেঁচে ? আছে বৈ-কি ! সে কি মরতে পারে ?
সে যে দেশের কাছে দশবাসীর কাছে মৃত্যুঞ্জয় ! তার কি মৃত্যু আছে ?

তবুও আমি বা জানতে চাই তা স্পষ্ট হ'ল না । আমিও শুনি নি
সেই গান, আমি ত দেখি নি সেই তাপস বালকদের গৈরিক রঞ্জিত
সুকুমার দেহ, তবু মনে হ'তে লাগল—আমিও শুনিছি, আমিও দেখিছি—
তারা আমার পাশে দাঁড়িয়ে ভিকার পাত্র বাড়িয়ে বলছে - ভিক্ষাং দেহি !
যা শুনে ফুলী—না, না শকুন্তলা, সেনের দেওয়া নামই সে গ্রহণ করেছিল
— শকুন্তলা সর্বস্ব দান করে গৃহত্যাগ করেছে ।

সেন বললেন—তার সন্ধান আমরা হয়ত পাব না কোন দিনই কিন্তু
দিশেহারা ..

আমাদের সামনে সে-যে চিরদিন আকাশের চন্দ্রসূর্য্যের মতই দীপ্ত হ'য়ে থাকবে—কোন আকাশের কোন মেঘই তা'কে আচ্ছন্ন করতে পারবে না, এই আশাতেই তা'কে হানিয়েও আমার ক্ষোভ নেই। নাহি বা পেলামি তা'কে দেখতে না-ই বা পেলাম তার সন্ধান.....

না, না তার সন্ধান আমার চাই। আমি তা'কে খুঁজে বার করব। যেখানে পাবি, মেনন করে পাবি।

সেন কি বলতে এসেছিলেন, তার অদমর না দিয়েই আমি কাতরকণ্ঠে বলে উঠলাম—সন্তোষবাবু, অনেক দয়াই আপনার আমি পেয়েছি, শেষাশেষি সেটুকু থেকে আমাকে বঞ্চিত করবেন না।

সেন-ও অশ্রুবিগলিতস্বরে বল্লেন—না সোনা, কোন অপরাধেই তোমাকে জাগ করতে পারব না।

আমি বাষ্পাচ্ছাদিত তাকে অতলে ডুবিয়ে দিয়ে বললাম তার চেয়েও বড় অলুগ্রহেব প্রত্যাশা আমি। বলুন, আমাকে বিমুখ করবেন না।

সেন বল্লেন—তোমাকে! বলি নি সোনা.....

আমার মনে পড়ল, একবার তিনি বলেছেন—অদেয় আমাকে তাঁর কিছু নেই। মনে পড়তেই আবার একমুহূর্তের জন্তু যেন বিছাৎ বলে সমস্ত দেহটা নড়ে উঠলো, তখনই বললাম—যদি কোন দিন সেই তাপস-বালকদের দেখা পান—আমার যা কিছু রইল—তা'দের দিয়ে দেবেন!

তুমি কোথা যাবে, সোনা?

শকুন্তলাকে খুঁজতে।

তা'কে পাবে কি?

প্রাবু না! কেন পার না! দেখবেন আপনি—পাবই একদিন।

দিশেহারা

আপনিই ত বলেছেন—সে ভারতের নারী, ভারতেই আছে, আমিও ভারতের নারী, সারা ভারতবর্ষ খুঁজে শকুন্তলাকে বার করব-ই ।

—আর আমার সেখানে দাঁড়াতে ইচ্ছে হচ্ছিল না । এত বড় এই পৃথিবী, কোথায় খুঁজব আমি তা'কে—এ-সব কোনটাই আমার মনে উঠল না । কেবল মনে হ'ল যে পথেই সে যাক্ - তার লক্ষ্য ত এই ভারতবর্ষ ! আমারও যদি সে-ই লক্ষ্য হয়, পথে সাফাৎ না হয় নাই পেলাম, সেখানে ত পাব । সেখানে তাকে জড়িয়ে ধরে তার ক্ষমা চাইব, তার পা দু'টি চোখের জলে ধুইয়ে দিয়ে বলব ভারতবর্ষ ! ভারতবর্ষ !

সেন আবার বল্লেন—পারবে ?

সামনে হিন্দুর জাগ্রত ভগবান, পাশে আনার নরাজীবনের একমাত্র কাম্য দেবতা, তাঁদের সামনে শপথ করেই আমি বলে উঠলাম—পারব পারব, পারব । আর তাকে না পাই, তাঁকে পাব ; যার নাম করে সে পথে বেরিয়েচে, যার নাম করতে এই সঙ্কীর্ণ হৃদয়ও ক্ষীণ বিস্ফারিত হ'য়ে উঠে তাঁকে ত পাব । সোনার ভারতবর্ষ, জননী ভারতবর্ষ, স্বর্গ ভারতবর্ষ, তাঁকে ত পাব । আর কিছুই চাই না !

আর্চন্বিতে সেন আমার হাত দু'টি তুলে নিয়ে তাঁর কণ্ঠে বেষ্টন করিয়ে দিয়ে বল্লেন—তাই পাও, সোনা, তাই পাও । তুমি আর শকুন্তলা এই দু'টি রমণীই আমাদের হাত ধরে নিয়ে চল—তোমাদের সেই ভারতবর্ষের কাছে, সেই ভারতবর্ষের পথে !

তাঁকে প্রণাম করে', লীলাকে বললাম—লীলা !

লীলা স্বপ্নোথিতের মত বলে উঠলো—ভারতবর্ষ— !

দিশেহারা

সেন উল্লাসে হাততালি দিয়ে বলেন—বাঃ লীলা বাঃ ! বেশ বলেছ—
বেশ বলেছ, ভারতবর্ষ ! বাঃ লীলা বাঃ ! বেশ বলেছ, বেশ বলেছ,
ভারতবর্ষ ! আর একবার বল—ভারতবর্ষ !

লীলা আর তার সঙ্গেই আমি বললাম --ভারতবর্ষ !

সেন চোখ বুজে ডাকতে লাগলেন —ভারতবর্ষ, ভারতবর্ষ, ভারতবর্ষ !
ঘরখানার মধ্যে যেন আগুন জ্বলে উঠেছে। যে যেখানে ছিল
আর্তস্বরে আত্মরক্ষা করতে প্রাণপণে ডাকছে—ভারতবর্ষ ! ভারতবর্ষ !
আমার মনে হ'ল এই বজ্রনির্ঘোষ ঘর ছেড়ে পথে, পথ ছেড়ে নগরে, নগর
ছেড়ে দেশ, দেশ হ'তে দেশান্তরে, আকাশ-বাতাস, জল-স্থল কাঁপিয়ে
ছুটে গেল !

দিকশিট ছুটে পালিয়ে গেল ।

লীলা আমার কাঁধে মাথা রেখে, আমার মুখের পাশে মুঁঠু দিয়ে,
চোখে জল, মুখে হাসি করে' আবার বলে—ভারতবর্ষ !

* * * * *

তিনজনে শালগ্রাম শিলার সামনে নত হ'য়ে প্রণাম করে' দাঁড়িয়ে
উঠে—যা আজও শুন্ছি, আকাশে মেঘের বর্ণে দেখছি, চন্দ্রসূর্য
গ্রহতারার বৃকে দেখছি, প্রতি তরুণতায়, প্রতি মানবের মুখে
দেখছি. বিহগের সঙ্গীতে বিহ্বল গর্জনে, সাগর-কল্লোলে, শিশুর
কণ্ঠে নিরন্তর ধ্বনিত হ'ছে—প্রাণের মধ্যে গম্ভীরশব্দে শুন্তে লাগলাম—

ভারতবর্ষ ।

শেষ কথা ।

যে সময় হইতে যে সময় পর্য্যন্ত এই জীবন-যাত্রা আরম্ভ ও শেষ
তাহার অনেকদিনের পরে এই কাহিনী প্রচারিত হইল ।

আজ আর আমার গ্রন্থপাঠের দিন নাই, না আত্মজীবন কাহিনীতে
না উপন্যাসে কিছুতেই আমার শ্রদ্ধা নাই, নতুবা লেখক মহাশয়ের
সনিকরক অসুরোধ উপেক্ষা না করিয়া গ্রন্থটির আগাগোড়া একবার শ্রদ্ধা
দিতাম ।

আমি কিছুই করিতে পারি নাই,—কাজেই আশা করিবাব কিছুই
নাই-ও আমার । সংসারের ক্ষুদ্র সুখ-দুঃখ আশা-আকাঙ্ক্ষাবু ও পড়ার
দিন আমার গেচে । যদি কেহ ভালো বলেন, সেও যেমন উত্তম, খাম্বাপ
বনিতল ও অসুত্তম নহে । ইতি

শ্রীমতী সোণামণি দেবী

